

祭 書

唐 姚思廉 撰

中

書

局

第

四一

卷

至卷五六(傳) 一一一一

梁書卷四十

列傳第三十五

王規 劉瑴 宗懍 王承 褚翔 蕭介 從父兄洽 褚球

劉 弟覽 遵 劉潛 弟孝勝 孝威 孝先 殷芸 蕭幾

亦深器重之,常曰:「此兒吾家千里駒也。」年十二, 五經大義, 並略能通。 規八歲,以丁所生母憂,居喪有至性,太尉徐孝嗣每見必爲之流涕,稱曰孝童。 王規字威明、琅邪臨沂人。 祖儉,齊太尉南昌文憲公。父騫,金紫光祿大夫南昌安侯。 旣長,好學有口 叔父陳

辯。州舉秀才,郡迎主簿。

綱出爲南徐州,高選僚屬,引爲雲麾諮議參軍。 功畢,規獻新殿賦,其辭甚工。拜祕書丞。 起家秘書郎,累遷太子舍人,安右南康王主簿,太子洗馬。 歷太子中舍人,司徒左西屬,從事 **外之,出爲新安太守,父憂去職。** 天監十二年,改構太極殿, 中郎。 服闋, 晉安王

列傳第

 \equiv

十五

王

規

賀、規退曰:「道家有云、非爲功難,成功難也。 有 明 沒,其識達事機多如 封" 無成功。 大太子 南昌 |茲舉。]特進蕭琛、金紫傅昭在坐,並謂爲知言。 · 所禮 縣 我孤 侯,除中書黃門侍郎。 軍無援,深入寇境,威勢不接,餽運難繼,將是役也,爲禍階矣。」俄而王師覆 湘東王時爲京尹,與朝 此 類。 敕與陳郡殷鈞、 士宴集, 屬規 羯寇遊魂,爲日已久,桓溫得而 琅邪王錫、 普通初,陳慶之北伐,剋復洛陽 爲酒令。 范陽 規從容對曰:「自江左 張緬 同侍東宮, 復失,宋武 ,百僚稱 以來,未 俱 爲 昭

前 爲 叉美。 騎 左 百尺無枝。 月貞威 常常 民 守宰皆傾意附之,是時珍宗假還,規遇之甚薄,珍宗還都,密奏規云 與 時 侍、 尙 六年,高 湘 年 書,郡 將 高 東 四 軍 加 王 十 驃騎晉安王長史。 嘉 文辯縱橫,才學優贍,跌宕之情彌遠,濠梁之氣特多,斯實俊民也。 釋令曰: 祖於文德殿餞廣州 吏民千餘 中 焉,卽 庶 詔 子,領步 贈散 日詔爲侍中。 人 威明昨宵奄 詣 騎 兵校尉。 闕請留 常侍、光 其年,王立爲皇太子,仍爲吳郡太守。 刺史元景隆,詔羣臣賦詩,同用五十韻,規援筆立奏,其文 ,表三奏,上不 復 大通三年,遷五兵尚書,俄領步兵校尉。 規辭疾 姐 禄 化,甚 大 夫,賻錢二十萬, 不拜,於鍾山 可痛傷。 許。 尋以本官領 其風 宋熙寺築室居焉。 布 韻 百 遒正, 匹。 右 神峰 軍 「不理 諡 主書芮珍宗家在吳, 將軍,未 日章。 標映, 中大通二年,出 郡 事」。 皇太子 拜,復爲散 千里 大同二年, 爾 俄 一絕迹, 過 出臨 徴爲

非虛說。」規集後漢衆家異同,注續漢書二百卷,文集二十卷。 永歸長夜,金刀掩芒,長淮絕涸。 去歲冬中,已傷劉子,今茲寒孟,復悼王生,俱往之傷,信

中。其年,遷左僕射,參掌如故。三年,江陵陷,入于周。 武將軍、南平內史,俄遷吏部尚書、侍中。 馬、兼東宮管記,遷司徒屬,秘書丞,出爲安成內史。太清中,侯景陷京城,江州刺史當陽公 冠,舉秀才,除秘書郎,太子舍人,以父憂去職。服闋,襲封南昌侯,除武昌王文學,太子洗 大心舉州附賊,賊轉寇南中,褒猶據郡拒守。 子襃,字子淵。〔三〕七歲能屬文。外祖司空袁昂愛之,謂賓客曰:「此兒當成吾宅相。」弱 承聖二年,遷尚書右僕射,仍參掌選事,又加侍 大寶二年,世祖命徵褒赴江陵,旣至,以爲忠

|褒著幼訓,以誡諸子。其一章云:

人也, **冬脩夜,朱明永日,肅其居處,崇其牆仞,門無糅雜,坐闕號呶,以之求學,則仲尼之門** |文王之詩曰:「靡不有初,鮮克有終。」立身行道,終始若一。 「造次必於是」,君子之 陶士衡曰:「昔大禹不吝尺璧而重寸陰。」文士何不誦書,武士何不馬射。若乃玄 以之爲文,則賈生之升堂也。 古者盤盂有銘,几杖有誡,進退循焉,俯仰觀焉。

儒 家 則尊卑等差,吉凶降殺。 君南面而臣北面,天地之義也。 **鼎俎奇而籩豆偶**,

列傳

崇周 滅循 陰陽之義 、孔之教,兼循老、釋之談,江左以來,斯業不墜,汝能脩之,吾之志也。 道,明因 也。 辨果,偶凡成聖,斯雖爲教等差,而義歸汲引。 道家 (則墮支體,黜聰明,棄義絕仁,離形去智。 吾始乎幼學,及于知命,旣 釋氏之義, 見苦斷習,

初,有

沛國

劉

一穀、南陽宗懍與襃俱爲中興佐命,同參帷幄。

如故。 令,稍遷湘東王記室參軍,又轉中記室。 亦竭力盡忠, 劉穀字仲寶,晉丹陽尹眞長七世孫 甚蒙賞 遇。 歷尚書左丞, 也。 御史中丞。 太清中,侯景 少方正有器局。 承聖二年, 《亂,世 祖 自國子禮生射策高第,爲寧海 承制上流,書檄多委穀焉, 遷吏部尚書、 國子祭酒, 瑴

晝夜 累遷吏部郎中,五兵尚書,吏部尚書。 建成、廣晉等令,後又爲世 宗懍 不倦,鄉里號爲「童子學士」。普通中,爲湘東王府兼 字元懍。 八世祖承,晉宜都郡守,屬永嘉東徙,子孫因居江陵焉。 祖 荆州 別駕。 承聖三年,江陵沒,與穀俱入于周。 及世祖 即位,以爲 記室,轉刑 (尚書郎,封信安縣侯,邑一千戶。 獄,仍掌 書記。 **懍少聰敏** 歷 好學, 臨 汝、

列傳第三十五 王承 褚翔

太守。 |儉 論 黄門侍郎 及父陳嘗爲 ,造次儒 舍人,南 王承字安期,僕射陳子。 爲政寬 兼國 者。 康 惠,吏民悅之。 此職,三世 在學訓諸生,述禮、易義。 子博士。 王文學,邵陵王友,太子中舍人,以父憂去職。 爲國師,前代未之有也, 時膏腴貴遊,咸以文學相尚,罕以經術爲業,惟承獨好之, 七歲通周易,選補國子生。 視事未期,卒於 中大通五 郡,時年四十一。 當世以爲榮。 年,遷長兼侍中, 年十五,射策高第,除祕 服 諡曰 外 之, 闋,復爲 I章子。 俄 出爲戎昭將軍 轉國子祭酒。 中舍人,累遷中 書郎。 發言 東陽 承 叶 書 祖 歷

即承弟穉也。 高 論,以忤權 承性簡 貴 右,常指异門曰 當時惟承兄弟 有 風 格。 時右 「此中輻 及褚鄉不 衛朱异當朝 至异門,時以 輳,皆以 用事 ,每休下,車馬常塡 利往,能 此稱之。 不 至者,惟有大小王東陽。」小 闸。 時有魏郡 申英好危言 東陽,

旭 向, | 踐阼,選補國 字景政,年數歲,父母 褚翔字 世 舉, 子 生。 河南陽翟 起家秘 相繼亡沒,向哀毀若成人者, 人。 書郎, 遷太子舍人, 尚書殿中郎。 會祖淵, 齊太宰文簡公, 親表咸異之。 佐命齊室。 出爲安成內史。 旣長, 祖秦, 淹雅 太常穆子。 有 還除太子 器量 一,高 父

洗馬, 上。」論者以爲擬得其人。 長史,三年,卒官。四外兄謝舉爲製墓銘,其略曰:一弘治推華,子嵩慚量;酒歸月下,風淸琴 風 [儀端麗,眉目如點,每公庭就列,爲衆所瞻望焉。 `中舍人,累遷太尉從事中郎,黃門侍郎,鎭右豫章王長史。 大通四年,出爲寧遠將軍北中郎廬陵王 頃之,入爲 長兼侍中。 向

郎,去郡,百姓無老少追送出境,涕泣拜辭。 翔 焉,卽日轉宣城王文學,俄遷爲友。時宣城友、文學加它王二等,故以翔超爲之,時論美焉。 通 五 至郡,忽更生枝葉,百姓咸以爲善政所感。 |年,高祖宴羣臣樂遊苑,別詔翔與王訓爲二十韻詩,限三刻成。|翔於坐立奏,高祖異 出 翔 爲義興太守,翔在政潔己,省繁苛,去浮費,百姓安之。 初爲國子生,舉高第。 丁父憂,服闋,除秘書郎,累遷太子舍人,宣城王主簿。 及秩滿,吏民詣闕請之,敕許焉。尋徵爲吏部 郡之西亭有古樹,積年枯死, 中大

部尚 東宮。 翔 出 居 「爲晉陵 其年 小選公淸,不爲請屬易意,號爲平允。 冬,侯景圍宮城,翔於圍內丁母憂,以毁卒,時年四十四。 太守,在郡未期,以公事免。 俄復為散騎常侍,侍東宮。 俄遷侍中,頃之轉散騎常侍,領羽林監,侍 韶贈本官。 太清二年,遷守吏

翔 少 有 孝性。 爲侍 中 時,母 疾篤,請沙門祈福,中夜忽見戶外有異光,又聞空中彈指,

及

、曉疾遂愈,咸以翔精誠所致焉

列 傅 第 Ξ + 五 蕭 介

蕭 介字 茂鏡,蘭 陵 人也。 祖 思 話, 宋開府儀同三司、尚書僕射。 父 惠蒨, 齊 左民 尚

子舍· 人。 介 少穎 八年,遷尙 悟, 有 器 書金部 識, 博涉 郎。 經 史, <u>+</u> = 兼 年,轉主客 善屬 文。 郎。 齊 永元 出 爲吳 末,釋褐著 令,甚著聲 作佐 績。 郎 湘 天 監六年,除太 東 王 聞 介

思

共

遊

處,

表

請之。

普通

三年,

乃以介爲湘東王諮

議參軍。

大通

年,

除

給

事

黄

門侍

大同 蕭 介甚 年 貧, ,武陵王爲 可處以 揚州 郡。 刺 敬容未 史,以介爲府長 對,高 祖 史, 曰:「始興 在 職 清白, 郡 頃 無 爲 良守,嶺 朝廷 所 稱。 上 民頗 高 祖 不 安, 謂 何 可 敬容 以 介 爲

之。」由 會侍 是出 中 闕 爲 選 始興太守。 司 舉王筠等 介至任, 四人,並不 宣布 威 稱旨 德, 高高 境內肅清。 祖 日 我門中 七 年, 久 徴 無 爲 此 少府 職,宜 卿, 用 蕭 尋 介 加 爲 散 之。 騎

常

介博 物 强 識 應對 左右,多所匡正, 高 祖 甚 「重之。 遷都官尚 書, 毎 軍 國 大事 , 必 先詢 訪 於 介

謁 者僕 射 魏 祥 就 拜 光 祿 大夫。

焉,

高

祖

謂

朱异

日

「端右之材

也。」

中大同二年,辭疾致事,高

祖

優

詔

不

許,

終不

·肯起

侍。

太清 中,侯景 臣 抱 患 私 於 門, 渦 竊聞侯景以渦陽敗績,隻馬歸命,陛下不 陽 敗走,入 壽陽,高 祖 敕 防 主 |幸黯 納之,至介聞 悔 前 禍,復敕容納。 而 表 諫

臣聞凶

景獸心之種,鳴鏑之類。 歡墳土未乾,卽還反噬。 是 者所以不逆細流,正欲以屬國降胡以討匈奴,日以冀獲一戰之效耳。今旣亡師失地,直 歸晉,還背晉以構妖。 人之性不移,天下之惡一也。 境上之匹夫,陛下愛匹夫而棄與國之好,臣竊不取也。 何者。狼子野心,終無馴狎之性,養虎之喻,必見飢噬之 逆力不逮,乃復逃死關西,宇文不容,故復投身於我。 以凶狡之才,荷高歡翼長之遇,位忝台司, 昔呂布殺丁原以事董卓,終誅董而爲賊, 任居方伯, 劉牢反王恭以 然而 陛下前 高 侯

類 君 何可 親 如 若 ,具陳。 遺芥,豈知遠慕聖德,爲江淮之純臣!事跡顯然,無可致惑。 國家猶待其更鳴之晨,歲暮之效,臣竊惟侯景必非歲暮之臣,棄鄉國如脫屣,背 一隅尙其如此,觸

臣 忝爲宗室遺老,敢忘 臣 ·朽老疾侵,不應輒干朝政;但楚囊將死,有城郢之忠,衞魚臨亡,亦有屍諫之節。 劉向之心。 伏願天慈,少思危苦之語。

高祖省表歎息,卒不能用。

變,言笑自若,介染翰便成,文無加點,高祖兩美之曰:「臧盾之飲,蕭介之文,卽席之美也。」 衣 之遊 介 性高 初,高 簡, 祖 少交遊,惟 招延後進二十餘人,置酒賦詩,臧盾以詩不成,罰酒一斗,盾飲盡,顏色不 與族兄琛、從兄眎素及洽、從弟淑等文酒賞會,時人以比謝氏鳥

年七十三,卒於家。

第三子允,初以兼散騎常侍聘魏,還爲太子中庶子,後至光祿大夫。

猛、民俗便之。還拜司徒左長史,又敕撰當塗堰碑,辭亦贍麗。六年,卒官,時年五十五。 侍,兼御史中丞,以公事免。頃之,爲通直散騎常侍。恰少有才思,高祖令製同泰、大愛敬 清身率職,饋遺一無所受,妻子不觅飢寒。還除司空從事中郎,爲建安內史,坐事免。久 有詔出舉哀,賻錢二萬,布五十匹。集二十卷,行於世。 之,起爲護軍長史,北中郎諮議參軍,遷太府卿,司徒臨川王司馬。普通初,拜員外散騎常 太子中舍人。出爲南徐州治中,旣近畿重鎭,史數千人,印前後居之者皆致巨富,治爲之, 舉明經,起家著作佐郎,遷西中郎外兵參軍。天監初,爲前軍鄱陽王主簿、尚書□部郎,遷 二寺剎下銘,其文甚美。 二年,遷散騎常侍。 出爲招遠將軍、臨海太守,爲政淸平,不尙威 洽幼敏寤,年七歲,誦楚辭略上口。及長,好學博涉,亦善屬文。 給字宏稱,介從父兄也。父惠基,齊吏部尚書,有重名前世。 齊永明中,為國子生,

褚球字仲寶,河南陽翟人。 高祖叔度,宋征虜將軍、雍州刺史,祖曖,太宰外兵參軍,父

昌寓、王思遠聞球淸立,以此女妻之,因爲之延譽。 球少孤貧,篤志好學,有才思。 宋建平王景素,元徽中誅滅,惟有一女得存, 仕齊起家征虜行參軍,俄署法曹,遷右 其故吏何

長史、南蘭陵太守。入爲散騎常侍,領步兵。尋表致仕,詔不許。 著作如故。自魏孫禮、晉荀組以後,台佐加貂,始自球也。〔八〕尋出爲貞威將軍輕車河東王 拜,復爲太府卿,領步兵校尉。 遷都官尙書。 累兼廷尉,光祿卿,舍人如故。 之,固辭不拜。 年,出爲北中郎長史、南蘭陵太守。入爲通直散騎常侍,領羽林監。七年,遷太府卿,頃之, 軍曲江公主簿。 天監初,遷太子洗馬,散騎侍郎,兼中書通事舍人。 中大同中,出爲仁威臨川王長史、江夏太守,以疾不赴職。 服闋,除北中郎諮議參軍,俄遷中書郎,復兼中書通事舍人。除雲騎將軍, 出爲溧陽令,在縣清白,資公俸而已。 俄遷通直散騎常侍,秘書監,領著作。 遷御史中丞。球性公强,無所屈撓,在憲司甚稱職。 除平西主簿。 出爲建康令,母憂去職,以本官起 俄復拜光祿大夫,加給事 遷司徒左長史,常侍 改授光祿大夫,未 普通四

中,卒官,時年七十。

劉孺字孝稚,彭城安上里人也。 祖勔,宋司空忠昭公。 父悛,齊太常 敬子。

,攜以之官,常置坐側,謂賓客曰:「此兒吾家之明珠也。」旣長,美風采,性通和,雖家人 孺 幼 聰敏,七歲能屬 文。 年十四,居父喪,毁瘠骨立,宗黨咸異之。 服闋, 叔父 **海爲義**

不見其喜慍。 本州召迎主簿。 興

那

累遷太子舍人,中軍 起家 中軍 ·法曹行參軍,時鎭軍沈約聞其名,引爲主簿,常與遊宴賦詩,大爲約所 臨 川王主簿,太子洗馬,尚書殿中郎。 出爲太末令,在縣有淸績。 、嗟賞。

晉安王友,轉太子中舍 人。

劉孺 宴壽光殿,詔羣臣賦詩,時孺 雅陽才,攬筆便應就,何事久遲回。] 其見親愛 孺 少好文章,性又敏速,嘗於御坐爲李賦,受詔 與張 率並醉, 未及成, 高祖 如此。 便成, 取孺手板題戲之曰:「張率東南美, 文不加點, 高祖甚 稱賞之。 後侍

起爲 通二年, 陽 尹丞,遷太子中庶子,尙書吏部郎。 王府記室,散騎侍郎,兼光祿卿。 轉中書郎, 遷散 騎常侍。 兼 中書通事舍人。頃之遷太子家令,餘 三年,遷左民尙書,領步兵校尉。 累遷少府卿,司徒左長史,御史中丞,號爲 出為輕車湘 東王長史,領會稽郡丞,公事免。 如故。 中大通四年,出爲仁威臨川王長 出爲宣惠晉安王長史,領丹 稱 職。 頃之,

列

傅

第

 \equiv

+

五

褚

球

劉 孺

將軍。 史、江夏太守,加貞威將軍。 七年,入爲侍中,領右軍。其年,復爲吏部尚書,以母憂去職。 大同五年,守吏部尚書。 日孝子。 五年,為寧遠將軍、司徒左長史,未拜,改爲都官尚書,領右軍 其年,出爲明威將軍、晉陵太守。 居喪未期,以毁卒,時年五十 在郡和理、爲 吏民所稱。

孺 少與從兄苞、孝綽齊名,苞早卒,孝綽數坐免黜,位並不高,惟孺貴顯。 有文集二

九。

諡

子芻,著作郎,早卒。 孺二弟:覽,遵。

官清 孝綽怨之,嘗謂人曰:「犬齧行路,覽噬家人。」出爲始興內史,治郡尤勵淸節。 聞 著單布。 其 正 有至性,數省視之。 覽字孝智。十六通老、易。 一無所 家人患其不勝喪,中夜竊置炭於牀下,覽因暖氣得睡,旣覺知之,號慟歐血。 私。 姊夫御史中丞褚凐,從兄吏部郎孝綽,在職頗通贓貨,覽劾奏,並免官。 服闋,除尙書左丞。 歷官中書郎,以所生母憂,廬于墓,再期,口不嘗鹽酪,冬止 性聰敏,尚書令史七百人,一見並記名姓。 還復爲左丞, 高祖

通二年,王立爲皇太子,仍除中庶子。 二府記室,甚見賓禮,轉南徐州治中。 遵字孝陵。 少淸雅,有學行,工屬文。 王後爲雍州,復引爲安北諮議參軍、帶邔縣令。 遵自隨藩及在東宮,以舊恩,偏蒙寵遇,同時莫及。 起家著作郎,太子舍人,累遷晉安王宣惠、雲麾

大同元年,卒官。 皇太子深悼惜之,與遵從兄陽羨令孝儀令曰

成采。 乎! 清。 賴故 史,益者三友,此實其人。 鷺徐鳴,未嘗一日而不追隨,一時而不會遇。 武弗之知。 清靜,不以少 鳳一羽,足以驗其五德。 想 美譽嘉聲,流於士友,言行相符,終始如一。 賢從中庶,「私一奄至殞逝,痛可言乎!其孝友淳深,立身貞固,內含玉潤,外表瀾 吾昔在漢南,連翩書記,及忝朱方,從容坐首。 人時相媲偶;而 卿 旣以鳴謙表性,又以難進自居,未嘗造請公卿,締交榮利,是以新沓莫之舉,杜 痛悼之誠,亦當何已。 自阮放之官,野王之職,栖遲門下,已踰五載,同僚已陟,後進多升,而怡然 多爲念,確爾之志,亦何易得。西河觀寶,東江獨步,書籍所載,必不是過。 此子溘然,實可嗟痛。 比在春坊、載獲申晤、博望無通賓之務、司成多節文之科、所 及弘道下邑,未申善政,而能使民結去思,野多 往矣奈何,投筆惻愴。 惟 酒闌 與善人」,此爲虛說,天之報施,豈若此 文史該富,琬琰爲心,辭章博贍,玄黃 耳熱,言志賦詩, 良辰美景,清風 月夜,鷁舟乍動,朱 校覆忠賢, 馴 雉,此亦威 推揚文

列傳

第

爲銘爲集,何益旣往。故爲痛惜之情,不能已已耳。 吾 昨 欲 爲誌銘,並爲撰集。 吾之劣薄,其生也不能揄揚吹獻,使得騁其才用,今者

記室。 詩」,三卽孝儀,六孝威也。天監五年,舉秀才。 十年,出爲伏波將軍、臨海太守。 不守,孝儀爲前歷陽太守莊鐵所逼,失郡。 **綏撫,境內翕然,風俗大革。中大同元年,入守都官尚書。** 長史、行彭城琅邪二郡事。累遷尚書左丞,兼御史中丞。在職彈糾無所顧望,當時稱之。 左遷安西諮議參軍,兼散騎常侍。使魏還,復除中書郎。頃之,權兼司徒右長史,又兼寧遠 遷中舍人。出爲戎昭將軍、陽羨令,甚有稱績,擢爲建康令。大同三年,遷中書郎,以公事 晉安王綱出鎭襄陽,引爲安北功曹史,以母憂去職。王立爲皇太子,孝儀服闋,仍補洗馬, 劉 二年,侯景寇京邑,孝儀遣子勵帥郡兵三千人,隨前衡州刺史韋粲入援。 潛字孝儀,秘書監孝綽弟也。幼孤,與兄弟相勵勤學,並工屬文。孝綽常曰「三筆六 王入爲中撫軍,轉主簿,遷尚書殿中郎。敕令製雍州平等寺金像碑,[10]文甚宏麗。 是時政網疏濶,百姓多不遵禁,孝儀下車,宣示條制,勵精 大寶元年,病卒,時年六十七。 起家鎭右始興王法曹行參軍,隨府益州,兼 太清元年,出爲明威將軍、豫章

紀軍 疾卒。 決。 発。 中庶子、兼通事舍人。及侯景寇亂,孝威於圍城得出,隨司州 世 中,侯景陷京師,紀僭號於蜀,以孝勝爲尙書僕射。 舍人,庶子,率更令,並掌管記。 祖尋宥之,起爲司徒右長史。 出峽口,兵敗,至江陵,世祖以爲黃門侍郎,遷侍中。 **外之,復爲尚書右丞,** 第五弟孝勝,歷官邵陵王法曹、湘東王安西主簿記室,尚書左丞。 與妻子朝夕供事,未嘗失禮。 孝儀爲人寬厚,內行尤篤。 第六弟孝威,初爲安北晉安王法曹,轉主簿,以母憂去 第七弟孝先,武陵王法曹、主簿,王遷益州,隨府轉安西記室。 兼散騎常侍。 大同 第二兄孝能早卒、三三孝儀事寡嫂甚謹,家內巨細, 世以此稱之。 九年,白雀 聘魏還, 集東宮, 有文集二十卷,行於世 爲安西武陵王紀長 承聖中,隨紀出峽口 孝威 兄弟並善五言詩,見重 職。 刺史柳仲禮西上,至安陸,遇 上頌,其辭甚美。 服闋,除太子洗馬, 承聖中,與兄孝勝俱隨 史、蜀郡 出爲信義太守,公事 兵敗,被執下獄 太守。 太清 一於世。 必先諮 累遷中 中、遷

列 傳 第 = + 五

劉 潛

五九

Ŧi.

文

集值亂,今不具存。

簿、後軍臨川王記室。 年五十九。 丞,累遷通直散騎常侍,祕書監,司徒左長史。 兼尚書左丞,又兼中書舍人,遷國子博士,昭明太子侍讀,西中郎豫章王長史,領丹陽尹 治 羣 書。 殷芸字灌蔬,陳郡長平人。性倜儻,不拘細行,然不妄交遊,門無雜客。 幼而廬江何憲見之,深相歎賞。 七年,遷通直散騎侍郎,兼中書通事舍人。十年,除通直散騎侍郎, 永明中,爲宜都王行參軍。 普通六年,直東宮學士省。 天監初,爲西中郎主 大通三年,卒,時 勵精勤學,博

江之故 年十五,沈約見而奇之,謂其舅蔡撙曰:「昨見賢甥楊平南誄文,不滅希逸之作,始驗康公積 愛篤睦,聞 蕭幾字德玄,齊曲江公遙欣子也。 東也。 於朝野。 每見幾,謂人曰:「康公此子,可謂桓靈寶重出。」「三及公則卒,幾爲之誄,時 性溫和,與物無競,清貧自立。 年十歲,能屬文。 好學,善草 早孤,有弟九人,並皆稚小,幾恩 ·隸書。 湘州刺史楊 公則,曲

善之慶。」

左丞。末年,專尚釋教。 子爲,字元專,自己亦有文才,仕至太子舍人,永康令。 釋褐著作佐郎,廬陵王文學,尙書殿中郎,太子舍人,掌管記,遷庶子,中書侍郎,尙書 爲新安太守,郡多山水,特其所好,適性遊履,遂爲之記。 卒于官

劉孝儀兄弟,並以文章顯,君子知梁代之有人焉。 史臣曰:王規之徒,俱著名譽,旣逢休運,才用各展,美矣。 蕭洽當塗之制,見偉辭人,

校勘記

- 敕與陳郡殷鈞琅邪王錫范陽張緬 同侍東宮 「殷鈞 」南史作「殷芸」。
- 於鍾山宋熙寺築室居焉 「宋熙」各本作「宗熙」,據南史及本書處士劉訏傳改。
- 子襃字子淵 「子淵」各本作「子漢」、當是姚思廉避唐諱改、今據周書王聚傳改 回。
- 大通四年出為寧遠將軍北中郎廬陵王長史三年卒官 大通無四年,下又有「三年,卒官」。 四

三顚倒,當有脫譌。

記

- 五 高祖敕 防主韋黯納之 「黯」各本譌「默」,據南史及本書侯景傳改。
- **ベ** U 正欲以屬國降胡以討匈奴 上「以」字,通鑑梁紀一七作「比」。
- [4] 史數千人 南史作「職吏數千人」。
- 台佐加貂始自球也 「自」各本譌「有」,據南史及太平御覽二〇九改正。
- [九]賢從中庶 南史「從」下有「弟」字。
- 〔10〕敕令製雍州平等寺金像碑 「寺」字各本脫,據南史補。
- [二] 第二兄孝能早卒 「能」南史作「熊」。
- [1三] 可謂桓靈寶重出 「重」各本脫,據南史補。
- [] 子爲字元專 南史「爲」作「淸」,無「字元專」三字。

梁書卷四十二

列傳第三十六

臧盾 弟厥 傅岐

守,卒官。 卿,太尉長史。丁所生母憂,三年廬于墓側。 拜黃門郎,遷右軍安成王長史、少府卿。 歷太尉祭酒,尚書主客郎,建安廬陵二王府記室,前軍功曹史,通直郎,南徐州中正,丹陽尹 涉文史,有才幹,少爲外兄汝南周顒所知。 高祖平京邑,霸府建,引爲驃騎刑獄參軍。天監初,除後軍諮議中郎、南徐州別駕,入 臧盾字宣卿,東莞莒人。高祖燾,宋左光祿大夫。 出爲新安太守,有能名。 宋末,起家爲領軍主簿,所奉卽齊武帝。入齊, 服闋,除廷尉卿。 祖潭之,[] 左民尚書。父未甄,博 出爲安成王長史、江夏太 還爲太子中庶子,司農

盾幼從徵士琅邪諸葛璩受五經,通章句。 據學徒常有數十百人,盾處其間,無所狎比。

列

傳第

壉 '異之,歎曰:「此生重器,王佐才也。」 初為撫軍行參軍,遷尙書中兵郞。 盾美 風姿,

止,每 趨奏,高祖甚悅焉。 入兼中書通事舍人,除安右錄事參軍,舍人如故。

果報 |X| 盾 問, 有孝 其處通 性,隨父宿直於廷尉,母劉氏在宅,夜暴亡,左手中指忽痛,不得寢,及曉,宅信 如此。 服制未終,父又卒,盾居喪五年,不出廬戶,形骸枯顇,家 人不復

識 鄕 人 王端以狀聞,高祖嘉之,敕累遣抑譬。

服

闋

除

丹陽

州 國 事 ', 領 會稽郡 丞。 還除 少府卿,領步兵校尉,遷御史中丞。 盾性 公强 ,居憲臺甚 稱 職

尹丞,轉中書郎,復兼中書舍人,遷尙書左丞,爲東中郎武陵王長史,行府

中 狂 逸,乘轝羽衞 中 大通 五年二月,高祖 及會皆駭散,惟盾 幸同泰寺開講,設四部大會, 與散騎郎 裴之禮 嶷然自若,高 衆數萬 祖 南越 甚 嘉 所獻 馴象,忽於衆

盾 志 俄 懷忠密 有詔, 識 加散騎常侍,未拜,又詔 用詳慎,當官平允,處務 曰:「總一六軍 勤恪, 必能 緝 一,非才 斯 戎 政。 勿授。 可 兼 御 史中 領軍 常侍 丞、新 除散騎 如故。」大同 常侍

天監 二年,遷 中 ,吳平侯 中領 軍 蕭景居 領軍管天下兵要,監局 此職,著聲稱,至是盾 事多。 復繼之。 盾為 人敏贍,有風力,長於撥繁,職事 · 甚理

年,疾愈,復爲領軍將軍。 五. 年,出 爲 仁威 浴將軍 ・、吳郡 九年,卒,時年六十六。 太守, 視 事 未 期, 以疾 即日 陳解。 有詔舉哀。 拜光祿 贈侍中,領軍如故。 大 入夫,加 金章 上紫綬。 給

東園秘器,朝服一具,衣一襲,錢布各有差。諡曰忠。

子長博,字孟弘,桂陽內史。次子仲博,曲阿令。 盾弟厥。

流通。 復兼舍人。遷員外散騎常侍,兼司農卿,舍人如故。」大同八年,卒官,時年四十八。 二千石雖募討捕,而寇盜不止。厥下車,宜風化,凡諸凶黨,皆繦負而出,居民復業,商旅 正員郎,鴻臚卿,舍人如故。 厥字獻卿,亦以幹局稱。 然爲政嚴酷少恩,吏民小事必加杖罰,百姓謂之「臧虎」。還除驃騎廬陵王諮議參軍, 遷尙書右丞,未拜,出爲晉安太守。 初爲西中郎行參軍,尚書主客郎。 郡居山海,常結聚逋逃,前 入兼中書通事舍人,累遷

理。 厥卒後,有撾登聞鼓訴者,求付淸直舍人。 高祖曰:「臧厥旣亡,此事便無可付。」 其見 |厥前後居職,所掌之局大事及蘭臺廷尉所不能決者,敕並付厥。 |厥辨斷精詳,咸得其

子操,尚書三公郎。

知

如

此。

傅岐字景平,北地 靈州人也。 高祖弘仁,宋太常。 祖琰,齊世爲山陰令,有治能,自縣

擢 爲 益 州 刺 史。 **父** 翻 ,天監中,歷 山陰、建康令,亦有能名,官至驃 騎諮 議。

都,除 事 太守 固 械 因 盡 尧。 爭 鬭 禮 以 深 日 相 岐 廷尉 和言問之,便卽 俄復 相 ·「古者乃 服 敺 初 歎 而 闋 爲 正 爲 異, 死 後 國 者,死 入兼 疾 舍 子 遽 明 人 有 廢 以 中書 此,於今不 經 ,累遷安西 久之。 家訴 狀 音服。 生,起 聞 通 郡, 事舍 是時 家 岐後 法當 郡錄 中 可行 南 人, 改創 記室, 康王左 去 償 其仇 。」岐 遷寧遠岳 縣, 死, 北 鎭南 民無 郊壇、 |常侍,[三] 遷行參軍,兼 曰:「其若 會冬節 考掠 諮議參 老小 陽 初 Ŧ 流備至, 至, 起岐 ,皆出 ·負信, 記室 軍,兼 岐 監知繕築,事畢 乃放 終不 多 境拜 縣令當 舍 軍 其還家 引咎,郡 人 送, 舍 如 坐, 尚書金部 人 啼 故 如 ,使過 號 主 故 功 者 除始新令。 之聲,聞 移 勿 郎 節 出 獄 憂 母母 爲 於 於數 日 縣, 建康令, 憂去 竟 復 如 3 + 獄 岐 職,居喪 期 縣 里 卽 而 以 曹掾 命 民 反。 脫 至 有

議 臣 貞陽 年, 令侯景自疑當以貞陽易景。 定 者 累遷太 侯 岐 並 美容 然 蕭 之。 淵 僕 衞 明 止 朱异 岐 率 司 博涉能 農 衆 獨 卵, 伐 日 目 高 彭 舍人如 占對 城 高澄 澄 ,兵敗陷魏。 景意不安,必圖禍亂。 旣新 此 故。 大同 意, 得 當復 在禁省十 中, 志 二年 欲 其 與 繼 魏 勢 - , 淵明 (非弱) 好,不 餘年,機 和 親, 遣 其使歲 何 爽 今若許|澄通好,正是墮其計中。 使還, 前 事 事 密 須 和 勿, 和 中 述 邊 ? 再至, 亞 魏 境 此 於朱异。 且. 人 必 欲 得 是設 常遣 更 靜 寇 通 岐接 間 此 息 和 故 民, 年 好 對 7,敕 冬, 令貞陽遣 焉。 事 有 豫 且彭城 太清 爲 司 州 便。」 及 刺 使, 近 史 元

列傳第三十六 校勘記

背盟,莫不歎服。 出 曰:「賊舉兵爲逆,未遂求和,夷情獸心,必不可信,此和終爲賊所詐也。」衆並怨怪之。 嗣之重,不宜許,遣石城公大款送之。及與景盟訖,城中文武喜躍,望得解圍。 右四州,安其部下,當解圍還鎭,敕許之。乃於城西立盟,求遣宣城王出送。岐固執宣城 反。 執 圍,卒於宅。 ,高祖遂從异議。 「歲喪師,渦陽新復敗退,令便就和,益示國家之弱。 若如愚意,此和宜不可許。」朱异等固 十月,入寇京師,請誅保异。三年,遷中領軍,舍人如故。 尋有韶,以岐勤勞,封南豐縣侯,邑五百戶,固辭不受。 及遣和使,侯景果有此疑,累啓請追使,敕但依違報之,至八月,遂舉兵 二月,景於闕前通表,乞割江 宮城失守,岐帶疾 岐獨言於 及景 衆 嫡

和,可謂善於謀事,是時若納岐之議,太淸禍亂,固其不作。 陳東部尚書姚察曰:夫舉事者定於謀,故萬舉無遺策,信哉是言也。 |申子曰:「一言倚,天下靡。」此 傅岐識齊氏之偽

校勘記

之謂乎。

Cニ〕 起家南康王左常侍 「左」各本譌「宏」,據南史改。

□□除始新令 「始」各本譌「如」、據南史及册府元龜七○四、太平御覽二六七改。

梁書卷四十三

列傳第三十七

章粲 江子一 弟子四 子五 張 嵊 沈浚 柳敬禮

綢密,雖居職屢徙,常留宿衞,頗擅威名,誕倨,不爲時輩所平。 関,襲爵永昌縣侯,除安西湘東王諮議,累遷太子僕,左衞率,領直並如故。 吳郡張率,前輩知名,與粲同府,並忘年交好。及王遷鎮雍州,隨轉記室,兼中兵如故。 立爲皇太子,聚遷步兵校尉,入爲東宮領直,丁父憂去職。尋起爲招遠將軍,復爲領直。 尺,容貌甚偉。 章粲字長庸,[]車騎將軍叡之孫,北徐州刺史放之子也。 初爲雲麾晉安王行參軍,俄署法曹,遷外兵參軍,兼中兵。 有父風,好學仗氣,身長八 右衞朱异嘗於酒席厲色謂 粲以舊恩,任寄 時潁川庾仲容、 服

中大同 列 傅 十一年,遷通直散騎常侍,未拜,出爲持節、督衡州諸軍事、安遠將軍、衡州刺 第 Ξ + 七 韋 粲 六〇五

皇太 子出 餞新亭 執祭 手曰:「與卿不爲久別。」太清 元年,粲至州 無幾,便表 解

以輕 城 去京 此, 馳 道 賊 ", 遺偏 赴 嶌 已渡 援。 舸 最 出 年 就 近 當 部 將 江 有 微徵 路。 至 賜 殿 分 豫章 便 別 隨 將 爲 下 至 逼宫闕,水 敕 一,於事 ·情計 散 發, 南 騎常 量 奉 州 會 , 命報 口 實宜 便足。」大心 江 侍。 粲 輕 州 陸 外弟 信單 云 在 刺 **桑還至** |俱斷, 史當 前 賊已 使, 司 ; 但 州 然之,遣中 陽公大心遣使要粲,粲乃馳 何暇 出 一中流 妄相驚動,或恐不然。」時孝儀置酒,粲怒,以 廬 刺 横江」,粲卽就 陵,聞侯景作逆,便簡 史 有 任 柳 報 重 仲禮 ;假**令無敕**,豈得自安? 兵 當 柳昕 亦 須 帥步 應接 帥 內史劉孝儀 兵二 騎 不不 萬餘 千 可 閱 往 部 闕 人隨粲。 人 鎭 見大心曰:「上 共 下,得精卒五 至 横江 謀 韋粲 今直 之。 粲 , 今日 粲 悉 且. 孝儀 刨 留 張 一千,馬 何情飲酒 送 家 聲 游 曰:「必期 勢,移 杯抵 累 糧 蕃鎮,江 於江州 百 仗 远,倍 地 贍給 鎭湓 州 卽 如

仲 捍 鞭 師 邊疆 禮 板 ,
屯
於
張 爲 先 累 大 是,安北 ,先爲<u>侯</u>景所憚;且士馬精銳, 都 H 公洲 督 不 中,報 決。 待 將軍 下 粲 乃 上 流 鄱 流 陽 衆 抗言 諸 軍 王 軍 ٠, 範 至。 於 裴之高 亦 衆 自 是時 日:「今者同 合 自以年位,恥 肥 無出 , 之高 遣 西豫 其前。 遺 赴 州 船 國 刺 渡 若論 難, 居 仲禮 史裴 其下 位 義 之高 次, 在 與 · 乃云:「! 除 合軍 柳在 與其長 賊 進屯王遊 所以 柳 節 子嗣,帥 推 下 語 柳 ·是州 苑。 其年 司 江 州 將 西之衆 齒, 者 粲 何 亦少於 政 須 建 赴京 以 我 議 復 久 推

之,幷散

私

金

帛

以賞

其

戦

士

粲,直以社稷之計,不得復論。 **効命,企望柳使君共平凶逆,謂衆議已從,無俟老夫耳。** 豫州必欲立異,鋒鏑便有所歸。」之高垂泣曰:「吾荷國恩榮,自應帥先 曰:「前諸將之議,豫州意所未同,卽二宮危逼,猾寇滔天,臣子當勠力同 齒,年德已隆,豈 一應復: 挾私情,以沮 今日形勢, 大計。 貴在將和;若人心不同,大事去矣。 **粲請爲諸君解釋之。」乃單** 若必有疑,當剖心相示。」於是諸將 士卒,顧恨 舸至之高營, 心,豈可 裴公朝之舊 自相矛盾, 衰老,不能 切讓之

定議,仲禮方得進

軍。

半, 壘栅至曉未合。 仲禮曰:「下官才非禦侮,直欲以身殉國。節下善量其宜,不可致有虧喪。」仲禮曰:「靑塘立 戰,諸將各有據守,令燦頓青塘。青塘當石頭中路,燦慮栅壘未立,賊必爭之,頗以爲憚,謂 三弟助、警、構、從弟昂皆戰死,親戚死者數百人。 賊傳粲首闕下,以示城內,太宗聞之流涕 勝入營,左右牽緊避賊,緊不動,猶叱子弟力戰,兵死略盡,遂見害,時年五十四。 之,粲不從,令軍主鄭逸逆擊之,命劉叔胤以水軍截其後。 乃使直閤將軍劉叔胤師助桑,帥所部水陸俱進。時值昏霧,軍人迷失道,比及青塘,夜已過 栅,迫近)准渚,欲以糧儲船乘盡就泊之,此是大事,非兄不可。 若疑兵少,當更差軍相助。」 次新亭,賊列陣於中興寺,相持至晚,各解歸。 景登禪靈寺門閣,望粲營未立,便率銳卒來攻,軍副王長茂勸據棚 是夜,仲禮入粲營,部分衆軍, 叔胤畏懦不敢進,逸遂敗。 **桑子尼及** 旦日將 賊乘 待

匹 十 = 六〇八

貞,並追贈助、警、構及尼皆中書郎,昂員外散騎常侍。

曰:「社稷所寄,惟在章公,如何不幸,先死行陣。」詔贈護軍將軍。

世祖平侯景,追諡

日忠

城陷,奔江州,收舊部曲,據豫章,爲其部下所害。 **粲長子臧,字君理。** 歷官尚書三公郎,太子洗馬,東宮領直。 侯景至,帥兵屯西華門,

祕閣,高祖許之,有敕直華林省。 未嘗造門,其高潔如此。 江子一字元貞,四濟陽考城人,晉散騎常侍統之七世孫也。 子一少好學,有志操,以家貧闕養,因蔬食終身。 稍遷尚書儀曹郎,出爲遂昌、曲阿令,皆著美績。 其姑夫右衞將軍朱异,權要當朝,休下之日,賓客輻湊,子 起家 王國侍郎,奉朝請。 [三] 啓求觀 父法成,天監中奉朝請。 除通直散騎侍 書

之,子四乃趨前代炯等對,言甚激切,高祖怒呼縛之,子四據地不受,高祖怒亦止,乃釋之, 失,高祖甚善之,詔尚書詳擇 弟子四,歷尚書金部郎,大同初,遷右丞。 施行焉。 左民郎沈炯、少府丞顧興嘗奏事不允,高祖厲色呵責 兄弟性並剛烈。 子四自右丞上封事,極言

殖坐免職。

鄓。

出爲

戏昭將軍、「云」南津校尉。

在江 黄門侍郎,子四中書侍郎,子五散騎侍郎。」侯景平,世祖又追贈子一侍中,諡議子,子四黃 承明門挑賊。許之。子一乃身先士卒,抽戈獨進,羣賊夾攻之,從者莫敢繼,子四、子五 事急,相引赴賊,並見害。 丞江子四,東宮直殿主帥子五,禍故有聞,良以矜惻,死事加等,抑惟舊章。 云:「賊圍未合,猶可出盪,若營栅一固,無所用武。」請與其弟子四、子五帥所領百餘人,開 北,因與其黨散走。子一乃退還南州,復收餘衆,步道赴京師。 及侯景反,攻陷歷陽,自橫江將渡,子一帥舟師千餘人,於下流欲邀之,其副董桃生家 韶曰:「故戎昭將軍、通直散騎侍郎、南津校尉江子一,前尚書右 賊亦尋至,子一啓太宗 可贈子一給 見

子一續黃圖及班固「九品」,並辭賦文筆數十篇,行於世。

門侍郎,諡毅子,子五中書侍郎,諡烈子。

長 徒 嵊 史、尋陽太守。 上左西掾,中書郎。 感家禍,終身蔬食布衣,手不執刀刃。州舉秀才。起家秘書郎,累遷太子舍人,洗馬,司 張嵊字四山,鎭北將軍稷之子也。少方雅,有志操,能清言。 父臨 青州,爲土民所害, 中大同 出爲永陽內史,還除中軍宣城王司馬、散騎常侍。 元年,徵爲太府卿,俄遷吳興太守。 又出爲鎭南湘東王

傳第三十七 江子一 張煉

列

從_! 之於 鄕。 栅 精 軍 臺 將 難 軍 栅栅 主 東 兵二萬 劉 都 ·, 加 固勸 王 若 神茂攻破義興,遣使說嵊曰:「若早降附,當還以郡 歸,嵊往見而謂曰:「賊臣憑陵,社稷危 內 諡 市 雄等帥兵於鱧瀆逆擊之,破神茂, ·天道無靈,忠節不展,雖復 秩 衆軍皆土崩 子弟 日忠貞子。 人,助 嵊舉義。 中二千石。 同遇 神茂以擊嵊,嵊遣軍主范 於是收集士卒, 害者十餘人,時年六十二。 嵊 |嵊日:「朝廷危迫,天子蒙塵,今日何情,復受榮號。」留 乃 釋戎服,坐於 及死,誠 繕築城壘。 智朗 聽 神茂 亦 事 「恥,正是人臣効命之秋。 ,賊臨之以刃,終不爲 出 無恨。」浚曰:「鄙郡雖 《退走。 時邵 賊平, 世祖追贈侍中、中衞將軍、開府儀 郡西拒戰,爲 陵王東奔至錢唐,聞之, 侯景聞神茂敗, 相處,復加 三年,宮城陷,御史中丞沈浚違 神茂所敗, 舒賞。 」嵊 屈 小, 今欲收集兵力,保據貴 一乃執 乃造 仗 退 義 歸。 其中軍侯子 嵊以送景, 命斬其使,仍遣 遣板授 板 拒 賊 而 逆, 騎 已。 嵊 誰 乘 景刑 鑒 勝 賊 征 敢 焚 同 帥 行 不 東

沈浚字 叔源 ,吳興 武 康 人。 祖憲,齊散 騎常侍,齊史有 傳

入爲中書郎,尚書左丞。 侯景逼京

積 欲 城,遷御史中丞。 目 遲 而 是眞司直 贮 立 疑 有 內 之。 盡 翻 不 背。 去。 或 浚正 廷, 一也。」然密銜之。 家援軍 數 沈浚六十之年, 君 色責 日 可 , 皇太 見爲 是時外援並至,侯景表請求 外集,十萬 景 日 申 子 一一明 聞 令 一変 浚詣 及破張嵊,乃求浚 公 且. 之衆, 親 天子之使, 日:「 景 是 所,景 將 人臣, 將軍 何 所資? 百二 此 舉兵 死 論, 生 以害之。 卽 和,韶許之。 向 有 而反設此言, 意在 已向熱,非 闕, 命, 聖 得 뷴 城 主 畏逆臣 申 復 旣盟 城內 恩 欲 行 赦 景知 脅 時, . 之刀乎 ~過,已 兵糧 朝 十萬 廷 城 !不顧 邪 共 尙 内疾疫,復懷 之衆,何 結 支 |景 盟, 百日日 横 而 出。 刃 由 口 於膝 血 可 將軍 姦計 去,還 景 未 順 儲 9

柳敬禮,開府儀同三司慶遠之孫。父津,太子詹事

行,敬 見於景,景遣仲禮經略上流,留敬禮爲質, 「景今來會,敬禮 敬 禮 目仲 與兄 赴援,至都,據靑溪 禮 仲禮 ,仲禮見備衞嚴,不 抱之,兄拔佩 ,皆少以 勇烈 埭 刀,便可斫 ,與景頻戰,恒先登陷 知名。 敢動 起家著作佐郎, 殺,敬禮 計遂不果。 以爲護軍。 死 亦 陳、甚 會景征晉熙, 無所恨。」仲禮壯其言,許之。 景餞仲禮 稍遷扶風太守。 著 威 名。 於後渚 敬禮與南康王會理 臺 城 侯景 沒,敬禮 敬禮密謂 渡江 與 , 仲禮 仲 及 敬 酒 禮 禮 俱 率

列

傅

第

Ξ

+

-6

沈

浚

柳

敬

禮

校

勘

記

襲其城,剋期將發,建安侯蕭賁知而告之,遂遇害。

勁氣,籠罩今古,君子知梁代之有忠臣焉。 所欲,二事必不可兼得,寧捨生而取義。 史臣曰:若夫義重於生,前典垂誥,斯蓋先哲之所貴也。 至如張嵊二三子之徒,捐驅殉節,赴死如歸,英風 故孟子稱生者我所欲,義亦我

校勘記

- 一〕 章粲字長蒨 「蒨」煎炒作「倩」。
- [二] 必期如此 按"南史及册府元龜三七二無「期」字。
- 與合軍進屯王遊苑 船 · 舸迎致仲禮·與韋粲等俱會青塘。」疑此脫「粲」字。 「與」下,南史及册府元龜三七二有「粲」字。 按本書裴之高傳云: 一之高遺
- 1四 江子一字元貞 「貞」燕史作「亮」。
- CHJ 起家王國侍郎奉朝請 「奉」字各本脫,據南史補。
- 出爲戎昭將軍 中大通元年敍梁將軍名號、無戎昭將軍及戎武將軍。 「戎昭將軍」册府元龜八七七作「戎武將軍」。按:隋書百官志及通鑑梁武帝天監

梁書卷四十四

列傳第三十八

太宗十一王 世祖二子

安陸 武 寧王大威 王大春,謝夫人生瀏陽公大雅,張夫人生新興王大莊,包昭華生西陽王大鈞,范夫人生 太宗王皇后生哀太子大器,南郡王大連,陳淑容生尋陽王大心,左夫人生南海王大臨, "褚脩華生建平王大球,陳夫人生義安王大昕,朱夫人生綏建王大擊。" 自餘諸

子,本書不載。

戶。 大同 尋陽王大心字仁恕。 元年,出爲使持節、都督郢南北司定新五州諸軍事、輕車將軍 幼而聰朗,善屬文。 中大通四年,以皇孫封當陽公,邑一 郢 州刺史。 千五百 時年十

闕。 州務, 軍、江 三年,城陷,上甲侯蕭韶南奔,宣密詔,加散騎常侍,進號平南將軍。 州 發言每合於理, 以 刺 其 史。 幼,恐未 二年,侯景寇京邑,大心招集 達民情,戒之曰:「事無大小,悉委行事,纖毫不須措懷 衆皆驚服。 七年, 徴為 士卒,遠近歸之,衆 侍中、兼石頭戍 軍 至 事。 數 萬,與 太清元年, 大寶元年 上流 念」大心 諸 出 軍 爲 ·,封尋陽 雲塵將 赴 雖 不 援宮 親

質拒戰,敗績。 等營。大心聞之大懼,於是二藩釁起,人心離貳。景將任約略地至于湓城,大心遣司馬韋 若降江州,必不全其首領,嗣請援之。 色,不念拜謁闕庭,且吾已老,而欲遠涉險路,糧儲不給,豈謂孝子,吾終不行。」因撫胸慟 圖後舉,策之上者也。」大心未決,其母陳淑容曰:「卽日聖御年尊,儲宮萬福,汝 績,又乞降。 鄱 之,廩饋甚厚,與勠力共除禍難。 事,悉以委之,仍以爲豫章內史。 陽王範 初,歷陽太守莊鐵 率衆 鄱陽世子嗣先與鐵遊處,因稱其人才略從橫,且舊將也,欲舉大事,當資其力, 棄合肥,屯于栅口,待援兵總集,欲俱進。 時帳下猶有勇士千餘人,咸說曰:「旣無糧儲,難以 以城降侯景、旣而又奉其母來奔、大心以鐵舊將、 會莊鐵據豫章反,大心令中兵參軍韋約等將軍擊之,鐵敗 侯景數遣軍西上寇抄,大心 範從之,乃遣將侯瑱率精甲五千往救鐵,夜襲破韋約 大心聞之,遣要範西上,以湓城處 輒令鐵擊破之,賊不 守固,若輕騎往建州,以 厚爲其 禮, 能 **外奉違顏** 進。 軍旅之 時

郡太守。 功,不資我力,如其撓敗,以我說焉,不可往也。」二年秋,遇害于郡,時年二十五 邑二千戶。 曰:「物乃賞士,而牛可犒軍。」命取牛,得千餘頭,城內賴以饗士。 十一年,爲長兼侍中。 屯新亭。 左夫人憂,哭泣毁瘠,以孝聞。 南海王大臨字仁宣。 時張彪 俄又徵還, 屯端門, 都督城南諸軍事。 出爲使持節、都督揚南徐二州諸軍事、安南將軍、揚州 起義於會稽,吳人陸令公、潁川庾孟卿等勸大臨走投彪。 出爲輕車將軍、琅邪彭城二郡太守。 大同二年,封寧國縣公,邑一千五百戶。 後入國學, 明經射策甲科,拜中書侍郎,遷給事黃門侍郎 時議者皆勸收外 侯景亂,爲使持節、宣惠將軍, 刺史。 財物,擬供賞賜, 大寶元年,封南 少而敏慧。年十一, 叉除安東將軍 大臨日「彪若成 海 大臨獨 郡王, 吳 遭

十年,高祖幸朱方,大連與兄大臨並從。高祖問曰:「汝等習騎不。」對曰:「臣等未奉詔,不 敢輒習。」敕各給馬試之,大連兄弟據鞍往還,各得馳驟之節,高祖大悅,卽賜所乘馬。及爲 同 一年,封臨城縣公,邑一千五百戶。七年,與南海王俱入國學,射策甲科,拜中書侍郎。 南郡王大連字仁靖。 少俊爽,能屬文,舉止風流,雅有巧思,妙達音樂,兼善丹青。

列

傳

第三

+

八

太

宗十一王

景入寇京師,大連率衆四萬來赴。 黃門侍郎,轉侍中,尋兼石頭戍軍事。 之,事未果。二年秋,遇害,時年二十五。 乃與賊約曰:「軍民之事,吾不預焉,候我存亡,但聽鍾響。」欲簡與相見,因得亡逸,賊亦信 其將趙伯超、劉神茂來討,大連設備以待之。會將留異以城應賊,大連棄城走,至信安,為 聚黨數萬來攻,大連命中兵參軍張彪擊斬之。大寶元年,封爲南郡王,邑二千戶。景仍遣 賊所獲。侯景以爲輕車將軍、行揚州事,遷平南將軍、江州刺史。 啓謝,詞又甚美。 高祖佗日謂太宗曰:「昨見大臨、大連,風韻可愛,足以慰吾老年。」遷給事 及臺城沒,援軍散,復還揚州。三三年,會稽山賊田領羣 太清元年,出爲使持節、輕車將軍、東揚州刺 大連旣迫寇手,恒思逃竄, 史。 侯

京口,隨邵陵王入援,戰于鍾山,爲賊所獲。京城旣陷,大寶元年,封安陸郡王,邑二千戶。 豐縣公,邑一千五百戶。拜中書侍郎。 出爲使持節、雲麾將軍、東揚州刺史。二年秋,遇害,時年二十二。 安陸王大春字仁經。少博涉書記。 後爲寧遠將軍,知石頭戍軍事。侯景內寇,大春奔 天性孝謹,體貌褒偉,腰帶十圍。大同六年,封西

瀏陽公大雅字仁風。大同九年,封瀏陽縣公,邑一千五百戶。少聰警,美姿儀,特爲高

祖所愛。 太清三年,京城陷,贼已乘城,大雅猶命左右格戰,賊至漸衆,乃自縋而下。 因發

憤感疾,薨,時年十七。

年十八。 王,邑二千戶。 新興王大莊字仁禮。 出爲使持節、都督南徐州諸軍事、宣毅將軍、南徐州刺史。二年秋,遇害,時 大同九年, 封高唐縣公, 邑一千五百戶。 大寶元年, 封新興郡

將軍、丹陽尹。二年、監揚州、將軍如故。至秋遇害,時年十三。 命 諷 [誦,音韻淸雅,高祖因賜王羲之書一卷。 西陽王大鈞字仁輔。〔三性厚重,不妄戲弄。年七歲,高祖嘗問讀何書,對曰「學詩」。因 大寶元年,封西陽郡王,邑二千戶。 出爲宣惠

爲信威將軍、丹陽尹。其年秋,遇害,時年十三。 武寧王大威字仁容。 美風儀,眉目如畫。 大寶元年,封武寧郡王,邑二千戶。二年,出

建平王大球字仁珽。 列 傳 第三十八 太 宗十一 大寶元年,封建平郡王,邑二千戶。 王 性明慧夙成。 初,侯景圍京

受。」其早慧如此。 聞 城,高祖素歸心釋教,每發誓願,恒云「若有衆生應受諸苦,悉衍身代當。」時大球年甫七歲, 而 .驚謂母曰:「官家尙爾,兒安敢辭。」 乃六時禮佛,亦云 「凡有衆生應獲苦報,悉大球代 二年,出爲輕車將軍、兼石頭戍軍事。 其年秋,遇害,時年十一。

慰太宗,嗚咽不能自勝,左右見之,莫不掩泣。大寶元年,封義安郡王,邑二千戶。二年,出 爲寧遠將軍、琅邪彭城二郡太守,未之鎭,遇害,時年十一。 義安王大昕字仁朗。年四歲,母陳夫人卒,便哀慕毁顇,有若成人。及高祖崩,大昕奉

驚,掩其口曰:「勿妄言,禍將及。」大擊笑曰:「禍至非由此言。」大寶元年,封綏建郡王,邑二 千戶。二年,爲寧遠將軍,遇害,時年十歲。 **綏建王大摯字仁瑛。幼雄壯有膽氣,及京城陷,乃歎曰:「大丈夫會當滅虜屬。」** 嬭媼

所生,別有傳,夏賢妃生敬皇帝。自餘諸子,並本書無傳。 世 祖諸男:徐妃生忠壯世子方等,王夫人生貞惠世子方諸,其愍懷太子方矩,本書不載

性,吾之進退,恒存掌握,舉手懼觸,搖足恐墮。若使吾終得與魚鳥同遊,則去 其夢也,何樂如之,及其覺也,何憂斯類,良由吾之不及魚鳥者遠矣。 之食,足以怡形。 性愛林泉,特好散逸。 忠壯世子方等字實相,世祖長子也。 生在蓬蒿,死葬溝壑,瓦棺石槨,何以異茲?吾嘗夢爲魚,因化爲鳥。當 嘗著論曰:「人生處世, 母曰徐妃。 如白駒過隙耳。一壺之酒,足以養性,一簞 少聰敏,有俊才,善騎射,尤長巧思。 故魚鳥飛浮,任其志 一人間 如脫屣

耳。」初,徐妃以嫉妬失寵,方等意不自安,世祖聞之,又惡方等,方等益懼,故述論以申其

世祖觀之甚悅,入謂徐妃曰:「若更有一子如此,吾復何憂。」徐妃不答,垂泣而退。世祖忿 得衆和,世祖始歎其能。 配步騎一萬,使援京都。 亂,世祖召之,方等啓曰:「昔申生不愛其死,方等豈顧其生。」世祖省書歎息,知無還意,乃 之,因疏其穢行,牓于大閤。方等入見,益以自危。時河東王爲湘州刺史,不受督府之令, 方等乃乞征之,世祖許焉,拜爲都督,令帥精卒二萬南討。 會高祖欲見諸王長子,世祖遣方等入侍,方等欣然升舟,冀殆憂辱。 賊每來攻,方等必身當矢石。宮城陷,方等歸荆州, 收集士馬, 甚 方等又勸修築城栅,以備不虞。 旣成, 樓雉相望, 周迴七十餘里。 方等臨行,謂所親曰:「吾此段出 行至繇水,值侯景

列傳

時年二十二。 征,必死無二,死 世祖 而 · 獲所,吾豈愛生。」及至麻溪, 聞之,不以爲感。 後追思其才,贈侍中、中軍將軍、揚州刺史。 河東王率軍逆戰,方等擊之,軍敗,遂溺死, 諡 日忠壯

方等注 范曄後漢書、未就。 所撰三十國春秋及靜住子,行於世。回 世子。

幷爲招

魂以哀之。

仙 樂。 淸 告,方諸 旭 何 執方諸以 遣徐文盛督衆軍,與侯景將任約 以 越 侯景. 興。」因 ,辭辯鋒生,特爲世 貞 惠世子方諸字智相,世祖第二子。 與鮑泉猶不信,曰「徐文盛大軍在 知之, 歸 拜 爲 乃遣其將宋子仙率 中撫軍 王僧辯軍至蔡洲,景遂害之。 祖 以自副,又出 所愛, 母王氏又 相持未決,方諸恃文盛在近,不 輕騎 為郢 數百, 八有寵。 州 一下,房安得來。」始命閉門,財 母王夫人。 刺史,鎭江夏,以鮑泉爲行事,防遏下流。 從間道襲之。 世祖追贈侍中、大將 及方等敗沒, 幼聰警博學,明老、易,善談玄, 屬 世祖謂之曰:「不有 風 ·恤軍 雨 軍。 脢 政,日 冥, 騎 諡 已入, 曰貞惠世子。 子仙 與 、鮑泉 城遂陷,子 至, 所 蒲酒 百姓 廢, 時 風 世 其 錊

史臣曰:太宗、世祖諸子,雖開土宇,運屬亂離,旣拘寇賊,多殞非命。 吁! 可嗟矣。

[1] 二年秋遇害時年二十九 太平御覽六〇二引三國典略,云蕭大心與大臨同年,二人同遇害,大

臨時年二十五。則「二十九」當作「二十五」。

復還揚州 「揚州」上,南史有「東」字,按上文有:「出爲東揚州刺史。」

西陽王大鈞字仁輔 「輔」南史作「博」。 所撰三十國春秋及靜住子行於世 「靜住子」南史作「篤靜子」。

第 = + 八 棱 勘 記

列

傳

梁書卷四十五

列傳第三十九

王僧辯

假節,總督舟師一萬,兼糧饋赴援。 趙伯超等,先屈膝於景,然後入朝。 守湓城。 將軍府諮議參軍事,賜食千人,代柳仲禮爲竟陵太守,改號雄信將軍。 爲王府中錄事,參軍如故。 武寧郡反, 王爲丹陽尹 王僧辯字君才,右衞將軍神念之子也。 俄監安陸郡,無幾而還。 王命僧辯討平之。 ,轉府行參軍。 王被徵爲護軍,僧辯兼府司馬。王爲江州,仍除雲騎將軍司馬, 王出守會稽,兼中兵參軍事。王爲荆州,仍除中兵,在限內。 遷貞威將軍、武寧太守。 尋爲新蔡太守,猶帶司馬,將軍如故。 王除<u>荆州,爲貞毅</u> 景悉收其軍實,而厚加綏撫。未幾,遣僧辯歸于竟陵 纔至京都,宮城陷沒,天子蒙塵。 以天監中隨父來奔。 尋遷振遠將軍、廣平太守, 秩滿, 還 起家爲湘東王國 僧辯與柳仲禮兄弟及 屬侯景反,王命僧辯 左常侍。 時

列

傅

第

三十九

王僧

辯

於 是倍道 兼行,西就世祖。 世祖承制,以僧辯爲領軍將軍

之。 能 遺 蘇 此 辯 聞 共 足 H 至 厲 言,故是文 一,謂 計 剋長沙,世 左 就 聲 以制之。 以竟陵部下 其言,以爲 入言之, 自 右 戮, 豈敢懷 即送 及 及 將安之。」泉曰:「旣稟廟算,驅率驍勇,事等沃雪,何所多慮。」僧辯曰:「不然。 日 往 : 「卿憚行邪 見 荆 1. 卵 世 付 獄 、湘疑貳、軍師失律,世 ·望相佐也。」泉曰:「成敗之舉,繫此 士之常談耳。 祖 ",問計 我竟陵甲士,數經 廷 祖乃命僧辯代之。 拒 遷延不肯去,稍已含怒。 世祖 \尉, 幷收其 ·猶未盡來,意欲 命不 恨,但恨 於僧辯 !因起入內。 迎問 行,是欲 不 ,僧辯 子 曰「卿 河東 見老 姪, 同 一行陣,已遣召之,不久當及。 待集,然後上頓。 少有武幹,兵刃又强,新破軍師,養銳待敵,自非精 賊, 母。」世 具陳方略,登卽 並皆 數泉以十罪, 已辦乎? 祖又命僧辯及鮑泉統軍討之,分給兵糧,剋日就道。 泉震怖 今唯 「繫之。 祖 及僧辯將入,謂泉曰:「我先發言,君 有死耳。」僧辯對曰:「 因 失色,竟不敢言。 何日 斫之, 會岳 一行,遲速之宜,終當仰聽。」世 當發。」僧辯具對如向所言。 遣舍人羅重歡領齋仗三百人,與僧辯俱發。 赦爲城內都督。 謂鮑泉曰:「我 陽王軍 中其 左髀,流 襲江陵,人情搔 雖 須臾,遣左 期日 僧辯 血至 、與君俱受命南討,而 俄 「有限, 而 食祿 地。 岳 右數十人收僧辯。 陽 擾, 既深, 僧辯 猶 奔退, 可見 可 未 世祖大怒,按 祖 悶絕, 重 憂責 知 兄係。」泉 車, 而鮑泉 性嚴 其備 兵 質重 一萬,不 軍容若 息, 欲 久之方 君之所 世 叉 力不 與 一, 今 許 卿 劍 旭 微

旣 足平 至 一,遭 一篇郎 一。」俄 通 泉云 而 卿 重 :「羅舍人被令,送王 歡 有 罪, 齎 令書先入,僧辯從 令旨使我鏁 卿, 一竟陵來。」泉甚愕然,顧左 勿 齌 以 仗繼進, 故意 心見待。」 「 泉方 拂 因語 席, 坐 右曰:「得王竟陵 重 歡 而 出 待 之。 泉即 僧辯 下 旣 助 地, 我 入 經 背泉 鏁 于牀 賊 而

側。

僧辯

仍部

分

將

帥

, 幷

力攻

〈圍,遂

平湘

士。

此, 史杜 便 日 並 益 據 設 巴陵 沉 廣 賊 何 適屋 公 龕 還 執 景 徒 衆 不 私 賊 城 宜 復 早 悉 黨 王 濟 騎 船 領軍 降 耀 珣 X 江 甚 孙 世 旣 於 等 軍 銳, 徒 刺 祖 去 水。 將 輕 僧 史王 至 城 水 乃命 軍 將 騎 東 于 辯 步 俄 及 進 繼 琳 至 隴 城 使 爾 侯景 賊 羅 寇 進 郴 人答 上 下, 城 叉 前 州 荆 下 來 於是 浮江 芟除 珀 鋒 刺 州 州 日二 ٠, 史 爲 問 次 刺 日 書 江 緣 徐 史 西 草 城城 乃 大軍 裴 嗣 寇 誘 口 江 芿, 我 使 了軍次 戍 說 徽 之横等,行 內 偽 王 僧 但 開 邏 城 武 是誰 已 儀 向 辯 八道 內 至 同 (夏首, 望 荆 功 州 ·? 1 刺 向城, 州 分 風 王 景 答 和 請 命 史 僧辯 俱 帥 領 日「是 此 統 社 衆 服 赴 船 軍 遣五 城 兵 賊 崱 軍 艦 爲 何 西 自 五 ·, 乘 並 陽 拓 大 並 爲 千 當 王 千兔頭肉薄苦攻。 會僧辯于 都 集 城 不 邏 守江夏, 非 領 固守 北 至于 督,率 軍 出 軍 礙 寺, 0 與 次 、偃 巴陵,聞 隱 王 賊 僧 巴陵。 巴州 叉 大將 相 磯 辯 日 旗 分 見 一語 百 僧 刺 臥 入 邪 宋子 П 鼓,安 史淳 辯 景 郢 港 ?]僧辯 在 王 城 悉 旣 州 中 仙 人 領 :于量、 內 上 陷 已 若 前 掌 軍 登岸 同 沒 江 郢 無 不 驅 握 時鼓譟 渚 城 定州 答。 僧 事 人。 治道 米 , 兵 萬 분 辯 勢 糧 造 得 頃 如 翌 衆 因 刺

列

傅

戰 臨 長 陵,水步十 栅 挫 城 繞 衂 城 日 賊 大 方 帥 列 任 止 約 舸 艦 叉 賊 為 少以 叉 陸法 於 樓船 艦 E 和 攻水 一豎木 所 擒,景乃 城 枯槹 西南 ',聚 燒營夜 角 茅 叉 置 遣 遁 火 人 旋 渡 以 軍 燒 洲 夏首。 岸 水 栅 引 風 牂 世 勢不 祖 柯 策 推 利, 蝦 勳 行 墓 自 賞,以 車 焚 塡 而 壍 僧辯 退。 引 爲 旣 曈 征 頻 車

東

將

軍

開

府

儀

同

三司

刺

史,封

長

寧

縣

公

還 聞 略 走,至于 勇 叉 入 就 羅 千 大 魯 尚據猛城, 人。 破 Щ 城 於 景 已 之,生 是 攀堞而 白 沒 宋子 之 世 僧 楊 辯 騎 祖 擒 浦 郢 及僧辯軍至, 仙 將 偽 命 鎭 靈 上, 許之, 蟻聚 僧 功 也 復 護 辯 大 , 率 同 斬 失 時 金城 破 卽 江州 其黨 命給 羅 鼓躁, 首千 之, 率 城, 拒 巴陵 力戦 希榮等因 生 船 守, 功 級 擒 掩 百 率 諸 艘 子 至 攻之未剋。 |子||仙 餘 衆軍 仙 倉門。 軍 衆 以 [挾江州刺史臨城公棄城 送 老 倍 衆 大破 沿 江 其 道 退 流 陵 水 意 歸 據 之, 重 討 子 建業 倉 主 卽 仙 景。 化 門 子 一宋遙 率 使其黨 仙 諸 帶 功 師 謂 |子仙 率 軍 次郢 江 降 爲 樓 進 時 阻 等 信 船 師 城 險, 靈 然 僧 困 奔走。 九 護 蹙, 辯 浮 衆 暗 步 水 率衆 仍督 軍攻 攻魯山 江 舟 計 匹 將 世 賊 三千, 無 諸 之, 面 祖 僞 發, 所 軍 雲合, 儀 加僧辯侍中、尚書 Ź, 渡江 僧辯 頻戦不 開 魯山 同 乞輸! 門 范 攻 子 命 希 出 城 仙 |杜 剋。 图 樂 戰 郢 主 龕 行 城 \equiv 景 支 僧 盧 淧 戰 化 暉 行 身 旣 卽

令、征東大將軍,給鼓吹一部。 仍令僧辯且頓江州,須衆軍齊集,得時更進

名勸 世 頃之,世 祖卽 i位;將欲進軍,又重奉表。 祖 命江州衆軍悉同大舉,僧辯乃表皇帝凶問,告于江陵。 雖未見從,並蒙優答。 事 見本紀。 仍率 大將百餘人,連

釋泣 爲酷。 逆,雪天地之痛,報君父之仇,則不可以稟靈含識,戴天履地。今日相國至孝玄感,靈武斯 景 怨 ? 景,凶羯小胡,逆天無狀,構造姦惡,違背我恩義,破掠我國家,毒害我生民,移毁我社 成,至卽剋之。 先是,陳霸先率衆五萬,出自南江,前軍 王臣,食人之禾,飲人之水,忍聞此痛,而不悼心。況臣僧辯、臣霸先等,荷稱國藩湘東王 見 我高祖 名蓋僧辯,僧辯畏之。 歸,全 何 而景 有 血銜哀之寄,摩頂至足之恩,世受先朝之德,身當將帥之任,而不能瀝膽抽腸, 僧辯於是發自江州,直指建業,乃先 ',復加 高祖 武皇帝 景將 長戟强弩,陵蹙朝廷,鋸牙郊甸,殘食含靈,刳肝斮趾,不愿其快,曝骨焚尸,不謂 菲食卑宫, 忽毒。 戮之首,置景要害之地,崇景非次之榮。 靈聖聰明,光宅天下,劬勞兆庶,亭育萬民,如我考妣,五十所載。 皇枝繦抱已上,緦功以還,窮刀極俎,旣屠 既至湓口,與僧辯會于白茅洲, 春秋九十,屈志凝威,憤終賊手。 命 南兗州刺史侯瑱率 五千,行至湓口。 登壇盟誓, 霸先為其文曰:「賊臣侯 我高祖於景 大行皇帝溫嚴恭默,丕守鴻名,於 且鱠。 銳卒輕 何薄? 豈有率土之濱,謂 舸,襲南陵 霸先 我百姓於景何 倜儻多謀策, 哀景以窮 、鵲頭等 共誅 臣 姦

列

傳

第

=

帥衆 凶豎,尊奉 發,已破賊徒,獲其元帥,止餘景身,尚在京邑。 ,則天地宗廟百神之靈,共誅共責。臣僧辯、臣霸先同心共事,不相欺負,若有違戾,明 相 國,嗣膺鴻業,以主郊祭。 前途若有一功,獲一 臣僧辯與臣霸先協和將帥,同心共契,必誅 賞,臣僧辯等不推己讓物,先身

神殛之。」於是升壇歃血,共讀盟文,皆淚下霑襟,辭色慷慨

堂等。 後麾軍 欲爲 朱方、於是景散兵走告僧辯、僧辯令衆將入據臺城。 守、侯景自出,與王師大戰於石頭城北。 水。 頭至于東城,緣准號叫之聲,震響京邑,於是百姓 兩岸。 邊悉八十棹,棹手皆越人,去來趣襲,捷過風電。 僧辯 一決,我衆賊寡,宜分其勢。」卽遣强弩二千張攻賊 及王 時軍人鹵掠京邑、剝剔士庶、民爲其執縛者、衵衣不免。 而 賊謂水軍欲退,爭出趨之,衆軍乃棹大艦 進,復 師次于南州,賊帥侯子鑒等率步騎萬餘人於岸挑戰,又以鵃射千艘並載士,四兩 即督諸 大破之。 軍沿 流 而 盧暉略聞景戰敗,以石頭城降,僧辯引軍入據之。 下,進軍于石頭之斗 霸先謂僧辯 一、截其歸路,鼓譟大呼, ·城,作連營以逼賊。 失望 僧辯乃麾細船,皆令退縮, 其夜,軍人採梠失火,燒太極殿及東西 曰:「醜虜遊魂, 西面 兩城,仍使結陣以當賊,僧辯在 盡驅逼居民以求購贖,自石 貫盈已稔, 逋誅送死, 賊乃橫嶺 合戦 景之退也,北 中江 悉使大艦 上築五 賊悉赴 城拒 夾泊

僧辯命侯瑱、裴之橫率精甲五千,東入討景。 僧辯收賊黨王偉等二十餘人,送于江陵。

瞿然,乃謬答曰:「此乃聖上之威德,羣帥之用命。 超耳,豈識 偽 同 逆。 行臺趙伯超自吳松江降於侯瑱,瑱時送至僧辯,僧辯謂伯超 今日之事,將欲 王僧辯。 社稷旣傾,爲我所復,人之興廢,亦復何常。」賓客皆前 何如。」因命送江陵。 伯超 既出,僧辯顧坐客曰:「 老夫雖濫居戎首,何力之有焉。」於是逆 日:「趙公,卿荷國重恩,遂復 朝 稱歎 廷昔 功德。 唯 知有 僧辯 趙

戶,侍中、尚書令、鼓吹並 世 祖卽帝位,以僧辯功,進授鎭衞將軍、司徒,加班劍二十人,改封永寧郡公,食邑五千 一如故。

寇悉平,京都剋定。

霸先 空靈灘,稱助討納。 之,親執旗鼓,以誠進止。於是諸軍競出,大戰於車輪, 宜豐侯循南征。 輕進,至於是稍作連城以逼賊。 南討焉。 大敗,步走歸保長沙,驅逼居民,入城拒守。 是後湘州賊陸納等攻破衡州 爲都督 時納等下據車輪, 西上諸軍 僧辯因督杜崱等衆軍, 朝廷未達其心,深以爲慮,乃遣中書舍人羅重歡徵僧辯 事。 先時霸先讓都督於僧辯,僧辯不受,故世祖分爲東西 夾岸爲城,前斷水勢,士卒驍猛,皆百戰之餘,僧辯憚之, 刺 賊見不敢交鋒,並懷懈怠。 史丁道貴於綠口,盡收其軍實,李洪雅又 發于建業,師次巴陵,詔僧辯爲都督東 僧辯追躡,乃命築壘圍之,悉令諸軍廣建圍 與驃騎循並力苦攻,陷其二城。 僧辯因其無備,命諸軍 上就 自零陵率衆 一都督, 上諸 驃 水步攻 騎 軍 不敢 而 將 俱 賊 出

六二九

列傳

該 軍 以 旅 拒 陵, ^{个,}又 七略 仰 于 北 是月, 遣其 揚 世 協 建 寇 州 祖 台 業。 一,徵 刺 大將邢景遠、 居 卽 頃歲征討,自西徂東,師不疲勞,民無怨讟,王業艱難,實兼夷險。 曜 吳郡 史、永 詔 少 一,俯佐 承聖 一時, 僧辯 太守張彪、吳興太守裴之橫 寧郡 三年三 弘 復 次于 回江 圖。 開 步大汗 姑孰 或 月 陵。 使持 公 甲 僧 薩、東 辰 節 齊主 卽 辯 (F) 留 、侍中 ,器字凝深,風 鎭 高洋遣 方老 詔 焉 ·、 司 曰:「贊俊遂賢,稱于秦 等率衆 先命豫 郭元 徒、尚書令、都督 會瑱 建率衆二萬, 繼 於關 格 州 之。 詳 刺刺 遠,行 史侯瑱率精甲三千 時陳 因 與 爲 揚 北軍 霸 大列 南徐 士 先鎭 典 則 戦 舟艦 言表 東揚三州 建康, 自 大敗之, 上安下 於合肥, 身文,學貫 旣聞 人 諸 築 • 僧辯 宜其變此中 聞 壘於 此事 軍 將謀襲 之漢 事 率衆軍 九流 ,、鎭衞 東關 馳 制制 報 建

武

所

振

以

江

業

而

武

陵

敗

没 績

僧辯

自枝

江

班

師于

建業。

將

台,膺茲上將,寄之經野 ,匡我朝猷。 加太尉、車騎 大將 軍,餘 悉 如 故。」

者至 兼令終。 龜 成 齊溫 婦 孫。」 **発**出 世 神念以天監初 三宮之遐 接,家門內外,莫不懷之。 蒙。 德, 人 一舟渚 也。 ,夫人深相責 及僧辯剋復舊京,功蓋天下,夫人恒自謙損,不以富貴驕物。 有寵於世 頃 盡忠 旣 母由子貴,亶爾斯崇。 弔祭。 稱 卽 岳,經三江之派流。 崦嵫旣夕,蒹葭早秋,奔駟難返,衝濤詎留。 及旣薨殞,甚見愍悼。 資敬,自家刑 1 虚 女 祖 | 舟而設奠,想徂魂之有知。 董 則,兼循婦言。 母 命尚書左僕射王裒爲其文曰:「維爾世基 ,軍國大事多 太 率 勵,辭色俱嚴。 徒 夫 人 衆據東 憂, 國。 初,僧辯下獄,夫人流淚 世祖 關,退保 顯允其儀,惟民之則。 書圖 關 鬱鬱 嘉命允集,寵章所隆。 領 且以僧辯勳業隆重,故喪禮加焉。 造 云:「人之事君,惟須忠烈,非但保祐當世,亦乃 慶 鏡覽,辭章討論。 焉。 增嶺,浮雲蔽虧。 侍 合肥漅湖 中謁者監護 夫人詣閣,自陳無訓 嗚呼哀哉 西,因娶以爲室,生 喪 徒行,將入謝罪,世祖 事, 教貽俎豆,訓及平原。 爱命師旅, 旣脩我戎; 滔滔江、漢,逝者 居高能降,處貴 背龍 策諡 武子,族懋陽元, 一 涕 泗 門而 曰貞敬太夫 西顧,過夏首而 一僧辯。 朝野咸共稱之,謂 嗚咽,衆並憐之。 靈柩將 如斯。 思沖。 不與相 人。 性甚安和 歸建康, 補茲袞職,奄有 金相比映,玉德 楚發將兵,孟 夫人 銘旌故旐,字 慶資善始,榮 見。 東浮。 ,善於綏 姓魏氏 及僧辯 又遣 時貞 爲明哲 流 謁 越 軻 子 惠

剋 衆 史侯瑱等為前軍,兗州刺史杜僧明等為後軍。 僧辯於建業,為大都督 流,荆陝之衆,悉非勁勇。 騎 龐 軍 大將軍 ·若集,吾便直指漢江,截其後路。 涓 其 時 也。」俄而京城陷沒,宮車晏駕。 ·、中書監、都督 1、荆州 公宜率貔虎, 中外諸軍事、錄 刺史。 別敕僧辯云:「黑泰背盟,忽便舉斧。 凡千里饋糧,尚 星言就路,倍道兼行,赴 尚書,與陳霸先參謀討伐 及敬帝初即梁主位,「去」 處分旣 畢,乃謂膺云:「 有飢色,況賊越數千 倒 僧辯 懸也。」僧辯 泰兵驍 預 樹立 國家猛 里者乎? 猛 之功,承 難 因 將 命 一多在 與爭銳, 此 豫 制進 孫 州 臏 刺

納 扶 枝 立 及,便已降 傾 危 强 支子 於 尙 蕩 彼 終古 建業 嗣 時 況 號號 齊主 國 事 我 一武陵彎弓巴、漢。 敗 非 令 所 隣 便詔上黨王渙總攝羣將,扶送江表,雷動風馳,助掃冤逆。 高洋 一士民 長伊 國,緝 忌。 江 陰,年 叉欲 德。 朕 小 事言前。 以 大,皆 納貞陽侯 甫十餘,極 彼 天下 貞 陽 為 畢寇虜,乃眷 卿 而 侯 家,大道 八淵明 西 志 梁武 爲 l寇承 格 沖藐 以 玄穹,精 /濟物。 爲 猶 間 梁釁 復 子,長沙之胤, 南 梁嗣,因與僧辯書曰:「梁國 顧 貫白 相 门憤歎 以 未已,負荷諒 掩襲,梁主 梁 日 國 盈 ,勠力齊心 淪 懷 滅 以 不 年以 卵臣 難 有 能固守 懷 望,堪 祭則 舊好,存亡拯墜,義在 子之情,念當 江陵 衞 逆 不 清河王岳,前救荆城, 保 造,禍 醜 君 列 金 政 陵 身宗 凡在 故置 一鯁裂。 難相 由 甯 有情 귦 氏。 仍。 上 爲 , 王 如 梁主, 一个辰, ", 莫不 侯景 斡 師 聞 未 權

直是湘 宜 軍度安 協 我 東 陸,旣不相及,憤惋 良規,厲 怯 弱,致此 被羣 淪胥。 帥 部 良深。 分舟艫 今者之師,何往不剋,善建良 恐及西寇乘流,復躡江左,今轉次漢口,與陸居士相會。卿 , 迎接今王,鳩勒勁勇,幷 圖 ,副朕所望也 心一力。 西羌鳥合,本非勍寇,

騰沸。 沿泝往來,理淹旬月,使乎屆 樹君 此 定。 枝,豈不虛遲,聞孤還 奉在促。」貞陽答曰:「姜暠至,枉示具公忠義 豪,初並 啓曰:「自秦兵寇陝,臣便營赴援, 陽 國,臣不辭灰 恩 、高渙至于東關, 始得 , 社 稷 宗 以長,雪報可 貞陽 天命元 一同契。 ·侯瑱信,示西寇權景宣書,令以 承齊遺送,將屆 粉, 桃,曾不 輔,匡救本朝。 周旣多時不還,人情 悲梁祚 期, 散騎常侍裴之横 相愧。 國,理會高懷,但近再命行人,或不宣具。 社稷 永絕中 壽陽。 再輝,死 近軍次東關,頻遣信裴之橫處,示其可否。 止,殊副所期。 弘濟艱難, 興。 貞陽 纔及下船,荆 且. 卒衆 伏願陛 疑阻;比册降 前 一非吝。 後頻與僧辯書, 真跡 **拒戰,敗績,僧辯** 建我宗祏。[10]至於丘 之懷。 下 請押 便是再立我蕭宗,重興 便事濟江,仰藉皇齊之威, 上星。 城 陷沒, 別使曹沖馳表齊都,續 中使,復遣諸處詢 家國 觀 論還 視 喪亂,于今積年。 即遺劉周 將 因遂謀納貞陽, 國繼統之意, 帥, 園 公旣詢謀卿士,訪逮藩維 恣欲同 板築, 入國,具表 〈我梁 謀, 國,億兆黎 物論 答對驕凶,殊駭聞 泰, 尚想來儀**,** 憑陛下 啓事以聞,伏遲 僧辯不納。 三后 仍定君臣 若 分丹誠 參差, 蒙 至聖之略 朝 塵, 庶,咸蒙 未甚決 公室皇 仰違大 左右 之禮 匹 及貞 海 拜 勳

列

傳

第

Ξ

之渡 通 大猷 辯 節 民。 以 矚。 世 旣 顯 席 更待 權景宣 我 傷惻。 奉 珍 隆 顯 又重 ,遲復行 以 來信, 啓以 方 .稷,弘濟我邦家,慚歎之懷,用忘興寢。 上黨 一感蒼 淸 皇家 社 所 仰 表 啓曰:「員外常侍姜暠還、奉敕伏具動止。 書,上流諸將,本有忠略,棄親向讎,庶當不爾,防奸定亂,終在於公。 生劉 宮 稷 藉 誠 聞 王 上黨王深自矜嗟,不傳首級,更蒙封樹,飾棺厚殯,務從 丹 枝戚,莫不榮荷,江東冠冕,俱知 人。 旻,羣帥同謀,必匪攜貳,則齊師反旆,義不陵江,如致爽言,誓以無克。 有 未知水陸何處見迎。 皇威,敬憑元宰,討逆賊於咸陽,誅叛子於雲夢,同心協力, 陳兵見衛 。」僧辯因求以 質,具悉憂國 奉。 陛 并弟子世珍,往彼 曹沖奉表齊都,即押送也。 ,候六傳之入。 則 羣臣竭節,報厚施于大齊,勠力展愚,效忠誠於陛下。 ,欲敍安危,無識之徒,忽然逆戰,前旌 之懷。 敬帝爲皇太子。 萬 充質,仍遣左民尚書周弘正至歷陽奉迎。 復以庭中玉 夫建國立君,布在方策,入盟出質,有自來矣。 國 傾心,同榮晉文之反,三善克宣,方流宋昌之議。 貞陽 渭橋之下,惟遲敍言, 汜水之陽,預有號懼。」僧 一樹, **、憑賴。 今歃不忘信,信實由** 晉安王東京貽厥之重,西都繼體之賢,嗣守皇 又答曰:「王尚書通至,復枉示,知欲遣賢弟 掌 大齊仁義之風,曲被隣國,卹災救難,申此 內明 、珠,無累胸懷,志在 未舉,即 優禮 自 披猖, 克定 齊朝 衷,謹遣臣第七息 艫 今遣 三医救,豈非 舳浮江,俟一 邦家 大德, 今且 驚悼之情,彌 吏部尚 若公之忠 頓 信威 韜旗 覽所示 東關 書王 劬 國 神 龍 側

不賒。 豈不 本懷 散卒千人而已,幷遣龍舟法駕往迎。 已深。 之危,何 家 江 寧浦 ,寧非民望。 1盟書。 懷 鄉國 風 戢慰之情,無寄言象。 若建承華,本歸皇胄;心 代無此 非遙 宗廟明靈,豈不相感?正爾 斯則大齊聖主之恩規,上黨英王之然諾,得原失信,終不爲 但 世 孤 觸目號咽。」僧辯使送質于鄴。 身當 道喪亂,宜 否運,志不 但公憂勞之重, 既稟齊恩, 忠義之情, 立 口 相 長 君,以 誓, 昌 貞陽濟江之日,僧辯擁檝中流,不敢就岸,後乃同 生。 迴旆,仍向 惟擬晉安。 其蒙孽,難 忽荷不世之恩,仍致非常之舉。 貞陽求渡衛士三千, 歴陽 如或虚言,神 可 承業。 所期質累, 成、昭之德, 明 所 復 便望來 殛。 也。 及 僧辯慮其爲變, 梁 自古 覽今 彼。 自惟 貮。 惟 遲 希儔"沖、質 所示, 虚 相 衆 華 薄 見,使在 軍 夷 不渡, 兆 深逐 止 受

僧辯 南徐 備 遽走 命 縱 僧辯 州 出 常處于石頭城,是日正 火焚之, 貞 . 闇,左右心腹尙數十人。 陽 刺 史,惡其飜覆,與諸將議,因自京口舉兵十萬,水陸俱至,襲于建康。 既踐爲位,仍授僧辯大司馬,領太子太傅、揚州牧, 方共頠 委 公北 下就 門,何謂 執。 視 無備。」爾夜斬之。 霸先 事,軍人已踰城北而入,南門又馳白有兵來。 衆軍 曰:「我 悉至,僧辯 有何辜,公欲與齊師賜討。」又曰:「何意全無防 計 無所出, 乃據南門樓乞命 餘悉如故。 陳霸先時爲司空、 拜請。 僧辯與其子 於是 水軍到, 霸先 因 頠

列

僧辯 陵 郡守。 不聽,竟及於禍。 長子 顗,承聖初歷官至侍中。 齊遣琳鎭壽春,將圖江左,陳旣平淮南, 西魏寇江陵,世祖遣顗督城內諸軍事。 初,僧辯平建業,遺霸先守京口,都無備防,顗屢以爲言, 執琳殺之。 **顗聞琳死**, 荆城陷,顗隨王琳 乃出郡城南,登高 入齊,爲竟

冢上號哭,一慟而絕。

題弟頒,少有志節,恒隨從世祖,及荆城陷覆,沒于西魏。

著焉, 祚。 樹 國之道旣 僧辯位 史臣曰:自侯景寇逆,世祖據有上游,以全楚之兵委僧辯將率之任,及剋平禍亂, 在乎策勳,當上台之賞。 一虧,謀身之計不足,自致殲滅,悲矣! 當將相,義存伊、霍; 敬帝以高祖貽厥之重,世祖繼體之尊,洎渚宮淪覆,理 乃受脅齊師,傍立支庶。 苟欲行夫忠義,何忠義之遠矣。 一膺寶

校勘記

郴 **}**傳亦 州 不 刺 史裴 云 爲 郴州 之横等 刺史。 錢大昕 疑此傳誤也。」 今按: 廿二史考異:「按隋志桂陽郡云平陳置郴州,不云梁所置, 裴之横 册府元龜三九九引此段文全同, 但無「郴州 刺史裴

之横」七字。

- 魯山城主支化仁 「支化仁」本書簡文帝紀及侯景傳作「張化仁」,通鑑亦作「張化仁」,胡注:
- 「或日,張化仁卽支化仁。」
- 僧辯仍督諸軍渡江攻郢 「江」各本作「兵」;惟金陵局本改作「江」,今從之。
- . . 129 又以鵃射千艘並載士 「士」各本皆譌「土」、據册府元龜四三三及通鑑改。
- [五] 僧辯憚之不敢輕進 「敢」各本作「與」,據<u>通</u>鑑改。
- ベン 云朝廷若放王琳納等自當降伏 「放」各本譌作「殺」,據齊史改。
- . . ------承聖三年三月甲辰 「三月」各本作「二月」,據本書元帝紀及通鑑改。 按: 通鑑考異云「典略作

『二月甲子』,今從梁紀」。

- . 人 西魏相宇文黑泰澄兵及岳陽王衆合五萬將襲江陵 「黑泰」册府元龜一九九作「泰」。按: 宇文
- 泰本名黑獺,獺、泰聲相近。
- [九]及敬帝初卽梁主位 「主」南史及通鑑並作「王」。
- C107 建我宗祏 「我」各本作「武」、涉形近而訛、今改。

列

傳第

三十

九

校

勘

梁書卷四十六

列傳第四十

胡僧祐 徐文盛 杜崱 兄岸 弟幼安 兄子龕 陰子春

大通元年,陳慶之送魏北海王元顥入洛陽,僧祐又得還國,除南天水、天門二郡太守,有善 國,自頭上封事,高祖器之,拜假節、超武將軍、文德主帥,使戍項城。城陷,復沒于魏。 性好讀書,不解緝綴,然每在公宴,必强賦詩,文辭鄙俚,多被潮謔,僧祐怡然自若,謂 胡僧祐字願果,南陽冠軍人。 少勇決,有武幹。 仕魏至銀青光祿大夫,以大通二年 中

己實工,矜伐愈甚。

武猛將軍、封新市縣侯、令赴援。 祐諫,件旨下獄。 晚事世祖,爲鎭西錄事參軍。 大寶二年,侯景寇荆陝,圍王僧辯於巴陵,世祖乃引僧祐於獄,拜爲 僧祐將發,謂其子曰:「汝可開兩門,一 侯景亂,西沮蠻反,世祖令僧祐討之, 使盡誅其渠帥, 僧 門擬朱,一 門擬白。 假

列

傳第四十

胡僧祜

四 + 六 六四〇

與幷軍 吉則 |祐曰:「吳兒,何爲不早降。走何處去。」僧祐不與之言,潛引却,至赤砂亭,會陸法和 五千,據白墳,遙以待之。至一僧祐由別路西上,約謂畏己而退,急追之,及於南安芊口 由朱門, 擊約,大破之,擒約送于江陵,侯景聞之遂遁。 凶 則由白門,吾不捷不歸也。」世祖聞而壯之。 世祖以僧祐爲侍中、 至楊浦、景遣其將任約率銳卒 領軍將軍,徵還 至,乃 呼僧

之,咸爲致死, 於是內外惶駭,城遂陷。 軍 事 承聖二年,進爲車騎將軍、開府儀同三司,餘悉如故。 魏軍 四 面起攻,百道齊舉,僧酤親當矢石, 所向摧殄, 賊莫敢前。 俄而中流矢卒, 晝夜督戰, 時年六十三。 西魏寇至,以僧祐爲都督城東諸 獎勵將 士,明於賞罰, 世祖聞之,馳往臨哭。 衆皆感

荆州

在僻 遠,所管羣蠻不識敎義,貪欲財賄,劫篡相尋,前後刺史莫能制。 文盛仍統 徐文盛字道茂,彭城 其衆, 稍立 人也。 一功績, 高 世仕魏爲將。 祖 甚 優寵之。 父慶之,天監初,率千餘 大同末,以爲持節、督寧州 人自北京 文盛推心撫慰,示以 刺 史。 歸款,未至道 先是,州

威德,夷獠感之,風俗遂改。

獄中。 巴州 州,世祖仍以爲城北面都督。 戰,大破之,獲其舟艦以歸。 文盛旣失兵權,私懷怨望,世祖聞之,乃以下獄。 之,文盛深德景,遂密通信使,都無戰心,衆咸憤怨。 進,又甚飢 東下,至武昌,遇侯景將任約,遂與相持久之。 叉與相 ·汝何不早降,令我至此。」|約曰:「門外不見卿馬跡,使我何遽得降。」 文盛無以答,遂死 梁 杜崱 刺史王珣等會之,並受文盛節度。 南秦沙東益巴北巴六州諸軍事、仁威將軍 持。 京兆杜陵 ·疲,可因此擊之,必大捷。」文盛不許。 侯景聞之,乃率大衆西上援約, 人也。 其先自北歸南,居於雍州之襄陽,子孫因家焉。 會景密遣騎從間道襲陷郢州,軍中兇懼,遂大潰。 又聚贓污甚多, 擊任約於貝磯,約大敗,退保西陽,文盛進據蘆洲, 至西陽。 世祖大怒,下令責之,數其十罪,除其官爵。 秦 世祖又命護軍將軍尹悦、平東將軍杜幼安、 州 時任約被擒,與文盛同禁。 文盛妻石氏,先在建鄴,至是,景載以還 刺史,授以東討之略。於是文盛督衆軍 杜幼安、宋簉等乃率所領獨進, 文盛不敢戰。 諸將咸曰:「景 文盛謂約日: 文盛奔還荆

太清二年,聞國難,乃召募得數萬人來赴。

世祖嘉之,以爲持節

、散騎常侍、左衞

將軍、

水軍

與景

列 傅 四 徐 文 盛 杜 崱 祖靈啓,齊給事

績, 中。 州 所 部 父懷 武 一驍猛 寶 興 氐王楊紹 將軍 少 有 、梁州 志節,常邀際會。 反, 刺 懷寶擊破之。 史。 大同 初,魏 高祖義師東下,隨南平王偉留鎭襄陽。 五. 梁州刺 年, 卒於鎭。 史元羅舉州 崱 卽 ?參幕府,後爲新興太守。 內附 懷寶第七子也。 懷寶復進督華州 天監 幼 有志 中,稍立功 値 秦

鄕

運以

膽

勇

稱

釋褐

廬江

一驃騎

府中兵參

軍。

世祖

臨荆州,仍

史,枝 等夜 中 持節、督 率 精銳 左 . 歸 于 太清 衞 江 左 江 將 縣侯,邑千戶。 世祖 二年,隨岳陽王來襲荆 州 右 軍 諸 衝突,崱 進爵為 軍 世 事 祖以 江 從嶺 公, 爲持節、信威將 州 令隨 後 增邑五 刺 横截之, 史,增邑千戶。 王僧辯 州 百戶。 世祖 東討侯景。 景乃大敗,東 軍 以 仍隨僧辯 一、武州 與之有舊 至 刺 史。 追景至 巴陵,會景來攻,數十日不 奔晉陵,崱 ,密邀之,崱乃與兄岸、弟幼安、兄子龕 俄 石頭,與賊相 遷宣毅將 入據城。 軍 ,領鎭蠻護軍、武陵 持横嶺。 景平, ·剋而 加散騎 及戰 遁。 常侍、 一景親 加 侍 內

擒千 與王 後 會 納等降,與又與王僧辯西討武陵王於硤口 與元 僧 餘 是 月, 人,元建 建 討之。 大戦 齊將 於 收 郭 承聖二年 餘 +: 元 林,回 建 衆 攻秦州 而 遁。 及納 霸先 刺 時 等 世 令 史嚴 戰 强 加 於 弩射,元 超遠於秦郡,三 執 車 王 輪 琳 於江 ,至卽破平之。 建 大 衆 敗, 陵, 却 陷 崱 其長 王僧辯 其二 因 史 縦 壘, 於是旋鎮,遘疾卒。 陸納等遂於長 兵擊,大破 令崱赴援,陳霸先 納等走保長 之,斬首萬 沙 沙 反, 亦自 詔 崱等圍之。 世 日「順, 餘級,生 祖徵崱 歐陽 來

京 兆 舊 1姓,元 凱苗裔,家傳學業,世載忠貞。 自 驅傳江渚, 政號廉能, 推轂淺原,實聞清靜

奄 致 殞 喪, 惻 愴于 懷。 可 贈 車騎將軍,加 鼓 吹 部。 諡 日 武

崱 兄弟 、九人,兄嵩、岑、嵸、岌、嶷、巘 、岸及弟幼安、三並 一知名當世

攻其 巘 軍 俱 北 遇 岸 城 梁州 字 不 公衡。 刺史,封 剋, 岳陽 少有 江 至,遂走依其兄巘於南陽,巘時爲 陵縣侯,邑一千戶。 武 幹,好從橫之術。 岸因請 太清 中, 襲襄陽, 與崱同歸 南陽 世 太守。 祖 世 許之。 祖, 岳 世 陽 岸乃晝夜 祖 尋 以爲持節 遣 文陷 兼 其 城 平 "; |岸 先 北 往 將

例 甲 之。 同 刺 史,封 阳上 執刺 景 萬 羅 幼安 渡 子 華容 史方諸 助 蘆 通 性至孝,寬厚, 左 洲 縣侯, 湘 衞 上 等以 將 州 流 軍 刺 以 邑一 歸 史趙 徐文盛 壓 一千戶。 文 人 威 雄 盛等, 情 方等, 東 勇過人。 大駭,徐文盛由 討 令與 侯景。 幼安 傳首 平 太清中,與兄崱同歸世祖 與衆 江陵。 南 至 將 貝 軍 漢口 軍 磯 攻 王僧辯 乃 之, 遇景 進 遁 軍 景 一歸,衆軍大敗,幼安遂降于景。 將 大 討 大 任 舉口 河 敗, 約 東 盡 來 , 王 2 世 獲 逆 譽 其 與景相 於 祖 遂 舟艦 長 以 顛 沙 爲 戦 持。 雲廳將 , 平之。 會景 敗 别 密 攻 之, 軍 遣 叉 武 景殺之, · 西 襲陷 斬 昌 命 率 荆 其 郢 精 拔 儀 州

列

傳

第

四

+

以其多反覆故也。

石頭。 州刺史、益封一千戶。 寶三年,衆軍至姑孰,景將侯子鑒逆戰,龜與陳霸先、王琳等率精銳擊之,大敗子鑒,遂至于 邑五百戶。 圍之數旬,不剋而遁。 武 下,繼徐文盛軍至巴陵,聞侯景襲陷郢州,西上將至,乃與僧辯等守巴陵以待之。景至, 將軍、鄖州刺史,中廬縣侯,「引邑一千戶。與叔幼安俱隨王僧辯討河東王,平之。 景親率其黨會戰,龕與衆軍奮擊,大破景,景遂東奔。論功爲最,授平東將軍、東揚 仍隨僧辯追景至江夏,圍其城。 遷太府卿、安北將軍、督定州諸軍事、定州刺史,加通直散騎常侍,增 少驍勇, 善用 兵,亦太淸中與諸父同歸世祖,世祖以爲 景將宋子仙棄城遁,龕追至楊浦,生擒之。大 持節 又隨僧 忠

陷 **|霸先經心,及爲本郡,每以法繩其宗門,無所縱捨,霸先銜之切齒。** 王僧辯殺之。 南豫州刺史、溧陽縣侯,給鼓吹一部;又加散騎常侍、鎮東大將軍。會陳霸先襲陷京師,執 ,齊納貞陽侯以紹梁嗣,以龕爲震州刺史、吳興太守。又除鎭南將軍、都督南豫州諸軍事 承聖二年, 又與王僧辯討陸納等於長沙, 降之。 龕、僧辯之壻也,爲吳興太守,以霸先旣非貴素,兵又猥雜,在軍府日,都不以 又征武陵王於西陵,亦平之。 及僧辯敗,龕乃據吳興 後江陵

出 以距之,遣軍副杜泰攻陳蒨於長城,反爲蒨所敗。 . 距,又爲文育所破,走義興,霸先親率衆圍之。 會齊將柳達摩等襲京師,霸先恐,遂還與 霸先乃遣將周文育討龕,龜令從弟北叟

齊人連和。

龕聞齊兵還,乃降,遂遇害。

旭 大貴,非人臣也。 父智伯,與高祖隣居,少相友善,嘗入高祖 每有求索,如外府焉。 陰子春字幼文,武威姑臧人也。 天下方亂,安蒼生者,其在君乎」。高祖曰:「幸勿多言。」於是情好轉密,高 及高祖踐阼,官至梁、秦二州刺史。 晉義熙末,曾祖襲,隨宋高祖南遷,至南平,因家焉。 臥內,見有異光成五色,因握高祖手曰:「公後必

軍 與左衞將軍徐文盛東討侯景,至具磯,與景遇,子春力戰,恒冠諸軍,頻敗景,值郢州陷沒, 衞 信威將軍、都督梁秦華三州諸軍事、梁秦二州刺史。 逐退敗。 將軍,又遷侍中。 子春,天監初,起家宣惠將軍,西陽太守。 大寶二年,卒於江陵。 屬侯景亂,世祖令子春隨領軍將軍王僧辯攻邵陵王於郢州,平之。 普通 中,累遷至明威將軍、南梁州刺史,又遷 太清二年,討峽中叛蠻,平之。 徴爲左

叉

孫顥,少知名。 傳 第 四 + 釋褐奉朝請,歷尙書金部郎。 陰 子 春 校 勘 記 後入周。 撰瓊林二十卷。 六四五

加焉。 **屢典軍,頻殄寇逆,勳庸顯著,卒爲中興功臣,義哉。** 史臣曰:胡僧祐勇幹有聞,搴旗破敵者數矣,及捐軀殉節,殞身王事,雖古之忠烈,何以 徐文盛始立功績,不能終其成名,爲不義也。 杜崱識機變之理,知向背之宜;加以身

校勘記

- 以大通二年歸國 「二年」南史及册府元龜二一五、四四四俱作「三年」。
- 據白埼遙以待之 「埼」各本作「塔」、百衲本作「燨」、據通鑑梁簡文帝大寶二年紀改。
- 齊將 郭 元建攻秦州刺史嚴超遠於秦郡 「遠」南史及通鑑梁元帝承聖 元年紀並作「達」。
- 29 與元 建大戰於士林 「士」各本譌「土」,據通鑑梁元帝承聖元年紀改。 士林卽六合北士林館。
- 五. 兄嵩岑嵸岌嶷巘岸及弟幼安 按:當依南史作「兄嵩、岑、嶷、岌、巘、岸及弟嵸、幼安」,與上文
- 「崱卽懷寶第七子」正合。
- ベン 七 \Box 中盧縣侯 乃進軍大舉口 「中」字各本並脫。 「口」各本作「因」,據通鑑梁簡文帝大寶元年紀改。 據南史、通志補。 中盧縣屬雍州襄陽郡。 按:通鑑「乃」作「仍」。

列傳第四十一 孝行 孝行 孝行 孝行 孝行 大孝,德之本此 經云:「夫孝,德之本此 經云:「夫孝,德之本此 經云:「夫孝,德之本此

劉曇淨

何炯

庾沙彌

江紑

劉霽

宛陵女子

沈崇傃

荀匠

庾黔婁

吉猕

弊之風以革,孝治之術斯著。 經云:「夫孝,德之本也。」此生民之爲大,有國之所先數!高祖創業開基,飭躬化俗,澆 彰於視聽,蓋無幾焉。 每發絲綸,遠加旌表。而淳和比屋,罕要詭俗之譽,潛晦成 **今採綴以備遺逸云爾。**

列傳

曇恭家 謝、因 恭有子三人,皆有行業。 辭不就。 其門外有冬生樹二株,時忽有神光自樹而起, 俄見佛像及夾侍之儀, 容光顯著, 自門而入, 旬日,感慟嘔血,絕而復蘇。 得,銜悲哀切。 滕曇恭,豫章南昌人也。 捧瓜還,以薦其母。 人大小,咸共禮拜, 王儉時隨僧虔在郡,號爲滕曾子。 俄值一桑門問其故, 曇恭具以告。 舉室驚異。 **久之乃滅,遠近道俗咸傳之。** 隆冬不著蠒絮,蔬食終身。 年五歲,母楊氏患熱,思食寒瓜,土俗所不產,曇恭歷訪不能 尋訪桑門,莫知所在。 天監元年, 陸璉奉 桑門曰:「我有兩瓜, 每至忌日,思慕不自堪,晝夜哀慟。 太守王僧虔引曇恭爲 及父母卒,曇恭水漿不入口者 ·使巡行風俗, 分一 表言其狀。 相遺。」曇恭 功曹,日固 曇 拜

以身蔽火。 時 有徐普濟者,長沙臨湘 隣人往救之,焚炙已悶絕,累日方蘇。 人。居喪未及葬,而隣家火起,延及其舍,普濟號慟伏棺上,

棄之,女抱母還,猶有氣,經時乃絕。 宣城 宛陵有女子 與母同牀寢,母爲猛 太守蕭琛賻焉,表言其狀,有詔旌其門閭。 虎所搏,女號叫挐虎,虎毛盡落,行十數里, 虎乃

沈崇傃字思整,吳興武康人也。 父懷明,宋兗州刺史。[三]崇傃六歲丁父憂,哭踊過禮,

滅,非 固辭不受官,苦自陳讓,經年乃得爲永寧令。 明 聞, 息者。 未 後 侍疾,將欲致死,水漿不入口,晝夜號哭,旬日殆將絕氣。 鄱 及 斷 得 陽王參軍 更治服三年。 長,傭書以養母焉。 卽 大 (全孝之道也。」崇傃之瘞所,不避雨雪,倚墳哀慟。 遣中書舍人慰勉之。 (葬,自以行乞淹年,哀典多闕,方欲 可便 家貧無以遷蹇,乃行乞經年,始獲葬焉。 事。 令除釋,擢補太子洗馬。 三年,太守柳惲辟爲主簿。〔三〕崇傃從惲到郡,還迎其母,母卒,崇傃以不及 **人食麥屑,不噉鹽酢,** 齊建武初,起家為奉朝請。 乃下詔曰:「前軍沈崇傃,四少有志行,居喪踰禮。 旌彼門閭,敦茲風敎。」崇傃奉詔釋服,而 ,坐臥於單薦,因虛腫不能起。 以永慕之晨,更爲再期之始。 自以祿不及養,怛恨愈甚,哀思不自堪,至縣 旣而廬于墓側,自以初行喪禮不備,復 永元末,遷司徒行參軍。 每夜恒有猛獸來望之,有聲狀 兄弟謂之曰:「殯葬未申, 郡縣舉其至孝。 雖卽情 天監初,爲前軍 涕泣 齌制 可矜,禮有 如 遽自毁 、居喪, 不終, 以 如 高 歎 祖

宋元 嘉末 荀匠 渡淮 字文師 赴 ,潁陰人,晉太保勗 武陵 王 義,爲元凶追兵所殺,贈員外散騎侍郎。 九世 孫 也。 祖瓊,年十五,復父仇於成都市,以孝聞。 父法超 齊中興 末爲安復

卒

·,時年三十九。

列

傅

第

四

職 雖卽吉,毀顇逾甚。外祖孫謙誡之曰:「主上以孝治天下,汝行過古人,故發明詔,擢汝此 裁連,雖家人不復識。郡縣以狀言,高祖詔遣中書舍人爲其除服,擢爲豫章王國左常侍。匠 章,望舟投水,傍人赴救,僅而得全。 聞 令,卒於官。 其哭聲。 。自括髮後,不復櫛沐,髮皆禿落。哭無時,聲盡則係之以泣,目眥皆爛,形體枯顇,皮骨 非唯君父之命難拒,故亦揚名後世,所顯豈獨汝身哉。」匠於是乃拜。 服未闋,兄斐起家爲鬱林太守,征俚賊,爲流矢所中,死於陣。喪還,匠迎于豫 凶問至,匠號慟氣絕,身體皆冷,至夜乃蘇。 旣至,家貧不得時葬,居父憂幷兄服,歷四年不出廬 旣而奔喪,每宿江渚,商旅皆不忍 竟以毁卒於家,

庾黔婁字子貞,新野人也。父易,司徒主簿,徵不至,有高名。

即日棄官歸家,家人悉驚其忽至。時易疾始二日,醫云:「欲知差劇,但嘗糞甜苦。」易泄痢, 簿,遷平西行參軍。 出爲編令,治有異績。 先是,縣境多虎暴,黔婁至,虎皆渡往臨沮界,當 時以爲仁化所感。 黔婁少好學,多講誦孝經,未嘗失色於人,南陽高士劉虬、宗測並歎異之。起家本州主 齊永元初,除孱陵令,到縣未旬,易在家遘疾,黔婁忽然心驚,舉身流汗,

黔婁輒取嘗之,味轉甜滑,心逾憂苦。 壽 命 盡,不復 「,將起之,鎭軍蕭穎冑手書敦譬,黔婁固辭。 可延,汝誠 [禱旣至,止得申至月末。]及晦 至夕,每稽顙北辰,求以身代。 服闋,除西臺尚書儀曹郎 而易亡,黔婁居喪過禮,廬于冢側 俄聞空中有聲曰:「徵

和

帝

即位

婁身營 婁示 講 皇太子 寶 五經 Щ ... 積 不 梁 義。 殯 臺建,鄧元起爲益州刺史,表黔婁爲府長史、巴西梓潼二郡太守。 讀,甚見 違之,請書數篋。 , 元起悉 殮,攜持喪柩 遷散騎侍郎、荆州大中正。 知 分與僚佐,惟黔婁一 重,詔與太子中庶子 歸 郷里。 尋除蜀郡太守,在職淸素,百姓 還爲 無所取。 尚書金部郎,遷中軍 殷鈞、中舍人到洽、 卒,時年四十六。 元起 惡其異衆,厲聲曰:「長史何獨爾爲 位便之。 國子博士明山賓等,遞 表記室參軍。 元起死于蜀,部曲 及成都平,城中珍 東宮建,以本官侍 日爲太子 皆散, 黔

泣 口 **始**將 **衢路,祈請** 吉 翂 滅 字彥霄,馮翊蓮 性,親黨異之。 公卿 行 人見者,皆爲隕涕。 勺人也,世居 天監初,父爲 高祖異之,敕廷尉卿蔡法度曰:「吉翂請死贖父,義誠 寒陽。 吳興原鄉 其父理雖清白,恥爲 粉幼有孝性。 令,為 姦吏所 年十一,遭所生母憂,水漿不 東訊 誣,逮詣 了 乃 虚 廷尉。 自引咎,罪當 粉 可嘉 年 十五,號 大辟。 ",但其

列

六五二

粉至 具以 選。 令著一小者。 中 風 則 以聽大戮,情殫意極,無言復對。」勝初見囚,獄掾依法 生 足 殉 可 必 問 幼 畏憚 童, 《是因父買名,一何甚辱。」 拒之而 , 況在人斯, 豈願齏粉。 稱佳童,今若轉辭,幸父子同濟,奚以此 身不 爲 化 翂 一.日 大行。 心 |張仄連名薦翂,以爲孝行純至,明通易、老。 粉曰:「異哉王尹,何量粉之薄乎! 奏聞,高祖乃宥其父。 人 未 」,顧諸 所教。 有 ·測,委骨泉壤,此 必 爾求 在,不可屈撓,乃更和顏誘語之曰:「主上知尊侯無罪,行當 自能 自確還至郢,湘州刺史柳忱復召爲主簿。 弟稚 ,代父死,敕已相許,便應伏法,然刀鋸至 粉弗聽,曰:「粉求代父死,死罪之囚,唯宜增益,豈 姓名是誰, 造意,卿可嚴加脅誘,取其款實。」法度受敕還寺,盛陳徽纆,備列官司,厲色 藐,唯囚爲長,不忍見父極刑, 非細 可具列答。 但囚 丹陽尹王志求其在廷尉故事 故,奈何受人敎邪 父挂深刻, 岸 若有悔異, 年十七、應辟 夫父辱子死,斯道固然,若 必正 妙年,苦求湯鑊。」獨對 一刑書, 自延視息,所以 亦相 敕付太常旌舉。 明詔聽代,不異登仙,豈 爲本 備加 故思殞 劇,審能死不? 聽許。」獨對 が、弁請 後鄉人裴儉、 州主簿。 桎 梏,法度矜之,命脫 仆, 鄉居,欲於歲首,舉充純 內斷 可減乎
。
竟不脫械。 二日:日 冀延父命。 初,粉以父陷罪,因 曰:「凡鯤 粉有 出 釋亮。 胸 且 監 丹陽 臆,上干萬 囚雖蒙弱, 豈不知死 靦 萬 爾童孺 面目, 年 有回貳。」法度知 尹 觀君 鮞 縣,攝官 丞 今瞑 螻蟻,尙惜其 ,志不及此, 一臧盾 當其 神 其二械,更 儀 目引領, 「期月, 此 明秀, [成悸 揚州 今欲 法度

甄恬字彥約,中山無極人也,世居江陵。祖欽之,長寧令。父標之,州從

珍羞。 宿其廬。州將始興王憺表其行狀。詔曰:「朕虛己欽賢,寤寐盈想,詔彼羣岳,務盡搜揚。 母,恨生不識父,遂悲泣累日,忽若有見,言其形貌,則其父也,時以爲孝感。家貧,養母常得 爵位。」恬官至安南行參軍。 恬旣孝行殊異,聲著邦壤,敦風厲俗,弘益茲多。牧守騰聞,義同親覽。 恬數歲喪父,哀感有若成人。家人矜其小,以肉汁和飯飼之,恬不肯食。年八歲,問其 及居喪,廬於墓側,恒有鳥玄黃雜色,集於廬樹,恬哭則鳴,哭止則止。又有白雀栖 可旌表室閭,加以

復。 時寒甚切,忽聞香氣,空中有人語曰:「童子母須臾永差,無勞自苦。」未曉,而母豁然平 鄕里異之。 韓懷明,上黨人也,客居荆州。年十歲,母患屍疰,每發輒危殆。 十五 喪父,幾至滅性,負土成墳,贈助無所受。 免喪,與鄉人郭摩俱師事南 懷明夜於星下稽顏祈

列傳第四

+

孝行

絕聲。 天監初,刺史始興王憺表言之。 以供甘脆,嬉怡膝下,朝 亦亡矣。 陽 劉虬。 有雙白鳩巢其廬上,字乳馴狎,若家 Ξ 懷明聞之,卽日罷學,還家就養。 虬嘗 一日廢講,獨居涕泣。 夕不離母側。 州累辟不就,卒于家。 母年九十一,以壽終, 懷明竊問其故,虬家人答云:「是外祖亡日。」時則 禽焉,服釋乃去。 虬歎曰:「韓生無虞丘之恨矣。」(+)家貧,常肆力 懷明水漿不入口一旬,號哭不 既除喪,蔬食終身,衣衾無改。

後,事 慧斐舉以 飲者累日 母 懇 喪權 惻 甚至,遂以孝聞 劉 母尤淳至, 瘞藥王寺,時天寒,曇淨身衣單布,廬於瘞所, 曇淨字元光,彭城呂人也。[5]祖元眞,淮南太守,居郡得罪,父慧鏡,歷詣朝士乞哀, ,絕而 應孝行,高 叉 身營飱粥,不 蘇。 祖 曇淨篤 用 每哭輒嘔 爲 海寧令。 行 以委 血 有父 人。 風。 曇淨以兄未爲縣, 服闋,因毀瘠成疾。 母疾, 解褐安成王國 衣不 解帶。 晝夜哭泣不絕聲,哀感行路,未及朞 因 左常侍,父卒於郡,曇 會有詔,士姓各舉四科 以讓兄,乃除安西行 及母亡,水漿不 入口 淨 :參軍。 者 曇淨 奔喪,不食 殆 父亡, 叔父 旬。

而

卒。

何炯字士光,廬江灊人也。父撙,太中大夫。

慟不絕聲,枕凷藉地,腰虛脚腫,竟以毁卒。 才,累遷王府行參軍,尚書兵、庫部二曹郞。出爲永康令,以和理稱。 記室,遷治書侍御史。以父疾經旬,衣不解帶,頭不櫛沐,信宿之間,形貌頓改。及父卒,號 曰:「求、點皆已高蹈,汝無宜復爾。 叔 寶神清,弘治膚清,今觀此子,復見衞、杜在目。」炯常慕恬退,不樂進仕。 炯 年十五,從兄胤受業,一朞並通五經章句。 且君子出處,亦各一途。」年十九,解褐揚州 炯白皙,美容貌,從兄求、 還爲仁威南康王限內 點每稱之曰: 主簿。 從叔昌寓謂

母 攸 日 劉 之 禍 氏 事 酷 庾 喪不 用用 談,沙彌時始生。 寢 沙 爾,潁川人也。云晉司空冰六世孫。父佩玉,輔國長史、長沙內史,宋昇明中坐沈 疾,沙彌 解衰 是 何爲 絰 不不 **晨昏侍側,衣不解帶,或應鍼灸,輒以身先試之。及母亡,水漿不** 」既長,終身布衣蔬食。 出廬戶 年至五 () 晝夜號慟,隣人不忍聞。 一歲,所生母爲製采衣,輒不肯服,母問其故,流涕對曰:「家 起家臨 川王國左常侍,遷中軍田 墓在新林,因有旅松 百餘株,自生墳 曹行參軍。 文 口累 嫡

列

傅

側。 而 軍 事 族兄都官尚書詠表言其狀,應純孝之舉,高祖召見嘉之,以補獻令。 風 ,隨府 靜,蓋孝感所致。 會稽,復丁所生母憂。 服闋,除信威刑獄參軍、兼丹陽郡□□ 喪還都,濟浙江,中流遇風,舫將覆沒,]□累遷寧遠錄事參軍,轉司 還除輕車邵陵王 沙彌抱柩號哭,

馬。

出爲長城令,卒。

寺,可 叔祿 智者 將 尤善佛義,不樂進仕。 有瘳,因此遂差。時 遂 期月,衣不 見冥中送藥。 啓捨 與草堂寺智者法師善,往訪之。 江 杯字含潔,濟陽考城人也。 以慧眼爲名。」及就創造,泄故井,井水淸冽,異於常泉。 同 夏縣界牛屯里舍爲寺,乞賜嘉名。 ·解帶。 近見智者,知卿第二息感夢,云飮慧眼水。 人謂之孝感。 夜夢一僧云:「患眼者,飲慧眼水必差。」及覺說之,莫能解者。 及父卒,杯廬于墓,終日號慟不絕聲,月餘卒。 南康王 父庸,光祿大夫。 紑幼有孝性,年十三,父患眼,紑侍疾 智者曰:「無量壽經云: 爲南徐州,自己召爲 敕答云:「純臣孝子,往往 迎 慧眼 慧眼見眞,能渡彼岸。」構乃因 主簿。穌性靜,好悉、莊玄言, 依夢 則是五眼之一號, 取水洗眼及煮藥,稍 域應。 晉世顏含, 若欲造 |杯第

劉 霽字士烜,平原 人也。 祖乘民,宋冀州刺史。 父聞慰,齊正 員郎。二二

抑譬。 帶者 還爲 申 記室,出補 杏 延。 歊 七 建 霽 相篤 年九 康 旬,誦 霽思慕不 後六十餘 正 勵學。 西昌 人歲,能 ,非所好,頃之,以疾免。 觀世 相。 Ė, 日乃亡。 一音經,數 旣長,博涉多通。 誦 左氏傳,宗黨咸異之。 入爲尚書主客侍郎,未朞,除海 服未終而卒, 至萬遍,夜因感夢,見一 霽廬于墓, 時年五十二。 天監中, 起家奉朝請, 稍遷宣惠晉安王府參軍, 兼限內 尋除建康令,不拜。 哀慟 十四居父憂,有至性,每哭輒 過 禮。 僧謂 著釋俗語八卷, 常有雙白鶴 鹽令。 日:「夫人算盡,君精誠篤 母明氏 霽前後宰二邑,並以 馴翔 寢疾,霽年 廬 文集十卷。 側。 嘔 處士阮孝緒致 Ų 已五 弟杳在文學 家貧, 十,衣不解 和 至,當相 理著稱 與弟 爲 書

{傳

業,兼通孝經、論語,善尺牘,頗解文章。 國子 助 褚脩,吳郡錢唐 敎。 武 陵王 爲揚州, 人也。 父仲都 引爲宣惠參軍、 ,善周易,爲當時最。 初 爲 限內記室。 湘 東王 或 一侍郎 脩性至孝, 父喪毁精過 天監中,歷官五經博士。 稍 遷 輕車湘 東府行 禮, 参軍 脩少 因患冷 ·, 並 傳父 兼

列

傅

第

四

+

孝

行

氣。 及丁母憂,水漿不入口二十三日,氣絕復蘇。 每號慟嘔血,遂以毁卒。

謝藺字希如,陳郡陽夏人也。 晉太傅安八世孫。父經,北中郎諮議參軍。日日

庸頌。 林館, 之歎曰:「此兒在家則曾子之流,事君則藺生之匹。」因名之曰藺。稍授以經史,過目便能諷 闋後,吏部尚書蕭子顯表其至行,擢爲王府法曹行參軍,累遷外兵記室參軍。時甘露降士 誦。 孝緒每日「吾家陽元也」。及丁父憂,晝夜號慟,毀瘠骨立,母阮氏常自守視譬抑之。 藺 | 藺獻頌, 五歲,每父母未飯,乳媼欲令藺先飯,藺曰:「旣不覺飢。」强食終不進。 高祖嘉之,因有詔使製北兗州刺史蕭楷德政碑,又奉令製宣城王奉述中 舅阮孝緒聞 服

不入口。 得還,處氣卒。 太清 親友慮其不全,相對悲慟,强勸以 元年,遷散騎侍郎,兼散騎常侍,使於魏。 及藺還入境,爾夕夢不祥,旦便投劾馳歸。 飲粥。 **閫初勉强受之,終不能進,經月餘日,因** 會侯景舉地入附,境上交兵,藺母 旣至,號慟嘔血,氣絕 久之,水漿 慮不

先王制禮,賢者俯就。 **膺聖教,曾參、閔損虔恭孝道,或水漿不入口,泣血終年,豈不知創鉅痛深,蓼莪慕切,所謂** 史臣曰:孔子稱「毁不滅性」,教民無以死傷生也,故制喪紀,爲之節文。 至如丘、吳,終於毀滅。 若劉曇淨、何炯、江紑、謝藺者,亦二子之志 高柴、仲由伏

校勘記

歟。三言

- 太守王僧虔引曇恭爲功曹 「虔」各本譌「度」,據南史及册府元龜七五七改。
- 父懷 明宋兗州 刺史 「兗州」、宋書沈慶之傳作「南兗州」。
- 天監 軍 三年太守柳惲辟 鄱 二年 陽 王 參 出 爲吳興太守,是沈崇傃被辟爲主簿,當在天監二年。 軍 事,據鄱陽王恢傳,恢於天監二年出爲征虜將軍南徐州刺 爲主簿 「三年」南史及太平御覽四一二作「二年」,按: 史,而據柳惲傳 沈崇傃於天監初為前 惲於
- 껃띡 前 軍沈崇傃 沈崇傃 曾爲前軍鄱陽王參軍事了前軍」下疑脫「參軍 二二字。
- Ħ. 湘 州 刺史柳 忱復召爲 主簿 「忱」各本譌「悅」,據南史改。 按: 柳忱傳云,忧於天監六年爲湘州

傳第四十一 校勘記

列

刺史。

與鄉人郭摩俱師事 南陽劉虬 按安成王秀傳是「麻」字。 册府元龜七五三

作「麻香」,當是「釋」字分刻爲二。

. . -u 韓生無虞丘之恨矣 「虞丘」,南史作「丘吾」。 李慈銘南史札記:「丘吾卽丘吾子,事見說苑敬

旗篇。 梁書作虞丘,古虞吾字通用。周書及北史儒林樊深傳云,嘗讀書見吾丘子,蓋皆誤倒。」

ハベン 彭城呂人也 「呂」各本作「莒」。彭城郡有呂縣,無莒縣。今改正。

庾沙彌潁川人也 「潁川」各本譌作「潁陰」,今改正。按本書文學庾仲容傳:「潁川隱陵人也。

晉司空冰六代孫。」

南康王爲南徐州 「南徐州」各本皆脱「徐」字。按:本書及南史南康簡王績傳並云天監十年遷

「南徐州刺史」,今據補。

父聞慰齊正員郎 「正」各本譌「工」,據南齊書劉懷慰傳改。 按聞慰爲懷慰原名。

[三] 父經北中郎諮議參軍 各本脫「北」字,據南史補。

至如 丘吳終於毀滅至亦二子之志歟 按韓懷明傳作「虞丘」,南史作「丘吾」,爲一人。此論又作

「丘吳」而 謂爲二人。李慈銘南史札記云:「惟分爲二人,或別有所本,恐是誤耳。」參本卷校勘記

第七條。

梁書卷四十八

列傳第四十二

儒林

伏曼容 崔靈恩 何佟之 孔僉 盧廣 范縝 沈峻 嚴植之 太史叔明 賀瑒 孔子袪 子革 司馬筠 皇侃 卞 華

寡。時荀顗、摯虞之徒,雖删定新禮,改官職,未能易俗移風。 生孤 之多歷世祀,其棄也忽諸。 |左草創,日不暇給,以迄于宋、齊,國學時或開置,而勸課未博,建之不及十年,蓋取文具,廢 或就爲列肆,其盛也如是。 陋,擁經 漢氏承秦燔書,大弘儒訓,太學生徒,動以萬數,郡國黌舍,悉皆充滿,學於山澤者,至 而無所講習,三德六藝,其廢久矣。 鄉里莫或開館,公卿罕通經術,朝廷大儒,獨學而弗肯養衆,後 漢末喪亂,其道遂衰。 高祖有天下,深愍之,詔求碩學,治五禮, 魏正始以後,仍尚玄虛之學,爲儒者蓋 自是中原横潰,衣冠殄盡,江

列

傳

之、范縝,有舊名於世,爲時儒者,嚴植之、賀瑒等首膺茲選。今並綴爲儒林傳云。 德,使陶鈞遠被,微言載表。」於是皇太子、皇子、宗室、王侯始就業焉。 高祖親屈輿駕,釋奠 式敦讓齒,自家刑國。 光宅區字,雖耕耘雅業,傍闡藝文,而成器未廣,志本猶闕,非以鎔範貴遊,納諸軌度,思欲 於先師先聖,申之以讌語,勞之以束帛,濟濟焉,洋洋焉,大道之行也如是。其伏曼容、何佟 酒,到州郡立學。七年,又詔曰:「建國君民,立敎爲首,砥身礪行,由乎經術。 會稽賀瑒補博士,各主一館。〔〕館有數百生,給其餼廩。 年間,懷經負笈者雲會京師。 又選遣 學 生 如會稽雲門山,受業於廬江何胤。 今聲訓所漸,戎夏同風,宜大啓庠勢,博延胄子,務彼十倫,弘此三 其射策通明者, 卽除爲吏。 十數 **朕肇基明命**, 分遣博士祭

伏曼容字公儀,平昌安丘人。 曾祖滔,晉著作郎。父胤之,宋司空主簿。

曼容早孤,與母兄客居南海。 少篤學,善尧、易,倜儻好大言,常云「何晏疑易中九事,

夜像以賜之。 易,集朝臣於清暑殿講,詔曼容執 解,老、莊、論語義。 曼容舊儒,召拜司馬,出爲臨海太守。 曼容宅在瓦官寺東,施高坐於聽事,有賓客輒升高坐爲 遷中書侍郎、大司馬諮議參軍,出爲武 王儉深相交好,令與河內司馬憲、吳郡 國長史、南海太守。 吾觀之,晏了不學也,故知平叔 遷司徒參軍。 齊初,爲通直散騎侍 子睡,在良吏傳。 袁粲爲丹陽 經。 有所短。」聚徒教授以自業。 昌 陸澄共撰喪服義,旣成, 曼容素美 天監元年,卒官,時年八十二。 1太守。 尹 郎。 ٠, 請爲江寧令, 永明初,爲太子率 風 建武中,入拜中散大夫。 采,帝恒以 講說,生徒常數十百 入拜尙書外兵郎。 方 爲驃騎行參軍。 叉欲 嵇叔 更令,侍皇太子講。 與之定禮樂。 夜,使吳 爲周易、毛詩 時 人。 明帝 人 昇明 、陸探微 宋明帝 梁臺建,以 不 :、喪服集 (末,)為: 重 會儉薨, 衞 儒 好周 將 畫 叔

何佟之字士威,廬江灊人,豫州刺史惲六世孫也。 祖砌之,宋員外散騎常侍。 父歆,齊

奉 朝詩。

<u>佟</u>之少好三禮,師心獨學,强力專精,手不輟卷,讀禮論三百篇,略皆上口。 時太尉王

|儉爲 時儒宗,雅相推重 列 傳 第 +

四

議,多 唯佟之而已。 興 博 北 初 贈黃門侍郎,儒者榮之。 士,尋遷驃騎諮議參軍,轉司馬。 記室參軍,侍皇太子講,領丹陽邑中正。 起家)所裨益。 揚州從事,仍爲總明館學士,頻遷司徒車騎參軍事,尙書祠部郎。 粉軍。 佟之明習事數,當時國家吉凶禮則,皆取決焉,名重於世。 天監二年,卒官,年五十五。 高祖踐阼,尊重儒術,以佟之爲尚書左丞。 所著文章、禮義百許篇。〔三子朝隱、朝晦 永元末,京師兵亂,佟之常集諸生講論,孜孜不怠。中 時步兵校尉劉瓛、徵士吳苞皆已卒,京邑碩儒, 高祖甚悼惜,將贈之官,故事左丞無贈官者,特 是時百度草創,佟之依禮定 歷步兵校尉、國子 齊建武中,爲鎭

安,唯與 游 瓛甚奇之,親爲之冠。 緘 范縝字子眞,南鄉舞陰人也。 |縺 在 少孤 八外弟 其門,聊 貧,事 蕭琛相善,琛名曰 無恥愧。 母孝 謹。 在瓛門下 旣長,博通經 年未弱冠,聞沛國劉瓛聚衆講說,始往從之,卓 口辯,每服縝簡 積年,去來歸家, 晉安北將軍汪六世孫。 術,尤精三禮。 詣 恒芒屩布衣,徒行於路。 性質直,好危言高論 祖璩之,中書郎。 越不羣 **父**濛,早卒。 職門多車馬貴 ,不爲士友所 丽 動學,

起家齊寧蠻主簿,累遷尚書殿中郎。 永明年中,與魏氏和親,歲通聘好,特簡才學之

陵王子良盛招賓客,縝亦預焉。 士,以爲行人,縝及從弟雲、蕭琛、琅邪顏幼明、河東裴昭 建武 中,遷領軍長史。 出爲宜都太守,母憂去 明 相繼將命,皆著名隣國。 職 于時境 歸居于

南州。 尚書 令王亮。 太守,在郡清約,資公祿而已。 義 軍至,縝墨絰來迎。 **旟仕齊時,與亮同臺爲郎,舊相友,至是亮被擯棄在家。** 高祖與縝有西邸之舊,見之甚悅。 視事四年,徵爲尙書左丞。 **縝去還,雖親戚無所遺,** 及建康城平,以縝爲晉安 凝自迎王師,志在權 唯餉

軸

,旣而所懷未滿,亦常怏怏,故私相親結,以矯時云。

後竟坐亮徙廣州,語在亮傳。

落糞溷者,下官是也。 隨 因果,世間何得有富貴,何得有賤貧。」與答曰:「人之生譬如一樹花,同發一枝,俱開一帶, 風 而墮,自有拂簾幌墜於茵席之上,自有關籬牆落於糞溷之側。〔三〕墜茵蓆者,殿下是也, 初,縝在齊世,嘗侍竟陵王子良。 貴賤雖復殊途,因果竟在何處。」子良不能屈,深怪之。 子良精信釋教,而縝盛稱無佛。 子良問曰:「君不信 **縝退論其理**,

著神滅論曰:

或問 予云:「神滅,何以知其滅也。」答曰:「神卽形也,形卽神也,是以形存則神存,

形謝則神滅也。」

形 神 相 問 即,非所聞 日 :「形者無知之稱,神者有知之名,知與無知,卽事有異,神之與形,理不容一, 也。」答曰:「形者神之質,神者形之用,是則形稱其質,神言其用,形

列

之與神,不得相異也。」

之於利,利之名非刀也,刀之名非利也。然而捨利無刀,捨刀無利,未聞刀沒而利存, 問曰:「名旣已殊,體何得一。」答曰:「神之於質,猶利之於刀,回形之於用,猶刀 問曰:「神故非質,形故非用,四不得爲異,其義安在。」答曰:「名殊而體一也。」

豈容形亡而神在。」

質,質有知也,木之質,質無知也,人之質非木質也,木之質非人質也,安在有如木之質 之質有知也,人旣有如木之質,而有異木之知,豈非木有其一,人有其二邪?」[8]答曰: 而復有異木之知哉!」「も」 「異哉言乎!人若有如木之質以爲形,又有異木之知以爲神,則可如來論也。今人之 問曰:「刀之與利,或如來說,形之與神,其義不然。 何以言之? 木之質無知也,人

問曰:「人之質所以異木質者,以其有知耳。人而無知,與木何異。」答曰:「人無無

知之質,猶木無有知之形。」

問 問曰:「死者之形骸,豈非無知之質邪?」答曰:「是無人質。」〔5〕 . [曰:「若然者,人果有如木之質,而有異木之知矣。」答曰:「死者有如木之質,而

無異木之知;「亞」生者有異木之知,而無如木之質也。」

問 [日:「死者之骨骼,非生者之形骸邪。」[10]答曰:「生形之非死形,死形之非生形,

區已革矣,安有生人之形骸,而有死人之骨骼哉?」

生者之形骸,則此骨骼從何而至此邪。」答曰:「是生者之形骸,變爲死者之骨骼也。」 問曰:「若生者之形骸非死者之骨骼,非死者之骨骼,則應不由生者之形骸,不由

也。」答曰:「如因榮木變爲枯木,枯木之質,寧是榮木之體」」 問曰:「生者之形骸雖變爲死者之骨骼,豈不因生而有死,〔11〕則知死體猶生體

答曰:「若枯卽是榮,榮卽是枯,應榮時凋零,枯時結實也。又榮木不應變爲枯木,以榮 卽 ;枯,無所復變也。榮枯是一,何不先枯後榮。要先榮後枯,何也。絲縷之義,亦同 問曰:「榮體變爲枯體,枯體卽是榮體;絲體變爲縷體,縷體卽是絲體,有何別焉。」

獑 體,要有其次故也。夫欻而生者必欻而滅,漸而生者必漸而滅。欻而生者,飄驟是也; 而生者,動植是也。有欻有漸,物之理也。」 問曰:「生形之謝,便應豁然都盡,何故方受死形,綿歷未已邪。」「三答曰:「生滅之

問曰:「形卽是神者、手等亦是神邪。」「二三答曰:「皆是神之分也。」

問曰:「若皆是神之分,神旣能慮,手等亦應能慮也。」答曰:「手等亦應能有痛癢之

列

知,而無是非之慮。」

曰:「知之與慮,爲一爲異。」曰曰答曰:「知卽是慮,淺則爲知,深則爲慮。」

問曰:「若爾,應有二慮,慮旣有二,神有二乎。」「三答曰:「人體惟一,神何得二。」

問曰:「若不得二,安有痛癢之知,復有是非之慮。」答曰:「如手足雖異,總爲一人,

是非痛癢雖復有異,亦總爲一神矣。」

問曰:「是非之慮,不關手足,當關何處?」答曰:「是非之慮,心器所主。」「」於

問曰:「心器是五藏之心,非邪。」答曰:「是也。」

問日: 「五藏有何殊別,而心獨有是非之慮乎?」答曰:「七竅亦復何殊,而司用

不均。」

問曰:「慮思無方,何以知是心器所主。」答曰:「五藏各有所司,無有能慮者,是以

知 心爲慮本。」「日

問 曰:「何不寄在眼等分中。」答曰:「若慮可寄於眼分,眼何故不寄於耳分邪。」「〇〇

故有 本而盧無本,苟無本於我形,而可徧寄於異地,亦可脹甲之情,寄圧乙之軀,李丙 問 .曰:「慮體無本,故可寄之於眼分,眼自有本,不假寄於佗分也。」こむ答曰:「眼何

之性,託趙丁之體。然乎哉?不然也。」

狀, 者能昭,穢者不能昭,有能昭之精金,寧有不昭之穢質。又豈有聖人之神而寄凡人之 知聖人定分,每絕常區,非惟道革羣生,乃亦形超萬有。 此形表之異也。[110]比干之心,七竅列角,伯約之膽,其大若拳,此心器之殊也。 亦無 問 曰:「聖人形猶凡人之形,而有凡聖之殊,故知形神異矣。」答曰:「不然。 金之精 凡人之神而託聖人之體。是以八采、重瞳,勛、華之容,龍顏、馬口,軒、皡之 凡聖均體,所未敢安。」

項、陽貌似而非實似,心器不均,雖貌無益。」 智革形同,其故何邪。] 答曰:「珉似玉而非玉,鷄類鳳而非鳳,物誠有之,人故宜爾。 問曰:「子云聖人之形必異於凡者,敢問陽貨類仲尼,項籍似大舜,舜、項、凡、陽,

異狀,神不侔色,於此益明矣。」答曰:「聖同於心器,形不必同也,猶馬殊毛而齊逸,玉 異色而均美。是以晉棘、荆和,等價連城,驊騮、騄驪,俱致千里。」 問曰:「凡聖之殊,形器不一,可也;聖人員極,理無有二,曰己而丘、旦殊姿,湯、文

之,』何謂也。」答曰:「聖人之敎然也,所以弭孝子之心,而厲偸薄之意,神而明之,此之 問曰:「形神不二,旣聞之矣,形謝神滅,理固宜然,敢問經云『爲之宗廟,以鬼饗

謂矣。」

問曰:「伯有被甲,彭生豕見,墳素著其事,寧是設教而已邪。」答曰:「妖怪茫茫,或

列

傳

鬼滅

而

爲

人,則未之知

也。

存或亡,强死者衆,不皆爲鬼,彭生、伯有,何獨能然,乍爲人豕,未必齊、鄭之公子也。」 何。」答曰:「有禽焉,有獸焉,飛走之別也;有人焉,有鬼焉,幽明之別也。 問 日 :「易稱『故知鬼神之情狀,與天地相似而不違。』又曰: 『載鬼一車。』 其義云 人滅而爲鬼,

於惰 廢俎 休,吾哀其弊,思拯其溺。 陶 又惑以茫昧之言,懼以阿鼻之苦,誘以虛誕之辭,欣以 意暢於容髮。 良由厚我之情深,濟物之意淺。 下有餘以奉其上,上無爲以待其下,可以全生,可以匡國,可以霸君,用此道也。」 各安其性。 甄 遊,貨殫於泥木。 禀於自然,森羅均於獨化,忽焉自有,怳爾而 豆,列餠鉢,家家棄其親愛,人人絕其嗣續。 問 曰:「 知 小人甘其壟畝,君子保其恬素,耕而食,食不可窮也,蠶 豈不以僧有多稌之期,友無遺秉之報,務施闕於**周急**, 此 神滅, 所以姦宄弗勝,頌聲尚擁,惟此之故,其流莫已,其病無限。 有何利用邪。」答曰:「浮屠害政, 夫竭財以赴僧,破產以趨佛, 是以圭撮涉於貧友,吝情動於顏色,千鍾委於富僧,歡 無,來也不禦,去也不追,乘夫天理, 致使兵挫於行間, 吏空於官府, 粟罄 兜率之樂。 而不 桑門蠹俗,風驚霧起,馳蕩不 · 卹親戚,不憐窮匱者何? 而 故捨逢掖,襲横衣, :衣,衣不可盡也, 歸德必於在己。

此論出,朝野諠譁,子良集僧難之而不能屈。

|槇 在 「南累年,追還京。 既至,以爲中書郎、國子博士,卒官。 文集十卷。

遷平西湘東王諮議參軍,侍宣城王讀。 子胥, 字長才。 傳父學, 起家太學博士。 出爲鄱陽內史,卒於郡。 |胥有 口辯,大同中,常兼主客郎,對接北使。

嚴植之字孝源,建平秭歸人也。 祖欽,宋通直散騎常侍。

植之少善莊、老,能玄言,精解喪服、孝經、論語。 及長,編治鄭氏禮、周易、毛詩、左氏

春秋。 性淳孝謹厚,不以所長高人。 少遭父憂,因菜食二十三載,後得風冷疾,乃止。

徒爲 士。 哭,手營殯殮,徒跣送喪墓所,爲起冢,葬畢乃還,當時義之。 潮溝,生徒常百數。 禮,有司奏植之治凶 尋爲康樂侯相,在縣淸白,民東稱之。 市宅,乃得 七年,卒於館, 齊永明 中,始起家爲廬陵王國侍郎。 成 喪焉 時年五十二。植之自疾後,便不受廩俸,妻子困乏,旣卒,喪無所寄,生 禮。 植之講,五 四年,初置 一館生 一必至,聽者千餘 |五經博士,各開館教授,以植之兼五經博 天監二年,板後軍騎 遷廣漢王國右常侍,王誅,國人莫敢視,植之獨奔 人。 六年, 兵參軍事。 建武 遷中撫 中,遷員外郎、散騎常侍。 軍記室 高 祖 士。 詔 一參軍, 求 植之館 通 猶兼 儒 治 博 在 五.

以資糧,遣之。其義行多如此。 棄之于岸。 行,見患人臥塘側,植之下車問其故,云姓黃氏,家本荆州,爲人傭賃,疾旣危篤,船主將發, 名,不能答,載與俱歸,爲營醫藥,六日而死,植之爲棺殮殯之,卒不知何許人也。 植之性仁慈,好行陰德,曰三雖在闇室,未嘗怠也。少嘗山行,見一患者,植之問其姓 植之心惻然,載還治之,經年而黃氏差,請終身充奴僕以報厚恩。 撰凶禮儀注四百七十九卷。 植之不受,遺 嘗緣棚塘

子助敎。 融 兵校尉,領五經博士。 太子定禮,撰五經義。 召見說禮義,高祖異之,詔朝朔望,預華林講。 曰:「此生神明聰敏,將來當爲儒者宗。」獻還,薦之爲國子生。舉明經,揚州祭酒,俄兼國 陽少傳家業。齊時沛國劉瓛爲會稽府丞,見陽深器異之。 賀瑒字德璉,會稽山陰人也。 歷奉朝請,太學博士,太常丞,遭母憂去職。天監初,復爲太常丞,有司舉治賓禮, 九年,遇疾,遣醫藥省問,卒于館,時年五十九。所著禮、易、老、莊講 <u>場悉禮舊事,時高祖方創定禮樂,場所建議,多見施行。</u> 祖道力,善三禮,仕宋爲尚書三公郎、建康令。 四年,初開五館,以陽兼五經博士,別詔爲皇 嘗與俱造吳郡張融,指陽謂 。七年,拜步

疏,朝廷博議數百篇,賓禮儀注一百四十五卷。 場於禮尤精,館中生徒常百數,弟子明經對

兼太學博士,侍湘東王讀。敕於永福省爲邵陵、湘東、武陵三王講禮。 二子。 革字文明。 少通 三禮,及長, 偏治孝經、論語、毛詩、左傳。 起家晉安王國侍郎、 稍遷湘東王府行參

王諮議參軍,帶江陵令。王初於府置學,以革領儒林祭酒,講三禮,荆楚衣冠聽者甚衆。 軍,轉尙書儀曹郎。 尋除

秣陵令,遷國子博士,於學講授,生徒常數百人。

出為 西中郎湘 前 東

代耕,不及養。自己在荆州 後再監南平郡,爲民吏所德。 歷爲郡縣,所得俸秩,不及妻孥,專擬還鄉造寺,以申感思。 尋加貞威將軍、兼平西長史、南郡太守。 革性至孝,常恨貪祿

弟季,亦明三禮,歷官尚書祠部郎, 兼中書通事舍人, 累遷步兵校尉, 中書黃門郎, 兼

著作。

六年,卒官,時年六十二。

司 馬筠字貞素, 河內溫人,晉驃騎將軍譙烈王承七世孫。 祖亮, 宋司空從事中郎。 父

端,齊奉朝請。

列傳第四十二 儒林

筠 孤貧 好 學,師事沛國劉瓛,强力專精,深爲瓛所器異。 旣長,博通經術,尤明三禮

齊建武 中,起家奉 朝請 ,遷王府行參軍。 天監初,爲本州治中,除暨陽令,有淸績。

拜尚書祠部郎。

孔子 用安成 指謂國君之子也。』若國君之子不服,則王者之子不服可知。 服 攝祭事。」「三治又曰:「禮云『縞冠玄武,子姓之冠,』則世子衣服宜異於常。 祥禪,子並受弔。今二王諸子,宜以成服日,單衣一日,爲位受弔。」制曰:「二王在遠,諸子宜 不從父而服其慈母。』曰曰由斯而言,慈祖母無服明矣。 無傳祀 爲領帶,三年不聽樂。 之黨,婦又不從夫而服慈姑,小功服無從故也。』庾蔚之云:『非徒子不從母而服其黨,孫 不許,還攝本任,而太妃薨京邑,喪祭無主。 訓 曰:非禮 養 七年,安成太妃陳氏薨,江州刺史安成王秀、荆州刺史始興王憺,並以慈母表解職, 禮秩,則當 母,依禮庶母慈己,宜從小功之制。 ,子祭孫止,是會經文。」高祖因是敕禮官議皇子慈母之服。筠議:「宋朝五 也。古者男子外有傅,內有慈 前廟,五世親盡乃毁。陳太妃命數之重,雖則不異,慈孫旣不從服,廟食理 又禮及春秋,庶母不世祭,蓋謂無王命者耳。 母,君命所使敎子 按曾子問云:『子游曰: 舍人周捨議曰:「賀彦先稱『慈母之子不服慈 尋門內之哀,不容自同於常,按父之 也,何服之有? 又喪服經云『君子子爲庶母慈 喪慈 吳太妃旣朝 母 如 . 』鄭玄注云: 『此 可著細布衣,絹 母, 禮數? 命所加 服制,皇子 得 叉 母 詔

列

顯發,則知慈加之義,通乎大夫以上矣。 宋代此科,不乖禮意,便加除削,良是所疑。」於是

一 筠等請依制改定:嫡妻之子,母沒爲父妾所養,服之五月,貴賤並同,以爲永制。

累遷王府諮議、權知左丞事,尋除尙書左丞。 子壽,傳父業,明三禮。 大同中,歷官尚書祠部郎,出爲曲阿令。 出爲始興內史,卒官。

華幼孤貧好學。年十四,召補國子生,通周易。 卞華字昭丘,CIO]濟陰冤句人也。 晉驃騎將軍忠貞公臺六世孫。 旣長,編治五經,與平原明山賓、會稽賀 **父倫之,給事中**

陽同業友善。

教, 江左以來,鍾律絕學,至譯乃通焉。 轉安成王功曹參軍,兼五經博士,聚徒教授。 起家齊豫章王國侍郎,累遷奉朝請,征西行參軍。 遷尙書儀曹郎,出爲吳令,卒。 華博涉有機辯,說經析理,爲當時之冠。 天監初,遷臨川王參軍事,兼國子助

崔靈恩,清河東武城人也。「三」少篤學,從師徧通五經,尤精三禮、三傳。 先在北仕爲太

常博 行 以 重之,助敎孔僉尤好其 士。 焉。 難杜,遂著左氏條義 士,天監十三年歸國。 靈恩聚徒講授,聽者常 僧誕,會稽 餘姚 學。 人,以左氏教授,聽者亦數百 以明之。 數百 高祖以其儒術,擢拜員外散騎侍郎, 靈恩先習左傳服解 時有助敎虞僧 人。 性拙 朴無風 誕 ,不爲江東所行,及改說杜義,每文句常 又精杜學,因作申杜難服,以答靈恩, 采,及解 人。 其該通義例,當時 經析理 一,甚 累遷步兵校尉, 有精致,京師 莫及。 兼 舊 國 儒 子 申 咸 服 博 稱

先 (是儒者論天,互執渾、蓋二 義,論蓋不合於渾,論渾不合於蓋。 靈恩立義,以渾 蓋

一焉。

例十卷,公羊穀梁文句義 毛詩二十二卷,集注 出 爲長沙 內史,還除國 周 ₹禮 十卷。 四 十卷, 子博士,講衆尤盛。 制三禮義宗四十七卷,至三左氏經傳義二十二卷, 出爲明威將軍、桂州 刺史,卒官。 靈恩集注 左氏條

者 亦 ,不長政 數 孔 愈, (術,在 會稽 歷官 Щ 縣 或 陰 子 無 人。 績。 助教,三爲 少師 太清亂,卒於家。 事 五經 何胤,通 博 士,遷尙書祠部郎。 五經,尤明三禮 、孝經、論語,講說並 出爲海鹽、山陰二縣令。 數十編, 生徒

列傳

子椒玄、如豆頗涉文學,官至太學博士。一般兄子元素,又善三禮,有盛名,早卒。

盧廣,范陽涿人,自云晉司空從事中郎諶之後也。 勘沒死冉閱之亂,晉中原舊族,諶有

後焉。

武陵王長史,太守如故,卒官。 靈恩 術,深相賞好。 起爲折衝將軍,配千兵北伐,還拜步兵校尉,兼國子博士,徧講五經。 、孫詳、蔣顯, 並聚徒講說, 而音辭鄙拙;惟廣言論淸雅, 不類北人。 廣少明經,有儒術。 尋遷員 、外散騎常侍,博士如故。 天監中歸國。 初拜員外散騎侍郎,出爲始安太守,坐事免。頃之, 出爲信武桂陽嗣王長史、尋陽太守。 時北來人儒學者有崔 僕射徐勉,兼通經 叉為

下積 遂博通五經,尤長三禮。 年,〔三〕晝夜自課,時或睡寐,輒以杖自擊,其篤志 沈峻字士嵩,吳興武康人。 初爲王國中尉,稍遷侍郎,並兼國子助教。 家世農夫,至峻好學,與舅太史叔明師事宗人沈麟士,在門 如此。 麟士卒後,乃出都,偏遊講肆, 時吏部郎陸倕與僕射

立義, 聖人正典,廢而更興,累世絕業,傳於學者。」勉從之,奏峻兼五經博士。 楚、夏,故學徒不至;惟助敎沈峻,特精此書。 乃啓峻及孔子袪補西省學士,助撰錄。 數百人。 執經下坐,北面受業,莫不歎服,人無間言。 徐勉書薦峻曰:「五經博士庾季達須換,計公家必欲詳擇其人。凡聖賢可講之書,必以周官 子文阿,傳父業,尤明左氏傳。 則周官一書,實爲羣經源本。 出為華容令,還除員外散騎侍郎,復兼五經博士。 此學不傳,多歷年世,北人孫詳、蔣顯亦經 太清中,自國子助教爲五經博士。 書成,入兼中書通事舍人。 弟謂宜卽用此人,命其專此一學,周而 比日時開講肆、羣儒劉嵒、沈宏、沈熊之徒,並 時中書舍人賀琛奉敕撰梁官, 出爲武康令,卒官 傳峻業者,又有吳郡 於館講授,聽者常 聽習,而音革 復始,使

張及、會稽孔子雲,官皆至五經博士、尚書祠部郎。

當 明之鎭。 [世冠絕,每講說,聽者常五百餘人。 歷官國子助敎。 太史叔明,吳興烏程人,吳太史慈後也。少善莊、老,兼治孝經、禮記,其三玄尤精解, 王遷郢州,又隨府,所至輒講授,江外人士皆傳其學焉。 邵陵王編好其學,及出爲江州,攜叔 大同十三年, 卒, 時年七

累遷通直正員郎,舍人如故。 百 專使子袪檢閱羣書,以爲義證。 注尚書三十卷,續朱异集注周易一百卷,續何承天集禮論一百五十卷。 記室參 勵 久之兼 人。中書舍人賀琛受敕撰梁官,啓子袪爲西省學士,助撰錄。 逐通 孔 軍,轉兼中書通事舍人。 主客郎、舍人,學士如故。 子 經術,尤明古文尙書。 會稽山陰人。 少孤貧好學,耕耘樵採,常懷書自隨, 中大同元年,卒官,時年五十一。 初爲長沙嗣王侍郎, 事竟,敕子袪與右衞朱异、 尋遷步兵校尉, 舍人如故。 累遷湘東王國侍郎, 兼國子助教,講尚書四十編,聽者常數 常侍, 左丞賀琛於士林館遞日執經。 員外散騎侍郎,又雲麾廬江公 高祖撰五經講疏及孔子正言, 子袪凡著尚書義二十卷,集 書成,兼司文侍郎,不就, 投閑 則誦讀。〔壹〕勤苦自

奏 明三禮、孝經、論語。 至孝,常日限誦孝經二十偏,以擬觀世音經。 上,詔 皇侃 付秘 ,吳郡人,靑州刺史皇象九世孫也。 閣。頃之,召入壽光殿講禮記義,高祖善之,拜員外散騎侍郎,兼助 起家兼國子助教,於學講說,聽者數百人。撰禮記講疏 侃少好學,師事賀陽,精力專門,盡通其業,尤 丁母憂,解職還鄕里。 平西邵陵王欽其學, 五十卷,書成 敎 如

厚禮迎之,侃旣至,因感心疾,大同十一年,卒於夏首,時年五十八。 所撰論語義十卷,與禮

記義並見重於世,學者傳焉。

咸至高官,稽古之力,諸子各盡之矣。 伏、何、嚴互有焉。 陳吏部尚書姚察曰:昔叔孫通講論馬上,桓榮精力凶荒,旣逢平定,自致光寵,若夫崔、 曼容、佟之講道於齊季,不爲時改,賀陽、嚴植之之徒,遭梁之崇儒重道, 范縝墨経儌倖,不遂其志,宜哉。

校勘記

於是以平原明山賓吳興沈峻建平嚴植之會稽賀瑒補博士各主一館 士 一人」,此只有四人。 南史「平原明山賓」下有「吳郡陸璉」, 恰合五 按 經博士每 上文有 人各主 「可置五 館之 經博

數。此句當脫「吳郡陸璉」四字。

- (ニン所著文章禮義百許篇 「義」南史作「議」。
- = 自 有 關 籬 牆落於糞溷 之側 「糞溷」二字,各本譌倒,據南史乙正
- 29 神 故 非 質 形故 非 用 神故 非」下各本脱「質形故非」四字, 據弘明集卷九蕭琛難神滅論所引范

縝原文(以下簡稱范縝原文)補。

|糸刀ランコー 食本学||糸刀ランオ

C 哥] 神之於質猶利之於刀 范縝原文,「刀」字作「刃」。

豈非木有其一人有其二邪 兩「其」字、原脫。 據范縝原文補。

安在 有如木之質而復有異木之知哉 「在」字各本脫,據范縝原文補。

C<> 是無人質 范縝原文作「是無知之質也」。

₩ ₩ ₩ 死者有如木之質而無異木之知 「死者」下各本脫一「有」字,「如木」下各本脫「之質」二字,據

范縝原文補。

〔10〕 非生者之形骸邪 「者」字各本脱,據范縝原文補。

二〕豈不因生而有死 「因」各本作「從」,據范縝原文改。

何故方受死形綿歷未已邪 「受」各本譌「愛」,據范縝原文改正。

[11] 手等亦是神邪 「神」字各本脫,據范縝原文補。

知之與慮爲一爲異 「知之與」三字各本脫,據范縝原文補。

に置 若爾應有二慮慮旣有二神有二乎 「應有二」下各本脫「慮慮旣有二神有二」八字,據范縝原

文補。

(二人)是非之慮心器所主「慮」各本調「意」、據范縝原文改。

- [14] 是以知心爲慮本 「知」字各本脫,據范縝原文補。
- [15] 眼何故不寄於耳分邪 「眼」字各本脱,據范縝原文補
- 二型 眼 自有本不假寄於佗分也 「自」各本譌「目」,據范縝原文改正。
- [10] 此形表之異也 「此」字各本脫,據范縝原文補。
- \subseteq 聖人員 極 理無有二 「聖人」二字各本脫,據范縝原文補。
- [III] 好行陰德 「行」字各本脫,據南史補。
- [三] 常恨貪祿代耕不及養 「貪」,南史作「食」。
- [1] 孫又不從父而服其慈母 「母」字各本脫,據南史補。
- ○三 諸子宜攝祭事 「諸」兩史作「世」。
- 全台 }禮 }喪 依 禮 **W**服子 庶 母 夏傳,故云「依 慈己至 喪慈母 禮。 如 母 禮 又「喪 敟 慈 依 母 禮」各本作「禮依」,據南史乙正。 如 母」各本脫「如母」二字, 據禮 {記 曾子問! 按:「庶母慈己」,見儀 補
- 宝 喪服 齊衰 章所言慈母 如 母 是也 如 母」二字各本脫,據南史補。
- 則 此 慈 母 亦 無服 矣 母 」字,各本脫,據册府元龜 五 七 九補。
- 完 自是 師 保 之慈 母 非三年 小 功之慈 母 也 兩一母」字 各 本 無。 據册府元龜五 七 九補。
- 列 卞 傅 華 字 第 昭 四 丘 + 丘 校 南史及册府元龜七六八作「岳」。 勘 記

[三] 崔靈恩淸河東武城人也 「東」字各本脫,據南史補。

制三禮義宗四十七卷 「四十七卷」,册府元龜六〇〇同。 南史及隋書經籍志、 新唐書藝文志

並作「三十卷」。

(三三) 子俶玄 「俶」,南史作「淑」。

與舅太史叔明師事宗人沈驎士在門下積年 「麟」各本作「麟」,據南齊書沈驎上傳改。「在」字

各本亦脱、據南史補。

(量) 投閑則誦讀 「投」,南史作「役」。

梁書卷四十九

列傳第四十三

文學上

到流 丘遲 劉苞 袁峻 庾於陵弟肩吾

劉昭 何遜 鍾嶸 周興嗣 吳均

其在位者,則沈約、江淹、任昉,並以文采,妙絕當時。 乎俱集。 其道,古往今來,未之能易。 高祖聰明文思,光宅區宇,旁求儒雅, 詔採異人, 文章之盛, 煥 賈鄒枚路傳,亦取其能文傳焉。 國家,通古今而述美惡,非文莫可也。 昔司馬遷、班固書,並爲司馬相如傳,相如不預漢廷大事,蓋取其文章尤著也。 每所御幸,輒命羣臣賦詩,其文善者,賜以金帛,詣闕庭而獻賦頌者,或引見焉。 范氏後漢書有文苑傳,所載之人,其詳已甚,然經禮樂而 是以君臨天下者,莫不敦悅其義,縉紳之學,咸貴尙 至若彭城到流、吳興丘遲、東海王僧 固叉為 緯

列

傳

第

四十

Ξ

文學

上

今綴到沆等文兼學者,至太清中人,爲文學傳云。 、吳郡張率等, 或入直文德, 通讌壽光,皆後來之選也。 約、淹、防、僧孺、率別以功迹論。

到沆字茂瀣,彭城武原人也。 曾祖彦之,宋將軍。 **父撝,齊五兵尚書。**

|沈幼聰敏,五歲時,|撝於屛風抄古詩,|沈請教讀一遍,便能諷誦,無所遺失。 旣長勤學,

善屬文,工篆隷。美風神,容止可悅。

詔賜錢二萬,布三十匹。 所著詩賦百餘篇 遷丹陽尹丞,以疾不能處職事,遷北中郎諮議參軍。五年,卒官,年三十。高祖甚傷惜焉, 年,遷太子中舍人。院爲人不自伐,不論人長短,樂安任昉、南郷范雲皆與友善。〔三其年, 爲侍郎,以沉爲殿中曹侍郎。沉從父兄溉、洽,並有才名,時皆相代爲殿中,當世榮之。四 其文甚美。 韶沆通籍焉。 其才。 東宮建,以爲太子洗馬。 時文德殿置學士省,召高才碩學者待詔其中,使校定墳史, 齊建武中,起家後軍法曹參軍。 俄以洗馬管東宮書記、散騎省優策文。 三年,詔尚書郎在職淸能或人才高妙者 時高祖讌華光殿,命羣臣賦詩,獨詔沈爲二百字,三刻使成。四沈於坐立奏, 天監初,遷征虜主簿。 高祖初臨天下,收拔賢俊,甚愛

丘遲字希範,吳興鳥程人也。父靈鞠,有才名,仕齊官至太中大夫。

伐,遲爲諮議參軍,領記室。時陳伯之在北,與魏軍來距,遲以書喻之, 書郎,遷司徒從事中郎。 七年,卒官,時年四十五。 所著詩賦行於世。 爲永嘉太守,在郡不稱職,爲有司所糾,高祖愛其才,寢其奏。四年,中軍將軍臨川王宏北 吴興邑中正、待韶文德殿。時高祖著連珠,韶羣臣繼作者數十人,遲文最美。天監三年,出 中郎,以母憂去職。服除,復爲殿中郎,遷車騎録事參軍。高祖平京邑,霸府開,引爲驃騎 辟從事,舉秀才,除太學博士。遷大司馬行參軍,遭父憂去職。服闋,除西中郎參軍。累遷殿 主簿,甚被禮遇,時勸進梁王及殊禮,皆遲文也。高祖踐阼,拜散騎侍郎,俄遷中書侍郎、領 遲八歲便屬文,靈鞠常謂「氣骨似我」。黄門郎謝超宗、徵士何點並見而異之。及長,州 伯之遂降。 還拜中

苞四歲而父終,及年六七歲,見諸父常泣。 時伯、叔父悛、繪等並顯貴,C 灬] 苞母謂其畏 劉苞字孝嘗,彭城人也。祖勵,宋司空。父愃,齊太子中庶子。

列傳

第四十三

文學

上

父,未幾皆畢,繪常歎服之。

憚,怒之。

苞對曰:「早孤不及有識,聞諸父多相似,故心中欲悲,無有佗意。」因而歔欷,母 亦慟甚。 初,苞父母及兩兄相繼亡沒,悉假瘞焉,苞年十六,始移墓所,經營改葬,不資諸

以此歎惜之。 事,務從儉率。 雖仕進有前後,其賞賜不殊。天監十年,卒,時年三十。 中,以公事免。久之,爲太子洗馬,掌書記,侍講壽光殿。自高祖卽位,引後進文學之士,苞 及從兄孝綽、從弟孺、同郡到溉、溉弟洽、從弟沆、吳郡陸倕、張率並以文藻見知,多預讌坐, 簿仍遷王中軍功曹,累遷尚書庫部侍郎,丹陽尹丞,太子太傅丞,尚書殿中侍郎,南徐州治 少好學,能屬文。起家爲司徒法曹行參軍,不就。 **苞居官有能名,性和而直,與人交,面折其非,退稱其美,情無所隱,士友咸** 天監初,以臨川王妃弟故,自征虜主 臨終,呼友人南陽劉之遴託以喪

從 **鄱陽王恢東鎭破岡,峻隨王知管記事。**天監初,鄱陽國建,以峻爲侍郎,從鎭京口。王遷郢 ,人假借,必皆抄寫,自課日五十紙,紙數不登,則不休息。 訥言語,工文辭。 袁峻字孝高,陳郡陽夏人,魏郎中令渙之八世孫也。峻早孤,篤志好學,家貧無書,每 義師剋京邑,

州 峻 各爲二十卷。 乃 兼都曹參軍。 擬揚雄官箴奏之。 又奉敕與陸倕各製新闕銘,辭 高祖 雅好辭賦,時獻文於南闕者相望焉,其藻麗可觀, 高祖 嘉焉 賜 東帛。 多不 除 員 載 外散騎侍郎,直 文德學 士省,抄史記 或見賞 擢。

中正。 爲美。 正,拜 行參軍 郎, 爲 王子 毅晉安王 人,皆取甲族有才望,時於陵 明帝 [图] 待韶文德殿。 隆 庾 太子洗馬, 卒官 ·, 兼 俄遷散騎侍郎, 爲 於陵字子介,散騎常侍點婁之弟也。 所害,僚吏畏避,莫有至者,唯於陵 荆州 記室。 「, 時 史、廣陵 一召爲 年四 舍人如故。 永元末,除東陽遂安令,爲民 十八。 太守,行府 主簿,使與謝朓、宗夬 出爲湘 改領荆 文集十卷。 州 與周捨並 舊事 | 州大 州 別駕, 事,以公 ,東宮官屬, 中正。 遷驃騎錄 擢充 弟肩吾。 與央 沙撰 事 累遷中 職,高祖 免。 七歲能言玄理。 通為淸選, 更所 羣 獨留 事 書。 |参軍, 復起爲通直郎,尋除鴻臚卿, ·書黃門侍 曰:「官以 稱。 , 經 子隆 兼中 理 天監 洗馬掌文翰, 尤其清 喪事。 代還,又以爲送故 郎, -書通 初, 人而 旣長,淸警博學有才思。 舍人、中正 爲 始安王 清,豈 事 建 舍 人。 康 限 遙 獄 以 並 平, 光 主簿。 俄 甲族。」時 如 爲 領 遷尙 復領荆州大 故。 撫軍 南郡 子隆尋 近 書 出 齊隨 論 世 功 引 爲 邑 中 用

列

傳

始用四聲,以爲新變,至是轉拘聲韻,彌尙麗靡,復踰於往時。時太子與湘東王書論之曰: 摘子陵、吳郡張長公、北地傅弘、東海鮑至等充其選。 齊永明中,文士王融、謝朓、沈約文章 陸杲,彭城劉遵、劉孝儀,儀弟孝威,同被賞接。及居東宮,又開文德省,置學士,肩吾子信、 錄事諮議參軍,太子率更令,中庶子。初,太宗在藩,雅好文章士,時肩吾與東海徐摛,吳郡 王爲皇太子,兼東宮通事舍人,除安西湘東王錄事參軍,俄以本官領荆州大中正。累遷中 參軍,自是每王徙鎮,肩吾常隨府。 詠情性,反擬內則之篇;操筆寫志,更摹酒誥之作,遲遲春日,翻學歸藏,湛湛江水,遂 旣殊比興,正背風、騷。 若夫六典三禮,所施則有地,吉凶嘉賓,用之則有所。 未聞吟 癢,更同故態。比見京師文體,懦鈍殊常,競學浮疎,爭爲闡緩。玄冬脩夜,思所不得, 肩吾字子慎。八歲能賦詩,特爲兄於陵所友愛。初爲晉安王國常侍,仍遷王宣惠府行 吾輩亦無所遊賞,止事披閱,性旣好文,時復短詠。雖是庸音,不能閣筆,有慚伎 歷王府中郎,雲麾參軍,並兼記室參軍。 中大通三年,

|王,近則潘、陸、顏、謝,而觀其遣辭用心,了不相似。 若以今文爲是,則古文爲非,若昔 吾旣拙於爲文,不敢輕有掎摭。但以當世之作,歷方古之才人,遠則揚、馬、曹、

同大傳。

可稱,則今體宜棄。 何者? 謝客吐言天拔,出於自然,時有不拘,是其糟粕;裴氏乃是良史之才,了 俱爲盍各,則未之敢許。 又時有效謝康樂、裴鴻臚文者,亦頗 有

獸,至逞卻克於邯鄲,入鮑忘臭,効尤致禍。 謝 無篇什之美。 故 巧 不 可階,裴亦質不宜慕。 是為學謝則不屆其精華,但得其冗長,師裴則蔑絕其所長,惟得其所短。 故胸馳臆斷之侶, 決羽謝生, 豈三千之可及, 伏膺裴氏 好名忘 實之類, 方分 肉 於仁

膽 妙 兩 聲 唐 鄭 絕而 邦 之不傳。 而 不尋,竟不精討錙銖,覈量文質,有異巧心,終愧姸手。 知退,章甫翠履之人,望閩鄉而歎息。詩旣若此,筆又如之。 故玉徽金銑,反爲拙目所嗤,巴人下里,更合郢中之聽。 是以握瑜懷 徒以煙墨不言, 陽春高而不和, 玉之士,

受其驅 ·染;紙札無情,任其搖襞。 甚矣哉,文之橫流,一至於此!

至

如

近世

簡 之賦 周升逸之辯,亦成佳手,難可復遇。文章未墜,必有英絕,領袖之者,非弟 而

一謝朓、沈約之詩,任昉、陸倕之筆,斯實文章之冠冕,述作之楷模。

張士

彼汝南。 盜 誰。 牛 ,遙羞王烈。 每欲 論之,無可 朱丹旣定, 相思不見,我勞 與語,思吾子建,一共商搉。 雌黃 有別, 使夫懷鼠 如 何 知慚, 濫竽自恥。 辯茲清濁,使如涇、渭;論茲月旦,類 譬斯袁紹, 畏見子將; 同彼

太清中,侯景寇陷 京都,及太宗卽位,以肩吾爲度支尚書。 時上流諸蕃,並據州担景,

傅

第

景矯韶遣肩吾使江州,喻當陽公大心,大心尋舉州降賊,肩吾因逃入建昌界,久之, 方得赴

江陵,未幾卒。 文集行於世。

劉昭字宣卿,平原高唐人,晉太尉寔九世孫也。 祖伯龍,居父憂以孝聞,宋武帝敕皇太

子諸王並往 **弔慰,官至少府卿。** 父彪,齊征虜晉安王記室。

昭幼淸警,七歲通老、莊義。

朝 請,累遷 征 北行 參軍,尚書 倉部郎, 尋除無錫令。 歷爲宣惠豫章王、中軍臨 川王記

既長, 勤學善屬文, 外兄江淹早相稱賞。

天監初,起家

室。「台初,昭伯父肜集衆家晉書注干寶晉紀爲四十卷,至昭又集後漢同異以注范曄書,世

稱博悉。 遷通直郎,出爲|剡令,卒官。 集注後漢一百八十卷,「や」幼童傳十卷,文集十卷。

子縚,字言明,亦好學,通三禮。 大同中,爲尙書祠部郎,尋去職,不復仕

| 網弟緩,字含度,少知名。 歷官安西湘東王記室,時西府盛集文學,緩居其首。 除通直

郎,俄遷鎭南湘東王中錄事,復隨府江州,卒。

兵參軍。

如此 何生矣。」沈約亦愛其文,嘗謂遜曰:「吾每讀卿詩,一日三復,猶不能已。」其爲名流所稱 文一詠,雲輒嗟賞,謂所親曰:「頃觀文人,質則過儒,麗則傷俗,其能含清濁,中今古,見之 一遜八歲能賦詩,弱冠州舉秀才,南鄉范雲見其對策,大相稱賞,因結忘年交好。 自是一

及遷江州,遜猶掌書記。還爲安西安成王參軍事,兼尚書水部郎,母憂去職。 天監中,起家奉朝請,遷中衞建安王水曹行參軍,兼記室。 王愛文學之士,日與遊宴, 服闋,除仁威

廬陵王記室,復隨府江州,未幾卒。 東海王僧孺集其文爲八卷。

初,遜文章與劉孝綽並見重於世,世謂之「何劉」。世祖著論論之云:「詩多而能者沈約,

少而能者謝朓、何遜。」

<u>江避,並爲南平王大司馬府記室。</u> 時有會稽虞騫,工爲五言詩,名與遜相埓,官至王國侍郎。 **翁歸亦工爲詩。避博學有思理,更注論語、孝經。** 其後又有會稽孔翁歸、濟陽

並有文集。

鍾嶸字仲偉,潁川長社人,晉侍中雅七世孫也。 父蹈,齊中軍參軍。

就。 楚,應在綏撫,[5] 正宜嚴斷祿力,絕其妨正,直乞虛號而已。 斯受爵,一宜削除,以懲僥競。 軍。 賞接之。 何胤築室若邪 職唯黃散,猶躬胥徒之役。 名實淆紊,茲焉莫甚。 · 樂 與 揮一金而取九列,寄片札以招六校,騎都塞市,郎將塡街。 天監初,制度雖革,而日不暇給,嶸乃言曰:「永元肇亂, 遷中軍臨川王行參軍。衡陽王元簡出守會稽, 舉本州秀才。 兄岏、弟嶼並 山,山發洪水,漂拔樹石,此室獨存,元簡命嶸作瑞室頌以旌表之,辭甚典麗。 好學,有思理。際,齊永明中爲國子生,明周易,衛軍王儉領祭酒,頗 起家王國侍郎,遷撫軍行參軍,出爲安國令。 永元末, 若吏姓寒人,聽極其門品,不當因軍,遂濫淸級。 臣愚謂軍官是素族士人,自有清貫,而 引為寧朔記室, 謹竭愚忠,不恤 坐弄天爵, 勳非即戎, 服旣纓組,尚爲臧獲之事; 專掌 文翰。 衆 除司徒行參 口 若僑 「。」敕 官以賄 時居士 人付尚 雜傖 因

選西中郎晉安王記室。 | 條嘗品古今五言詩,論其優劣,名爲詩評。 其序日

以致饗,幽微藉之以昭告,動天地,感鬼神,莫近於詩。 氣之動物,物之感人,故搖蕩性情,形諸舞詠,欲以照燭三才,輝麗萬有,靈祇待之 昔南風之辭,卿雲之頌,厥義夐

顏延年爲輔:此皆五言之冠冕,文辭之命世。 思爲建安之傑,公幹、仲宣爲輔,陸機爲太康之英,安仁、景陽爲輔,謝客爲元嘉之雄, 然繼作,元嘉初,有謝靈運,才高辭盛,富豔難蹤,固已含跨劉、郭,陵轢潘、左。故知陳 變其體;劉越石仗淸剛之氣,贊成厥美。然彼衆我寡,未能動俗。逮義熙中,謝益壽斐 孫綽、許詢、桓、庾諸公,皆平典似道德論,建安之風盡矣。先是郭景純用俊上之才,創 也。永嘉時,貴黃、老,尙虛談,于時篇什,理過其辭,淡乎寡味。爰及江表,微波尙傳, 於有晉。太康中,三張二陸,兩潘一左,教爾復興,踵武前王,風流未沫,亦文章之中興 次有攀龍託鳳,自致於屬車者,蓋將百計。彬彬之盛,大備於時矣。 無文致。 間,有婦人焉,一人而已。詩人之風,頓已缺喪。東京二百載中,唯有班固詠史,質木 周之倡也。自王、揚、枚、馬之徒,辭賦競爽,而吟詠靡聞。從李都尉訖班婕妤,將百年 文辭之要,是衆作之有滋味者也,故云會於流俗,豈不以指事遣形,窮情寫物,最爲詳 夫四言文約意廣,取效風、騷,便可多得,每苦文煩而意少,故世罕習焉。五言居 降及建安,曹公父子,篤好斯文,平原兄弟,鬱爲文棟,劉楨、王粲,爲其羽翼。 爾後陵遲衰微,訖

也。

夏歌曰「鬱陶乎予心」,楚謠云「名余曰正則」,雖詩體未全,然略是五言之濫觴

逮漢李陵,始著五言之目。古詩眇邈,人代難詳,推其文體,固是炎漢之制,非衰

能勝衣,甫就小學,必甘心而馳騖焉。於是庸音雜體,各爲家法。至於膏腴子弟,恥文 窮賤易安,幽居靡悶,莫尙於詩矣。故辭人作者,罔不愛好。今之士俗,斯風熾矣。裁 塞客衣單,霜閨淚盡。又士有解珮出朝,一去忘反;女有揚蛾入寵,再盼傾國。 以怨。至於楚臣去境,漢妾辭宮,或骨橫朔野,或魂逐飛蓬,或負戈外戍,或殺氣雄邊, 鳥,秋月秋蟬,夏雲暑雨,冬月祁寒,斯四候之處諸詩者也。 不逮,終朝點綴,分夜呻吟,獨觀謂爲警策,衆視終淪平鈍。次有輕蕩之徒,笑曹、劉爲 種,感蕩心靈,非陳詩何以展其義,非長歌何以釋其情。故曰「詩可以羣,可以怨」。 使 之者無極,聞之者動心,是詩之至也。 比 切 用賦體,則患在意浮,意浮則文散。嬉成流移,文無止泊,有蕪漫之累矣。 若乃春風春 「黃鳥度靑枝」。徒自棄於高聽,無涉於文流矣。 者邪 也;直書其事,寓言寫物,賦也。弘斯三義,酌而用之,幹之以風力,潤之以丹采,使味 謂鮑昭羲皇上人,謝朓今古獨步;而師鮑昭終不及「日中市朝滿」,學謝朓劣得 若專用比、興,則患在意深,意深則辭躓。 嘉會寄詩以親,離羣託詩 。凡斯種 若但

並汎、朱紫相奪、諠譁競起、准的無依。近彭城劉士章俊賞之士、疾其淆亂、欲爲當世 | 嵥觀王公搢紳之士,每博論之餘,何嘗不以詩爲口實,隨其嗜欲,商搉不同,溫澠

詩品, 之幽思,文麗日月,學究天人,昔在貴遊,已爲稱首,況八紘旣掩,風靡雲蒸,抱玉者連 值;至若詩之爲技,較爾可知,以類推之,殆同博弈。 肩,握珠者踵武,固以睨漢、魏 口陳標榜,其文未遂,嶸感而作焉。 而 弗顧、吞晉、宋於胸中。 昔九品論人, 七略裁士, 校以賓實, 誠多未 方今皇帝資生知之上才, 體沈鬱 諒非農歌轅議,敢致流別。 嶸

頃之,卒官。

之今錄,庶周遊於閭里,均之於談笑耳。

航字長岳,C103官至府參軍、建康平。 著良吏傳十卷。二三嶼字季望,永嘉郡丞。 天監十

五年,敕學士撰徧略,嶼亦預焉。 兄弟並有文集。

除桂陽郡丞,太守王嶸素相賞好,自己禮之甚厚。高祖革命,興嗣奏休平賦,其文甚美,高祖 昌中,侍中謝朏爲吳興太守,唯與興嗣談文史而已。 宿逆旅,夜有人謂之曰:「子才學邁世,初當見識貴臣,卒被知英主。」言終,不測所之。 周興嗣字思纂,陳郡頂人,漢太子太傅堪後也。 興嗣世居姑孰。年十三,遊學京師,積十餘載,遂博通記傳,善屬文。 及罷郡還,因大相稱薦。 高祖疑,晉征西府參軍、宜都太守。 嘗步自<u>姑</u>熟,投 本州舉秀才, 齊隆

列傳

興嗣 嘉 年, 任 癘 爲 王羲之書千字,並使興嗣爲文,每奏,高祖輒稱善,加賜金帛。 祖 昉 疾 之。 員 以 復爲)興嗣 ?,左目盲,高祖撫其手,嗟曰:「斯人也而有斯疾也!」手疏治疽 與 所撰皇帝實錄、皇德記、起居注、職儀等百餘卷,文集十卷。 又愛其才,常言曰:「周興嗣若無疾,旬日當至御史中丞。」十四年,除臨川郡 外散騎 陸 拜安 給事中,直 倕各製寺碑, 爲 Į, 人成王 、侍郎,佐撰國史。十二年,遷給事中,撰史如故。 國侍郎,直華林省。 擢員外散騎侍郎,進直 一西省。 及成俱奏, 高祖 左衞 率周捨奉敕注高祖所製歷代 賦, 其年, 用興嗣所製者。 一文德、壽光省。 河南獻舞馬, 是時 自是銅表銘、栅塘碣、北伐檄、次韻 詔興嗣 ,高祖以三橋舊宅 興嗣 九年,除新安郡 與待詔到沆 方以賜之。 **啓興嗣助焉。** 兩手先患風疽,是年又染 丞,秩滿,復 爲光宅 張 其見惜 率 普通二年, 丞。 爲 寺, 賦 如此。 十七

均體 天監初 吳均 先是,均表求撰齊春秋,書成奏之,高祖以其書不實,使中書舍人劉之遴詰問數條,竟 建安王偉爲揚州 柳惲為 字叔庠,吳興故鄣人也。 吳興,召補主 引兼 一簿,日 記室 引 家世寒賤,至均好學有俊才,沈約嘗見均文,頗相 掌 與 賦 文翰 詩 王遷 均 文體清拔 江 州 補 有 或 古氣,好事 侍 郎, 兼 者或斅之,謂爲「吳 府 城 局。 還除 稱賞。 奉 朝

功已畢,唯列傳未就。 支離無對,敕付省焚之,坐免職。 普通元年,卒,時年五十二。均注范曄後漢書九十卷,著齊春秋三十 尋有敕召見,使撰通史,起<u>三皇,</u>訖齊代,均草本紀、世家

卷,廟記十卷,十二州記十六卷,錢唐先賢傳五卷,續文釋五卷,文集二十卷。

冶、江巴作鑊魚賦以自況,其文甚工。 所賞,及領丹陽尹,舉爽郡孝廉。 王國侍郎,並有文集。 先是,有廣陵高爽、濟陽江洪、會稽虞騫,並工屬文,爽,齊永明中贈衞軍王儉詩,爲儉 天監初,歷官中軍臨川王參軍。 後遇赦獲免,頃之卒。 洪爲建陽令,坐事死。 出爲晉陵令、三三坐事繫 騰官至

校勘記

三刻使成 「三」各本作「二」,據南史及册府元龜五五一改。 按:限三刻成詩,爲當時通例,可參

看本書褚翔傳、謝徵傳。

- 樂安任 **昉南鄉范雲皆與友善** 「與」字各本脫。 據南史補。
- 三 時伯叔父俊繪等並顯貴 北 監本、殿本。 張元濟梁書校勘記:「伯叔父、是。南史:懷弟子苞;繪、恒弟 「伯叔父」百衲本、南監 本、汲古閣本、 金陵局本俱作「世叔父」,今從 也。
- 29 遷尙書功論郎 「功論郎」各本作「工部郎」,據南史改。 尙書屬 有功論 郎。 工部之名起於隋,齊

梁未 有。

五 鄲」相偶 方分肉於仁獸 成文。 六駮食虎豹,不可方之於「仁獸」,卻克脚跛,不可逞步邯鄲。 「分肉」册府元龜一九二作「六駮」。按:「方六駮於仁獸」,與下句「逞卻克於邯 若作「分肉」, 則無

意義。

メ 歷爲宣惠豫章王中軍臨川王記室 「臨川」下各本脫一「王」字,據南史及册府元龜五五 五補。

и 集注後漢一百八十卷 今本後漢書有紀十二卷,志三十卷,傳八十八卷,共一百三十卷,不符

一百八十卷之數,「八」或係「三」之譌。

東海郯人也 「郯」各本譌「剡」,據兩史改。

へたし 應在綏撫 「撫」各本作「附」。據南史及册府元龜二一二改。

岏字長岳 「岳」南史及册府元龜五五五作「丘」。

著良吏傳十卷 「吏」各本譌「史」,據南史及隋書經籍志改。

(三) 太守王嶸素相賞好 「嶸」册府元龜六八七作「峻」。疑作「峻」是。 南史王峻傳,峻仕齊爲桂陽

內史,天監初還,時正相接。

出爲晉陵令 「晉陵」各本作「晉陽」。 據南史文學卞彬傳高爽附傳改。

坐事繫冶 「治」各本譌「治」,今改正。

梁書卷五十

列傳第四十四

文學下

劉峻 劉沼 謝幾卿 劉勰 王籍 何思澄 劉杳 謝徵

臧嚴 伏挺 庾仲容 陸雲公 任孝恭 顏協

劉峻字孝標,平原平原人。父珽,宋始興內史。[1]

謂之「書淫」。時竟陵王子良博招學士,峻因人求爲子良國職,吏部尙書徐孝嗣抑而不許,用 此。 人無 劉實愍峻,以東帛贖之,教以書學。 齊永明中,從桑乾得還,自謂所見不博,更求異書,聞京師有者,必往祈借,淸河崔慰 下,自課讀書,常燎麻炬,從夕達旦,時或昏睡,爇其髮,旣覺復讀,終夜不寐,其精力如 |峻生期月,母攜還鄉里。 宋泰始初,青州陷魏,峻年八歲,爲人所略至中山, 魏人聞其江南有戚屬,更徙之桑乾。峻好學,家貧,寄 中山富人 祖

列傳第四十四 文學下

書 五 + 七〇二

調。 爲 南海王侍郎,不就。 天監初,召入西省,與學士質蹤典校秘書。峻兄孝慶,時爲靑州刺史,峻請假省之,坐 至明帝時、蕭遙欣爲豫州、爲府刑獄、禮遇甚厚。 遙欣尋卒, 久之不

私載禁物,爲有司所奏,免官。 安成王秀好峻學,及遷荆州,引爲戶曹參軍,給其書籍,使抄

錄事類,名曰類苑,未及成,復以疾去,因遊東陽紫巖山,築室居焉。 高祖招文學之士,有高才者,多被引進,擢以不次。峻率性而動,不能隨衆沉浮,高祖 爲山栖志,其文甚美。

頗嫌之,故不任用。 峻乃著辨命論以寄其懷日

主上嘗與諸名賢言及管輅, 歎其有奇才而位不達。時有在赤墀之下, 預聞斯議,

歸以告余。余謂士之窮通,無非命也,故謹述天旨,因言其略云。

惑。至於鶡冠甕牖,必以懸天有期,鼎貴高門,則曰唯人所召。 獨公明而已哉。故性命之道,窮通之數,夭閼紛綸,莫知其辨。 年終四十八,天之報施,何其寡歟。然則高才而無貴仕,饕餮而居大位,自古所歎,焉 |蕭遠論其本而不暢其流,子玄語其流而未詳其本。嘗試言之曰: 夫道生萬物,則謂之 動 道;生而無主,謂之自然。 自然者,物見其然,不知所以然;同焉皆得,不知所以得。 鼓 《陶鑄而不爲功,庶類混成而非其力。生之無亭毒之心,死之豈虔劉之志。墜之淵泉 臣觀管輅天才英偉,珪璋特秀,實海內之髦傑,豈日者卜祝之流。 · 仲任蔽其源,子長闡其 譊澆灌咋,異端俱起。 而官止少府丞,

訴。 此豈才不足而行有遺哉。 尾,宜尼絕其糧。 觸 沮志於長沙,馮都尉皓髮於郎署,君山鴻漸,鎩羽儀於高雲,敬通鳳起,摧迅翮於風穴: 德未能踰, 則謂之命。 非其怒,昇之霄漢非其悅。 蕩乎大乎,萬寶以之化;確乎純乎,一化而不易。化而不易, 山之力無以抗,倒日之誠弗能感。 聖賢且猶若此,而況庸庸者乎!至乃伍員浮屍於江流,三閭沈骸於湘渚,賈大夫 命也者,自天之命也。定於冥兆,終然不變。 上智所不免。 顏回敗其叢蘭, 冉耕歌其芣苡。 是以放勛之代,浩浩襄陵,天乙之時,燋金流石。 短則不可緩之於寸陰,長則不可急之於箭漏。 夷、叔斃淑媛之言,子輿困臧倉之 鬼神莫能預,聖哲不能謀。 文公獎其 至

命,富貴在天」,其斯之謂矣。 與殤子,猗頓之與黔婁,陽文之與敦洽,咸得之於自然,不假道於才智。故曰「死生有 同死,膏塗平原,骨塡川谷,湮滅而無聞者,豈可勝道哉!此則宰衡之與皂隸,容、彭之 則:昔之玉質金相,英髦秀達,皆擯斥於當年,韞奇才而莫用,候草木以共凋,與麋鹿 聲於天地。 誘,服膺儒行。 近世 有沛國劉瓛,瓛弟璡,並一時之秀士也。 而官有微於侍郎,位不登於執戟,相繼徂落,宗祀無饗。 **睡則志烈秋霜,心貞崐玉,亭亭高竦,不雜風塵。** 然命體周流,變化非一,或先號後笑,或始吉終凶,或不 **蠍則關西孔子,通涉六經,循循善** 皆毓德於衡門,並 。因斯兩賢,以言古 而

列

奇響;視彭、韓之豹變,謂鷙猛致人爵,見脹、桓之朱敍,謂明經拾靑紫。 旒,任百官以司職。而惑者覩湯、武之龍躍,謂龕亂在神功,聞孔、墨之挺生,謂英睿擅 微,寂寥忽慌,無形可以見,無聲可以聞。必御物以效靈,亦憑人而成象,譬天王之冕 召自來,或因人以濟。 交錯紛糾,循環倚伏,非可以一理徵,非可以一途驗,而其道密 之而趨乎。故言而非命,有六蔽焉。 余請陳其梗概: 豈知有力者運

錄。 顏之殆庶,焉能抗之哉。 其蔽三也。 或曰,明月之珠,不能無類,夏后之璜,不能無考。 之里,變成洪川,歷陽之都,化爲魚鼈。 謂驅貔虎,奮尺劍,入紫微,升帝道,則未達窅冥之情,未測神明之數,其蔽二也。 故亭伯死於縣長,長卿卒於園令。才非不傑也,主非不明也,而碎結綠之鴻輝,殘懸黎 十,其蔽一也。 龍犀日角,帝王之表;河目龜文,公侯之相。 撫鏡知其將刑,壓紐 之夜色,抑尺之量有短哉。若然者,主父偃、公孫弘對策不升第,歷說而不入,牧豕淄 智昏菽麥,神之辨也。 星虹樞電,昭聖德之符,夜哭聚雲,鬱興王之瑞。皆兆發於前期,渙汗於後葉。 夫靡顏膩理,哆**嗡**顑頻,形之異也。 火炎崛岳,礫石與琬琰俱焚,嚴霜夜零,蕭艾與芝蘭共盡。 固知三者定乎造化, 榮辱之境, 獨曰由人, 是知二五而未識於 楚師屠漢卒,惟河鯁其流,秦人坑趙士,沸聲若 朝秀辰終,龜鶴千歲,年之殊也。 雖游、夏之英才,伊、 聞言如響, 。空桑 顯其膺

角其區字。 間電發。遂覆瀍、洛,傾五都。居先王之桑梓,竊名號於中縣。與三皇競其氓黎,五帝 立於靑丘,鑿齒奮於華野,比其狼戾,曾何足踰。自金行不競,天地版蕩,左帶沸脣,乘 其蔽五也。 使 渾沌、 檮杌, 踵武雲臺之上; 仲容、 庭堅, 耕耘巖石之下。 横謂廢興在我, 無繫於天, 飛廉進。 極?而謬生妍蚩,其蔽四也。 原,見棄州部,設令忽如過隙,溘死霜露,其爲詬恥,豈崔、馬之流乎。及至開東閣,列 五鼎,電照風行, 然則天下善人少,惡人多;闇主衆,明君寡。 彼戎狄者,人面獸心,宴安鴆毒。以誅殺爲道德,以蒸報爲仁義。 種落繁熾,充牣神州。 聲馳海外, 寧前愚而後智, 先非而終是。 將榮悴有定數, 夫虎 嗚呼!福善禍淫,徒虛言耳。 嘯風馳,龍興雲屬。 而薰蕕不同器,梟鸞不接翼。是 故重華立而元、凱升,辛受生而 **豈非否泰相傾**,盈縮 天命有至 。雖大風

成悖逆之禍。而商臣之惡,盛業光於後嗣;仲由之善,不能息其結纓,斯則邪正由於 無恒,玄黃代起;鮑魚芳蘭,入而自變。故季路學於仲尼,厲風霜之節;楚穆謀於潘崇, 善惡,此四者人之所行也。夫神非舜、禹,心異朱、均,才絓中庸,在於所習。是以素絲 人,吉凶存乎命。 然所謂命者,死生焉,貴賤焉,貧富焉,理亂焉,禍福焉,此十者天之所賦也。 或以鬼神害盈,皇天輔德。故宋公一言,法星三徙,殷帝自翦,千里 愚智

遞運,而汨之以人? 其蔽六也。

列

第

微而 來雲。 誤云:「風雨如晦,鷄鳴不已。」故善人爲善,焉有息哉? 未甚|東陵之酷。爲善一,爲惡均,而禍福異其流,廢興殊其迹。蕩蕩上帝,豈如是乎? **教也,鳳鳥不至,言命也。今以其片言辯其要趣,何異乎夕死之類而論春秋之變哉。** 强不息也。 且荆昭德音,丹雲不卷;周宣祈雨,珪璧斯罄。于叟種德,不逮勛、華之高;延年殘獷, · 婉,幽遠而難聞,河漢而不極。 或立教以進庸惰,或言命以窮性靈。 善惡無徵,未洽斯義。[1] 且于公高門以待封,嚴母掃墓以望喪。此君子所以自 如使仁而無報,奚爲修善立名乎?斯徑廷之辭也。夫聖人之言,顯而晦, 積善餘慶,立

不由智力。逝而不召,來而不距,生而不喜,死而不感。瑤臺夏屋,不能悅其神; 土室 編蓬,未足憂其慮。不充詘於富貴,不遑遑於所欲。豈有史公、董相不遇之文乎? 此君子之所急,非有求而爲也。 急,非有求而爲也。修道德,習仁義,敦孝悌,立忠貞,漸禮樂之腴潤,蹈先王之盛則, 夫食稻粱, 進芻豢, 衣狐貉, 襲冰紈, 觀窈眇之奇儛, 聽雲和之琴瑟, 此生人之所 然則君子居正體道,樂天知命。 。明其無可奈何,識其

物、緒言餘論、蘊而莫傳。或有自其家得而示余者、悲其音徽未沬、而其人已亡;青簡尚新、 乃為書以序之曰:「劉侯旣有斯難,值余有天倫之感,竟未之致也。 尋而此君長逝,化爲異 論成,中山劉沼致書以難之,凡再反,峻並爲申析以答之。會沼卒,不見峻後報者,峻

泉,聞 梗 而 概 宿草將列,泫然不 更酬 弦 歌 其旨。 而赴節。 若使 知涕之無從。 但 墨翟之言無爽,宣室之談 懸 劍 一空龍,有恨 雖隙駟不留,尺波電謝,而秋菊春蘭,英華靡絕, 如何 一」其論文多不載。 有徵。 冀東平 之樹 望咸陽 而 西靡 ; 蓋 故 存 Щ 之 其

通有一 烈芬芳, 有犬馬之疾,溘死 命 敍,遺之好 此三同 冠 世 世 英主,亦擯斥當年,此二同也。 ,志剛金石;余雖不及之,而節 峻 子仲文,官成名立;余 也。 又嘗爲自序,其略曰:「余自比馮敬通 人而 事 敬通當更始之世,手握 玄 彌盛;余聲塵寂漠, 無 時,此 三異 禍 也。 同伯道,永無血胤,此二異 世 亮慷慨,此 兵符,躍馬食肉; 不吾知, 敬通雖芝殘蕙焚,終塡溝壑, 敬通有 忌妻,至於身操井臼,余有悍室,亦令家道 魂魄一去, 將同秋草, 一同 而 有同 也。 余自少迄長, 之者三, 敬通値 也。 敬通膂力方剛 中 異之者四。 興 而 戚戚無歡,此一 此四異也。 明 爲 君 名賢 元而 何則? (所慕, 終不 老 所以自力為 試 而 異 敬通 其 益壯 用,余逢 也。 風 轗軻 流 雄 ; 郁 敬 才

|峻居||東陽,吳、|會人士多從其學。 普通二年,卒,時年六十。[三]門人諡曰玄靖先生。

劉沼字明信,中山魏昌人。六代祖輿,晉驃騎將軍。

七〇八

沼幼善屬文,旣長博學。 仕齊起家奉朝請,冠軍行參軍。 天監初,拜後軍臨川王記室

參軍,秣陵令,卒。

江流,左右馳救,得不沈溺。 試,謂祭酒王儉曰:「幾卿本長玄理,今可以經義訪之。」儉承旨發問,幾卿隨事辨對,辭無滯 謝幾卿,陳郡陽夏人。 幾卿幼淸辯,當世號曰 「神童。 曾祖靈運,宋臨川內史,父超宗,齊黃門郎:並有重名於前代。 及居父憂,哀毀過禮。 後超宗坐事徙越州,路出新亭渚,幾卿不忍辭訣,遂投赴 服闋,召補國子 生。 齊文惠太子 自臨策

褰幔,與車前三騶對飲,時觀者如堵,幾卿處之自若。 徙爲散騎侍郎,累遷中書郎,國子博士,尚書左丞。 國令,入補尚書殿中郎、太尉晉安王主簿。 者,文惠大稱賞焉。 詢訪之。 爲治書侍御史。 旣長好學,博涉有文采。 然性通脫,會意便行,不拘朝憲,嘗預樂遊苑宴,不得醉而 舊郎官轉爲此職者,世謂爲南奔。 儉謂人曰:「謝超宗爲不死矣。」 起家豫章王國常侍,累遷車騎法曹行參軍,相國祭酒,出爲寧 天監初,除征虜鄱陽王記室,尚書三公郎,四尋 幾卿 幾卿詳悉故實,僕射徐勉每有疑滯,多 後以在省署,夜著犢鼻褌,與門生登 頗失志, 多陳疾, 還,因詣道邊酒爐,停車 臺事略不復理。

閣道 尋除太子率更令, 飲酒酣嘑,爲有司糾奏, 遷鎭 衛南 平王長史。 坐発官。 尋起爲國子博士,俄除河東太守,秩未滿,陳疾解。 普通六年, 詔遣領軍 將軍 西昌侯蕭 淵藻督衆軍 北

伐,幾卿啓求行,擢爲軍師長

史,加威戎將軍。

軍至渦陽退敗,幾卿坐免官

悵隔 理滌 爲促。 老使形疏,疾令心阻,沈滯牀簟,彌歷七旬,夢幻俄頃,憂傷在念,竟知無益, 栖息。 相 栖,接輿高 宴,漾桂 懸河不 慰勉之。 得,並 "芳塵" 意,卽以任命爲膏酥;擥鏡照形,飜以支離代萱樹。 ,來侍未孱,連劍飛鳧,擬非其類,懷私茂德,竊用涕零。」 居宅在白楊石井, 足譬,春藻之辭,麗文無以匹。 旣匪高官,理就一廛。[至] 嘉會難常,摶雲易遠,言念如昨,忽焉素秋。 |棹於淸池,席落英於曾岨。 一肆情誕縱,或乘露車 幾卿答曰:「下官自奉違南浦、卷迹東郊、望日臨 .舉,遁名屠肆,發迹關市,其人緬 如其逝者可作,必當昭被光景,歡同遊豫,使夫一介老圃,得簉虛心末席。 朝中交好者載酒從之, 歷遊郊野, 田家作苦,實符淸誨。 蘭香兼 莫不相 既醉則執鐸挽歌,不屑物議。 邈,餘流 御、羽觴競集,側聽餘論、沐浴玄流。 顧動容,服心 賓客滿坐。 恩光不遺,善謔遠降。 可想。 本乏金覊之飾,無假玉 故得仰慕徽猷, 風,瞻言佇立。 時 勝口,不覺春日爲遙, 若令亡者有知, 寧不縈悲玄壤, 左丞庾仲容亦発歸,二人意志 湘東 仰尋惠渥,陪奉遊 永言前 因 王在 思自袪遣。 事 壁爲資,徒以 罷 荆鎭, 哲,鬼谷深 濤波之辯, 更謂脩 歸, 去日 豊 與 夜 書

列

幾卿雖不持檢操,然於家門篤睦。 兄才卿早卒,其子藻幼孤,幾卿撫養甚至。 及藻成

立、歷淸官公府祭酒、主簿、皆幾卿獎訓之力也。 世以此稱之。

幾卿未及序用,病卒。文集行於世。

劉勰字彥和,東莞莒人。祖靈眞,宋司空秀之弟也。父尚,越騎校尉。

勰早孤, 篇志好學, 家貧不婚娶, 依沙門僧滿, 與之居處, 積十餘年, 遂博通經論, 因區

別部類,錄而序之。今定林寺經藏,勰所定也。

天監初,起家奉朝請,中軍臨川王宏引兼記室,遷車騎倉曹參軍。 出爲太末令,政有清

績。 勰乃表言二郊宜與七廟同改,詔付尙書議,依勰所陳。遷步兵校尉,兼舍人如故。 除仁威南康王記室,兼東宮通事舍人。時七廟饗薦已用蔬果,而二郊農社猶有犧牲, 昭明太

子好文學,深愛接之。

初,勰撰文心雕龍五十篇,論古今文體,引而次之。 其序曰:

來文章,以雕縟成體,豈取騶奭羣言雕龍也。夫宇宙縣邈,黎獻紛雜,拔萃出類,智術 夫文心者、言爲文之用心也。昔涓子琴心,王孫巧心,心哉美矣夫,故用之焉。古

日月 而 ,方聲氣乎風 歲月飄忽,性靈不居,騰聲飛實,制作而已。夫肖貌天地,禀性五才, 雷,其超出 萬物,亦已靈矣。 形甚草木之脆, 名踰金石之堅, 是以君 擬耳目於

子處世

, 樹德建言, 豈好辯哉, 不得已也。

始論 周書 **外遠,文體解散,辭人愛奇,言貴** 之以成,六典因之致用,君臣所 經,而馬 人之難見 文。 論解 予 齒 鄭諸 也 ,貴乎體 在踰立 儒 廼小子之垂夢歟 , 嘗夜夢執丹漆之禮器, 隨仲尼而南行, 旦而寤, 廼怡然而喜。 ,弘之已精,就 要,尼父陳訓, 以 有深解,未足立家。 ! 、浮詭,飾羽尙畫, 惡 炳煥,軍國所以昭明,詳其本源,莫非經典。 自生人以來, 乎異端。 辭訓之異,宜體於要。 未 文繡鞶帨,離本 有如夫子者也。 唯文章之用,實經典枝條, 彌甚,將遂訛 敷讚聖旨, 於是搦筆 和墨,乃 莫若注 五. 大哉 而 禮 去 聖 蓋 資 聖

往 {別 亂 俗之旨,或撮題篇章之意。 流別精 間 出、並 詳 弘範 觀 近代之論文者多矣。 未能振 而 輸林 少功,翰林淺而 各照 葉以尋根,觀瀾而索源。不述先哲之誥,無益後 隅隙,鮮 魏典密 寡要。 觀 至 衢 如 而 又君山、公幹之徒,吉甫、士 路。 魏文述典,陳思序書,應 不 周,陳書辯而 或臧否當 時之才,或銓品前 無當 應論 場文論,陸機文賦,仲洽流 龍 華 祀之輩, 生之慮 而 疏 修之文,或 略,陸賦 汎議 文意, 汎 巧 舉 而 往 碎

列

傳

第

四

+

四

文學

下

於時序,「引聚貶於才略,怊悵於知音,耿介於程器,長懷序志,以馭羣篇。 毛目顯矣。位理定名,彰乎、大易之數,其爲文用,四十九篇而已。 篇以上,綱領明矣。至於割情析表,籠圈條貫,摛神性,圖風勢,苞會通,閱聲字,崇替 若乃論文敍筆,則囿別區分,原始以表末,釋名以章義,選文以定篇,敷理 盖文心之作也,本乎道,師乎聖,體乎經,酌乎緯,變乎騷,文之樞紐,亦云極矣。 以舉統。上 下篇以下,

管,何能矩矱。茫茫往代,旣洗予聞,眇眇來世,儻塵彼觀。 也。 折衷。案轡文雅之場,而環絡藻繪之府,亦幾乎備矣。但言不盡意,聖人所難,識在缾 而遠,辭所不載,亦不勝數矣。及其品評成文,有同乎舊談者,非雷同也,勢自不可異 有異乎前論者,非苟異也,理自不可同也。同之與異,不屑古今,擘肌分理,唯務 夫銓敍一文爲易,彌綸羣言爲難,雖復輕采毛髮,深極骨髓,或有曲意密源,似近

出,干之於車前,狀若貨鬻者。約便命取讀,大重之,謂爲深得文理,常陳諸几案。 旣成,未爲時流所稱。 勰自重其文,欲取定於沈約。 約時貴盛,無由自達,乃負其書,候約

經證,功畢,遂啓求出家,先燔鬢髮以自誓,敕許之。乃於寺變服,改名慧地。未朞而卒。 然勰爲文長於佛理,京師寺塔及名僧碑誌,必請勰製文。有敕與慧震沙門於定林寺撰

王 **|籍字文海,琅邪臨沂人。祖遠,宋光祿勳。** 父僧祐,齊驍騎將軍 0

郡境有雲門、天柱山,籍嘗遊之,或累月不反。至若邪溪賦詩,其略云:「蟬噪林逾靜,鳥鳴 **燭,**[公] 甚爲約賞。 鞭 不擇交遊。 Щ 公郎,廷尉正。 更 而 遣之。 幽 籍 七歲能屬文, 。」當時以爲文外獨絕。 少時,卒。 湘東王爲荆州,引爲安西府諮議參軍,帶作塘令,不理縣事,日飲酒,人有訟者, 歷餘姚、錢塘令、日立並以放免。 齊末,爲冠軍行參軍,累遷外兵、記室。天監初,除安成王主簿,尚書三 及長好學, 文集行於世。 還爲大司馬從事中郎,遷中散大夫,尤不得志,遂徒行市道, 博涉有才氣, 。人之,除輕車湘東王諮議參軍,隨府會稽 樂安任昉見而稱之。 **嘗於沈約坐賦得詠**

子碧,亦有文才,先籍卒。

何思澄字元靜,東海郯人。父敬叔,齊征東錄事參軍、餘杭令。[10]

思澄 少 勤學,工文辭。 起家爲南康王侍郎,累遷安成王左常侍,兼太學博士,平南安成

列傳第四十四 文學下

除宣惠武陵王中錄事參軍,卒官,時年五十四。文集十五卷。 故。 宋、齊以來,此職稍輕,天監初始重其選,車前依尙書二丞給三騶,執盛印靑囊,舊事糾彈官 構閣 印綬在前故也。久之,遷秣陵令,入兼東宮通事舍人。除安西湘東王錄事參軍 十五年, 敕太子詹事徐勉舉學士入華林撰徧略, 王行參軍 時徐勉、周捨以才具當朝,並好思澄學,常遞日招致之。 齋,因命工書人題此詩於壁。 ,兼記室。 隨府江州,爲遊廬山詩,沈約見之,大相稱賞,自以爲弗逮,約郊居宅新 傅昭常請思澄製釋奠詩,辭文典麗。日日除廷尉 勉舉思澄等五人以應選。 昭明太子薨,出爲黟縣令。 遷治書侍 下, 兼 正。 舍人如 御史。 遷

初,思澄與宗人遜及子朗俱擅文名,時人語曰:「東海三何,子朗最多。」思澄聞之,

此言誤耳。 如其不然,故當歸遜。」思澄意謂宜在已也。

其 、文甚工。世人語曰:「人中爽爽何子朗。」歷官員外散騎侍郎,出爲國山令,〔1〕三卒,時年二 子朗字世明,早有才思,工清言,周捨每與共談,服其精理。 嘗爲敗冢賦,擬<u>莊</u>周馬棰,

十四。文集行於世。

劉杳字士深,平原平原人也。 祖乘民,宋冀州刺史。 父聞慰,齊康陽太守,有淸績,在

齊書良政傳。

行路。 香年數歲,徵士明僧紹見之,撫而言曰:「此兒實千里之駒。」十三,丁父憂,每哭,哀感 天監 初 ,爲太學博士、宣惠豫章王行參軍

多,輒當置之閣上,坐臥嗟覽。 辭采妍富,事義畢舉,句韻之間,光影相照,便覺此地, 時得休偃。 章呈約,約卽命工書人題其贊于壁。 事,此何出。」香曰:「仲師長尺二寸,唯出論衡。 器,有犧樽作犧牛形,晉永嘉賊曹嶷於靑州發齊景公冢,又得此二樽,形亦爲牛象。 按。 約云:「鄭玄答張逸,謂爲畫鳳皇尾娑娑然。〔三〕今無復此器,則不依古。」杳曰:「此言未必可 至今不死。」約卽取二書尋檢,一如杳言。 日暮塗殫,此心往矣;猶復少存閑遠,徵懷淸曠。 古者樽彝,皆刻木爲鳥獸, |杳少好學,博綜羣書,沈約、任昉以下,每有遺忘,皆訪問焉。 嘗於||約坐語及宗廟犧樽, 知非虛也。」約大以爲然。 仲長遊居之地,休璉所述之美,望慕空深,何可髣髴。 別卷諸篇,並爲名製。 鑿頂及背,以出內酒。 仍報|查書曰:「生平愛嗜,不在人中,林壑之歡,多與事 約又云「何承天纂文奇博,其書載張仲師及長 約郊居宅時新構閣齋,杳爲贊二首,並以所撰文 長頸是毗騫王,朱建安扶南以南記云:古來 結字東郊,匪云止息,政復 又山寺既爲警策,諸賢從時復高奇, 頃魏世魯郡地中得齊大夫子尾送女 自然十倍。 君愛素情多, 故知麗辭之益,其事弘 惠以二贊。 頗寄夙心, 二處皆 頸王

列傳

第

四

十四四

文學下

筆,事孝武皇帝數十年』。韋昭、張晏注並云『橐,囊也。 『太史三代世表,旁行邪上,並效周譜。』以此而推 忘,實不憶此。」杳云:「出楊元鳳所撰置郡事。 解 周拾又問杳『尚書官著紫荷橐,相傳云『挈囊』, 商溪摖里。」時卽檢楊記,言皆不差。 當是虛言。」皆云:「桂陽程鄉有千里酒,飲之至家而醉,亦其例也。」 昉 酒 頤 作榐 愈疾 義 兼乎此。 助問**杳**。「此字是不。」「查對曰:「萬洪字苑作木旁者。」助又曰 遲比敍會, 更共申析。」其爲約所賞如此。 王僧孺被敕撰譜,訪杳血脉 元鳳是魏代人,此書仍載其賦,云三重五 竟何 ,當起周代。」僧孺歎曰:「可謂 ·所出。」「查答曰:「張安世傳曰『持橐簪 近臣簪筆,以待顧問』。」〇〇〇九曲撰 所因。 又在任助 杳云 大驚曰「吾自當遺 「酒有千日醉, 坐,有人餉昉格 「桓譚新論云 得所 未聞。」

姚 年,復除建康正 官 疾 字書音訓,又訪杳焉。 憂 去職。 令,在 陳解,還除雲麾晉安王府參軍。 廷尉正,又以足疾解。因著林庭賦。 尋佐周捨撰國史。出爲臨津令,有善績,秩滿,縣人三百餘人詣闕請留,敕許焉。 縣淸潔,人有饋遺,一無所受,湘東王發敎襃稱之。 服闋,復爲王府記室,兼東宮通事舍人。大通元年,遷步兵校尉,兼舍人如故。 ,遷尙書駕部郎,數月,徙署儀曹郎,僕射勉以臺閣文議專委杳焉。 其博識强記,皆此類也。 詹事徐勉舉杳及顧協等五人入華林撰徧略,書成,以本 王僧孺見之歎曰:「郊居以後,無復此作。」普通 還除宣惠湘東王記室參軍 出爲 杳以 了, 母 餘

事 明 何敬容奏轉杳王府諮議,高祖曰:「劉杳須先經中書。」仍除中書侍郎。 太子謂杳曰:「酒非卿所好,而爲酒厨之職,政爲不愧古人耳。」俄有敕代裴子野 昭明太子薨,新宮建,舊人例無停者,敕特留杳焉。 。仍注太子徂歸賦,稱爲 尋爲平西湘 博 悉。 知著作郎 東 僕射 王

議參軍,兼舍人、知著作如故。 遷爲尚書左丞。大同二年,卒官,時年五 十。

七 得一地,容棺而已,不得設靈筵祭醊。其子遵行之。 年,自居母憂,便長斷腥羶,持齋蔬食。 及臨終,遺命斂以法服,載以露車,還葬舊墓,隨 杳治身淸儉,無所嗜好。 爲性不自伐,不論人短長,及覩釋氏經敎,常行 慈忍。 天監十

卷,古今四部書目五卷,並行於世。 香自少至長,多所著述。撰要雅五卷,楚辭草木疏一卷,高士傳二卷,東宮新舊記三十

遷司 少 與 (從叔 農卿 ·,領記室。 謝徵字玄度,自原那陽夏人。高祖景仁,宋尚書左僕射。祖稚,宋司徒主簿。父璟, 朓俱 · 秘書監,左民尙書,明威將軍、東陽太守。 知名。 遷中 書郎,晉安內史。 齊竟陵王子良開西邸,招文學,璟亦預焉。隆昌中,爲明帝驃騎諮議 高祖平京邑,爲霸府諮議,梁臺黃門郎。 高祖用爲侍中,固辭年老,求金紫,未 天監初,累

列

傳第

四

序,會疾卒。

長,美風采,好學善屬文。 徵幼聰慧,璟異之,常謂親從曰:「此兒非常器,所憂者壽,若天假其年,吾無恨矣。」旣 初爲安西安成王法曹,遷尙書金部三公二曹郎,豫章王記室,兼

中書舍人。 遷除平北諮議參軍,兼鴻臚卿,舍人如故。

之。 美,高祖再覽焉。 時魏中山王元略還北,高祖餞於武德殿,賦詩三十韻,限三刻成。 徵與河東裴子野、沛國劉顯同官友善,子野嘗爲寒夜直宿賦以贈徵,徵爲感友賦以酬 又為臨汝侯淵猷製放生文,亦見賞於世 |徴二刻 便就,其辭甚

如故。 將軍 |邪||王籍集其文爲二十卷。 丞。 孔休源及徵三人與議。 三年,昭明太子薨,高祖立晉安王綱爲皇太子,將出詔,唯召尚書左僕射何敬容、宣惠 中大通元年,以父喪去職,續又丁母憂。 六年,出爲北中郎豫章王長史、南蘭陵太守。 徵時年位尚輕,而任遇已重。 詔起爲貞威將軍,還攝本任。 大同二年,卒官,時年三十七。友人琅 四年,累遷中書郎,鴻臚卿、舍人 服闋、除尚書左

臧嚴字彥威, 東莞莒人也。 會祖燾,朱左光祿。日心祖凝,齊尚書右丞。日也父稜,後軍

侍。 從叔未甄爲江夏郡,攜嚴之官,於塗作屯遊賦,任昉見而稱之。 嚴 幼有孝性,居父憂以毁聞。 孤貧勤學,行止書卷不離於手。初爲安成王侍郎,轉常 又作七算,辭亦富麗。

性孤介,於人間未嘗造請,僕射徐勉欲識之,嚴終不詣。

累任皆蠻左,前郡守常選武人,以兵鎭之,嚴獨以數門生單車入境,羣蠻悅服,遂絕寇盜。 溪灣,諷誦略皆上口。王嘗自執四部書目以試之,嚴自甲至丁卷中,各對一事,並作者姓 王入爲石頭戍軍事,除安右錄事。 名, 遂無遺失, 其博洽如此。 遷冠軍行參軍、侍湘東王讀,累遷王宣惠輕車府參軍,兼記室。 王遷荆州,隨府轉西中郎安西錄事參軍。 王遷江州,爲鎭南諮議參軍,卒官。 嚴於學多所諳記,尤精 文集十卷。 歷監義陽、武寧郡,

伏挺字士標。父暅、為豫章內史、在良吏傳。

師至,挺迎謁於新林,高祖見之甚悅,謂曰「顏子」,引爲征東行參軍,時年十八。 人樂安任昉深相歎異,常曰:「此子日下無雙。」齊末,州舉秀才,對策爲當時弟一。 挺幼敏寤,七歲通孝經、論語。及長,有才思,好屬文,爲五言詩,善效謝康樂體。 天監初,除 高祖 **父友**

文

學下

列傳第四十四

中軍參軍 宅居在潮溝,於宅講論語,聽者傾朝。 遷建康正,俄以劾免。 久之,入爲尚書

儀曹郎,遷西中郎記室參軍,累爲晉陵、武康令。 罷縣還,仍於東郊築室,不復仕。

挺 少有盛名,又善處當世,朝中勢素,多與交遊,故不能久事隱靜。 時僕射徐勉以疾假

還宅,挺致書以觀其意曰:

不覯。 累牘兼翰,纸縟字磨,誦復無已,徒恨許與過當,有傷準的。昔子建不欲妄讚陳琳,恐 篇。揚生沉鬱,且猶覆盎;惠子五車,彌多踳駮。一日聊呈小文,不期過賞,還逮隆渥, 隆世親,義重知己,道庇生人,德弘覆蓋。 見嗤哂後代。今之過奢餘論,將不有累淸談。 起,園林易色,凉野寂寞,寒蟲吟叫。懷抱不可直置,情慮不能無託,時因吟詠,動輒盈 昔士德懷顧,戀興數日,輔嗣思友,情勞一旬。 故知深心所係,貴賤一 東山之歎,豈云旋復;西風可懷,孰能無思。加以靜居廓處,顧影莫酬,秋 一而朝野懸隔,山川邈殊,雖咳唾時沾,而顏色 也。 況復恩 風四

耳,稍從擯落,宴處榮觀,務在滌除。綺羅絲竹,二列頓遣,方丈員案,三桮僅存。 屬懷南岳,鑽仰來貺,有符下風。雖云幸甚,然則未喻。雖復帝道康寧,走馬行却,由 道變區中,情沖域外,操彼絃誦,賁茲觀損。追留侯之却粒,念韓卿之辭榮,眷想東都, 挺竄迹草萊,事絕聞見,藉以謳謠,得之輿牧。仰承有事砭石,仍成簡通,娛腸悅 故以

門,雍容鄉邑,常謂此道爲泰, 昔杜眞 物,義非徇己。 {庚 得所,寅亮有 然後黔首有庇, 自閉深室,郎宗絕迹幽 思與 歸。 赤松子遊,誰其克遂。 悠悠之人,展氏猶且攘袂,浩浩白水,甯叟方欲 薦紳靡奪;白駒不在空谷, 野, 毎竊慕之。 難矣, 誠非所希。 方念擁**籌延思,以陳侍者,**請至農隙, 願驅 屠羊豫蒙其賚。 之仁壽,綏此多福。 井丹高潔,相 豊 不 如 褰裳。 雖則 慢世,尙復遊 休哉,豈不 不言, 是知君子拯 四時行 ·休哉。 沙權 無待

羞 子侯 彌爲 固 未易。 陋,無憚龍門。 ,比復削牘。 挺誠好屬文,不會今世,不能促節局步,以應流俗。 近以蒲槧勿用,箋素多闕,聊効東方,獻書丞相,須得善寫,更請潤訶,儻逢 昔敬通之賞景卿,孟公之知仲蔚,止乎通人,猶稱盛美,況在 事等昌菹, 謬彼偏嗜, 是用不 一時宗,

邀求

|勉報日:

魯斷斷 憤歎 魯國之名 復覽來書,累牘兼翰,事苞出處,言兼語默,事義周悉,意致深遠, 同 卿雄州擢秀,弱冠升朝,穿綜百家,佃漁六學,觀眸表其韶慧,視色見其英朗,若 年 駒,邁雲中之白鶴。及占顯邑,試更腴壤,將有武城弦歌,桐鄉謠 而語邪? 方當見賞良能,有加寵授,飾茲簪帶,置彼周行。 發函伸紙, 而欲遠慕卷舒 詠,豈與卓 ,倍增

剢

傳

有殊同。 御序 用 懷 ?,蕭條林野,無人相樂,偃臥墳籍,遊浪儒玄, 愚智,旣知益之爲累,爰悟滿則辭多,高蹈風塵,良所欽挹。 今逖聽傍求,興懷寤宿,白駒空谷,幽人引領,貧賤爲恥,鳥獸難羣,故當捐此 物我 **孫兼忘**, 寵辱 誰滯 況以金商 誠乃歡 戒節,素秋 羡,用

薛蘿,出從鵷鷺,無乖隱顯,不亦休哉!

返服衡門,實爲多幸。 擬非倫匹,良覺辭費。覽復循環,爽焉如失。清塵獨遠,白雲飄蕩,依然何 理 人 ,娛耳爛腸,因事而息,非關欲追松子,遠慕留侯。 何事,得因疲病,念從閑逸。若使車書混合,尉候無警,作樂制禮,紀石封 吾智乏佐時,才慚濟世,禀承朝則,不敢荒寧,力弱途遙,愧心非一。 但夙有風欬,遘茲虚眩,瘠類士安,羸同長孺,簿領沉 若乃天假之年,自當靖恭所職。 天下有道,堯 山 廢,臺閣未 ,然後乃

悟,賴北海以騰聲。望古料今,吾有慚德。 人扼腕。式閻願見,宜事掃門。亦有來思,赴其懸榻。輕苔魚網,別當以薦。 猥降書札,示之文翰,覽復成誦,流連縟紙。 昔仲宣才敏,藉中郎而表譽, 正平穎 **儻成卷帙,力爲稱首。無令獨耀隨掌,空使** 城闕

後 遇赦,乃出天心寺。CICD會邵陵王爲江州,攜挺之鎮,王好文義,深被恩禮,挺因此還俗。 挺後遂出 .仕,尋除南臺治書,因事納賄,當被推劾,挺懼罪,遂變服爲道人, 久之藏匿,

之歎,曷日無懷。所遲萱蘇,書不盡意。

復 隨 王遷鎭郢州,徵入爲京尹,挺留夏首,久之還京師。 太清中,客遊吳興、吳郡,侯景亂中

卒。著邇說十卷,文集二十卷。

邵陵王所引,歷爲記室,中記室,參軍 中書舍人,專任權寵,勢傾 宦途不至,深怨朝廷,逐盡心事景。 子知命,先隨挺事邵陵王,掌書記。 、內外。 景敗被執、送江陵、於獄中幽死。 景襲郢州,圍巴陵,軍 亂中,王於郢州奔敗,知命仍下投侯景。 中書檄,皆其文也。 挺弟捶,亦有才名,先爲 及景篡位,爲 常以其父

庾仲容字仲容,潁川隱陵人也。 晉司空冰六世孫。祖徽之,宋御史中丞。 **父漪,齊邵**

陵王記室。

爲府佐,並以强學爲王所禮接。 願以晏嬰所忝廻用之。」勉許焉,因轉仲容爲太子舍人。遷安成王主簿。時平原劉孝標亦 行參軍,泳時已貴顯,東部尚書徐勉擬泳子晏嬰爲宮僚,泳垂泣曰:「兄子幼孤,人才粗可, 多被劾。 仲容幼孤,爲叔父泳所養。旣長,杜絕人事,專精篤學,晝夜手不輟卷。 久之,除安成王中記室,當出隨府,皇太子以舊恩,特降錢宴,賜詩曰:「<u>孫生</u>陟陽 遷晉安功曹史。歷爲永康、錢唐、武康令,治縣並無異績, 初爲安西法曹

列

道,吳子朝歌縣,未若樊林舉,置酒臨華殿。」時輩榮之。 遷安西武陵王諮議參軍。 除尚書

左丞,坐推糾不直免。

好相 得,二人時亦不調,遂相追隨,誕縱酣飲,不復持檢操。 仲容博學,少有盛名,頗任氣使酒, 好危言高論, 士友以此少之。 。人之,復爲諮議參軍,出爲黟縣 唯與王籍、謝幾卿情

令。 及太淸亂,客遊會稽,遇疾卒,時年七十 应

|仲容抄諸子書三十卷,衆家地理書二十卷,列女傳三卷,文集二十卷:並行於世。

陸雲公字子龍,吳郡人也。祖閑,州別駕。父完,寧遠長史。

無所 雲公先製太伯廟碑,吳興太守張纘罷郡經途,讀其文歎曰:「今之蔡伯喈也。」纘至都掌選, 言之於高祖,召兼尚書儀曹郎,頃之卽眞,入直壽光省,以本官知著作郞事。 失,顯歎異之。旣長,好學有才思。州舉秀才。累遷宣惠武陵王、平西湘東王行參軍。 雲公五歲誦論語、毛詩,九歲讀漢書,略能記憶。 從祖倕、沛國劉顯質問十事,雲公對 俄除著作郎,

累遷 貂。」高祖將用雲公爲侍中,故以此言戲之也。 中書黃門郎,並掌著作。 雲公善弈棊,常夜侍御坐,武冠觸燭火,高祖笑謂曰:「燭燒卿 是時天淵池新製鯿魚舟,形闊而短,高祖暇

雲公, 其 日 恩 ,常汎此舟,在朝唯引太常劉之遴、國子祭酒到溉、右衞朱异, 遇 風尙優敏,後進之秀。 如 此。 太清 元 年,卒,時年三十七。 奄然殂謝,良以惻然。 高祖悼惜之,手詔曰:「給事黃門侍郎 可剋日舉哀,賻錢五萬,布 雲公時年位尚輕,亦 匹 十匹。」 、掌著作陸 預

齡,方 忘其 歸, 數幾 恤 數 絕 彌 喪寶 心 再問 ,當何可言。 嗣 見 獨 人 更 情 何。 年 寤 世 張纘 ,實有識 春 敦昔款。 款。 義 懷橘 形 掩質, 迹之 始踰 時爲湘州,與雲公叔襄、兄晏子書曰:「都信至,承賢兄子賢弟黃門殞折,非 憑 至若此生, 朝遊夕宴, 几 夕 抱柰,禀自天情,居坐列薪,非因 同悲,痛惋傷惜,不能已已。 外,不爲遠近隔情,襟素 次帝郊,亟淹 埋玉之恨,撫事多情。 弱歲,辭藝通洽,升降多 口 臨白增悲,言以無次。」 如 授,素無其 何此別,永成 寧可多過, 一載于斯。 功,翰動若 信宿,徘徊 異世 賞心樂事,所寄伊 翫 古披文,終晨訖暮。 ! 想引進之情,懷抱素篤,友于之至,兼深家寶。 之中, 揮袂 飛,彌 士,秀 握手,忍分歧路。 賢兄子賢弟神情早著,標令弱年,經 之初 「外獎。 有多 豊 以 也詩流。 愧。 人誰 風 人。 學以 霜 京洛遊 改節。 見 自 弟遷職瀟、湘、維 與 行役數年,覊病侵 平生知舊,零落稍 聚之,則一箸能立,問以辯之,則 保, 齒 但恐衰 故, 咸成雲 過肩隨, 客遊 半 謝 紀, 禮殊 雨,唯 無 舟 志 (迫) 識 復 洛 拜絕,懷 盡,老夫 切 洒,將 前 省 目 有 期。 丘 此 慮 所覩,殆 生,音 記 抱 惛 離 唯貴門 奄有 日 不 之際, 意,其 怳, 相 望 謂 此

師

無

華

東

塵

久

雲公從兄才子,亦有才名,歷官中書郎、宣成王友,太子中庶子,廷尉卿,先雲公卒。 才

子、雲公文集,並行於世。

任孝恭字孝恭,臨淮臨淮人也。 曾祖農夫、宋南豫州刺史。

孝恭少從蕭寺雲法師讀經論, 省、爲司文侍郎、俄兼中書通事舍人。 所遺。 自是專掌公家筆翰。 孝恭幼 外祖丘它,與高祖有舊,高祖聞其有才學,召入西省撰史。 孤 ,事母以孝聞。 孝恭爲文敏速,受詔立成,若不留意,每奏,高祖輒稱善,累賜金帛。 精力勤學,家貧無書,常崎嶇從人假借。 明佛理,至是蔬食持戒,信受甚篤。 勑遣製建陵寺刹下銘, 又啓撰<u>高</u>祖集序文, 並富麗, 初爲奉朝請,進直 而性頗自伐,以才能尙 每讀一編,諷誦略無 壽光

人,於時輩中多有忽略,世以此少之。

赴臺、臺門已閉、因奔入東府、尋爲賊所攻、城陷見害。 太清二年,侯景寇逼,孝恭啓募兵,隷蕭正德,屯南岸。 文集行於世。 及賊至,正德舉衆入賊,孝恭還

七二六

兼 有 中丞。 志 顏協字子和 高祖受禪,見遠乃不食,發憤數日而卒。 初,齊和帝之鎭荆州也,以見遠爲錄事參軍,及卽位於江陵, ,琅邪臨沂人也。 七代祖含,晉侍中、國子祭酒、西平靖侯。父見遠,博學 高祖聞之曰:「我自應天從人,何預天下 以爲治書侍御 史,俄

一大夫事?

而顏見遠乃至於此也。」

傷之。其一章曰:「弘都多雅度、信乃含賓實、鴻漸殊未昇、上才淹下秩。」 二協。 顯達,恆辭徵辟,遊於蕃府而已。大同五年,卒,時年四十二。世祖甚歎惜之,爲懷舊詩以 府記室。 協幼孤,養於舅氏。少以器局見稱。 舅陳郡謝陳卒,協以有鞠養恩,居喪如伯叔之禮,議者重焉。 世祖出鎮荆州,轉正記室。時吳郡顧協亦在蕃邸,與協同名,才學相亞,府中 博涉羣書,工於草隸。 釋褐湘東王國常侍, 又感家門事義,不求 叉兼 稱

協所撰晉仙傳五篇,日月災異圖兩卷,遇火湮滅。[1元]

有二子:之儀,之推,並早知名。 之推,承聖中仕至正員郎、中書舍人。

拔懷抱,易邈等夷,必興矜露。 陳 吏部尚書姚察曰:魏文帝稱古之文人,鮮能以名節自全。 大則凌慢侯王,小則傲蔑朋黨,速忌離就,啓自此作。若 何哉? 夫文者妙發性靈,

列

獨

夫屈、賈之流斥、桓、馮之擯放,豈獨一世哉,蓋恃才之禍也。 羣士値文明之運,摛豔藻之

辭,無鬱抑之虞,不遭向時之患,美矣。 劉氏之論,命之徒也。 命也者,聖人罕言歟,就而必

校勘記

之,非經意也。

- 父珽宋始興內史 「珽」南史作「琁之」、魏書劉休賓傳作「旋之」。
- 善惡無徵未洽斯義 文選「善惡」上有「若使」二字。
- 普通二年卒時年六十 「二年」南史作「三年」。按:上文云「宋泰始初、青州陷魏,峻年八歲、爲

人所畧至中山」,則峻生於宋大明二年。自宋大明二年至梁普通二年,首尾六十四年,至普通

- 三年,則首尾六十五年。「時年六十」下當脫一「四」字或「五」字。
- 29 除征虜鄱陽王記室尚書三公郎「郎」上各本衍一「侍」字,據南史删。
- 五五 因事罷歸豈云栖息旣匪高官理就一廛 「豈云栖息」各本脫「息」字、「旣匪高官」各本作「匪
- 商官□」。 今據册府元龜九○五補正。
- **八**公 仲洽流別 「治」各本譌「治」,今改正。
- 崇替於時序 「替」各本譌「贊」,今改正。

- ハガリ 歷 餘姚 錢 塘 令 「餘姚」頭史及册府元龜七〇五作「餘杭」。
- **父敬叔** 齊征東錄事參軍餘杭令 南史作「父敬叔、齊長城令」。
- 辭文典麗 「文」各本作「又」,據南史及册府元龜八三九改。
- 出爲國 山令 「國」各本譌「固」,據南史及册府元龜八三九改正。
- (1) 謂爲畫鳳皇尾娑娑然「娑娑然」兩史作「婆娑然」。
- 張安世 傳 日至 以待 顧問 按張安世傳無此文,此語及張晏注並見漢書趙充國傳。
- 至 謝徴字 玄 度 錢大昕廿二史考異:「徵當爲微之譌。」按南史作「微」。
- 會祖 ~ ~ 左 一光祿 「燾」各本譌「壽」,今改正。按:臧燾,宋書有傳。
- 子二 祖疑 齊。 齊尚書右丞 此「齊」字疑當移在下文「父稜、後軍參軍」之「後軍參軍」上。 「凝」即臧凝之。 臧疑之仕宋,官至尚書右丞,爲劉劭所殺,事終於宋,不得言
- (二〇) 乃出天心寺 各本譌「大心寺」、據册府元龜九四九改。
- 二之 協所撰晉仙傳五篇日月災異圖兩卷遇火湮滅 南史「卷」下有「行於世其文集二十卷」九字。

列

梁書卷五十一

列傳第四十五

處士

何點 弟胤 阮孝緒 陶弘景 諸葛璩 沈顗 劉慧斐

范元琰

劉訏

劉歊

庾詵

張孝秀

庾承先

然同不失語默之致,有幽人貞吉矣。與夫沒身亂世,爭利干時者,豈同年而語哉!孟子曰: 躶體佯狂,盲瘖絕世,棄禮樂以反道,忍孝慈而不恤。此全身遠害,得大雅之道,又其次也。 監門,寄臣柱下,居易而以求其志,處汙而不愧其色。此所謂大隱隱於市朝,又其次也。或 高讓帝王,以萬乘爲垢辱,之死亡而無悔。此則輕生重道,希世間出,隱之上者也。或託仕 「今人之於爵祿,得之若其生,失之若其死。」〔□淮南子曰:「人皆鑒於止水,不鑒於流 湯曰:「君子遯世無悶,獨立不懼。」孔子稱長沮、桀溺隱者也。 古之隱者,或恥聞禪代,

列

傅

第四

十五五

處土

巢、許,周武不降夷、齊,以漢高肆慢而長揖黃、綺,光武按法而 潦。」「三夫可以揚淸激濁,抑貪止競,其惟隱者乎!自古帝王,莫不崇尙其道。 人矣。有梁之盛,繼紹風猷,斯乃道德可宗,學藝可範,故以備處士篇云。 折意嚴、周, 自茲以來,世有 雖唐堯不屈

畢、將親迎、點累涕泣,求執本志,遂得罷。 妻,坐法死。點年十一,幾至滅性。及長,感家禍,欲絕婚宦,尚之强爲之娶琅邪王氏。 何點字子晳,廬江灊人也。祖尚之,宋司空。父躒,宜都太守。 鑠素有風疾, 無故害

求,亦隱居吳郡虎丘山。求卒,點菜食不飲酒,訖于三年,要帶減半。 不簪不帶,或駕柴車,躡草屩,恣心所適,致醉而歸,士大夫多慕從之,時人號爲「通隱」。兄 容貌方雅,博通羣書,善談論。家本甲族,親姻多貴仕。點雖不入城府,而遨遊人世,

世族,儉亦國華,不賴舅氏,遑恤國家」。」「同王儉聞之,欲候點,知不可見,乃止。豫章王嶷 植花卉於冢側,每飲必舉酒酹之。初,褚淵、王儉爲宰相,點謂人曰:「我作齊書贊,云『淵旣 融 、會稽孔稚珪爲莫逆友。從弟遁,以東籬門園居之,稚珪爲築室焉。 宋泰始末,徵太子洗馬;齊初,累徵中書郎、太子中庶子,並不就。 園內有卞忠貞冢,點 與陳郡謝瀟、吳國張

命駕 造點, 點從後門遁去。 司徒竟陵王子良欲就見之,點時在法輪寺, 子良 乃往請,點角巾

登席,子良欣悅無已,遺點嵇叔夜酒杯,徐景山酒鐺。

點 少時嘗患渴痢、積歲不愈,後在吳中石佛寺建講、於講所晝寢、夢一道人形貌非

授 丸一掬,夢中服之,自此而差,時人以爲淳德所感

者,見而 性 通 不言,傍有人擒盜與之,點乃以衣施盜,盜不敢受,點命告有司,盜懼,乃受之,催令 · 脱,好施與,遠近致遺,一無所逆,隨復散焉。 嘗行經朱雀門街, 有自車後 盗 點衣

點 雅 有人倫識鑒,多所甄拔。 知吳興丘遲於幼童,稱濟陽江淹於寒素,悉如其言。

點

旣

老,又娶魯國

孔嗣

女,嗣亦隱者也。

點雖婚,亦不與妻相見,築別室以處之,人莫

前 諭 其 雖 意 戲 也。 也,而 吳國 融 張融 外病之。 少時 及點後婚,融始為詩贈點曰:「惜哉何居士,薄暮遘荒婬。」點亦 免官,而爲詩有高尚之言,點答詩曰:「昔聞<u>東都</u>日,不在簡書

病之,而無以釋也。

甚 其 樂 Щ 阿。 也 高 祖 與點 暫別 嚴 光 排 丘 有舊,及踐阼,手詔曰:「昔因多暇,得訪逸軌,坐脩竹,臨淸池,忘今語古,何 園 九 一,十 重 踐 有 九等, 四 載,人 談天 事 人,敍故舊,有所不臣,何傷於高 艱 紅阻,亦 何 可言。 自應 運在 天,每日 思相見,密邇物色,勞 文先以 皮弁謁 子桓,

列

必俟邦 表,縱 容膝 伯况 邁俗 褐引 所, 日 受俸 ,脫落形骸,栖志 入 以穀綃 費 心塵外,夷坦之風,率由 (華林 良,誠望惠然, 所須,太官別給。 漢朝,安道逸志,四不辭晉祿。 園 見文叔,求之往策, 一,高祖 甚悅,賦詩置酒, 恩禮 。 管 冥 。 屈居獻替。 旣 人高 朕日昃思治,尚想前哲,況親得 自遠。 不無前例。 曜卿 可徵爲侍中。」辭疾不 往因素志, ,故事同 一如舊。 此蓋 今賜卿鹿皮巾等。 垣下。」 前代盛軌,往賢所 頗申 仍下詔 ·讌言, 赴。 曰:「前徵士何點, 同時,而不與爲 眷彼子陵, 乃復 後數日, 詔 同。 日:「 可議加資給,並 望能 情兼惟 徴士 政。 高 入也。」點以巾 何 尙 舊。 點, 喉 其道,志安 曆任切, 昔仲虞 居貞 一出在 物

之禮 倍懷 凋亡,偕老之願,致使反奪,纏綿永恨,伊何可任。 外臣,宜 致,遇興彌 曰:「賢兄徵君,弱冠拂衣,華首 傷 天 聽 監 惻。 弘 覽 三年 此 暇 高;文會酒德,撫際逾遠。 可給第 難 日 , 卒, 時年六十八。 角 進。 巾引見, 一品材 方賴清徽 窅然! 具, 八式隆 汾射,茲焉 賻錢二萬, 操。 詔曰:「新除侍中 大業。 股膺: 心遊 籙受圖 昔在 物表, 有託。 布五 布 十匹。 ,思長聲敎。 不滯近跡;脫落 衣, 何點, 永矣柰何!點無子,宗人以其從弟耿子 旦萬古, 情期早著,資以仲虞 喪事 栖遲衡泌, 所 良懷 朝多君子,旣貴成 須, 形 震悼。 內監經理。」 骸, 白首不渝。 寄之遠 卿 之秩, 友于 理 叉敕 純至, 雅 奄至殞喪, 待以 俗 點 性 ; 野 弟 親 子 情 從 陵 有 勝 胤

胤 字子季,點之弟也。年八歲,居憂哀毁若成人。 旣長好學。師事沛國劉瓛,受易及

、毛詩,又入鍾山定林寺聽內典:其業皆通。 而縱情誕節,時人未之知也,唯熾與汝南

周顒深器異之。

卒,屬在司徒竟陵王子良,子良以讓胤,乃置學士二十人,佐胤撰錄。 家,依期而返。入爲尚書三公郎,不拜,遷司徒主簿。注誤,又解禮記,於卷背書之,謂爲隱 令,領臨海、巴陵王 步兵校尉,轉爲國子祭酒。 領國子博士,丹陽邑中正。尚書令王儉受詔撰新禮,未就而卒,又使特進張緒續成之,緒又 累遷中書郎,員外散騎常侍,太尉從事中郎,司徒右長史,給事黃門侍郎,太子中庶子, 起家齊祕書郎,遷太子舍人。出爲建安太守,爲政有恩信,民不忍欺。 師。 鬱林嗣位,胤爲后族,甚見親待。累遷左民尚書,領驍騎,中書 永明十年,遷侍中,領 每伏臘放囚還

帝大怒 賣園 主,欲入<u>東山,未及發,聞謝朏罷吳興郡不還,胤恐後之,乃拜表辭職,不待報輒去。</u> 初,胤二兄求、點並栖遁,求先卒,至是胤又隱,世號點爲大山,胤爲小山,亦曰東山 胤 使御 雖貴顯,常懷止足。 史中 丞袁昂奏收胤,尋 建武初,已築室郊外、號曰小山,恒與學徒遊處其內。 有韶許之。胤以會稽山多靈異,往遊焉,居苦邪 至是,遂 山雲門 明

列

傅 第

四 +

五

處 士

凝滯。 貴 君清襟素託,栖寄不近,中居人世,殆同隱淪。 道威夷,仍離]] 豫,縱情林壑,致足歡也。 日 無懷。 魔時,往識禍萌,實爲先覺,超然獨善, 相 永元 屬,前世嘉賞,是爲樂土。 比別具白,此未盡言。 疇昔歡遇,曳裾儒肆,至實欲臥遊千載,畋漁百氏,一行爲吏,此 中,徵太常,太子詹事,並不就。 屯故、投袂數千、剋黜釁禍。 旣內絕心戰,外勞物役,以道養和,履候無爽。 今遭候承音息,矯首還翰,慰其引領。」胤不至。 僕推遷簿官,自東徂西,悟言素對,用成睽闋, 有識 高祖霸府建,引胤爲軍謀祭酒,與書曰:「想恒 思得矚卷諮款,寓情古昔,夫豈不懷, 欽嗟。今者爲邦,貧賤 既俯拾青組,又脫屣朱黻。 《咸恥,好仁由己,幸無 若邪 事 但理 逐乖。 傾首 擅美 存用 事 與願謝。 東顧,曷 東區,山 屬以 捨,義 世

濡 韶書,就席伏讀。 塵,每懷擊節。 世道澆暮,爭詐繁起,改俗遷風,良有未易。 於治道。 足。 高 治人之與治身,獨善之與兼濟,得失去取,爲用孰多。 祖 今遭領軍司馬王果宣旨諭意。[+] 遲面在近。」果至,胤單衣鹿巾,執經卷,下牀跪受 雖復劬勞日昃,思致隆平,而先王遺範,尙蘊方策,息舉之用,存乎其人。至知兼以 踐 作, 詔爲特進、右光祿大夫。 手敕曰: 「吾猥當期運,膺此樂推,而 今世務紛亂,憂責是當,不得不屈道巖阿,共成世美。 胤因謂果曰:「吾昔於齊朝欲陳兩三條事,一者欲正郊丘,二者欲更鑄九 自非以儒雅弘朝,高尚軌物, 吾雖不學,頗好博古,尚想高 必望深達往懷,不吝 則汨流所至,莫知 顧己蒙蔽,昧

推,吾年已五十七,月食 始。自 前謬。 類,圓 闕者 鼎,三者欲樹雙闕。世傳晉室欲立闕,王丞相指牛頭山云:『此天闕也』,是則未 不遣傳詔還朝拜表,留與我同遊邪。」果愕然曰:「古今不聞 神器,有 恩,但比腰脚 謂 卿 丘祠天皇大帝 卿宜詣闕陳之。」果曰:「僕之鄙劣,豈敢輕議 之象 而 國 所 始,何必 先,故王孫滿 魏。 大惡,此心不遂耳。」 縣象法於其上,浹 有例。」果曰:「今君遂當邈 、北極大星是也。 四斗米不 斥言,楚子 盡,何容得有宦情。 頓盡。 日而收之。 往代合之郊丘、先儒之巨失。 圓丘國郊,舊典不同。[5] 南郊祠 一然絕世,猶有致身理不? 象者,法也;魏者, 國 典,此當敬俟叔孫生耳。」胤曰 昔荷聖王眄識,今又蒙旌賁, 此例。」胤曰:「檀弓兩卷,皆言物 當塗 今梁德告始,不宜 」胤曰:「卿但 而 高 Ŧi. 大貌 明立闕 帝 :靈威 也。 甚 以 之意 一願詣 仰之 事 卿 鼎者 遂 見 詎 因

毎 周 席,須俟來秋,所望惠然申其宿抱耳。 乃 興言爲歎。 行。 敕 一念此,為之慨然。 |胤曰:「頃者學業淪廢,儒術將盡,閭閻搢 果還,以胤意奏聞 便可具以名聞 本欲屈卿暫出,開導後生 ,副其勞望。」又曰:「比歲學者殊爲寡少,良由無復聚徒,故明經斯廢。 ,有敕給白衣尚書祿, 胤固辭。 卿居儒宗,加以德素,當敕後進有意向者,就卿受業。 ,旣屬廢業, 卿 門徒中經明行脩,厥數有幾。且欲瞻彼堂堂,置此 紳 此懷未遂,延佇之勞,載盈夢想。 尠聞 好事。 又敕山陰庫錢月給五 吾毎思弘 獎, 其風 萬, 想深思誨誘 未移,當扆 胤又不受。 理 舟虚

闕謝

列

使斯文載興。」於是遣何子朗、孔壽等六人於東山受學。

焉。 啓閉, {頌 徒 遊路斷,自非降貴山 冠 ,容貌甚偉,問胤曰:「君欲居此邪。」乃指一處云:「此中殊吉。」忽不 ,乃遷秦望山。 ,刻石以旌之。 尋而 太守衡陽王元簡深加禮敬,月中常命駕式閭, 僮 一僕 山發洪 無得至者。 水,樹石皆倒拔,唯胤所居室巋 及元簡去郡,入山與胤別,送至都賜埭,去郡三里,因曰:「僕自棄人事,交 山有飛泉,西起學舍,卽林成援,因巖爲堵。 藪,豈容復望城邑? 山側營田二頃,講隙從生徒遊之。 此埭之遊、於今絕矣。」執手涕零。 然 談論終日。 獨 存。 胤初遷,將築室, 元簡乃命記室參軍 別爲 胤以若邪處勢迫隘,不容生 小閤室,寢處其中,躬 復見,胤 忽見二人著玄 依 鍾嶸作瑞 以其言 而 (室 自 止

壽,乃移還吳,作別山詩一首,言甚悽愴。 集講堂,馴狎 經途者,莫不畢至。 何氏 過江,自晉司空充並葬吳西山。 如家 禽 焉。 胤常禁殺,有虞人逐鹿,鹿徑來趨胤,伏而不動。 至吳,居虎丘西寺講經論,學徒復隨之,東境守宰 胤家世年皆不 永,唯祖尚之至七十二。 又有異鳥如鶴,紅色, 胤年登祖

胤 於寺內立明珠柱,乃七日七夜放光,太守何遠以狀啓。 香爐 初 **瀘盆**弁 開 善寺藏 函 書,日云云「呈何居士」。言訖失所 法 師與胤遇於秦望,後還都,卒於鍾山。 在。 胤開 昭明太子欽其德,遺舍人何思澄致 函,乃是大莊嚴論 其死日 ,胤在般若寺,見一僧授 世 中 未 有。 叉

手令以褒美之。

並衣恰,行列至前,俱拜牀下,覺又見之,便命營凶具。 應獲延期,爾當代之。」妻覺說焉,俄得患而卒,胤疾乃瘳。至是胤夢一神女,幷八十許人, 中大通三年,卒,年八十六。先是胤疾,妻江氏夢神人告之曰:「汝夫壽盡,旣有至德, 旣而疾動,因不自治。

胤注百法論、十二門論各一卷,注周易十卷,毛詩總集六卷,毛詩隱義十卷,禮記隱義

二十卷,禮答問五十五卷。

子撰,亦不仕,廬陵王辟爲主簿,不就。

阮孝緒字士宗,陳留尉氏人也。父彦之,宋太尉從事中郎。

|孝緒七歲,出後從伯胤之。||胤之母周氏卒,有遺財百餘萬,應歸|孝緒,孝緒一無所納,

盡以歸胤之姊琅邪王晏之母,聞者咸嘆異之。

追許由於穹谷,庶保促生,以殆塵累。」自是屏居一室,非定省未嘗出戶,家 見其父,彥之誠曰:「三加彌尊,人倫之始。 幼至孝,性沉靜,雖與兒童遊戲,恒以穿池築山爲樂。年十三,徧通五經。十五,冠而 宜思自勗,以庇爾躬。」答曰:「願迹松子於瀛海, 人莫見其面,親

列傳

友因呼爲「居士」。

是王家所得,便吐飱覆醢。 外 兄王晏貴顯,屢至其門,孝緒度之必至顚覆,常逃匿不 及晏誅,其親戚咸爲之懼。 孝緒曰:「親而不黨,何坐之及。」竟 與相見。 曾食醬美, 問之,云

曰:「其室雖邇,其人甚遠。」爲名流所欽尙 所居室唯有一鹿牀,竹樹環繞。 義 師圍京城,家貧無以爨,僮妾竊隣人樵以繼火,孝緒知之,乃不食,更令撤屋而炊。 天監初,御史中丞任昉尋其兄履之,欲造而不敢,望而歎 如此。

路已清,而子猶遁,可乎。」答曰:「昔周德雖興,夷、齊不厭薇蕨,漢道方盛,黃、綺無悶山林。 爲仁由己,何關人世!況僕非往賢之類邪。」 十二年,與吳郡范元琰俱徵,並不到。 陳郡袁峻謂之曰:「往者,天地閉,賢入隱;今世

鹿前行、孝緒感而隨後,至一所逐滅、就視,果獲此草。 而返,鄰里嗟異之。 後於鍾山聽講,母王氏忽有疾,兄弟欲召之。 合藥須得生人葠,舊傳鍾山所出,孝緒躬歷幽險,累日不值,忽見一 母曰:「孝緒至性冥通,必當自到。」果心 母得服之,遂愈。 時皆歎其孝感

時 有善筮者張有道謂孝緒曰:「見子隱跡而心難明,自非考之龜蓍,無以驗也。」及布

茲本 遯卦。 反 本 日 有 品,凡若干卷。 爻不發,升遐之道,便當高謝許生。」乃著高隱傳,上自炎、黃, 桂 創 將 乖 方 旣 跡,悟 其 見 存 於本,本旣無爲,爲非道之至。 |揲五爻,曰:「此將爲緩,應感之法,非嘉遯之兆。」|孝緒曰:「安知後爻不爲上九?」果 跡 其 有道 晦 尼丘 ",賢未 跡, 彼 歎曰:「此謂『肥遯 抑 故 揚 居宗, 叉著 是故不足。 宜 權 則 ·論云:「夫至道之本,貴在無爲;聖人之跡, 晦其本,老、莊 孔、莊 更言其本。 非得 之意? 無不利。』象實應德,心迹幷也。」孝緒 一 之 士 其過半矣。」 良 但明 然不 由 跡 , 7其本, 垂其 闕 須 拯 彼 、跡,則 世,非 明 亦宜 智 ·; 體 二 世 聖不 深 無以平,不究其本,則 抑 能,本 一之徒, ,其跡。 實 存乎拯弊。 獨 終于天監之末,斟酌 跡旣 明 懷 理 曰:「雖獲遯卦 鑒 可 , 識。[10]然聖 抑 在賢可 弊拯 道 數 實 子 照。 所 交 由 已 喪 以 跡, 若能 而 分 極 有 跡 爲 上 照, 餘; 丘 用 體 成 九

可 驂,何以 南 平元 異 襄 夫 王聞 驥 騄 其名 う致 書要之,不赴。 孝 緒曰:「非志驕富貴, 但性畏廟堂。 若使麏 馬

「靑溪皇家舊宅。 初 建武 末,青溪宮 齊爲 (木行,東者木位,今東門自壞,木其衰矣 東門無故 自崩、三一大風 拔 東 宮 門 外 楊 樹。 或以問孝緒 孝緒日:

饋遺, 鄱 陽忠 無所 烈王 納 一妃,孝緒 人或怪之,答云:「非我始願,故不受也。」 之姊。 王嘗命駕,欲就 之遊 一,孝緒鑿垣而逃,卒不肯見。 諸甥歲時

其恒 |所供養石像,先有損壞,心欲治補,經一夜忽然完復,衆並異之。

大同二年,卒,時年五十八。 門徒誄其德行,諡曰文貞處士。 所著七錄等書二百五十

卷,行於世。

野榮之。 耳。 賜以束帛。及發,公卿祖之於征虜亭,供帳甚盛,車馬塡咽,咸云宋、齊已來,未有斯事。 朱門,閉影不交外物,唯以披閱爲務。 謂人曰:「仰靑雲,覩白日,不覺爲遠矣。」及長,身長七尺四寸,神儀明秀,朗目疏眉,細形長 所,已而有娠,遂產弘景。幼有異操。年十歲,得葛洪神仙傳,晝夜研尋,便有養生之志。 讀書萬餘卷。 陶弘景字通明,丹陽秣陵人也。 。善琴棊,工草隷。未弱冠,齊高帝作相,引爲諸王侍讀,除奉朝請。 初,母夢青龍自懷而出,幷見兩天人手執香爐來至其 。朝儀故事,多取決焉。永明十年,上表辭祿,詔許之, 雖在 朝

東陽孫遊岳受符圖經法。徧歷名山,尋訪仙藥。每經澗谷,必坐臥其間,吟詠盤桓,不能已 **昔漢有咸陽三茅君得道,來掌此山,故謂之茅山。」乃中山立館,自號華陽隱居。始從** 於是止于句容之句曲山。恒曰:「此山下是第八洞宮,名金壇華陽之天,周回一百五十

已。時沈約爲東陽郡守,高其志節,累書要之,不至。

齊 宜 都王鏗爲明帝所害,其夜,弘景夢鏗告別,因訪其幽冥中事,多說秘異,因著 弘 景為 人,圓通謙謹,出處冥會,心如明鏡,遇物便了,言無煩舛,有亦輒覺。 夢記焉。 建武 山中,

永元 初,更築三層樓,弘景處其上,弟子居其中,賓客至其下,與物遂絕,唯 家僮得侍

其旁。 特愛松風,每聞其響,欣然爲樂。 有時獨遊泉石,望見者以爲仙 人。

彌篤。

尤明陰陽五行,風角星算,山

川地

理,方圖產

性好著述,尚奇異,顧惜光景,老而

物, 醫術本草。 著帝代年歷,又嘗造渾天象,云「修道所須,非止史官是用」。

遊,及即位後,恩禮逾篤,書問不絕,冠蓋相 義師平建康,聞議禪代,弘景援引 圖 識,數處皆成「梁」字,令弟子進之。 望。 高祖旣早與之

後太宗臨南徐州,欽其 云「古賢莫比」。曾夢佛授其菩提記, 天監四年,移居積金東澗。 風素,召至後堂, 善辟穀導引之法,年逾八十而有壯容。 名爲勝力菩 與談論數 薩。 日 而 乃詣 去, 太宗甚敬異之。 **鄮縣** 阿育王塔 深慕張良之爲人, 自誓, 大通初,令獻一 受五 一大戒。

刀於高祖,其一名善勝,一名威勝,口曰並爲佳寶。

仍遺舍人監護 大同 二年,卒,時年八 喪事。 弘景遺令薄葬,弟子遵而行之。 十五。三三顏色不 變, 屈 申 ·如恒。 韶贈中散大夫, 諡曰貞白先生,

列傳第四十五 處士

諸葛璩字幼玟,琅邪陽都人,世居京口。 璩幼事徵士關康之,博涉經史。 復師徵士臧

者邪? 風 海太守,教曰:「昔長孫東組,降龍丘之節,「己之舉北輜,高通德之稱。 裾府寺,如其簡退,可以揚淸厲俗。 樂緒,樂緒著晉書,稱璩有發擿之功,方之壺遂。 舉秀才,不就。 天監中,太守蕭琛、刺史安成王秀、鄱陽王恢並禮異焉。 範。 齊建武初,南徐州行事江祀薦璩於明帝曰:「璩安貧守道,悅禮敦詩,未嘗投刺邦宰,曳 聞事親有啜菽之窶,就養寡藜蒸之給,豈得獨享萬鍾,而忘茲五秉。 處士諸葛璩,高風所漸,結轍前脩。 請辟爲議曹從事。」帝許之,璩辭不去。 **豈懷珠披褐,韜玉待價?** 璩丁母憂毀瘠,恢累加存問,服闋 將幽貞獨往,不事王侯 所以激貪立懦,式揚 可餉穀 陳郡 謝朓 百斛。」 爲 東

正,妻子不見喜慍之色。 據性勤於誨誘,後生就學者日至,居宅狹陋,無以容之,太守張友爲起講舍。 旦夕孜孜,講誦不輟,時 人益以 此宗之。 璩處身清

七年,高祖 敕問 太守王份,份卽具以實對,未及徵用,是年卒於家。 璩所著文章二十

卷,門人劉曒集而錄之。日刊

沈顗字處默,吳興武康人也。父坦之,齊都官郎。

室,人罕見其面。 **顗幼淸靜有至行**, **顗從叔勃,貴顯齊世,每還吳興,賓客塡咽,顗不至其門。** 慕黃叔度、徐孺子之爲人。 讀書不爲章句,著述不尙浮華。 勃就見,顗送 常獨 處

迎不越於閫。勃歎息曰:「吾乃今知貴不如賤。」

俄徵爲南郡王左常侍,不就。 **顗內行甚脩,事母兄弟孝友,爲郷里所稱慕。** 永明三年,

徵著作郎,建武二年,徵太子舍人,俱不赴。 永元二年,又徵通直郎,亦不赴。

顗素不治家產,值齊末兵荒, 與家人幷日而食。 或有饋其梁肉 人者, 閉門不受。 唯以樵

採自資,怡怡然恒不改其樂。

慚,厚禮而遣之。 天監四年,大舉北伐,訂民丁,吳興太守柳惲以顗從役,揚州別駕陸任以書責之,惲大 其年卒於家。 所著文章數十篇

劉慧斐字文宣,日己彭城人也。 少博學,能屬文,起家安成王法曹行參軍。 嘗還都,途

經 |尋陽,遊於||E山,過處土張孝秀,[1+]相得甚歡,遂有終焉之志。 因不仕、居於東林寺。 又

於山北構園一所,號曰離垢園,時人乃謂爲離垢先生。

盛矣。 怠,遠近欽慕之。 慧斐尤明釋典,工篆隸,在山 世祖及武陵王等書問不絕。 太宗臨江州,遺以 手寫 几杖。 大同二年,卒,時年五十九。 佛經二千餘卷,常所誦者百餘卷。 論者云,自遠法師沒後,將二百年,始有脹、劉之 晝夜行道,孜孜不

溝 坐 問 驕 元琰時童孺,哀慕盡 盜 盜 人。 如 者爲 、對嚴賓,見之者莫不改容正 其筍者, 范元琰字伯珪,吳郡錢唐人也。 家 貧,唯以園蔬 誰 元琰因 答曰:「向所以退,畏其愧恥, 禮,親黨異之。 伐 爲業。 木為 橋以 嘗出行,見人盜其菜,元琰遽退走, 色。 次渡之。 及長好學,博通經史,兼精佛義。 沛國 祖悦之,太學博士徵,不至。 自是盜者大慚,一 劉 今啓其名, 願不泄也。」於是母子祕之。 瓛深加器異, 嘗表稱之。 郷無復 草竊。 母問其故, 父靈瑜,居父憂,以毁卒。 然性謙敬,不以所長 居常不出城市 具以實答。 或有 涉 獨 母

川王宏辟命,不至。 齊 建武 二年,始徵爲安北參軍 十年,王拜表薦焉,竟未徵。 事,不 赴。 天監九年,縣令管慧辨 其年卒于家,時年七十。 上言義行,揚州刺史臨

所稱。 逃匿,事息乃還。本州刺史張稷辟爲主簿,不就,主者檄召,訏乃挂檄於樹而 哭泣孺慕,幾至滅性,赴弔者莫不傷焉。後爲伯父所養,事伯母及昆姊,孝友篤至,爲宗族 劉訏字彦度,平原人也。 自傷早孤,人有誤觸其諱者,未嘗不感結流涕。長兄絜爲之娉妻,剋日成婚,訏聞而 父靈真,齊武昌太守。 **計幼稱純孝,數歲,父母繼卒,**計居喪,

之志。 天監十七年,卒於|歐舍,時年三十一。 臨終,執|歐手曰:「氣絕便斂,斂畢即埋,靈筵 一不須立,勿設饗祀,無求繼嗣。」歐從而行之。宗人至友相與刊石立銘,諡曰玄貞處士。 計善玄言,尤精釋典。 曾與族兄劉歐聽講於鍾山諸寺,因共卜築宋熙寺東澗,有終焉

劉敵字士光,訏族兄也。祖乘民,宋冀州刺史,父聞慰,日公齊正員郎:世爲二千石,皆

有淸名。

列

傳第四十五

處士

難。 十一,讀莊子逍遙篇,日刊日「此可解耳。」客因問之,隨問而答,皆有情理,家人每異 歊 幼有識慧,四歲喪父,與羣兒同處,獨不戲弄。六歲誦論語、毛詩,意所不解,便能問

常欲避人世,以母老不忍違離,每隨兄霽、杳從宦。 久而歎曰:「受人者必報,不則有愧於人。吾固無以報人,豈可常有愧乎。」 少時好施,務周人之急,人或遺之,亦不

天監十七年,無何而著革終論。其辭曰:

請試言之。 相似而不違。」其言約,其旨妙,其事隱,其意深,未可以臆斷,難得而精覈,聊肆狂瞽, 死生之事,聖人罕言之矣。孔子曰:「精氣爲物,遊魂爲變,知鬼神之情狀,與天地

周云:「生爲徭役,死爲休息。」尋此二說,如或相反。何者。氣無不之,神有也,死爲休 莫陳、姬、孔抑而不說、前達往賢,互生異見。季札云:「骨肉歸於土、魂氣無不之。」莊 釋部,則諸子之言可尋,三代之禮無越。何者。神爲生本,形爲生具,死者神離此具, 息,神無也。原憲云:「夏后氏用明器,示民無知也。殷人用祭器,示民有知也。[10]周 及其寂也,物莫測其所趣。皆知則不言而義顯,莫測則逾辯而理微。是以勛、華曠而 而 人兼用之,示民疑也。」考之記籍,驗之前志,有無之辯,不可歷言。若稽諸內敎,判乎 卽非彼具也。雖死者不可復反,而精靈遞變,未嘗滅絕。當其離此之日,識用廓然, 夫形慮合而爲生,魂質離而稱死,合則起動,離則休寂。 當其動也,人皆知其神,

禮,尼父發遊魂之唱,不其然乎。 周、三猶存則同乎季札,各得一 故夏后明器,示其弗反。 即彼之時,魂靈知滅,故殷人祭器,顯其猶存。 隅,無傷厥義。 若廢偏攜之論,探中途之旨,則不仁不智之譏,於是 設其實也,則亦無,故周人有兼用之 不反則合乎莊

乎可息。

帝蹈 忘敎也。 之地耳,夫何補於已遷之神乎。故上古衣之以薪,棄之中野,可謂傳盧、赫胥、皇雄、炎 出於澆薄,俎豆綴兆,生於俗弊。 也。 之於神,逆旅之館耳。及其死也,神去此而適彼也。 神已適彼,祭何所祭。祭則失理。 於失理哉?是以子羽沈川,漢伯方壙,文楚黃壤,士安麻索。 夫形也者,無知之質也;神也者,有知之性也。 若從四子而遊,則平生之志得矣。 施靈筵,陳棺椁,設饋奠,建丘隴,蓋欲令孝子有追思 而姬、孔之教不然者,其有以乎!蓋禮樂之興, 有知不獨存,依無知以自立,故形 神已去此,館何用存? 此四子者,得理 速朽得理

几,文度故舟爲椁,子廉牛車載柩,叔起誡絕墳隴,康成使無**卜**吉。 **貧者之禮也,余何陋焉。** 尸,退異常俗,不傷存者之念,有合至人之道。 然積習生常,難卒改革,一朝肆志,儻不見從。今欲翦截煩厚,務存儉易,進不裸 且張奐止用幅巾,王肅唯盥手足,范冉殮畢便葬,奚珍 孔子云:「斂首足形,還葬而 此數公者,尙或如 無椁。」斯 無設筵 亦

列

明年疾卒,時年三十二。

奪之。

耳。」因彈指而去。歐旣長,精心學佛,有道人釋寶誌者,時人莫測也,遇歐於興皇寺,驚起 「吾不見此實,爾其勿言。」至秋而亡,人以爲知命。 曰:「隱居學道,清淨登佛。」如此三說。 歐未死之春,有人爲其庭中栽柿,歐謂兄子寡曰: 歐幼時嘗獨坐空室,有一老公至門,謂歐曰:「心力勇猛,能精死生,但不得久滯一方 親故誄其行迹,諡曰貞節處士。

庾詵字彥寶,新野人也。幼聰警篤學,經史百家無不該綜,緯候書射,棊筭機巧,並一

詐 綶 含還 爲 然 其 親,代之酬 米 恣 而性託夷簡,特愛林泉。 一百五十石,有人寄載三十石,旣至宅, 其 取 足。 備 隣 隣人有被誣爲盜者,被治劾,妄款,詵矜之,乃以書質錢二萬,令門生 入 獲免 了謝詵,詵曰:「吾矜天下無辜,豈期謝也。」其行多 十畝之宅,山池居半。蔬食弊衣,不治產業。嘗乘舟從田 寄載者曰:「君三十斛, 我百 五十石 如 此 ·。 | 詵

黄 多 日 東 門 所 柳 侍 冒 明 惲 高 習 欲 郎 敭 加 ,承先 振 與 少 潁 與詵 滯,爲 之交,詵]]] 可 庾 善雅 中書 承 政 先 所 距 侍 先 推 學通黃、老,該 而 / , 旌賢; 不 鄓 重 納。 之。 勒州 求士,夢佇 後湘 及起義 縣 涉 時 東 釋教 Ŧ 加 ,署爲平西府記室參軍**,**詵不屈。 一臨荆州 敦 斯 遣,庶能 並 急。 不競 新野 ,板爲鎭西府記室參軍,不就。 屈 不營,安茲枯 庾詵 志, 方冀 止足栖退,自 鹽 梅。」詵 槁,可以鎭 事却 平生 稱 疾不 躁 掃 少 ",經史 《敦俗。 所 普通 遊 中 文藝, 狎 ·, 詔 河 口

先生 中忽 驚覺 以 陵 顯 杷 高 梓 已 日 見 晚 烈。」詵 年 生 靜侯南度,固 道 彌 願 以 陁 後, 公 人, 復 所 淨 自稱 尤遵 來,不 撰 域 矣 流歷二十卷,易林二十卷,續伍端休江陵記一卷,晉朝雜 釋教 願公 _ 0 __ 有 可 高 名 久住 容止 宅 德, 祖 內立 聞 獨 。」顏色不 甚異,呼詵 而下 貞苦節, 道 場, 詔 日 變,言終 環 [:[旌 孤 爲 繞 芳 上行先生,授香而 禮 素 善 懺, 表行, 履 而 卒,時年七十八。 大時不 奄隨 前 王 運 輟。 一所敦。 往, 去。 惻愴于 誦 法 新 中大通 華經 舉室 野 懷 庾 一咸聞 毎 詵 四 宜 }事 年 日 諡 荆 空 五 一編。 卷,總抄八 貞 中 因 山 節 唱 珠 處 玉 寢 後 勿忽 夜

列

傅

第

七五二

十卷,行於世。

之,謂劉之遴曰:「荆南信多君子,雖美歸田鳳,淸屬桓階,賞德標奇,未過此子。」後轉諮議 子曼倩字世華,亦早有令譽。世祖在荆州,辟爲主簿,遷中錄事。 所著喪服儀、文字體例、莊老義疏,注算經及七曜歷術,并所製文章:凡九十五卷。 毎出, 世祖常目送

子季才,有學行,承聖中,仕至中書侍郎。江陵陷,隨例入關。

之,遂去職歸山、居于東林寺。有田數十頃、部曲數百人、率以力田、盡供山衆、遠近歸慕、 張孝秀字文逸,南陽宛人也。少仕州爲治中從事史,遭母憂,服闋,爲建安王別駕。 頃

赴之如市。

十二,室中皆聞有非常香氣。 於石。博涉羣書,專精釋典。善談論,工隷書,凡諸藝能,莫不明習。 孝秀性通率,不好浮華,常冠縠皮巾,躡蒲履,手執幷櫚皮麈尾。 太宗聞甚傷悼焉,與劉慧斐書,述其貞白云。 普通三年,卒,時年四 服寒食散,盛冬能臥

庾承先字子通,潁川隱陵人也。 少沈靜有志操,是非不涉於言,喜慍不形於色,人莫

能窺 所精 練。 也。 郡辟功曹不就,乃與道 弱歲受學於南陽劉虬, 强記 士王僧鎭 敏 識, 同 出於羣輩。 遊 御岳。 晚以弟疾還鄉里,遂居于土臺山。 玄經釋典,靡不該悉;九流七略,咸 鄱

陽忠烈王在州,欽其 、風味, 要與遊處。 又令講老子。 遠近名僧,咸來赴集, 論難鋒 起,異端

競至,承先徐相 酬答,皆得所未聞。 忠烈王尤加欽重, 徵州主簿,湘東王聞 之, 亦板為 法曹

參軍,並不赴。

什,隱者美之。 湘 中大通三年,廬山劉慧斐至荆州, 東王親命駕臨聽, 其年卒,時年六十。 論議 終日 ,深相賞接。 承先與之有舊,往從之。 留連月餘 日,乃還山。 荆陝學徒,因請承先講老 王親祖 道, 幷贈篇

據之學術,阮孝緒之簿閥,其取進也豈難哉。終於隱居,固亦性而已矣。 陳吏部尚書姚察曰: 世之誣處士者,多云純盜虛名,而無適用,蓋有負其實者。

校勘記

列傳第四十五 校勘記

- 孟子曰至 失之若其死 錢大昕廿二史考異云:「孟子曰數語,今本無。」
- 淮南子曰人皆鑒於止水不鑒於流潦 按:淮南子曰二語,見莊子德充符,淮南子俶眞訓引文與

此異。

- [1] 追恤國家 「國家」南齊書何點傳作「外家」。
- /<u>`</u>\ |234 |___| 安道逸志 「逸」各本作「勉」。據藝文類聚三七、册府元龜二一一改。
- 〔五〕曳裾儒肆 「裾」各本譌「裙」、據册府元龜八一○改。
- <u>~</u> ✓ 息舉之用存乎其人「息」各本譌「自」,據藝文類聚三七改正。 按:此語蓋本禮中庸「其人存則

其政舉,其人亡則其政息」。

- ブセン **今遣領軍司馬王果宣旨諭意** 「王果」南史作「王杲之」。
- **へ** ス し 圓丘國郊舊典不同 「國郊」疑當作「南郊」。册府元龜八一〇卽作「南郊」。
- (た)授胤香爐奩幷函書「爐」字各本皆脱,據南史補。
- 體二之徒獨懷鑒識 「二」各本調「之」,據册府元龜八二二改。
- 青溪宮東門無故自崩 「靑」各本譌「淸」。按:南齊書武帝紀有「靑溪宮」,今據改。
- 其一名善勝一名威勝 漢語 善勝威勝刀啟,玉海一五一「宏景獻二刀於武帝,一名善勝,一名威勝」,字並作「威」。 「威」,原作「成」,形近而譌,今改正。藝文類聚六〇有梁簡文帝謝敕賷

梁書卷五十一

列傳第四十六

止足

顧憲之 陶季直 蕭眎素

等,去就以禮,有可稱焉。 足傳,先論晉世文士之避亂者,殆非其人;唯阮思曠遺榮好遁,遠殆辱矣。 漢世張良功成身退,病臥 沒,其退也,苦節艱貞,故庸曹之所忌憚。 聖人乎」」傳曰:「知足不辱,知 古人之進也,以康世濟務也,以弘道厲俗 {易 日:「亢之爲言也,知進而不 却粒,比於樂毅、范蠡至乎顚狽,斯爲 魚豢魏略知足傳,方田、徐於管、胡,則其道本異。 止不 殆。」然則不 知退, 知存而不知亡。 雖禍敗危亡,陳乎耳目,而輕舉高 也。四然其進也, ·知夫進退,不達乎止足,殆辱之累,期月 知進退存亡而不失其正者,其唯 優矣。 光寵夷易,故愚夫之所乾 其後薛廣德及二疏 宋書止足傳有羊 蹈,寡乎前史。 謝靈運晉書止 而 至

列

傳

第四十六

止

足

聞,時或有致事告老,或有寡志少欲,國史書之,亦以爲止足傳云。 於富貴,儒行之高者也。 欣、王微,咸其流亞。 齊時沛國劉瓛,字子珪,辭祿懷道,棲遲養志,不戚戚於貧賤,不耽耽 梁有天下,小人道消,賢士大夫相招在位, 其量力守志, 則當世罔

顧憲之字士思,吳郡吳人也。 祖覬之,宋鎭軍將軍、湘州 刺史。

其辜。 縱。 覆 爲 [其狀,謂二家曰:「無爲多言,吾得之矣。」乃令解牛,任其所去,牛逕還本主宅,盜者始伏 建 康令。 性又清儉,强力爲政,甚得民和,故京師飲酒者得醇旨,輒號爲「顧建康」,言醑淸且 憲之未弱冠,州辟議曹從事,舉秀才,累遷太子舍人,尚書比部郎,撫軍 發姦擿伏,多如此類,時人號曰 時有盜 一牛者,被主所認,盜者亦稱已牛,二家辭證等,前後令莫能決。 一神明。 至於權要請託,長吏貪殘,據法直 主簿。 繩, 元徽 憲之至, 無 所 阿

葦席,棄之路傍。 中 書侍郎。 遷 車騎 齊高帝卽位,除衡陽 ;功曹、晉熙王友。 齊高帝執政,以爲驃騎錄事參軍 憲之下車,分告屬縣,求其親黨,悉令殯葬。 內史。 先是,郡境連歲疾疫,死者太半,棺木尤貴,悉裹 ,遷太尉 其家人絕滅者,憲之爲出公 西 [曹掾。 齊臺建,爲 以

祿,使綱紀營護之。 憲之曉喻,為陳生死 之別,事不 又土俗,山民有病,輒云先人爲禍,皆開冢剖棺,水洗枯骨,名爲除祟。 相 由,風 俗 篴 改。 時刺史王奐新至,唯衡陽獨 無訟者,乃歎

曰:「顧衡陽之化至矣。若九郡率然,吾將何事」」

餘 姚立邸,頗縱 還爲 太尉從事 横。 中郎。 憲之至郡,卽表除之。 出 爲 東 中 郎長史、行會稽郡事。 文度後還葬母,郡縣爭赴弔,憲之不與相聞。 山陰人呂文度有寵於齊武帝,於

縣界立屯,封山澤數百里,禁民樵採,憲之固陳不可,言甚切直。 遷南 中郎巴陵王長史,加建威將軍、行婺州事。三時司徒意陵王於宣城、臨成、定陵 王答之曰:「非君無以聞此

德音。」卽命無禁。

度深銜之,卒不能傷也。

|臨川 中,復除給事黃門侍郎,領步兵校尉,未拜,仍遷太子中庶子,領吳邑中正。 吾爲憲之種耳。」至是,憲之果爲此職。 ·内史,未赴,改授輔國將軍、晉陵太守。 遷給事黃門侍郎,兼尙書吏部郎中。 出爲征虜長史、行南兗州事,遭母憂。 宋世,其祖凱之嘗爲吏部, 頃之遇疾,陳解還鄉里。 於庭植嘉樹,謂 出爲寧朔將軍 服闋, 人曰:

母欲奪而嫁之,誓死不許,憲之賜以束帛,表其節義。 永元初,徵爲廷尉,不拜,除豫章太守。 [三] 有貞婦萬晞者,少孀居無子,事舅姑尤孝,父

列傳第四十六 止足

之風 《疾漸篤,固求還吳。 天監二年,就家授太中大夫。 中興二年,義師平建康,高祖爲揚州牧,徵憲之爲別駕從事史。 憲之雖累經宰郡,資無擔石,及歸, 比至,高祖已受禪,憲

環堵,不免飢寒。八年,卒於家,年七十四。臨終爲制,以敕其子曰:

之期,迅若馳隙。吾今豫爲終制,瞑目之後,念並遵行,勿違吾志也。 于天,骨肉下歸于地,魂氣則無所不之」,良有以也。雖復茫昧難徵,要若非妄。百年 夫出生入死, 理均晝夜。 生旣不知所從來, 死亦安識所往。 延陵所云「精氣上歸

怠。 子孫,四時不忘其親耳。孔子云:「雖菜羹瓜祭,必齊如也。」本貴誠敬,豈求備物哉。 權安小牀,暫設几席,唯下素饌,勿用牲牢。蒸嘗之祠,貴賤罔替。備物難辦,多致疏 之高,亦奠以寒水乾飯。況吾卑庸之人,其可不節衷也。喪易寧戚,自是親親之情,禮 載以輔車,覆以粗布,為使人勿惡也。 漢明帝天子之尊,猶祭以杆水脯糗,范史雲烈士 之制,允理愜情。衣周於身,示不違禮;棺周於衣,足以蔽臭。入棺之物,一無所須。 所著詩、賦、銘、讚幷衡陽郡記數十篇。 奢寧儉,差可得由吾意。不須常施靈筵,可止設香燈,使致哀者有憑耳。朔望祥忌,可 祠先人自有舊典,不可有闕。自吾以下,祠止用蔬食時果,勿同於上世也。示令 莊周、澹臺、達生者也、王孫、士安、矯俗者也。吾進不及達、退無所矯。 常謂中都

陶 季直,丹陽秣陵人也。 祖愍祖、宋廣州刺史。 父景仁,中散大夫。

歲 不 一喪母 取 季直 , 人問其故,季直曰:「若有賜,當先父伯,不應度及諸孫,是故不取。」愍祖益奇之。 五 哀若成人。 早慧,愍祖 甚愛異之。 初,母未病,令於外染衣,卒後,家人始贖,季直抱之號慟,聞者莫不 愍祖嘗以四函銀列置於前,令諸孫各取,季直時甫四 「歲,獨

趸。 君 者,必致顚殞,固辭不赴,俄而 酸 一。父憂服闋, 時劉 及長好學,淡於榮利。 秉、袁粲以齊高帝權 尚書令劉 秉領丹陽 起家桂陽王國侍郎、北中郎鎭西行參軍、並不起、時人號曰「 秉等伏誅。 勢日盛, 尹,引爲後軍主簿,領郡 將圖 之,秉素重季直,欲與之定策。 功曹。 出爲望蔡令,頃之以 季直 以袁 劉 病 聘

感。

美,不 淵卒,尚書令 齊初,爲 如文簡。」儉從之。 王儉以淵 尚書比部郎,時褚淵爲尚書令,與季直素善,頻以爲司空司徒主簿,委以府事。 有至行,欲諡 季直 ·又請儉爲淵立碑,終始營護,甚有 爲文孝公,季直請曰:「文孝是司 吏節,時人美之。 馬道子諡,恐其 人非具

遷太尉記室參軍。 出爲冠軍司馬、東莞太守,在郡號爲清和。 還除散騎侍郎, 領左衞

郎,遷游擊將軍、兼廷尉。 留之,以爲驃騎諮議參軍,兼尚書左丞。 乃出爲輔國長史、北海太守。 司馬,轉鎭西諮議參軍。 齊武帝崩,明帝作相,四誅鋤異己,季直不能阿意, 邊職上佐,素士罕爲之者。 仍遷建安太守,政尚清靜,百姓便之。 或勸季直造門致謝,明帝旣見,便 明帝頗忌之, 還爲中書侍

十五。 里。 天監初、就家拜太中大夫。 梁臺建,遷給事黃門侍郞。 常稱仕至二千石,始願畢矣,無爲務人間之事,乃辭疾還鄉 高祖曰:「梁有天下,遂不見此人。」十年,卒于家,時年七

季直素清苦絕倫,又屏居十餘載,及死,家徒四壁,子孫無以殯斂,聞者莫不傷其志焉。

川王友,復爲太子中舍人,丹陽尹丞。 尙 書三公郎。 际素早孤貧,為叔父惠休所收卹。 蕭 永元末,爲太子洗馬。 人也。 祖思話,宋征西儀同三司,父惠明,吳興太守,皆有盛名。 梁臺建, 初拜,高祖賜錢八萬,际素一 起家爲齊司徒法曹行參軍,遷著作佐郎,太子舍人, 高祖引爲中尉驃騎記室參軍。 朝散之親友。 天監初,為臨 又遷司徒

左西屬,南徐州治中。

會徵 通率,不自矜高,天然簡素,士人以此咸敬之。 爲中書侍郎,遂辭不 性靜退,少嗜欲,好學,能淸言,榮利不關於口,喜怒不形於色。 八年,卒。 就,因還山宅,獨居屛事,非親戚不得至其籬門。 親故迹其事行、諡 及在京口,便有終焉之志,乃於攝山築室。 日貞文先生。 在人間及居職,並任情 妻,太尉王儉女,

外與別居,遂無子。

史臣 曰:顧憲之、陶季直,引年者也,蕭眎素則宦情鮮焉, 比夫懷祿耽寵,婆娑人世,則

殊間矣。

校勘記

古人之進也以康世濟務也以弘道厲俗也 「以弘道厲俗也」句上疑脫「退也」二字,從下文「然

其進也」、「其退也」可知。

加建威將軍行婺州事 州 事」,不云「行婺州事」。「婺」字誤。 婺州是唐置,隋以前無婺州。 南齊書、南史本傳並云「行南豫、 南兗二

列 除豫章太守 傳 第 四 + 六 南齊書陸慧曉傳附顧憲之傳及南史本傳並云「爲豫章內史」。 校 勘 記

梁書卷五十三

列傳第四十七

良吏

庾蓽 沈瑀 范述曾 丘仲学 孫謙 伏暅 何遠

高祖在田,知民疾苦,及梁臺建,仍下寬大之書,昏時雜調,咸悉除省,於是四海之內,始得 起,徭役無度,守宰多倚附權門,互長貪虐,掊克聚斂,侵愁細民,天下搖動,無所厝其手足。 長吏之職,號爲親民,是以導德齊禮,移風易俗,咸必由之。齊末昏亂,政移羣小,賦調雲 務加隱卹,舒其急病。 息肩。逮踐皇極,躬覽庶事,日昃聽政,求民之瘼。乃命輶軒以省方俗,置肺石以達窮民, 綵,無珠璣錦繡;太官撤牢饌,每日膳菜蔬,飲酒不過三醆:以儉先海內。 昔漢宣帝以爲「政平訟理,其惟良二千石乎」前史亦云:「今之郡守,古之諸侯也。」故 元年,始去人貲,計丁爲布,身服浣濯之衣,御府無文飾,宮掖不過綾 每選長吏,務簡廉

列

傳第四十

七

良

吏

七六六

令丘仲写治有異績,以爲長沙內史,武康令何遠清公,以爲宣城太守。 溉等居官,並以廉絜著。又著令:小縣有能,遷爲 平,皆召見御前,親勗治道。 風 焉。 若新 野 庾蓽諸任職者, 始擢尚書殿中郎到溉爲建安內史,左民侍郎劉鬷爲晉安太守, 以經術潤飾吏政, 或所居流惠, 大縣;大縣有 或去後見思,蓋後來之良吏 能,遷爲二千石。 剖符為吏者,往往承 於是山陰

庾蓽字休野,新野人也。父深之,宋雍州刺史。

也。

綴爲良吏篇云。

簿, 尚書 殿 華年十歲,遭父憂,居喪毀瘠,爲 中郎,驃騎功曹史。 博涉 奉書, 州 黨 有口辯。 所 稱。 弱冠,爲州迎主簿,舉秀才,累遷安西 齊永明中,與魏和親,以專兼散騎常侍 主

報使,還拜散騎侍郎,知東宮管記事。

焉,手敕襃美,州里榮之。 後 綱 紀,皆致富饒,蓽再爲之,淸身率下,杜絕請託,布被蔬食,妻子不免飢寒。 林王卽位廢, 掌中書詔誥, 出為 荆州 別駕。 仍遷 西中郎諮議參軍,復爲 州 明帝聞而嘉 別駕。 前

遷司徒諮議參軍、通直散騎常侍。 高祖平京邑,霸府建,引爲驃騎功曹參軍,遷尙書左

民多 之,三萬謝不受。天監元年,卒,停屍無以殮,柩不能 丞。 流 出 散,蓽撫循甚有治理。 . 爲輔國長史、會稽郡丞、行郡府事。 唯守公祿,清節逾 時承凋弊之後,百姓凶荒,所在穀貴,米至數千, 厲,至有經 歸,高祖 日不 聞之,詔賜絹 舉火。 太守永陽王 百匹,米五十 聞 而 饋

使宣 藹 王嶷 以 冒目 西 ,嶷薨,萬仕不 初 誨 朝 ,華爲西楚望族, 之,華大憤,故發病卒。 勳 爲御史中丞,蓽始得會稽行事,旣恥之矣; 得志,自步兵校尉求 早歷顯官,鄉人樂藹有幹用,素 助戍歸荆州,時華 會職事微有譴,高祖以藹其鄉 與蓽不平,互相 為 州別駕,益忽藹。 **凌**競。 及高 藹 事 祖 齊豫章 人也, 踐

敗, 坐繋獄 沈 瑀字伯瑜, 吳興武康 璃 計 臺陳請 得発罪,由 人也。 叔父昶,三事宋建平王景素, 是 知名。 景素謀反,昶先去之,及

沈徽 事 才幹,當居吾 刺 孚 史始安王 起家 恃勢陵 州 從 此職。」 1萬,珥 遙光。 事 奉朝請。 司 以 嘗 徒 法 被被 竟陵王 繩 使上 嘗詣 之, 良丁, 衆憚其强 子 齊尚 良 聞 書右丞 速而 瑀 名 無怨。 子良 殷濔 引引 爲 甚 **遙光謂同使日**「爾何不學沈瑀所爲。」 相 府 |参軍 知賞 濔與語及政事, 子至 7,雖家 領 事皆以 揚州 部 甚器之, 委瑀。 傳 從 事。 子良 謂 日二 時 , 悪,瑀 建 觀 康 乃 復 卿 令

列

傳

第

令專 四洪 訴 之,人咸歡悅,頃之成林 量 遙光,遙光曰「沈瑀必不枉鞭汝。」覆之,果有詐。 數十萬,帝益善之。 ,斷行客就作,三日立辦。 知州 獄 事。 湖熟縣方山埭高峻,冬月,公私行侶以爲艱難,明帝使瑀行治之。 永泰元年,爲建德令,敎民一丁種十五株桑、四株柿及梨栗,女丁半 揚州 書佐私行,詐稱州使,不肯就作,瑀鞭之三十。 明帝復使瑀築赤山塘,所費減 瑀乃開 書佐 材官所

圖 之泣曰:「余子在都,不得出城,不能不愛之。」瑀曰:「不然。 ·,衆散難合。」伯之遂舉衆降,瑀從在高祖軍 去官還京師、兼行選曹郎。 隨陳伯之軍至江州, 中。 會義師圍郢城,瑀說伯之迎高祖。 人情匈匈,皆思改計,若不早 伯

尙 自暨陽令擢兼尚書右丞。時天下初定,陳伯之表瑀催督運轉,軍國獲濟,高祖以爲能。遷 氏宅」。「尽」至是,瑀爲高祖說之。高祖曰:「雲得不死,此夢可驗。」及高祖卽位,雲深薦瑀, :書駕部郎,兼右丞如故。 初,瑀在寬陵王家,素與范雲善。齊末,嘗就雲宿,夢坐屋梁柱上,仰見天中有字曰「范 瑪薦族人沈僧隆、僧照有吏幹,高祖並納之。

横、遞相庇蔭、厚自封植、百姓甚患之。 瑀召其老者爲石頭倉監,少者補縣僮,皆號泣道路, 自瑀到,非訟所通,其有至者,悉立之堦下,以法繩之。縣南又有豪族數百家,子弟縱 以 母憂去職,起為振武將軍、餘姚令。縣大姓虞氏千餘家,請謁如市,前後令長莫能

耶 所辱,故因以報焉,由是士庶駭怨。 白 是 : ^] 悉使著芒屩粗布,侍立終日,足有蹉跌,輒加榜棰。 權右屛跡。 |瑀初至,富吏皆鮮衣美服,以自彰別。 然瑪廉白自守,故得遂行 **| 類怒曰:「汝等下縣吏,何自擬貴人 瑀微時,嘗自至此鬻瓦器,爲富人** 其 志

其身。 用 君 五十九, 史、尋陽太守。 作行事耶。」」瑀出,謂人曰:「我死而後已,終不能傾側面從。」是日,於路爲盜所殺,時年 **瑪性屈强,每件類達,類達銜之。 天監八年,因入諮事,辭又激厲,穎達作色曰:「朝廷** 後王 多以爲穎達害焉。子續累訟之,遇穎達亦尋卒,事遂不窮竟。 一師北伐,徵珥爲建威將軍,督運漕,尋兼都水使者。 江州刺史曹景宗疾篤,瑀行府州事。 景宗卒,仍爲信威蕭穎達長史,太守如 頃之,遷少府卿。 續乃布衣蔬食終 出爲安南

之師 常有 尉 ,帶開陽令。 百數,獨稱述會曰:「此子必爲王者師。」齊文惠太子、竟陵文宣王幼時,高帝引述 范 述曾字子玄,吳郡錢唐人也。幼好學,從餘杭呂道惠受五經,略通章句。 起家 爲宋晉熙王國侍郎。 述曾爲 人謇諤,在宮多所諫爭,太子雖不能全用,然亦弗之罪也。 齊初,至南 郡王 國郎中令,遷尚 書主 一客郎 太子 竟陵王深 道惠學徒 步兵校 曾爲

列

傳

散大夫。

相器 重,號 爲「周舍」。時太子左衞率沈約亦以述會方汲黯。 以父母年老,乞還就養,乃拜中

縣,山谷嶮峻,為逋逃所聚,前後二千石討捕莫能息。 將家屬,及還,吏無荷擔者。 甚嘉之, 而 出,編 明帝卽位,除游擊將軍,出爲永嘉太守。 戶屬籍者二百餘家。 下詔襃美焉。 徵爲游擊將軍。 民無老少,皆出拜辭,號哭聞于數十里。 自是商賈流通,居民安業。 郡送故舊錢二十餘萬, 爲政清平,不尙威猛,民俗便之。 述曾下車,開示恩信,凡諸凶黨, 在郡勵志清白,不受饋遺,明帝 述曾 無所受。 始 所部橫陽 之郡,不 綴負 聞

大夫范述曾 東昏 時, 昔在 拜中散大夫,還鄉 齊世 忠直奉主, 里。 往莅永嘉, 高 祖 踐作, 乃輕舟出詣闕,仍辭還 治身廉約, 宜加 禮 秩, 東。 以厲淸操。 高祖詔曰:「中散 可太中大

夫,賜絹二十匹。」

述 曾生平得奉祿, 皆以分施。 及老, 遂壁立無所資。 以天監八年卒,時年七十 九。 注

易文言,著雜詩賦數十篇。

丘仲孚字公信, 吳興烏程人也。 少好學, 從祖靈鞠有人倫之鑒,常稱爲千里駒也。 齊

事,太學博士,于湖令,有能 明 仲孚聰 初 了選為國子生,舉高第,未調,還鄉里。 明 有智略,羣盜 名。 畏而服之,所行皆果,故亦不 太守呂文顯當時倖臣,陵詆屬縣, 家貧、無以自資、乃結羣盜、爲之計畫、劫掠三 發。 太守徐嗣召補主簿,歷揚 仲孚獨不爲之屈。以父 州 從

喪

去

敗散。 至, 前 瀉 世 瀆 而 傅 水 明 前鋒 琰 仲孚 帝 以 阻 即位, 父子 已屆 其路, 以 沈憲 距 曲 起爲烈武將軍、曲阿令。 守 阿 得留數日,臺軍必至,則 有 劉 功,遷山陰令,居職 仲字謂 玄 明,相 吏民曰 繼宰山陰、並 一、賊 甚有 乘 值會稽太守王敬則舉兵反, 大事濟矣。」敬則 勝 有政 聲稱,百 雖 銳, 績 ,言仲孚皆過之也 而 [姓爲 烏合易離,今若收船 之謠 軍至,值 曰:二傅沈 瀆涸,果頓 乘朝 廷不備, 劉 **船,鑿** 兵不得 如 長 丘 反問始 進,遂 崗

高 祖 齊末 踐 阼 復 政 亂 爲 頻 Щ 陰 有 令。 贓賄, 仲学 爲 有司 長 於撥煩,善適 ,所舉, 將收之, 權 變,吏民敬 仲孚 竊 逃, 服 逕還京師詣 號 稱 神 明,治 闕, 爲 會赦, 天下 第 得不治。

節 甚 行 郢 厚。 州 頃之卒,時 超 遷 初 孙 車 起 府 騎 雙闕,以 事 長 遭 年 史、長沙 四 母 仲孚 十 憂,起 八。 領 內史,任 攝 詔 大匠,事 職。 曰:「豫章內史丘仲字,重試大邦,責以後效, 坐 視事 畢, 事 除 ·未春, 出 名,復 爲安西 徴 起 爲尚書右丞, 爲 長史、南郡太守。 司 空參 軍 0 遷左 俄 遷豫章 丞, 遷雲 仍擢 麾長史、江夏 內史, 非直 爲衞 在郡 悔吝云亡, 尉 卿 更 ~太守,)勵清 恩任

列

七七二

送,車輪不得前 實亦政績克舉。 不幸殞喪,良以傷惻。 可贈給事黃門侍郎。」仲字喪將還,豫章老幼號哭攀

仲孚爲左丞,撰皇典二十卷,南宮故事百卷,又撰尚書具事雜儀,行於世焉

|恭聞之,引爲行參軍,歷仕大司馬、太宰二府。 出爲句容令,淸愼强記,縣人號爲神明 左軍行參軍,以治幹稱。父憂去職,客居歷陽,躬耕以養弟妹,郷里稱其敦睦。 孫謙字長遜,東莞莒人也。少爲親人趙伯符所知。 謙年十七,伯符為豫州刺史,引為 宋江夏王義

造,一無所納。 太守。 節耳,何煩兵役,以爲國費。」固辭不受。至郡,布恩惠之化,蠻獠懷之,競餉金寶,謙慰喩而 泰始初,事建安王休仁,休仁以爲司徒參軍,言之明帝,擢爲明威將軍、巴東建平二郡 郡居三峽,恒以威力鎭之。 。及掠得生口,皆放還家。 謙將述職,敕募千人自隨。 俸秩出東民者,

悉原除之。 謙曰: 「蠻夷不賓,蓋待之失 郡境翕然,威信大著。

强直,託事遣使京師,然後作亂。 元徽初,遷梁州刺史,辭不赴職,遷越騎校尉、征北司馬府主簿。 及建平誅,遷左軍將軍。 建平王將稱兵,思謙

視事三年,徵還爲撫軍中兵參軍

衞 江 載 尉 夏 縑 太守,坐被代 帛 齊 給甲 初 以送之,謙 ·仗百 寧朔將軍 人, 輒 却 謙 去 不 郡, 受。 、錢唐令,治煩以簡, 不願處際會, 繫尙方,頃之,免 每去官, 輒散 輒無私 甲 爲 獄 士, 宅, 中散 無繫囚。 帝 常借官空車 雖 大夫。 不罪, 及去官,百姓以謙在職不 明帝 而 廐 弗復 將 居焉。 廢立 任 焉。 一、欲引 永 明 出 初 謙 爲 爲 南 爲 受餉 中 心 冠 郎 膂,使兼 軍 遺,追 長 司 史、

東

昏

永

元元

年,遷

大夫

暴,謙至絕迹。 不 職 於 、隣境。 怠 自效 高 天監六年,出 年舊齒 高 九年,以年老,徵爲 祖 笑曰:「朕 ·; 宜 及去官 爲 加 輔 優 之夜,虎 國 秩。 使 |將軍 卿 智 光祿 可 、零陵太守, 給 ,不使卿 卽 害 親 大 夫。 居民。 信二十人,并給扶 力。」十 旣 已衰老, 至,高 謙 爲 应 郡 年 祖 縣, • **猶强力爲** 嘉其清 詔 常 日 勤 絜, 勸 政, 課 甚禮異 農桑, 吏民安之。 焉。 務 盡 清愼 毎 地 先是, 朝 利 見, 有 收 聞, 猶 入 郡 常 請 多 虎 多 劇

冷熱 廳 公 夏 門。 H 無 以 不 謙 待 幬 自 調 力 於 之。 少 , 卽 帳 及老, 仁義,行己 而 時 及 夜 猶 融 渴。 臥 歷二縣五 死 未 謙退遣 嘗 過 以 禮 有 人 甚 殯 蚊 郡,公 〈葬之。 蚋 其 遠。 妻。 人多異焉。 從兄 所在 衆 有 咸 彭 靈 廉絜。 服 城 慶常病寄於謙,謙 劉 其行義。 年 融 逾 居 者,行乞疾篤 身 九 十, **食素** 十五年, 强 牀施 壯 出 如五十者, 卒官, 無 行 遷族 湿問 所歸 屏 , 友 起居。 時年九十二。 風, 毎 朝 輿送謙 冬則 靈 會, 慶 布 輒 日 被党 舍 先 詔賻錢 向 謙 衆 飲 開 到

列

傅

第

四

+

七

良

吏

三萬,布五十匹。高祖爲舉哀,甚悼惜之。

記,爽嘗有求不稱意,乃爲屐謎以喻廉曰:「刺鼻不知嚏,蹋面不知瞋,齧齒作步數,持此得 奉之,及中書舍人黃睦之等,亦尤所結附。 勝人。」 譏其不計恥辱,以此取名位也。 勤劇,遂得爲列卿,御史中丞,晉陵、吳興太守。 謙從子<u>廉,便辟巧宦。齊時已歷大縣,尚書右丞。</u> 凡貴要每食,廉必日進滋旨, 時廣陵高爽有險薄才, 天監初,沈約、范雲當朝用事,廉傾意 皆手自煎調 客於廉,廉委以文 不辭

齊奉朝請,仍兼太學博士,尋除康陽郡丞,秩滿爲鄞令。 伏暅字玄耀,曼容之子也。 幼傳父業,能言玄理,與樂安任時、彭城劉曼俱 時曼容已致仕,故頻以外職處睡, 知名。 起家

爲車騎諮議參軍,累遷司空長史,中書侍郎,前軍將軍,兼五經博士,與吏部尚書徐勉、中書 齊末,始爲尚書都官郎,仍爲衞軍記室參軍。 高祖踐阼,遷國子博士,父憂去職。服闋,

侍郎周捨,總知五禮事。

令其得養焉。

出爲永陽內史,在郡淸絜,治務安靜。 郡民何貞秀等一百五十四人詣州言狀,湘州刺

民 史 賦 以 稅 聞 不 登 詔 者, 勘 有 輒 十五 以 太 事 守 為 田 吏民 米 助之。 所懷 郡 高 多 加 麻苧, 善之, 徴爲 人 乃至 新安太守。 無 以爲 厂 元 U 繩,其厲志如 在 郡 淸 恪, 此。 如 水陽 屬 縣 時 始

新、遂安、海寧,並同時生爲立祠。

乃 滿 信 出 武 拜。 將 徵 託 爲 軍 疾 治 或 居家。 監 子 書 吳郡。 博 侍 御 葬 一,領 史 求 暅 虞 假 長 自 皭 以 水 到 奏 校 東 名 日 輩 陽 尉。 素 迎 時 在 妹 始 喪 遠 前, 興 因 內 留 爲 史何 會稽築宅, 吏 俱 遠累著 稱 廉 白, l 淸績 自 表 遠累 解, 高 見擢 高 祖 詔 祖 擢 詔 暅 爲黃門侍郎, 遷階 以 爲 豫章 而 已,意望不 內史,暅 俄 遷

臣 聞 失 忠 與 信 心之 道 以 虧;貌是情非,一 兩 觀之誅宜 及。 未 有 陵 犯名教,要冒 君

親,而可緯俗經邦者也。

之 咤 謂 車 校 尉 人 寤 才 伏 以 風 而 寐 聞 暅 品 此 失 不 望 豫 而 爲 晶 章 推 居 魂 政 內 破 天 何 則 廉 史 高 遠 是 膽 平 伏暅, 本 , 聽 之 宜 歸 右, 無還 卑, 罪 加 去 有 將 而 無 意。 歲 養, 遠 司 私 啓 以清 不 假, 暅 擢 勿 照。 髮抽腸 使 歷 以 公 恚 典二邦 見 迎 去 望 擢 妹 年 少 致 , 喪爲解 十二 名 自 少 虧 位 趸 論 士 月二十 一轉隆, 为 因 貪 謝 風 而 濁 停 可 循奉 會稽 暅 此 豫章 日 深 自 詔 慠 誹 爲 不 内 日:「 去。 然 政 怨 史 之本 7 ا د 形 國 入 無異 豊 ·, 贵 於 子 東之始, 有 辭 博 色。 得 人 色, 士 稱 臣 貨 功。 胴 奉 領 興 居 宅 長 如 歎 賣 見 此 水

所到,足達此旨,而冒寵不辭,吝斯苟得,故以士流解體,行路沸騰,辯跡求 心,無一可

竊以暅踉蹡落魄,三十餘年,皇運勃興,咸與維始,除舊布新,濯之江、漢,一紀之

間,三世隆顯,曾不能少懷感激,仰答萬分,反覆拙謀,成茲巧罪,不忠不敬,於斯已 及。自己請以屆大不敬論。以事詳法,應棄市刑,輒收所近獄洗結,以法從事。

如

法法所

稱,暅卽主。

廿 擢 事 免 此 以 脂 不次,溪壑可盈,志欲無滿。 | 睡所居官,凡諸位任,一皆削除。 臣謹案:豫章內史臣伏暅、含疵表行、藉悖成心、語默一違、資敬兼盡。 膏,孰非荼苦,佩茲龜組,豈殊縲緤。 要君東走,豈曰止足之歸,負志解巾,異乎激處之致。 宜明風憲,肅正簡書。 臣等參議,請以見 幸屬昌時,

有 詔勿治,暅遂 得就 郡

尙 :書右僕射徐勉爲之墓誌,其一章曰:「東區南服,愛結民胥,相望伏闕,繼軌奏書。 視 事三年,徵爲給事黃門侍郎,領國子博士,未及起。 普通元年,卒於郡,時年 五十九。 或臥其

轍

或扳

其車,或圖

[其像,或式其閭。

思耿借寇,曷以尙諸

盛,齊末,防已爲司徒右長史,暅猶滯於參軍事,及其終也,名位略相侔。 初,暅父曼容與樂安任遙皆暱於齊太尉王儉,自己遙子昉及暅並見知,頃之, **晒性儉素**,車服粗 防才遇稍

惡 ,外雖退靜,內不免心競,故見譏於時。 能推薦後來,常若不及,少年士子,或以此依之。

何遠字義方,東海郯人也。父慧炬,齊尚書郎

之,恩寄甚密 建武 下。 旭 入壽陽,見刺史王肅,欲同義舉,肅不能用,乃求迎高祖,肅許之。遣兵援送,得達高祖。 江,使其故人高江產共聚衆,欲迎高祖義師,東昏黨聞之,使捕遠等,衆復潰散。 旣 奉,入圍宮城,遠豫其事。事敗,乃亡抵長沙宣武王,王深保匿焉。遠求得桂陽王融保藏之, 見遠,謂張 而發覺,收捕者至,遠逾垣以免;融及遠家人皆見執,融遂遇禍,遠家屬繫尙方。遠亡渡 消將軍 旣破 遠釋褐江夏王國侍郎,轉奉朝請。永元中,江夏王寶玄於京口爲護軍將軍崔慧景所 朱雀軍,以爲建康令。 、後軍都 弘策曰:「何遠美丈夫,而能破家報舊德,未易及也。」「二」板輔國將軍,隨軍東 陽王恢錄事參軍。 高祖踐阼,爲步兵校尉,以奉迎勳封廣興男,邑三百戶。 遠與恢素善,在府盡其志力,知無不爲,恢亦推心仗 遠因降魏, 遷

武昌俗皆汲江 頃之,遷武昌太守。 水,盛夏遠患水溫,每以錢買民井寒水,不取錢者,則璉水還之。 遠本倜儻,尙輕俠,至是乃折節爲吏,杜絕交遊,饋遺秋毫無所受。 其佗事率多

列

傅

第

四十

七

良

吏

條。當時士大夫坐法,皆不受立,遠度已無贓,就立三七日不款,猶以私藏禁仗除名。 不過乾魚數片而已。 如 此。 跡 雖 似為,而能委曲用意焉。車服尤弊素,器物無銅漆。江左多水族,甚賤,遠每食 然性剛嚴,吏民多以細事受鞭罰者,遂爲人所訟,徵下廷尉,被劾數十

泉陵侯淵朗爲桂州、緣道剽掠,入始興界,草木無所犯。 郡,近代未之有也。郡經寇抄,遠盡心綏理,復著名迹。春年,遷樹功將軍、始興內史。時 戲曰:「卿禮有過陸納,將不爲古人所笑乎。」高祖聞其能,擢爲宣城太守。 縣,諸縣盛供帳以待焉,至武康,遠獨設糗水而已。彬去,遠送至境,進斗酒隻鵝爲別。彬 後起爲鎭南將軍、武康令。[18]愈厲廉節,除淫祀,正身率職,民甚稱之。 太守王彬巡屬 自縣為近畿大

也。 取,歲暮,擇民尤窮者,充其租調,以此爲常。然其聽訟猶人,不能過絕,而性果斷,民不敢 非,畏而惜之。所至皆生爲立祠,表言治狀,高祖每優詔答焉。天監十六年,詔曰「何遠前 右所畏憚。在東陽歲餘。復爲受罰者所謗,坐冤歸。 ·,監吳郡。 武康。已著廉平。復莅二邦,彌盡清白。政先治道,惠留民愛,雖古之良二千石,無以過 宜升內榮,以顯外績。可給事黃門侍郎。」遠卽還,仍爲仁威長史。頃之,出爲信武將 遠在官,好開途巷,脩葺牆屋,民居市里,城隍愿庫,所過若營家焉。田秩俸錢,並無所 在吳頗有酒失,遷東陽太守。 遠處職,疾强富如仇讎,視貧細如子弟,特爲豪

顏色下人,口吾 妻子飢寒,如下貧者。 周人之急,言不 遠耿介無私曲,居人閒,絕請謁,不造詣。與貴賤書疏,抗禮如一。 -虚妄, 以此多爲俗士所惡。 蓋天性也。 及去東陽 歸家,經年歲口不言榮辱,士類益以此多之。 每戲語人云:「卿能得我一妄語,則謝卿以 其清公實爲天下第一。 居數郡, 見可欲終不變其心。 其所會遇,未嘗以 一縑。」衆共伺 其輕財好義,

後復起為 征西諮議參軍、中撫司馬。 普通二年,卒,時年五十二。 高祖厚贈賜之。 之,不能記也。

酷 黠化爲 誅戮以勝之,亦多怨濫矣。 陳吏部尚書姚察曰:前史有循吏,何哉? 由 余, 輕薄變爲忠厚。 梁 淳風已洽, 民自知禁。 興,破觚 爲圓 世使然也。漢武役繁姦起,循平不能,故有苛 爲 樸,敎民以孝悌,勸 **堯舜之民**, 比屋可封,信矣。 之以農桑,於是 若 夫 桀

校勘記

吏,於梁無取

焉。

父深之宋雍州 列 傅 第 四 + Ł 刺 史 校 「雍州」各本作「應州」。 勘 記 按宋無應州 南齊書庾杲之傳,祖深之,雍州

刺

史。是「應」乃「雍」之譌。今據改。

ヘー 太守永陽王陽而饋之 「永」各本作「襄」,據南史及册府元龜六七九改。 按: 齊、梁俱無襄陽

王。永陽嗣王伯游於天監元年爲輔國將軍、會稽太守。

- C || 〕 叔父昶 南史作「父昶」,無「叔」字。
- C B J 嘗詣齊尚書右丞殷彌 「右」南史作「左」。
- C 吾 〕 引爲府參軍 「府」下,南史有「行」字。
- . 六 山 仰見天中有字曰范氏宅 「有」字各本脫,據南史及册府元龜八九三補。
- 是爲「超遷」,不當云「起遷」,形近而譌,今改正。 超遷車騎長史長沙內史 「超」各本作「起」。按:仲孚以「治爲天下第一」,由縣令驟升至內史,
- 謙自少及老歷二縣五郡 孫謙只歷巴東、建平、江夏、零陵四郡,「五」字疑譌。
- 徵爲新安太守 云「屬縣始新、遂安、海寧,並同時生爲立祠」,此三縣俱屬新安郡。 「新安」各本譌「東陽」,據蔣史及册府元龜五一九、六七九、八二〇改。按:下
- 〔10〕治書侍御史虞瞻奏曰 「治書」下脫「侍」字,據南史補。
- 〔二〕於斯已及 「及」疑「極」之譌。
- **暅父曼容與樂安任遙皆暱於齊太尉王儉** 「遙」各本皆作「瑤」,任昉傳作「遙」。 按:南史亦作

記

「遙」,並云「遙兄遐字景遠」,則遙是而瑤非。今據改。

[III] 未易及也 「及」各本作「人」、據册府元龜九四九改。

[18] 後起爲鎭南將軍武康令 張森楷梁書校勘記:「鎭南是軍號之大者,不應爲令,疑『將軍』或是

『參軍』之誤。」

(三) 未嘗以顏色下人 「下」各本譌「干」,據南史及册府元龜八七七改。

梁書卷五十四

列傳第四十八

諸夷

海南 東夷 西北諸戎

及宋、齊,至者有十餘國,始爲之傳。 郎康泰通焉。 今採其風俗粗著者,綴爲海南傳云。 來皆朝貢。 與西域諸國接。 海 南諸國, 後漢桓帝世,大秦、天竺皆由此道遣使貢獻。及吳孫權時,遣宣化從事朱應、中 其所經及傳聞,則有百數十國,因立記傳。 大抵在交州南及西南大海洲上,相去近者三五千里,遠者二三萬里,其西 漢元鼎中,遣伏波將軍路博德開百越,置日南郡。 自梁革運,其奉正朔,脩貢職,航海歲至,踰於前代矣。 晉代通中國者蓋勘,故不載史官。 其徼外諸國,自武帝以

毳 餘 **積以歲年,朽爛** 地 金夜則出 里,有 ,抽其緒紡 縱 廣可六百里,城去海百二十里,去日南界四百餘里,北接九德郡。 林 西國夷亦稱王,四馬援植兩銅柱表漢界處也。 .飛,狀如螢火。 國 者, 之以作布,潔白與紵布不殊,亦染成五色,織爲斑布也。 沉木者,土人斫斷之, 本漢日南郡象林縣,古越裳之界也。伏波將軍馬援開漢南境,置此縣。 又出瑇瑁、貝齒、吉貝、沉木香。 次不沉不浮者, 日籍香也。 其國有金山,石皆赤色,其中生金。 ' 吉貝者,樹名也。 其華成時如鵝 其南界,水步道二百

牛於山 子逸嗣 守, 莊 於漿 南,殺覽,以其屍祭天。 此 及 兵車 國。 使所親韓戢、 侵刻尤甚。 中 漢 ·器械,王寵任之。 澗,得鱧魚二頭,化而爲 末 而 因 大亂 殺 舉刀斫石, 晉成帝咸康三年, [三]逸死, 奴文篡立。 之, ,功曹區達,殺縣令自立爲王。[l] 傳數世,其後王無嗣,立外甥<u>范熊</u>。 謝稚 逐脅 而心節獨在,置水中則沉,故名曰沉香。 林邑先無田 ,前後監日南郡, 國 如 留日南三年,乃還林邑。 人自立。 斷芻藁, 後乃讒 土,貪日南 鐵,因以 文心獨異之。 王諸子,各奔餘國。 舉兵攻旁小 並貪殘, 地肥沃, 〈鑄刀。 國 諸國患之。 范稚常使之商賈至林邑,因教林邑王作宮室 常欲 ,皆吞滅之, 鑄成,文向石而呪曰:「若斫石破者,文當王 交州刺史朱藩後遣督護劉雄成日南,文復 文本日南西捲縣夷帥范稚家奴,四常牧 略 及王死無嗣,文爲於隣國迓王子,置毒 有之, 穆帝永和三年,臺遣 有衆四五萬人。 至是,因民之怨,遂 時交州刺 夏侯覽 舉兵襲日 熊死, 為太 史姜

緩 屠 、李衢 1滅之。 討之。[三文歸 進寇 九 徳郡 ,殘害吏民。 林邑, 葬復 屯 遣使告藩,願以日南 日南。 五. 年,文死, 北境横山 子佛 立, 猶 屯 爲界,藩不許,又遣 日南。 征 西 將 督 軍 護 桓 溫 陶

斬其息交龍 遣督護滕畯、九眞 長史,公 守曹炳。 溫 百人,自後踰 放之討破之。「公安帝隆安三年,佛孫 交趾太守杜瑗遣都護鄧逸等擊破之,即以瑗爲 暖遣海邏督護阮斐討破之,斬獲甚衆。 王甄 壘而 知及其將范健等,日出生俘須達 入,佛衆驚潰奔走,邃追至林邑,佛乃 太守灌邃 帥交、廣 州兵討之,佛嬰城固 須達復寇 息解能 日南, 九年,須達復 請 ,及虜獲百餘人。 [刊 執太守炅源, 刺 守。 降。 史。 邃令畯盛兵於 **冠九**真,行 義熙三年,須達 哀帝昇平 初,復 又進寇九德, 郡 自暖卒後,林邑無 前、邃 事 復 爲寇暴 杜慧期 寇日 帥 勁 南,殺 與 執 卒七 刺 太 史

邁立。 弟曰文敵 於 其 甥,國相 須達 宋永初二年,遣使貢獻,以陽邁爲林邑王。 。文敵後爲扶南王 死,子敵眞立,其弟敵鎧攜母 藏麟固諫不從。 子當根純所殺,大臣 其甥旣立 出奔。 一而殺 藏麟,藏麟 敵眞 范諸農平其亂, 追 陽邁死,子 恨不能容其 子又攻殺之, '咄立, 慕其父, 復 而 母弟,捨國 自立爲王。 而立 敵 而之天竺,禪位 鎧 諸 日 同母 陽邁 農死,子陽 異父之

歲不寇日南

、九德諸郡、殺蕩甚多、〔10〕交州

逐致

虚

弱。

謂之干漫,亦曰都縵;穿耳貫小鐶;貴者著革屣,賤者跣行。 其 國俗 居處爲閣,名曰于闌,門戶皆北 向,書樹 葉爲 紙,男女皆以横 自林邑、扶南以南諸國皆然也 幅吉貝 (繞腰 以下

列

傳

第

四

+

八

也。 中野,謂之火葬。 設刑法,有罪者使象踏殺之。 其王著法服,加瓔珞,如佛像之飾。出則乘象,吹螺擊鼓,罩吉貝傘,以吉貝爲幡旗。國不 同姓還相婚姻,使婆羅門引壻見婦,握手相付,呪曰「吉利吉利」,以爲成禮。 其寡婦孤居,散髮至老。 國王事尼乾道,鑄金銀人像,大十圍 其大姓號婆羅門。 嫁娶必用八月,女先求男,由賤男而 死者焚之 貴女

物,不可勝計。乘勝逕進,卽剋林邑。陽邁父子並挺身逃奔。獲其珍異,皆是未名之寶。又 和之遣司馬蕭景憲爲前鋒,陽邁聞之懼,欲輸金一萬斤,銀十萬斤,還所略日南民戶,其大 還。 銷其金人,得黃金數十萬斤。和之後病死,見胡神爲祟。 臣蕃僧達諫止之,乃遣大帥范扶龍戍其北界區栗城。景憲攻城,剋之,斬扶龍首,獲金銀雜 又寇九德郡,入四會浦口,交州刺史阮彌之遣隊主相道生帥兵赴討,攻區栗城不剋,乃引 爾後頻年遣使貢獻,而寇盜不已。二十三年,使交州刺史檀和之、振武將軍宗慤伐之。 元嘉初,陽邁侵暴日南、九德諸郡, 交州刺史杜弘文建牙欲討之, 聞有代乃止。 八年,

威南將軍、林邑王。」十年,十三年,天凱累遣使獻方物。俄而病死,子弼毳跋摩立,奉表貢 介在海表,乃心款至,遠脩職貢,良有可嘉。宜班爵號,被以榮澤。 物。齊永明中,范文贊累遣使貢獻。天監九年,文贊子天凱奉獻白猴,詔曰:「林邑王范天凱 孝武孝建、大明中、三一林邑王范神成累遣長史奉表貢獻。 明帝泰豫元年,又遣使獻方 可持節、督緣海諸軍事

獻。 大通 緣海諸軍 普通 元 年 事 、又遣 七年,王高式勝鎧遣使獻方物,詔以爲持節、督緣海諸軍事、綏南將軍、林邑王。 、綏南將軍、林邑王。 使貢獻。 中大通二年,行林邑王高式律陁羅跋摩遣使貢獻 六年,又遣使獻方物。 ,韶以爲持節、督

俗大較與林邑同。 五 百里。 扶南 有大江 國,在日南郡之南,海西大灣中,去日南可七千里,在林邑西南三千餘里。 廣十里,西北流,東入於海。 出金、銀、銅、錫、沉木香、象牙、孔翠、五色鸚鵡 其國輪廣三千餘里,土地洿下而平博,氣候風 城去海

餘里,漲海無崖岸,船舶未曾得逕過也。 頓遜之東界通交州,其西界接天竺、安息徼外諸國,往還交市。 又有酒樹,似安石榴,采其花汁停甕中,數日成酒。 其南界三千餘里有頓遜國,在海崎上,地方千里,城去海十里。 其市,東西交會,日有萬餘人。珍物寶貨,無所不 所以 然者,頓遜迴入 有五 王,並覊 屬 海中千 扶南

限也。 古來不死,莫知其年。 長頸王。 頓遜之外,大海洲中,又有毗騫國,去扶南八千里。 國法 國俗,有室屋、衣服,噉粳米。 刑罪人,並於王前噉其肉。 王神聖,國中人善惡及將來事,王皆知之,是以無敢欺者。 其人言語,小異扶南。 國內不受估客,有往者亦殺而噉之,是以商旅不敢 傳其王身長丈二,頸長三尺,口三自 有山出金,金露生石上,無所 南方 號

列

四

報答,常遺扶南王純金五十人食器,形如圓盤,又如瓦 至。 升。 王常樓居,不血食,不事鬼神。 王亦能作天竺書,書可三千言,說其宿命所由,與佛經相似,並論 其子孫生死如常人, 塸,名爲多羅,受五升, 唯王不死。 扶南王數遣使與書相 善事 又如椀 者,受

與焦麻 餘里,至自然大洲。 叉 (傳扶南東界卽大漲海,海中有大洲,洲上有諸薄國,國東有馬五洲。 無異而色微青黑;若小垢洿,則投火中,復更精潔。 其上有樹生火中,洲左近人剝取其皮,紡績作布,極得數尺以爲手巾, 或作燈炷,用之不知盡 復東行漲海千

國,納 穿度一面,矢及侍者,柳葉大懼,舉衆降混塡。 其 下 乃遣子孫 得 南 弓,便依夢乘船入海,遂入扶南外邑。 柳葉人衆見舶至,欲取之,混塡卽張弓射其舶, 有徼國、日四有事鬼神者字混塡,夢神賜之弓,乘賈人舶入海,混塡晨起卽詣廟,於神樹 扶 柳葉 南 中 國俗本躶體,文身被髮,不制衣裳。以女人爲王,號曰柳葉。年少壯健,有似男子。 爲妻,生子分王七邑。 分治諸邑,號曰 小王。 其後王混盤況以詐力間諸邑,令相疑阻,因舉兵攻幷之, 混塡乃教柳葉穿布貫頭,形不復露,遂治其

蔓爲 海,攻屈都昆、九稚、典孫等十餘國,開地五六千里。 盤 況 蔓 年 勇 九 一十餘乃死,立中子盤盤,以國事委其大將范蔓。CIED盤盤立三年死,國人共舉 健 有 ?權略,復以兵威攻伐旁國,咸服屬之,自號扶南大王。 次當伐金隣國,蔓遇疾,遣太子金生代 乃治作大船,窮漲

爛,有理者則不。又於城溝中養鰐魚,門外圈猛獸,有罪者,輒以餵猛獸及鰐魚,魚獸 爲無罪,三日乃放之。鰐大者長二丈餘,狀如鼉,有四足,喙長六七尺,兩邊有齒,利如刀 長,在民間,至年二十,乃結國中壯士襲殺旃,旃大將范尋又殺長而 劍,常食魚,遇得麞鹿及人亦噉之,蒼梧以南及外國皆有之。 日,乃燒斧極赤,令訟者捧行七步。又以金鐶、雞卵投沸湯中,令探取之,若無實者,手卽焦 觀閤遊戲之,朝旦中晡三四見客。 民人以焦蔗龜鳥爲禮 行。 蔓姊子旃,[15]時爲二千人將,因篡蔓自立,遣人詐金生而殺之。 國法無牢 自立。 · 獄。 蔓死 有罪者,先齋戒三 時,有乳下兒名 更繕治國 内,起 不食

國 中實佳,但人褻露可怪耳。」尋始令國內男子著橫幅。 吳時,遣中郎康泰、宣化從事朱應使於尋國,國人猶裸,唯婦人著貫頭。 横幅,今干漫也。 大家乃截錦爲 泰、應謂曰:

之,貧者乃用布。

南至盤盤,扶南人聞之,舉國欣戴,迎而立焉。復改制度,用天竺法。 費不少,駐令勿送。」其後王憍陳如,本天竺婆羅門也。 **陁跋摩,宋文帝世奉表獻方物。齊永明中,王闍邪跋摩遣使貢獻** 晉武帝太康中,尋始遣使貢獻。穆帝升平元年,王竺旃檀奉表獻馴象。 有神語曰「應王扶南」、憍陳如心悅, 憍陳如死,後王持梨 詔曰:「此物勞

天監二年,跋摩復遣使送珊瑚佛像,幷獻方物。 韶曰:「扶南王憍陳如闍邪跋摩,介居

列傳

四十八

諸夷

海 表,世纂南服,厥誠遠著,重譯獻賝。 宜蒙酬納,班以榮號。可安南將軍、扶南王。」

亦然。 鬚髮。 人 像,二面者四手,四面者八手,手各有所持,或小兒,或鳥獸,或日月。 性貪客,無禮義,男女恣其奔隨。 今其 王坐則偏踞翹膝,垂左膝至地,以白疊敷前,設金盆香鑪於其上。 死者有 國人皆醜黑,拳髮。 四葬:水葬則投之江流,火葬則焚爲灰燼,土葬則瘞埋之,鳥葬則棄之中野。 所居不穿井,數十家共一池引汲之。 俗事天神,天神以銅爲 。其王出入乘象,嬪侍 國俗,居喪則剃除

等 香。 竺當 有 佛髮,長一丈二尺,詔遣沙門釋雲寶隨使往迎之。 抱老 十年,十三年,跋摩累遣使貢獻。 普通 奉 表貢獻。 元年,中大通二年,大同元年,累遣使獻方物。 十八年,復遣使送天竺旃檀瑞像、婆羅樹葉,幷獻火齊珠、鬱金、蘇合 其年死,庶子留陁跋摩殺其嫡弟自立。 五年,復遣使獻生犀。 十六年,遣使 又言其國

伸之,隨手長短,放之則旋屈 云:「我昔在宮沐頭,以尺量髮,長一丈二尺,放已右旋,還成螽文。」則 先是,三年八月,高祖 改造阿育王寺塔,出舊塔下舍利及佛爪髮,髮青紺色,衆僧以手 為 蠡 形。 案僧伽經云:「佛髮青 而 細,猶 如藕莖絲。」佛三 與高祖所得 同 也。 一味經

也。 阿育 吳時有尼居其地,爲小精舍,孫綝尋毀除之,塔亦同泯。 王 朗 鐵 輪王,王閻浮提,一 天下,佛滅度後,一日一夜,役鬼神 吳平後,諸道人復於舊處 造八 萬四千塔,此即

建立 弟子僧顯 晉中宗初渡江, 更脩飾之, 至簡文咸安中, 使沙門安法 繼而修立。 至孝武太元 九年,上金相輪及 承 露。 師程造小塔,未及成而亡,

龍 塔西,造一層塔。十六年,又使沙門僧尙伽爲三層,江江即高祖所開者也。初穿土四尺,得 陽,未知塔處,乃登越城四望,見長干里有異氣色,因就禮拜,果是阿育王塔所,日也屢放光 若壽終,則不墮地獄。』語竟,如墮高巖,忽然醒寤。」因此出家,名慧達。 音語云:『汝緣未盡,若得活,可作沙門。洛下、齊城、丹陽、會稽並有阿育王塔,可往禮 舍利 中有銀函,函中又有金函,盛三舍利及爪髮各一枚,髮長數尺。即遷舍利近北,對簡文所造 明。由是定知必有舍利,乃集衆就掘之,入一丈,得三石碑,並長六尺。中一碑有鐵函,函 光,旋回 赦 鐵 ·窟及昔人所捨金銀鐶釧釵鑷等諸雜寶物。可深九尺許,方至石磉,磉下有石函,函內有 壺,以盛銀坩,坩內有金鏤罌,盛三舍利,如粟粒大,圓正光潔。 函內又有琉璃椀,內得四 及 其 說云:「有兩吏見錄,向西北行,不測遠近,至十八地獄,隨報重輕,受諸楚毒。 髮爪,爪有四枚,並爲沉香色。至其月二十七日,高祖又到寺禮拜,設無导大會,大 後 久之,乃當 是日,以金鉢盛水泛舍利,其最小者隱鉢不出,高祖 西河離石縣有胡人劉薩 鉢 中而 止。高祖問大僧正慧念:「今日見不可思議事不。」慧念答曰:「法 何遇疾暴亡,而 心下猶暖, 禮數十拜,舍利乃於鉢內放 其家未敢便殯,經十日更 遊行禮塔,次至丹 見觀

列

傳

四十

諸

夷

身常住,湛然不動。」高祖曰:「弟子欲請一舍利還臺供養。」至九月五日,又於寺設 會,遣皇太子王侯朝貴等奉迎。 是日,風景明和,京師傾屬,觀者百數十萬人。 所設 無导大 金銀供

具等物,並留寺供養,幷施錢一千萬爲寺基業。 會,竪二刹,各以金罌,次玉罌,重盛舍利及爪髮,內七寶塔中。 至四年九月十五日,高祖又至寺設無导大 又以石函盛寶塔,分入兩刹

下,及王侯妃主百姓富室所捨金、銀、鐶、釧等珍寶充積

十一年十一月二日,寺僧又請高祖於寺發般若經題,爾夕二塔俱放光明,敕鎭東將軍

邵陵王編製寺大功德碑文。

先是,二年,改造會稽鄮縣塔,開舊塔出舍利,遣光宅寺釋敬脫等四僧及舍人孫照暫迎

還臺,高祖禮拜竟,卽送還縣入新塔下,此縣塔亦是劉薩何所得也。

之,牛徑牽車至寺,悝因留像付寺僧。每至中夜,常放光明,又聞空中有金石之響。經一 視之,得金像,未有光趺。悝乃下車,載像還,至長干巷首,牛不肯進,悝乃令馭人任牛所 晉咸和中,丹陽尹高悝行至張侯橋,見浦中五色光長數尺,不知何怪,乃令人於光處掊

又合焉。 自咸和中得像,至咸安初,歷三十餘年,光趺始具。 歲,捕魚人張係世,於海口忽見有銅花趺浮出水上,係世取送縣,縣以送臺,乃施像足,宛然 會簡文咸安元年,交州合浦人董宗之採珠沒水,於底得佛光豔,交州押送臺,以施像,

堂殿幷瑞像周 亂, 放光,回 虧損金色,謂邃曰:「若能令像放光, 此五僧至寺,見像嘘欷涕泣,像便放光,照燭殿宇。 是阿育王 埋像於河邊, 初,高悝 身西向, 爲第四 得像後,西域胡僧五人來詣悝,曰:「昔於天竺得阿育王造像,來至鄴下,值胡 回 **閤等,窮於輪** 女所造也。 明旦 今尋覔失所。」五人嘗一夜俱夢見像曰:「己出江東、爲高 便許模之。 及大同中,出舊塔舍利,敕市寺側數百家宅地,以廣寺域,造諸 奐焉。 像趺先有外國書,莫有識者, 回身西向,乃可 其圖諸經變,並吳人張繇運手。 相許。」慧邃便懇到拜請,其夜像 又瓦官寺慧邃欲模寫 後有三藏邮求跋摩 緜 像形,寺主僧 **悝所得。**」悝 丹青之工, 識之,云 卽 轉坐 尙 乃送 慮

冠絕。

復 檀等香數十種。六年八月,復使送菩提國眞舍利及畫塔,幷獻菩提樹葉、詹糖等香。 揚州閣 天子足下,稽首問訊。 如是。 盤 盤國,宋文帝元嘉,孝武孝建、大明 浮提震旦天子:萬善莊嚴,一切恭敬, 道俗濟濟,並蒙聖王光化,濟度一切,永作舟航,臣聞之慶善。 今奉薄獻,願垂哀受。」中大通元年五月,累遣使貢牙像及塔,幷獻沉 中,並遣使貢獻。 猶如天淨無雲,明耀滿目,天子身心淸淨,亦 大通元年, 我等至誠敬 其王 使使 奉 禮常勝 表

等。」「1103大同元年,復遣使獻金、銀、瑠璃、雜寶、香藥等物。 衆僧殷集,法事日盛,威嚴整肅。朝望國執,慈愍蒼生,八方六合,莫不歸服。 可言喻。 丹丹 不任慶善,若暫奉見尊足。謹奉送牙像及塔各二軀,幷獻火齊珠、古貝、雜香藥 國 中大通二年,其王遣使奉表曰:[15]「伏承聖主至德仁治,信重三寶,佛法 化隣諸天,非 .興顯,

諸國之極。 干 **陁利國,在南海洲上。其俗與林邑、扶南略同。出班布、古貝、檳榔。** 宋孝武世,王釋婆羅邮憐陁遣長史竺留陁獻金銀寶器。 檳榔特精好,

奉 脩跋陁羅初未能信,旣而又夢此僧曰:「汝若不信我,當與汝往觀之。」乃於夢中來至中國, 世尊,常樂安樂,六通三達,爲世問尊,是名如來。 禮 後,佛法大興。 拜 表獻 觐 敬。 天子。 天監元年,其王瞿曇脩跋陁羅以四月八日夢見一僧,謂之曰「中國今有聖主,十年之 後跋 玉盤等物。使人旣至,模寫高祖形以還其國,比本畫則符同焉。因盛以寶函, 既覺,心異之。 陁羅本工畫,乃寫夢中所見高祖容質,飾以丹青,仍遣使幷畫工 汝若遣使貢奉敬禮,則土地豐樂,商旅百倍,若不信我,則境土不得自安。」 應供正覺,遺形舍利,造諸塔像,莊嚴國 日加

土,如須彌山。

邑居聚落,次第羅滿,城郭館宇,如忉利天宮。具足四兵,能伏怨敵。國土

具足。 溢 安 周 ,气三二仁廕 無諸患難 回 是故 屈 曲 至 順 誠 四 海 敬 趨 人民和善,受化正法,慶無不通。 禮天子足下,稽首問訊 ,德合天心,雖人是天,降生 大海,一 切衆生,咸得受用。 奉獻 護 於諸國 世,功德 金芙蓉、雜香藥等,願垂納 **猶處** 雪山, 土,殊勝 寶藏, 流 第 救 注 世 雪水,八味清淨,百 , 是 大悲, 名 震 爲我 受。」普通 旦。 拿 大梁 生, 元年 威儀 揚 川洋 都

復遣

使獻方

物

諸 量 斥逐 衰 重 臣 物 達多立。 弱 沙 產, 門 天善神之所 端嚴 田 樓 加 狼 與扶 閣。 雲霞 牙脩 境,遂奔天竺,天竺妻以 族 相好, 天監· 有賢 南 國, 布 王 略 供養, 十四年,遣使 出 覆 身光 同, 者, 在 胛,以金繩 乘 南 象, 國 偏 明 以 海 人 朗, 多綫沉婆律香等。 有幡 垂 中。 歸之。 正法寶,梵行衆增,莊嚴都邑。 如 阿 毦 爲絡帶,金鐶 水 其界東西三十日行, 撤多奉 旗鼓, 中月, 長 王 聞 女。 知 罩白蓋,兵衞 普照 表 俄而 乃 曰:「大吉天子足下: 貫耳。 + 其俗男女皆袒 加 狼牙王 方。 囚 執,其鏁無故 眉間 女子則被布,以瓔珞繞身。 南北 甚設。 死,大臣迎還爲 白毫,其白 二十日行,去 而 或 城閣高峻,如 被髮, 人說, 自斷 離淫 如 以古貝爲干 立國 一怒癡, 雪,其色照曜 玉。 王 廣州 以 二十餘 以 乾 爲 二萬 哀愍衆 來 施山。 神, 四 其 縵。 四千 因 年 百 國 生, 死,子 餘 累塼 亦 不 樓 其王 里。 観羅 年, 敢 如 慈 害, 爲城 月 後 婆 及貴 ì 土 列, 無 伽 嗣 乃 氣

列

傳

垂

領

統約。」

輿 縵。 行。 年 坐 具。 金 以 數 有石 雜 高 婆利 王 有一百三十六聚。 能 乃 香 坐,以銀蹬支足。 ·為之, 名蚶貝羅,初採之柔軟,及刻削爲物乾之,遂大堅强。 國,在廣州東南海中洲上。 記焉,而 用班絲 上施 布,以瓔珞繞身,頭 言白淨王 羽 蓋珠 土氣暑熱,如中國之盛夏。 侍女皆爲 夫人 簾, 卽 其導從 金花 其 著金冠高尺餘,形 去廣州二月日行。 國 一女也。 雜寶之飾,或持白毦拂及孔雀扇。 吹螺擊鼓。 穀一 王姓憍陳 如弁,綴 歲再熟,草木常榮。 國界東西五十日行,南 如,自古未通中國。 以七 其國 寶之飾。 [人披古貝如帊,及爲都 王出 帶 海出文螺、紫 金裝劍,偏 以象駕輿, 北二十日 問其先及

平坦,清淨無穢。 天監 十六年,遣 臺殿羅列、狀若天宮、壯麗微妙、世無與等。 使奉 表 日:「伏承聖 王信 重 三寶,興立塔寺,校飾莊嚴,周徧 聖主出時,四兵具足,羽儀導 國土。 四

宰輔 禮 貝、螺杯、雜香、藥等數十 金 平等忍辱 至,三乘競集,敷說 資,莫能消穢。 從,布滿 席等, 聖 王 賢 足下 (良)羣臣貞信,盡忠奉上, 左右。 表 ,怨親 此 惟 丹誠 願 無二。 陰陽和暢,災厲不作。 都人士女,麗服光飾。 大王知我此心。 正法,雲布雨 普通三年,其王頻伽復遣使珠貝智貢白鸚鵡、青蟲、兜鍪、瑠璃器、古 加以周窮, 潤。 心無異 無所藏積 此心久矣,非適今也。 四海流 市廛豐富,充積珍寶。 大梁揚都聖王無等,臨覆上國,有大慈悲,子 想。 通, 伏惟皇帝是我真佛, 靡不 交會萬國。 照燭, 山海阻遠,無緣自達,今故 如日之明; 長江 王法清整,無相侵奪。 一眇漫, 臣 是婆利 無不受樂, 清冷深 國主 廣, 獪 今敬稽首 育萬 如淨 遣 學徒 有生咸 使 . 月。 民 皆 獻

種。

與月 鐵 名 杖 南 蜀 至 金 支 恒 中天 西 一縷織 布, 水 海 同 竺國,在大月支東南數千里, ,東至槃越 國 成 而卑濕 其水甘美, 人云,市之身毒。 、金皮罽 暑熱,民弱 列 細 下有眞 國數 摩白疊 **治**,每 畏戰,弱於 身毒 鹽 一,色正 、好裘、毾鈺。 即天竺,蓋傳 國 置 白 八月支。 地方三萬里,一名身毒 王 如 一,其 水 精。 名雖異,皆身毒 火齊狀如雲母,色如紫金,有光耀,別之則薄 或 譯音字 臨 土俗 大江,名新陶 不同,其實 出犀、象、貂 也。 源 漢世張騫使大 漢 也。 、鱦、瑇瑁 出 時 ·羈屬 崐 從月支、高附 崘 月支, 、火齊、金、銀、 分為 夏, 其俗 五 見叩竹 江 以西, 一,總 土著

七

華色 碧珠 笮 如 其 蟬 翼 汁 璣 IE 以 黄 琅 積 爲 而 玕 之 細, 香膏 以以 則 、鬱金、 如紗穀之重沓也。 與芙蓉華 ,乃賣其滓 蘇 與他 合。 裏被蓮 也。 與諸 蘇合是合諸 者相 或 賈 其西與大秦、安息交市海中,多大秦 人,是以展 似。 香汁煎之, 國 人先取 轉來達中國,不 非自然 以 上佛寺, 物 積 也。 大香也。 日 香 又云大秦 槁, 珍 物 鬱 乃糞 珊 金 獨 人 瑚 、去之, 採 出 、琥珀 罽 蘇 合 賓 國

從

寺

中

徴

雇

轉賣

或

徑還 到 往 旃 天竺王 拘 H 短 佛 造物 交 利 南 至 人 道 論 趾 本 扶 徼 口 漢 所 驚 國 , 交 南 外 桓 興國 等還, 見 循 帝 來 日 之日「大秦 趾 日 海 海海 獻。 延熹 漢 也。 南 太守吳邈 大灣中 和 積 濱極 交趾 帝 四年 魏、晉世, 九 人民敦厖、土地饒沃。 年, 時, Ė 其 遠 方 天竺 遣 希 大秦 西 至。 一, 猶 送詣 見 南 北 絕不 一數遣 此 有 徼 入 王 其 人。」權: 此 權 諸 歷 安敦遣使自 诗 復通。 人。 ,權問方土謠俗, 使 或 灣邊 吳遣 貢 人少有 獻, 以 卽 數 中 唯吳 男女各十人, 呼 國 後 其王號茂論 鄎 到 日 令 西域 康 時 可 大秦 觀 南徼外來獻,漢世唯一通焉。 泰 扶 視 使 反叛 南 年 者。 國 論 扶 王 餘 內, 具 南, 差吏 一范旃遣 遂絕。 到 孫權 以 所都城郭, 仍 天 及 事 會稽 竺江 黃武 | 差陳、宋等二人以月支馬 見陳、 對。 親 至 劉咸 人蘇 桓帝 五 時諸 П, 宋等, 年,有 水泉分流, 送論,咸 物 逆 延熹二 葛恪討 使其 水 大 具問 行 秦 國, 其 七千 於道 年 丹陽 賈 國 天竺土俗 繞于渠壍,下 從扶 人字 人行 匹 里乃至 物 年 故, 獲 秦論 南 几 賈, 黝 | 匹報 發投 論 頻 焉。 云 歙 從 乃 來 往

注大江。其宮殿皆雕文鏤刻,街曲市里,屋舍樓觀,鐘鼓音樂,服飾香華,水陸通流,百賈交 會,奇玩珍瑋, 恣心 所欲 左右 嘉維 舍衞 葉波等十六大國,去天竺或二三千里,共尊奉

之,以爲在天

地

之中

也

明

嚴國 物,悉當奉送。此之境土,便是大王之國,王之法令善道,悉當承用。 戒,式導不及,無上法船, 檢,如化王法。 國土,首羅天守護,令國安樂。 服,莫不歸仰。 仁愛,不害衆 切歸屬, 土,猶 此信返還,願賜一使,具宣聖命,備勑所宜。 天監初,其王屈多遣長史竺羅達奉表曰:「伏聞彼國據江傍海,山川周固,衆妙悉備,莊 今奉獻琉璃唾壺、雜香、古貝等物。」 如 五體投 化城。 生。 王身端嚴,如日 臣名屈多,奕世王種。 國中臣民,循行正法,大王仁聖,化之以道,慈悲羣生,無所遺棄。 地, 宮殿莊飾,街巷平坦,人民充滿,歡娛安樂。 歸誠大王。使人竺達多由來忠信,是故今遣。大王若有所須珍奇異 沉溺以濟。 。王王相承,未曾斷絕。 初出,仁澤普潤,猶如大雲,於彼震旦,最爲殊 百官氓庶, 受樂無恐。 惟願大王聖體和平。 款至之誠,望不空返,所白如允,願加採 國中皆七寶形像,衆妙莊 **今以此國** 諸天護持, 大王出遊,四 羣臣民庶,山 願二國信使往 萬神侍從, 勝。 兵隨從,聖 混嚴, 臣· 臣之所住)|| 常修 天魔降 來不 自脩 淨

人依價取之。 人民,止有鬼神及龍居之。 師子國,天竺旁國也。 諸國人聞其土樂,因此競至,或有停住者,遂成大國。 諸國商估來共市易,鬼神不見其形,但出 其地和適,無冬夏之異。 五穀隨人所種,不須時節。 . 珍寶,顯其所堪價,商 其國舊. 無

三絕。 其王剎利摩訶遣使貢獻。 此像歷晉、宋世在瓦官寺,寺先有徵士戴安道手製佛像五軀,及顧長康維摩畫圖,世人謂爲 晉義熙初,始遣獻玉像,經十載乃至。 至齊東昏,遂毁玉像,前截臂,次取身,爲嬖妾潘貴妃作釵釧。 像高四尺二寸,玉色潔潤,形製殊特,殆非人工。 宋元嘉六年,十二年,

信還,伏聽告敕。今奉薄獻,願垂納受。」 獻,以表慕義之誠。或泛海三年,陸行千日,畏威懷德,無遠不至。我先王以來,唯以脩德 爲本,不嚴而治。 伏承皇帝道德高遠,覆載同於天地,明照齊乎日月,四海之表,無有不從,方國諸王,莫不奉 大通元年,後王伽葉伽羅訶梨邪使奉表曰:「謹白大梁明主:雖山海殊隔,而音信時通。 奉事正法道天下,欣人爲善,慶若己身,欲與大梁共弘三寶,以度難化。

東夷之國,朝鮮爲大,得箕子之化,其器物猶有禮樂云。魏時,朝鮮以東馬韓、辰韓之

屬, 世通 扶桑國,在 中國。 昔未聞 自晉 過江, 也。 泛海東使, 普通 中,有道 有 人稱 高句驪、百濟,而宋、齊間常通職貢, 自彼 而至,其言元本尤悉,故幷 録焉。 梁興, 又有 加

屬之。 東明 鮮、穢貊 後 王置 王還,欲殺之。 支別 一之豕 乃 高句驪者,其先出自東明。 爲 奔 车,豕 走, 東與沃沮, 句 驪 南至淹 種 以 侍兒曰:「前見天上有氣如大鷄子,來降我,因以有娠 也。 口 標水,行三以弓擊水,魚鼈皆浮爲橋,東明 氣 北與夫餘接。 其 嘘之,不死,王以 國 漢之玄菟郡也。 東明本北夷櫜離王之子。 漢武帝元封 爲神,乃聽收養。 在遼東之東, 四年, 滅朝鮮, 長 去 離王出行, 而善射, 遼東千里。 乘之得 置 玄菟郡,以 渡,至夫 。」王囚之, 王忌其猛,復欲殺 其侍兒於後任娠, 漢、 高 餘 魏 句驪 而王 世 後遂 焉。 爲 南 生 無以 與 之, 男。 其 離 朝

消 使者、阜衣、先人,尊卑各有等級。言語諸事,多與 鬼神,又祠零星、社稷。 百 姓依之以居,食澗水。 奴部,絕奴部,順奴部,行三整奴部,桂婁部。 句 驪 地方可二千里,中有遼山,遼水 人性凶急,喜寇抄。 雖土著,無良田 所出。 ,故其俗節食。 其官,有相 本消奴部爲王,微弱, 其王都於丸都之下,多大山深谷, 夫餘 同,其性氣、衣服 加、對盧、沛者、古鄒加、主簿、優台、 好治宫室。 於所居之左立大屋,祭 桂婁部代之。 有異。 本有五 無原澤, 漢時賜 族,有

列

傳

著似 子。 盧。 銀財幣盡於送死。 此城爲幘溝婁。 衣 弓矢刀矛。 步皆走。 幘 積而 其俗好淫,男女多相奔誘。 其俗喜歌儛,國中邑落男女,每夜羣聚歌戲。 、朝服、鼓吹 無後,其小加著折風,形如 以十月祭天大會,名曰「東明」。其公會衣服,皆錦繡金銀以 有鎧甲,習戰鬭,沃沮、東穢皆屬焉 「溝婁」者,句驪名「城」也。 ,常從玄墓郡受之。 積石爲封,列植松栢。 兄死妻嫂。 已嫁娶,便稍作送終之衣。 弁。 後稍驕,不復詣郡,但於東界築小城以受之,至今猶名 其國無牢獄,有罪者, 其置官,有對盧則不置沛者,有沛者則不置 其人潔清自喜,善藏釀,跪拜 其馬皆小, 便登山。 其死葬,有椁無棺。 則會諸加評議殺之,沒入妻 自飾。 國人尙氣力, 大加、主簿頭 申一 好厚葬,金 脚,行 便 對 所

自伯固 翳,嚴尤誘而斬之,王莽大悅,更名高句驪爲下句驪,當此時爲侯矣。 遣使朝貢,始稱王。 級,伯固乃降屬遼東。 子伯固立。順、和之間,復數犯遼東寇抄,靈帝建寧二年,玄菟太守耿臨討之,斬首虜數百 王莽初,發高驪兵以伐胡,不欲行,强迫遣之,皆亡出塞爲寇盜。 [時已數寇遼東,又受亡胡五百餘戶。建安中,公孫康出軍擊之,破其國,焚燒邑落, 至殤、安之間,其王名宮,數寇遼東,玄菟太守蔡風討之不能禁。 公孫度之雄海東也,伯固與之通好。 伯固死,子伊夷摸立。 光武八年,高 州郡歸咎於句驪侯 句驪王 伊夷摸 宫死,

降胡亦叛伊夷摸,伊夷摸更作新國。其後伊夷摸復擊玄菟,玄菟與遼東合擊,大破之。

公 伊 孫 夷 摸死,子位宫立。 淵,位宮遣主簿、大加 位宮有勇力,便鞍馬,善射獵。 將 兵千人助軍。正始三年,位宮寇西安平,[18]五年,幽 魏景初二年,遣太傅司馬宣 州 王 刺

之,位 史毋 至 峴 丘 宮 懸 儉 |輕將諸 車 將萬 東馬,登 人出 加奔沃沮,儉使將 一丸都 玄菟討位宫, 山,屠其所都,斬首虜萬餘級,位宮單將妻息遠竄。六年,儉復 位宮將步騎二萬人逆軍,大戰 軍王頎追之,絕沃沮千餘里,到肅愼南界,刻石紀功,又到 於 、沸流。 位宮敗走,儉軍 討 追

丸

都

Щ

了。 銘不

耐

城

而

還。

其後,復

通中

夏。

營平二 帶 節 浪 玄 馬 不 方二 一菱郡 奔 能 通 走。 公雲, 貢 制 晉 侍、都督 一州、征 永嘉 國王 職、歷宋、齊並授爵位 ,後燕慕容垂遣弟農伐句驪,復二郡。 弗利 晃 **乃誠** 乘勝 亂 東 安始置長史、司馬、參軍官, 死,子釗代立,气三康帝建元元 、王並如故。」十一年,十五年,累遣使貢獻。十七年,雲死,子安立。 ,鮮卑慕容廆 大將軍、樂浪公。 款著,貢驛 追至丸都,焚其宮室,掠男子五萬餘口 相尋 據昌黎大棘城,元帝授平州刺史。句驪王乙弗利頻寇遼東,廆 年 宜隆 百餘歲死。 高 祖 秩 卽 命, 位 一進雲 後略有 年,慕容廆 式弘 子雲,齊隆昌中,以 垂死,子寶立,以 車騎 朝典。可 遼東郡。 大 以歸。 子晃率 將 軍。 撫 至孫 東 句驪 孝武 兵伐之,行為釗 天監 大 高 爲使持節 將軍 璉,晉安帝 太元十年 王安爲平州 七年,詔曰 · 開 、散騎常侍 府 ·,句驪 與戰,大敗,單 儀 義熙中 牧,封 一高驪 同 三司, 攻 普通元 遼東、 遼東 都 王 樂 督 奉

列

以延 子襲延爵位 ,詔安纂襲封爵,持節、督營平二州諸軍事、寧東將軍。 襲爵。 中大通四年,六年,大同元年,七年,累奉表獻方物。 七年,安卒,子延立,遣使貢獻,詔 太清二年,延卒,韶以其

韓有 死,詔復以其子明爲持節、督百濟諸軍事、綏東將軍、百濟王。號所治城曰固麻,謂邑曰檐 詔曰:「行都督百濟諸軍事、鎭東大將軍百濟王餘隆,守藩海外,遠脩貢職,廼誠 通二年,王餘隆始復遣使奉表,稱「累破句驪,今始與通好」。而百濟更爲强國。 軍、百濟王。 國。 立子慶。 置百濟郡。 其國本與句驪在遼東之東,晉世句驪旣略有遼東,百濟亦據有遼西、晉平二郡 五十四 百濟者,其先東夷有三韓國,一曰馬韓,二曰辰韓,三曰弁韓。 宜率舊章,授茲榮命。 慶死,子牟都立。 國。 晉太元中,王須,江北義熙中,王餘映,宋元嘉中,王餘毗,並遣獻生口。 天監元年,進太號征 大國萬餘家,小國數千家,總十餘萬戶,百濟卽其一也。 都死,立子牟太。 可使持節、都督百濟諸軍事、寧東大將軍、百濟王。」五年,隆 東將軍。 尋爲高句驪所破,衰弱者累年,遷居南韓地。 齊永明中,除太都督百濟諸軍事、鎮東大將 弁韓、辰韓各十二國,馬 後漸强大,兼諸 款到,朕有 其年,高祖 餘毗死, 地矣,自 小

魯,如中國之言郡縣也。

毛詩博 闕荒毁,並 其言參諸夏,亦秦、韓之遺俗云。 其 士,并工匠、畫 今言語服章略 國有二十二檐魯, 號 慟 湯涕泣。 與高 師等,敕並給之。 侯景怒,囚執之,及景平,方得 皆以子弟宗族分據之。 驪 同,行不張拱,拜不申足則異。 中大通六年,大同 太清三年,不 其人形長, 七年,累遣使獻 還國。 知京 師寇 呼帽 衣服 賊, 日 淨潔。 **猶**遣 方物 冠,襦曰 使貢獻;旣 ,幷請涅盤 其 國近倭,頗 複衫, 至, 等經 袴 見城 有文 義 褌

奉 時 韓 不 賊 也。 亦 獻 得 爲 日 自 寇 割 方 新 新 物 羅 羅 立 其 其 行 爲 者,其先本辰 或 東界居之,以 酒 或 王,明 在 爲行 E 百 斯羅 濟 其流 觴。 東 南 秦 韓種也。 移之人故 相 其 五. 人,故 呼 國 于 皆爲徒,不 小, 餘 里。 名之日 不 也 辰韓亦曰秦韓,相 能自 [] 其 秦韓。 地 爲 與 通 馬 東 馬 使 濱 韓 韓 聘。 大 同。 所 其言語 海, 制。 普通 叉 去萬里,傳言秦世亡人避役來適 南 名 辰 辰 北 韓 韓 物 一年,王 與 王 有 始 句驪 有六 常 似 姓募名秦、「云」始使使隨 中 用 百百 馬韓 國 國 稍稍 人, **「濟接。** 人作之,世 分 名 爲 國 魏 十 爲 時 邦 日 相 新羅 新 弓 馬韓,馬 係 盧 辰韓 爲 百濟 則 弧 其

五 十二邑勒 其 俗 呼 城 日 十 健 地 牟羅 肥 美, 宜 其 (邑在 植 Ŧi. 穀。 内日 多桑麻, 啄評,在 外日 作縑布 [邑勒, o 服牛乘馬。 亦 中 國 之言郡 男女 縣 有別。 也。 國 其官名,有 有 、啄評,

列

傳

子賁旱支、齊旱支、謁旱支、壹吿支、奇貝旱支。其冠曰遺子禮,襦曰尉解,袴曰柯半,靴曰 其拜及行與高驪相類。 無文字,刻木爲信。 語言待百濟而後通焉。

崖同。 國。 百歲。 響。 蠶桑織績。 邪馬臺國,至可即倭王所居。 犯法,輕者沒其妻子,重則滅其宗族。 支國。 從帶方至倭,循海水行,歷韓國,乍東乍南,七千餘里始度一海。海闊千餘里,名瀚海,至一 蛇皮堅不可斫,其上有孔,乍開乍閉,時或有光,射之中,蛇則死矣。物產略與儋耳、朱 又東行百里,至不彌國。又南水行二十日,至投馬國。又南水行十日,陸行一月日,至 倭者,自云太伯之後。俗皆文身。 又度一海千餘里,名未盧國。 又東南陸行五百里,至伊都國。 其俗女多男少,貴者至四五妻,賤者猶兩三妻。婦人無婬妬。無盜竊,少諍訟。若 其死,有棺無槨,封土作冢。人性皆嗜酒。俗不知正歲,多壽考,多至八九十,或至 地溫暖,風俗不淫。男女皆露紒。富貴者以錦繡雜采爲帽,似中國胡公頭。食飲用 有薑、桂、橘、椒、蘇。 出黑雉、真珠、青玉。 有獸如牛, 名山鼠。 又有大蛇吞此 其官有伊支馬,次曰彌馬獲支,次曰奴往鞮。 去帶方萬二千餘里,大抵在會稽之東,相去絕遠。 又東南行百里, 至奴 民種禾稻紵麻,

漢靈帝光和中,倭國亂,相攻伐歷年,乃共立一女子卑彌呼爲王。彌呼無夫壻,挾鬼

以爲親 宗女臺 慕韓六國諸 死,立子濟。 出 道,能惑衆,故國入立之。 有男弟佐治國。 入傳教令。 與爲王。 魏王,假金印紫綬。 軍事、鎭東大將軍。 濟死,立子興。 所處宮室,常有兵守衛。至魏景初三年,公孫淵誅後,卑彌呼始遣使朝貢,魏 其後復立男王,並受中國爵命。 正始中,卑彌呼死,更立男王,國中不服,更相誅殺,復立卑彌 興死,立弟武。 高祖 即位,進武號征東大將軍。「100 自爲王,少有見者,以婢千人自侍,唯使一男子 齊建元中,除武持節、督倭新羅任那 晉安帝時, 有倭王賛。 賛死, 立弟彌 伽羅秦韓 彌 呼

南萬 里 其 一有海 南 有侏儒 人,身黑眼白,裸而醜。 國,人長三四尺。 又南黑齒國、裸國,去倭四千餘里,船行可一年至。 其肉美,行者或射而食之。 叉西

土俗歡 食之,有枉則猛獸避而 壍,廣一丈,實 文身國,在倭國東北七千餘里。 樂, 物豐而 议 水銀,雨 賤, 行客不 不食,經宿則赦之。 則流于水銀之上。 有 人體有文如獸,其額上有三文,文直者貴,文小者賤。 屋宇, 市用珍寶。 無城 郭。 其王所居, 犯輕罪者則鞭杖 飾以 金銀 犯 珍 死罪則置 麗。 繞屋 猛獸 爲

大漢 國 ,在文身國 東 五千餘里。 無兵戈,不攻戰。 風俗並與文身國 同 而 言語異。

列

傳

第

四

十

八

諸

夷

中國 咄沙。 赤,績 國畜牛。 朝 子孫,三重則及七世。 乃大會,坐罪人於坑,對之宴飲,分訣若死別焉。 在北獄者,男女 其婚姻,壻往女家門外作屋,晨夕灑掃,經年而女不悅,卽驅之,相悅乃成婚。 壬癸年黑。 地 夕 在 一中國 拜奠,不制 同。 扶桑國者,齊永元元年,其國有沙門慧深來至荆州,說云:「扶桑在大漢國 其皮爲布 國王行有鼓角導從。 其國法, 以乳爲酪。 之東,其土多扶桑木,故以 親喪,七日不食;祖父母喪,五日不食;兄弟伯叔姑姊妹,三日不食。 有牛角甚長,以角載物,至勝二十斛。 縗絰。 相配,生男八歲爲奴,生女九歲爲婢。 以爲衣,亦以爲綿。 有南北獄。 有桑梨,經年不壞。 多蒲桃。 名國王爲乙祁,貴人第一者爲大對盧,第二者爲小對盧,第三者爲納 嗣王立,三年不視國事。 若犯輕者入南獄,重罪者入北獄。 其衣色隨年改易,甲乙年青,丙丁年赤,戊己年黃,庚辛年白, 爲名。 作板屋。 扶桑葉 無城郭。 其俗舊無佛法,宋大明二年,罽賓國嘗有比 以灰繞之,其一重則一身屛退,二重則及 《似桐》 車有馬車、牛車、鹿車。 其地無鐵有銅,不貴金銀。 犯罪之身, 有文字,以扶桑皮爲 而 初生如笋,國人食之,實如梨而 有赦 至死不出。 則 赦 南 國人養鹿,如中 獄,不 紙。 貴人 設靈爲神像, 東二萬餘里, 婚禮大抵與 市無租估。 無兵甲,不 有罪,國 赦 北

丘

五.

人游行至其國,流通佛法、經像,教令出家,風俗遂改。」

語不 百日日 香味鹹。」天監六年,有晉安人渡海, 三月,競入水則任娠,六七月產子。 可曉 能行,三四年則成人矣。見人驚避,偏畏丈夫。 慧深又云:「扶桑東千餘里有女國,容貌端正,色甚潔白,身體有毛,髮長委地。 ,男則人身而狗頭 ,其聲如 吠。 爲風 女人胸前無乳,項後生毛,根白,毛中有汁,以乳子, 其食有小 所飄至 一島, 豆。 食鹹草 登岸,有人居止。 其衣如布。 如禽獸。 築土爲墻,其形圓,其戶 鹹草葉似邪蒿,而 女則 如 中國 了,而言 至二、 氣

如竇云。

仇池、宕昌、高昌、鄧至、河南、龜茲、于闐、滑諸國焉。 息,徒置戊己之官,諸國亦未賓從也。 極武,僅而克捷,比之前代,其略遠矣。 呂光之涉龜茲,亦猶蠻夷之伐蠻夷,非中國之意也。 明珠翠羽,雖仞於後宮,蒲梢龍文,希入於外署。 西 北諸戎,漢世張騫始發西域之迹,甘英遂臨西海,或遣侍子,或奉貢獻,于時雖窮兵 繼以中原喪亂,胡 魏時三方鼎時, 今綴其風俗,為西北戎傳 有梁受命, 其奉正朔而 日事干戈, 自是諸國分幷,勝 人遞起,西域與江東隔 晉氏 平吳以後, 負 朝 强 闕 弱 礙, 庭者, **,難得** 少 重譯不 獲寧 則 詳

方數百里,放牝馬其側,輒生駒,土人謂之龍種,故其國多善馬。 四時恒有冰雪,唯六七月雨雹甚盛。若晴則風飄沙礫,常蔽光景。其地有麥無穀。有靑海 疊川,至三西隣于闐,北接高昌,東北通秦嶺,方千餘里,蓋古之流沙地焉。乏草木,少水潦, 出凉州西南,至赤水而居之。其地則張掖之南,隴西之西,在河之南,故以爲號。其界東至 于卒,**廆嗣位,吐谷渾避之西徙。** 廆追留之,而牛馬皆西走,不肯還,因遂西上隴,度枹罕, 也。 河南王者,其先出自鮮卑慕容氏。 著小袖袍,小口袴,大頭長裙帽。 初,慕容奕洛干有二子,庶長曰吐谷渾,嫡曰廆。 女子披髮爲辮。 有屋字,雜以百子帳,即穹

河沙三州 有佛法。 王父字為 末 又自 其後吐谷渾孫葉延,頗識書記,自謂會祖奕洛干始封昌黎公,吾蓋公孫之子也。 號 、 鎭西將軍、護羌校尉、西秦河二州刺史。 拾寅死,子度易侯立。易侯死,子休留代立。 河南王。 國氏,因姓吐谷渾,亦爲國號。 慕延死,從弟拾寅立,乃用書契,起城池,築宮殿,其小王並立宅。 至其末孫阿豺,始受中國官爵。弟子慕延,宋元嘉 齊永明中,以代爲使持節、都督西秦 國中

廬

三至,或再歲一至。其地與益州隣,常通商賈,民慕其利,多往從之,敎其書記,爲之辭譯, 、又表 梁 興,進代爲征 於益 州立 九層佛寺,詔許焉。十五年,又遣使獻赤舞龍駒及方物。 西將軍。 代死,子伏連籌襲爵位。CIED天監十三年,遣使獻金裝馬腦鍾 其使或歲再

稍桀黠矣。 尉、西秦 河二州刺史。 普通元年,又奉獻方物。 眞死,子佛輔襲爵位,其世子又遣使獻白龍駒於皇太子。 籌死,子呵羅眞立。大通三年,詔以爲寧西將軍 、護羌

架 簿。 鎭 田 事、秦州 小 木 將 地 散 袖 爲 高寧 袍 國 軍 其 高 騎常侍、都督瓜州諸軍事、瓜州刺史、河西郡開國公、宣三儀同三司高昌王嗣位 ·及雜 國 王,一世 昌國,闞氏爲主,其後爲河西王沮渠茂虔弟無諱襲破之,其王闞爽奔于芮芮。 屋,土覆 縵 人言語 刺 蓋 て、臨 べべべっ。 史、金城郡開國公。 車 號 師 將軍,長史,司馬,門下校郎,中兵校郎,通事 川、横截、柳婆、洿林、新興、由寧、始昌、篤進、白力等,〔壽〕皆其鎭名。 與 而 其 之故 中 滅。 上。 女子頭髮辮而 國 略同。 地 國人又立麴氏爲王,名嘉,元魏授車騎將軍、司空公、都督秦州 寒暑 也。南接河南,東連燉煌,西次龜茲,北隣敕勒。 與 有五經、歷代史、諸子集。 益 在位二十四年卒,諡曰昭武王。子子堅,使持節、 州相 不垂,著錦纈 似。 備 植 纓珞 九穀、人多噉麨及羊牛肉。 環釧。 面貌類高驪,辮髮垂之於背,著長身 姻有 舍人,通事令史,諮議,校尉,主 六禮。 其地高 置四十六鎮,交河 出 燥,築土爲城, 良馬、蒲 驃騎 官有四 諸軍 無諱

市

用

焉。

有朝

烏者,

日

日

集王

殿前,爲行列,不畏人,日出然後散去。

石鹽。

多

草

木,

草實

如

中

絲如

細纑

名爲

白

[疊子,

或

人

多

取織

以爲

布。

布甚軟白, 交

大同中,子堅遣使獻鳴鹽枕、蒲陶、良馬、氍毹等物。

侯。 自魏、晉以來,不通中國, 滑國者, 車師之別種也。 至天監十五年, 漢永建元年, 八滑從班勇擊北虜有功,勇上八滑爲後部親漢 其王 厭帶夷栗陁始遣使獻方物。 普通元年,

又遣使獻黃師子、白貂裘、波斯錦等物。 七年,又奉表貢 獻

龜茲 居,東向開戶。 而 使旁國 以麨及羊肉 止。 女人被裘,頭上刻木爲角,長六尺, 、疏勒、姑墨、于闐、句盤等國,開地千餘里。 元魏之居桑乾也,滑猶爲小國, 胡爲胡書,羊皮爲 葬以木爲槨。 爲糧。 其王坐金牀,隨太歲轉, 其獸有師子、兩脚駱駝,野驢 父母死,其子截一耳,葬訖卽吉。 紙。 無職官。 屬芮芮。 事天 以金銀飾之。 與妻並坐接客。 神、火神, 後稍强大,征其旁國波斯、盤盤、罽賓、焉耆、 有角。 土地 溫暖,多山 少女子,兄弟共妻。 毎日 其言語待河南人譯然後通。 人皆善射,著小袖長身袍,用金玉 無文字,以木爲 則出 川樹木、〔三〕有五 戶 祀 神 而後 契。 無 食。 城 與 郭 旁國 其跪 穀。 氊屋 通 國人 則 爲

周古柯 國,滑旁小國也。 普通元年,使使隨滑來獻 方物。

呵跋 檀 國,亦滑旁小國也。 凡滑旁之國,衣服容貌皆與滑同。 普通元年,使使隨滑使

來獻方物。

胡蜜 丹 國,亦滑旁小國也。 普通元年,使使隨滑使來獻 方物。

滑國 白題 東。 國 ,王姓支名史稽毅,其先蓋 匈奴之別 種胡 也。 漢灌嬰與匈奴戰,斬 普通三年,遣 白題騎一人。

今在 使獻方物。 去滑六日行,西極波斯。 土地 出粟、麥、瓜菓,食物 略與滑同。

等。 則羅 爲大國,所都日 堅遣將呂光伐西域,至龜茲, 王尼瑞摩珠那勝遣使奉表貢獻。 室屋壯麗, 飾以琅玕金玉 爲龜茲王,國人又殺 龜茲者,西域之舊國也。 延城。 魏文帝初卽位,遣使貢獻。 則羅 龜茲王帛純載寶出奔,光入其城。城有三重,外城與長安城 後漢光武時,其王名弘,爲莎車王賢所殺,滅其族。 匈奴立龜茲貴人身毒爲王,由是屬匈奴。 光立帛純弟震爲王而歸, 晉太康中,遣子入侍。 自此與中國絕不通。 太元七年,秦主苻 然龜茲在漢世常 普通二年, 賢使其子

得為于闐王,Clabl暴虐,百姓患之。 于闐 國,西域之屬也。 後漢建武末,王俞爲莎車王賢所破,至於一徙爲驪歸王,以其弟君 冰平中,其種人都末殺君得,大人休莫霸又殺都末,自立

爲王。 霸死,兄子廣得立,後擊虜莎車王賢以歸,殺之,遂爲强國,西北諸小國皆服從。

幘,如今胡公帽。 膝至地。 日 西山城。 其 地多 書則以木爲筆札,以玉爲印。國 \水潦沙石,氣溫,宜稻、麥、蒲桃。 有屋室市井。 與妻並坐接客。 菓蓏菜蔬與中國等。 國中婦人皆辮髮,衣裘袴。 人得書,戴於首而後開 有水出玉,名曰 尤敬佛法。 王所居室,加以朱 玉河。 其人恭,相見則跪,其跪 札。 國人善鑄銅器。 畫。 王冠金 其治 則

年,又獻瑠璃罌。 魏文帝時,王山習獻名馬。 大同七年,又獻外國 天監 九年,遺使獻方物。 刻 玉 佛。 十三年,又獻波羅婆步鄣。

麥,資 周 迴十餘 渴 以爲糧。 盤 **陁國** 里 一, 國 于闐 有十二 多牛馬駱駞羊等。 西小國也。 城。 風俗 與于闐相 西隣滑國,南接罽賓國,北連沙勒國。 出 好 氊、 類。 金、 衣古貝布, 玉。 王姓葛沙氏。 著長身小 袖 中大同 袍, 所治在 小 元 П 年, 袴。 山谷中。 遣 地宜 使 城 獻 小

方物。

氊帽,小袖衣,爲衫則開頸而縫前。 末國 漢世 且末國 也。 勝兵萬餘戶。 多牛羊騾驢。 北 與丁零,東與白題,西與波斯接。 其王安末深盤,普通五年,遺使來貢獻。 土人 剪髮,著

駒馬。 婦兄弟便來捉手付度,夫婦之禮,於茲永畢。 金銀。 非過高,其勢連接甚遠,中有鷲鳥噉羊,土人極以爲患。國中有優鉢曇花,鮮華可愛。出龍 城 高四丈,皆有樓觀。 波 斯 鹹池生珊瑚樹,長一二尺。亦有琥珀、馬腦、眞珠、玫珣等,國內不以爲珍。 市買用 婚姻法…下聘訖,女壻將數十人迎婦,壻著金線錦袍,師子錦袴,戴天冠,婦亦如之。 國,其先有波斯匿王者,子孫以王父字爲氏,因爲國號。 城內屋宇數百千間, 城外佛寺二三百所。 國東與滑國,西及南俱與婆羅門國,北與汎慄 西去城十五里有土山,山 國有城,周迴三十二里。

授以父爵位。 軍、東羌校尉、河涼二州刺史、隴西公、宕昌王,佩以金章。 方物。天監四年,王梁彌博來獻甘草、當歸,詔以爲使持節、都督河涼二州諸軍事、安西將 宕昌國,在河南之東南,益州之西北,隴西之西,羌種也。 其衣服、風俗與河南略同。 爾博死,子彌泰立,大同七年,復 宋孝武世,其王梁瓘忽始獻

國接。

中大通二年,遣使獻佛牙。

鄧至國,居西涼州界,羌別種也。 列 第 四 + 八 諸 世號持節、平北將軍、西涼州刺史。 宋文帝時,王象

八一五

彭遣 屈耽 便獻 遣 使 獻 黄耆四 馬 天監 百斤,馬四 元年,詔以鄧至王象舒彭爲督西涼州 匹。 其俗呼帽曰突何。 其 衣服 諸軍 與宕昌 事, 號 安北將軍。 五 年, 舒

盆州 先死 將軍 子 族弟 節、督沙州刺 督 德弟文度立,以弟文洪 刺 叉 聚 孟 史、仇池公。 秦雍二州諸 、衆茄盧、 北 廣 ,子智慧立。 孫 武 香 興 立。 梁 又攻殺 國,本仇池。 州 齊永明 ,宋因授以 刺史、仇池王。 史、陰平王。 軍 文洪死,以族 文度,自立爲陰 事、輔國 大同元年,剋復 中,魏氏南 公爵位, 爲白水太守,屯武興,宋世以爲 楊難當自立爲秦王,宋文帝遣裴方明討之,難當 |將軍 集始死,子紹先襲爵位。 + 人集始 、平羌校尉、北秦州 梁州刺 魏又攻之,文德奔漢中。 年,孟 平王 漢中, 爲 史仇池公楊 、茄盧鎭主。 孫死, 北秦州 智慧遺使上表,求率四千戶 詔 刺史、武 贈安沙 刺 卒, 靈珍據泥功山 史、武都王、靈珍爲冠 二年,以靈珍 將軍 武都王。 都王 子炅立。 從弟僧嗣 北 天監初 雍 歸款, 武 爲持節、督 州 又自立,復戍茄盧。 興 歸 刺 之國,自於此矣。 ,以集始爲使持節 齊世 史。 國,詔許焉,卽以爲 子崇祖立。 奔魏。 軍 以靈珍 子定襲封 將軍 隴右 其兄子文德 諸軍事 孟孫爲假 爲 崇祖死, 北梁州 卒,文 東

其國 東連秦嶺,西接宕昌,去宕昌八百里,南去漢中四百里,北去岐州三百里, 東去長

帽,長 安 九百里。 身小 袖 本有十萬戶,世世分減。 袍, 小 口 袴,皮鞾。 地植九穀。 其大姓有苻氏、姜氏。〔三〕言語與中國 婚姻備六禮。 知書疏。 種桑 麻。 同。 出 著烏阜突騎 紬 、絹、精

布、漆、蠟、椒等。

Щ

出

銅

鐵。

雍鞾。 明中,爲丁零所破,更爲小國而 年,又獻馬一匹,金一斤。 木末城。 軌始至其 魏南遷,因擅 芮芮國、 蓋 其 十四年,遣使獻鳥貂裘。[[元]普通元年,又遣使獻方物。 國,國王率三十萬騎, 、地苦寒,七月流澌 其故 匈奴別 地。 種。 無城郭,隨水草畜牧,以穹廬爲居。 魏、晉世,匈奴分爲數百千部, 亘 河。 南移其居。 出燕然山 宋昇明 中,遣王洪軌使焉,引之共伐魏。 東南三千餘里,魏人閉關 天監中,始破 丁零, 各有名號,芮芮其一 辮髮,衣錦,小 復 是後數歲 其 不 舊 ·敢戰。 士。 袖 始築城 齊建元 至焉。 後稍侵弱。 袍,小 部也。 郭, 口 元年,洪 大同七 . 袴,深 自元 名曰 永

爲之,則曀而 其國能以術祭天而 不雨,問其故,以暝云。 致 風 雪, 前對皎日,後則泥潦橫流,故其戰敗莫能追及。 或於中夏

聞,往牒不記,故知九州之外,八荒之表,辯方物土,莫究其極。 史臣曰:海南東夷西北戎諸國,地窮邊裔,各有疆域。 若山奇海異,怪類殊種, 高祖以德懷之,故朝貢歲 前古未

校勘記

至,美矣。

- 有西國夷亦稱王 「西國」南史作「西圖」。
- 功曹區 達殺縣令自立爲王 「達」,南史及晉書林邑傳並作「連」。
- 晉成帝 咸康 三年 「三」,晉書林邑傳作「二」。
- 29 文本 H 南 西捲縣夷帥范稚家奴 「稚」,晉書、南齊書林邑傳並作「椎」。

五

叉遣

督

護陶

緩李

· 衢 計 之

「緩」疑「綏」字之誤。

- 哀帝昇 平初復爲寇暴刺史溫放之討破之 晉哀帝無「昇平」年號。「昇」當作「升」, 晉書陶璜傳有孫綏位至||交州刺史,當卽此人。 升平是晉穆
- 帝年 號 了哀帝」當作「穆帝」。 晉書穆帝紀,升平三年,交州刺史溫放之帥兵討林邑。
- . -U -U 安帝隆 安三年佛孫須 達復寇 日南 「須達」,晉書安帝紀作「范達」。
- トスコ 須 達 復 宼 日 南殺 長史 「史」疑是「吏」之誤。
- , た し 九年須達復寇九眞行郡事杜慧期與戰斬其息交龍王甄知及其將 范 健等 「須達」晉書安帝紀

作「范湖達」。「杜慧期」晉書安帝紀作「杜慧度」。

- 殺蕩甚多 「蕩」南史作「傷」。
- 陽邁死子咄立慕其父復曰陽邁 「慕」各本及南史譌「篡」,據南齊書林邑國傳改正。 旣

云

「立」,不應又云「篡」,致文相複,當依南齊書作「慕」爲是。

- 改正。 孝武孝建大明中 「孝建」各本譌「建元」。 按:宋孝武帝無「建元」年號,而孝建與大明相接,今
- 頸長三尺 「頸」各本作「頭」,南史同。 按:下云「南方號曰長頸王」、是「頭」當爲「頸」字之譌,
- 册府元龜九九七正作「頭」,今據改。
- 二吾 以國事委其大將范蔓 其南有徼國 「徼」南史及南齊書扶南國傳作「激」。 「范蔓」,南齊書扶南國傳作「范師蔓」。
- 蔓姊子旃 「旃」,南齊書扶南國傳作「旃慕」。
- 果是阿育王塔所 「阿」字,各本脫,據南史補。
- 又使沙門僧尚伽爲三層 「伽」南史作「加」。
- 中大 通二年其王遣使奉表曰 按本書武帝紀,丹丹國遣使在中大通三年六月。
- 幷獻 列 傳 火齊珠古貝 第 四 + 八 雑 香藥等 校 勘 記 「古貝」殿本作「吉貝」。 按:「吉貝」蔣史皆作'古貝」, 梁書則惟百

衲本「古貝」「吉貝」雜出、實皆一物,即本棉。

大梁揚都天子 「都」各本作「郡」,據册府元龜九六八改。 按下婆利國王遣使奉表亦稱「大梁

揚都聖王」。

南至淹滯水 「淹滯水」册府元龜九五六作「淹遞水」,與後漢書高句驪傳

合。

順奴部 「順奴部」各本並作「愼奴部」。 按:後漢書、 國魏志高句驪傳皆作「順」, 此姚思廉爲

避梁武帝父蕭順之諱而改。今改回。

位宮寇西安平 「安」下各本衍一「嘉」字,據三國魏志高句驪傳 删

() 是 弗利 死子釗代立 「釗」各本譌「劉」,據晉書慕容皝載記改正。 下同

康帝 建 元元 年慕容廆子晃率兵伐之 晃當卽是皝, 音近而 譌。 慕容皝出兵事, 晉書慕容皝載

記云在咸康七年,通鑑繫於咸康八年。

[1+] 王須 「須」,晉書孝武帝太元十一年紀作「餘暉」。

(三八) 王姓募名秦 「姓」各本皆脫。據南史補。

〔三〕至邪馬臺國 「邪」各本譌「祁」,據册府元龜九五七改。

CNOD 進武號征東大將軍 「大」各本脫,據南史倭國傳補。

〔三〕 其界東至疊川 「疊」各本譌「壘」,據南史改。

河西郡 開國公 南史作「西平郡公」。

交河田 地高寧臨川橫截柳婆洿林新興由寧始昌篤進白力等 「柳婆」疑當作 「柳娑」。 「白力」

各本作「白刀」,據唐三藏法師傳改,卽魏書高昌傳之白棘城

二語 多山川樹木 「樹」字上,南史有「少」字。

呈艺 後漢建武末王兪爲莎車王賢所破 「兪」後漢書西域于闐國傳、莎車國傳並作「兪林」。

子 以其弟君得爲于闐王 「君得」後漢書西域于闐國傳作「位侍」。

其大姓 有苻氏姜氏 「苻」各本皆譌「符」,據南史改正。 按:「姜氏」下,南史有「梁氏」。

遣使獻烏 貂裘 「鳥」南史作「馬」。

梁書卷五十五

列傳第四十九

豫章王綜 武陵王紀 臨賀王正德 河東王譽

將,兼護軍將軍,又遷安前將軍、丹陽尹。十六年,復爲北中郎將、南徐州刺史。普通二年, 州諸軍事、雲麾將軍、郢州刺史。十三年,遷安右將軍、領石頭戍軍事。十五年,遷西中郎 節、都督南徐州諸軍事、仁威將軍、南徐州刺史,尋進號北中郎將。 豫章王綜字世謙,高祖第二子也。天監三年,封豫章郡王,邑二千戶。 。十年,遷都督郢司霍三 五年,出為使持

望,遂陳疑似之說,故綜懷之。旣長,有才學,善屬文。高祖御諸子以禮,朝見不甚數,綜恒 怨不見知。 初,其母吳淑媛自齊東昏宮得幸於高祖,七月而生綜,宮中多疑之者,及淑媛寵衰怨 每出藩,淑媛恒隨之鎭。至年十五六,尙躶袒嬉戲於前,晝夜無別,內外咸有穢

入爲侍中、鎭右將軍,置佐史。

列傅

第

然 至,輒忿恚形 於顏 猶 試 (之;幷殺一男,取其骨試之,皆有驗,自此常懷異志。 (無以自信;聞俗說以生者血瀝死者骨,滲,卽爲父子。 在徐州, 政刑酷暴。 色,羣臣莫敢言者。 又有勇力, 手制奔馬。 恒於別室祠齊氏七廟,又微服至曲阿拜齊明帝陵。 常微行夜出,無有期度。 綜乃私發齊東昏墓,出骨,瀝臂 每高祖有敕疏

六年 高祖 部。 爵 |寅 五. 延 在魏 明 十匹,羊五 土,絕屬籍 以連 聞 四 魏 魏將元法僧以彭城降,高祖 齊 據長安反,綜自洛陽北遁,將赴之,爲津吏所執,魏 年 以 ,出爲使持節、都督南兗兗徐靑冀五州諸軍事、平北將軍、南兗州刺史,給鼓吹一 兵旣久,慮有釁生,敕綜退軍。 建安王 爲侍中、太尉、高平公、丹陽王,邑七千戶,錢三百萬,布絹三千匹, ,改其姓爲悖氏。 百口,奴婢一百人。 蕭寶寅在魏,遂使人入北與之相知 俄有詔 綜乃改名纘,字德文,追爲齊東昏服斬衰。 乃令綜都督衆軍,鎭于彭城,與魏將安豐王元延明相持。 復之, 綜懼南歸則無因復與寶寅相 封其子直 ,謂爲叔父,許舉鎭 爲永新侯 人殺之,時年 邑千戶。 見, **於歸之。** ·四 十 乃與數騎夜奔于 九。 大通二年,蕭 於是有司 雜彩千匹,馬 會大舉北伐, 奏削

初 ,綜旣不得 志 一,嘗 作聽鐘鳴、悲落葉辭,以申其志。 大 (略曰:

聽 鐘 鳴 當 知 在 一帝城。 參差定難數,歷亂百愁生。 去聲懸窈窕,來響急徘徊。

憐傳漏子,辛苦建章臺。

聽鐘 鳴,聽聽非一所。 懷瑾握瑜空擲去,攀松折桂誰相許。 昔朋舊愛各東西,譬

如落葉不更齊。漂漂孤雁何所栖,依依別鶴夜半啼。

聽鐘鳴,聽此何窮極。 二十有餘年,淹留在京域。 窺明鏡,罷容色, 雲悲海思徒

揜抑。

其悲落葉云:

悲落葉,連翩下重疊。落且飛,從橫去不歸。

悲落葉,落葉悲,人生譬如此,零落不可持。

悲落葉,落葉何時還。夙昔共根本,[l]無復一相關。

當時見者莫不悲之。

軍事。 出爲會稽太守,尋以其郡爲東揚州,仍爲刺史,加使持節、東中郎將。 三年,封爲武陵郡王,邑二千戶。歷位寧遠將軍、琅邪彭城二郡太守、輕車將軍、丹陽尹。 武陵王紀字世詢,高祖第八子也。少勤學,有文才,屬辭不好輕華,甚有骨氣。 出爲宣惠將軍、江州刺史。 徵爲使持節、宣惠將軍、都督揚南徐二州諸軍事、揚州刺 徵爲侍中, 領石頭戍 天監十

列

傅

第

四十九

武陵王紀

史。 尋改 授持節 、都督昼梁等十三州諸軍事、安西將軍、益州刺史,加鼓吹一部。

年,授散騎常侍、征西大將軍、開府儀同三司。

太守永 待 以 圓 野 為 照 文爲『一 屬 又謂 意焉。 貮 爲 初 豐侯撝爲征西大將軍、益州刺史,封秦郡王。 、皇太子,圓正爲西陽王,圓滿竟陵王,圓普南譙王,圓肅宜 ,天監中,震太陽門,成字曰「紹宗梁位唯武王」,解者以爲武王者,武陵王也,於是朝 於己,皆殺之。 所親曰:「昔桓玄年號 止』,其能久乎。」 及太清中,侯景亂,紀不 永豐侯撝歎曰:「王不觅矣!夫善人、國之基也,今反誅之,不亡何 大亨、識者謂之『二月了』,而玄之敗實在仲春。今年曰天正, 赴援。 高祖崩後,紀乃僭號於蜀。 司馬 王僧略、直兵參軍徐怦並固諫,紀 都王。 改年日天正。 以巴西、梓潼二郡 立子

祖 以 其 擾, 將 命 城降之,迥分軍據守,即趨成都。 幷遣宣猛將軍劉萊共約西赴。 世 護 南 太清 祖 梁州 軍 一憂焉。 將軍 五年夏四月,紀帥軍東下至巴郡, 四以討侯景爲名,將圖荆陝。 刺 陸法和 史譙淹 法 和告急, 於硤口 迴 軍 一赴援。 旬 夾岸築二壘, 日相 五. 繼。 六月,紀築連城,攻絕鐵鏁。[三]世祖復於獄拔謝答仁爲 月 1 日, 丑,紀次于西陵,舳艫翳 世祖 鎭江 西魏將尉遲迥帥衆逼涪水,同 乃拔任約於獄,以爲晉安王 以 斷之。四時陸納未平,蜀 川,旌甲曜 一司馬, 日,軍 潼州 軍復 聞西魏侵蜀,遣 刺 撤禁兵以 容甚盛。 逼, 史楊乾 物 情恇 配 世 運

而

於二方,無諸侯之八百,

身被屬甲,手貫流矢。

俄而

風樹之酷,萬恨始纒,霜露之悲

百

憂繼

獨運

四

聰

坐揮

文武具僚,當有勞

紀

怨恥

既雪,天下

い。 才智

軼,三苗寇擾,天長喪亂

燻醜

馮陵,虔劉象魏,

黍離

王室。

朕枕戈東望,

泣

. Ш

西

浮,殞愛子

步

兵校

配衆一旅,上赴

法和。

世祖與紀書曰:「皇帝敬問假黃鉞太尉武陵王:自九黎侵

如曰不然, 於此投筆

月

紀遣所署

丙戌,

攻侯叡,陷其三壘,於是兩岸十餘城遂俱降。 口,時年四十六。有司奏請絕其屬籍,世祖許之,賜姓饕餮氏。 巴東民苻昇、徐子初等斬紀硤口城主公孫晃,降于衆軍。王琳、宋簉、任約、謝答仁等因進 將軍樊猛獲紀及其第三子圓滿,俱殺之於硤

狀似荷花。 正字「一止」也。棟、紀僭號、各一年而滅。 初,紀將僭號,妖怪非一,其最異者,內寢栢殿柱繞節生花,其莖四十有六,靃靡可愛, 識者曰:「王敦仗花、非佳事也。」紀年號天正、與蕭棟暗合、僉曰天字「二人」也、

魏,有司奏削封爵。 七年,又自魏逃歸,高祖不之過也。 復其封爵,仍除征虜將軍 爲子,及高祖踐極,便希儲貳,後立昭明太子,封正德爲西豐侯,邑五百戶。自此怨望,恒懷 不軌,噼睨宮扆,覬幸災變。一普通六年,以黃門侍郎爲輕車將軍,置佐史。頃之,遂逃奔于 臨賀王正德字公和,臨川靖惠王第三子也。少粗險,不拘禮節。初,高祖未有男,養之

遺正德書曰:「今天子年尊,姦臣亂國,憲章錯謬,政令顚倒,以景觀之,計日必敗。 況大王 千戶,又加左衞將軍。而凶暴日甚,招聚亡命。侯景知其有姦心,乃密令誘說,厚相要結, 中大通四年,爲信武將軍、吳郡太守。 徵爲侍中、撫軍將軍,置佐史,封臨賀郡王,邑二

子,改年爲正平元年,景爲丞相。 書大喜曰:「侯景意暗與我同,此天贊也。」遂許之。及景至江,正德潛運空舫,詐稱迎荻,以 屬當儲貳,中被廢辱,天下義士,竊所痛 濟景焉。 大王豈得 顧 朝廷未 此 私情,棄茲億兆。 知其謀,猶遣正德守朱雀航。 景雖不 臺城沒,復太淸之號,降正德爲大司馬。 武, 心 在景愚忠,能無忿慨。 實思自奮。 景至,正德乃引軍與景俱進, 願王允副蒼 **今四海業業,歸** 生,鑒斯誠款。」正德覽 正德有怨言,景 景推正德為天 心大王,

聞之,慮其爲變,矯詔殺之。

輕車將軍、置佐史。出爲南中郎將、湘州刺史。 東郡王,行己邑二千戶。除寧遠將軍、石頭戍軍事。 河東王譽字重孫,昭明太子第二子也。 普通二年,封枝江縣公。 出爲琅邪、彭城二郡太守。 中大通三年,改封河 還除侍中、

反,譽並不從。 懼,因步道間還,遣諮議周弘直至譽所,督其糧衆。 武城,新除雍州刺史張纘密報世祖曰:「河東起兵,岳陽聚米,共爲不逞,將襲江陵。」世 未幾,侯景寇京邑,譽率軍入援,至青草湖,臺城沒,有詔班師,譽還湘鎭。 世祖大怒,乃遣世子方等征之,反爲譽所敗死。又令信州刺史鮑泉討譽,并 譽曰:「各自軍府,何忽隷人。」前後使三 時世祖軍于 祖甚

列傅

第

四

+

九

臨賀王正

德

河

東

王

礜

辯築土 潰圍 得一見七官,申此讒賊,死亦無恨。」主者曰:「奉命不許。」遂斬之,傳首荆鎭,世祖反其首以 衆心。及被圍旣久,雖外內斷絕,而備守猶固。後世祖又遣領軍將軍王僧辯代鮑泉攻譽,僧 是焚長沙郭邑,驅居民於城內,鮑泉度軍圍之。 勇。 與書陳示禍福,許其遷善。 盡銳攻之,不剋。會已暮,士卒疲弊,泉因出擊,大敗之,斬首三千級,溺死者萬餘人。 欲前. 而 出。 一山以臨城內,日夕苦攻,矢石如雨,城中將士死傷者太半。 卽前,無所多說。」泉軍于石槨寺,譽帥衆逆擊之,不利而還。 會其麾下將慕容華引僧辯入城, 譽不答,修浚城池,爲拒守之計,謂鮑泉曰:「敗軍之將, 譽顧左右皆散,遂被執。 譽幼而驍勇,兼有膽氣,能撫循士卒,甚得 譽窘急,乃潛裝海船,將 泉進軍于橘洲, 謂守者曰:「勿殺我, 勢豈語 譽於

狗 大如驢,從城而出,不知所在。 初,譽之將敗也,私引鏡照面,不見其頭;又見長人蓋屋,兩手據地瞰其齋;[+] 又見白 譽甚惡之,俄而城陷。

不勤王赴難,申臣子之節,及賊景誅翦,方始起兵,師出無名,成其釁禍。 史臣曰:蕭綜、蕭正德並悖逆猖狂,自致夷滅,宜矣。 太清之寇,蕭紀據庸、蜀之資,遂 嗚呼!身當管、蔡

校勘記

- [1] 夙昔共根本 「夙」各本譌「凡」、據藝文類聚八八改正。
- 太清五年夏四月紀帥軍東下至巴郡 太清只三年,「五年」實即大寶二年,蓋元帝不用大寶紀

年,始終承用太淸年號。張森楷梁書校勘記:「此蓋承元帝世紀事之文而未及刊削。」

五月日西魏將 尉遲迥帥衆逼涪水 「五月日」不成文理,當有脫衍。 通鑑繫此事於元帝承聖二

年五月甲戌。

鎭江 以斷之 「鎭」疑「鎖」字之譌。 南史:「元帝命護軍將軍陸法和立二城於峽口, 名七勝城,

鎖江 紀築連城攻絕鐵鏁 以 、斷峽。」 通鑑:「護軍陸法和築二城於峽口兩岸,運石塡江,鐵鎖斷之。」 「紀」各本作「約」,據南史及通鑑改。

 $\overline{}$

五.

ベン 中大通三年改封河東郡王 「中」字各本脫,據本書武帝紀補。 按:大通無三年。

-叉見長 人蓋屋兩手據地瞰其齋 按:「齋」南史作「臍」,疑作「臍」是。 或原作「齊」,齊與臍通,

後人誤改爲「齋」。

列

傅

第

梁書卷五十六

列傳第五十

侯景

刺史、大行臺,封濮陽郡公。景自是威名遂著。 潰散,懷朔鎮將葛榮因收集之,攻殺吐斤洛周,盡有其衆,謂之「葛賊」。四年, 以選爲北鎭戍兵,稍立功効。 卽委以軍事。 后胡氏臨朝,天柱將軍尒朱榮自晉陽入弒胡氏,幷誅其親屬。 又有柔玄鎭兵吐斤洛周,率其黨與,復寇幽、冀,與脩禮相合,衆十餘萬。 侯景字萬景,朔方人,或云雁門人。少而不羈,見憚鄉里。 會萬賊南逼,榮自討,命景先驅,至河內擊大破之,生擒葛榮,以功擢爲定州 魏孝昌元年,有懷朔鎭兵鮮于脩禮,於定州作亂,攻沒郡縣, 景始以私衆見榮,榮甚奇景, 及長,驍勇有膂力,善騎射。 後脩禮見殺,部下 魏明帝殂,其

頃之,齊神武帝爲魏相,又入洛誅尒朱氏,景復以衆降之,仍爲神武所用。 列 傳 第 Ŧi. + 侯 景 景性殘忍酷

多計,反覆難知,我死後,必不爲汝用。」乃爲書召景。 亞。魏以爲司徒、南道行臺,[1] 擁衆十萬,專制河南。及神武疾篤,謂子澄曰:「侯景狡猾 馭軍嚴整;然破掠所得財寶,皆班賜將士,故咸爲之用,所向多捷。 景知之,慮及於禍,太淸元年,乃遣其 總攬兵權,與神武

臻;飛、惡離心,諸侯所以背叛。 此蓋成敗之所由,古今如畫一者也。 臣 .聞股肱體合,則四海和平;上下猜貳,則封疆幅裂。故周、邵同德,越常之貢來 行臺郎中丁和來上表請降曰:

從,天平及此,有事先出。攻城每陷,野戰必殄。筋力消於鞍甲,忠貞竭於寸心。 此?臣 機運,位階鼎輔。 臣 .所恨義非死所,壯士弗爲,臣不愛命,但恐死之無益 一昔與魏丞相高王並肩勠力,共平災釁,扶危戴主,匡弼社稷。 宜應誓死罄節,仰報時恩,隕首流腸,溘焉罔貳。何言翰墨,一旦論 耳。 中興以後,無役不 乘藉

廣州 殞,將何 未 刺史暴顯、潁州刺史司馬世雲、荆州 周,累信賜召,不顧社稷之安危,惟恐私門之不植。 而 丞 賜 相旣遭疾患,政出子澄。 懼 讒畏戮,拒而不返,遂觀兵汝、潁,擁施周、韓。 澄天性險忌,觸類猜嫉,諂諛迭進,共相搆毀。 而部 刺史郎椿、三 襄州 甘言厚幣,規滅忠梗。 刺史李密、兗州 乃與豫州刺史高成、 刺史邢子 其父若

才、南兗州刺史石長宣、齊州刺史許季良、東豫州刺史丘元征、洛州刺史可朱渾願、「忌

相

陰結 揚 有道,勠力同心,死無二志。惟有青、徐數州,僅須折簡,一驛走來,不勞經略 州 刺史樂恂、北荆州刺史梅季昌、北揚州刺史元神和等,皆河南牧伯, 私圖,剋相影會,秣馬潛戈,待時卽 發。 函谷以東,瑕丘以西,咸願 歸 大州帥長,各 誠 聖 一朝 息肩

之所 陛 下天網宏開,方同書軌,聞茲寸款,惟應霈然 職,易同反掌,附化不難。 且 臣與高氏釁隙已成,臨患賜徵,前已不赴,縱其平復,終無合理。 羣臣顒仰,聽臣而唱。 若齊、宋一平,徐事燕、趙。 黄河以南,臣

1, 和 旣 至,高祖召羣臣廷議,尚書僕射謝舉及百辟等議,皆云納侯景非宜,高祖不從是議而

遣刺 容紹 督 兵於 河 史以 南 宗 司 及 齊神武卒,其子澄嗣,是爲文襄帝。 南 州 圍景於長社,景請 北諸 鎭 刺 之。詔 史羊鴉仁,鴉仁遣長史鄧鴻率兵至汝水,元慶軍又夜遁。於是據懸瓠、項城,求 軍事、大行臺,四番制輒行,如鄧禹故事,給鼓吹一部。 以羊鴉仁爲豫、司二州刺史、移鎭懸瓠、西陽太守羊思建爲殷州刺史、「於」 西魏爲援,西魏遣其五城王元慶等率兵救之,紹宗乃退。景復請 高祖乃下詔封景河南王、四大將軍、使持節、董 齊文襄遣大將軍慕

魏旣 新 喪元 帥 ,景又舉河南內附,齊文襄慮景與西、南合從,方爲己患,乃以書喻景曰:

列

傳

鎭

項

城

命於鴻毛,等節義於熊掌。 盖 聞 !位爲大寶,守之未易,仁誠重任,終之實難。 或殺身成名,或去食存信,比性 。夫然者,舉不失德,動無過事,進不見惡,退無謗言。

忘軀。眷爲國士者,乃立漆身之節;饋以壺飱者,便致扶輪之效。 若然尙不能已,況其 歲寒。司徒自少及長,從微至著,共相成生,非無恩德。旣爵冠通侯,位標上等,門容 重於此乎。 駟馬,室饗萬鍾,財利潤於鄉黨,榮華被於親戚。 意氣相傾,人倫所重,感於知己,義在 先王 |與司徒契闊夷險,孤子相於,偏所眷屬,繾綣衿期,綢繆寤語,義貫終始,情存

移世易,門無强蔭,家有幼孤,猶加璧不遺,分宅相濟,無忘先德,以恤後人。 況聞負杖 懷市虎之疑,乃致投杼之惑耳。 可,不知終久,持此安歸。相推本心,必不應爾。當是不逞之人,曲爲口端之說,〔<〕遂 以狐疑之心,爲首鼠之事。入秦則秦人不容,歸吳則吳人不信。[+]當今相視,未見其 足以自强,勢不足以自保,率烏合之衆,爲累卵之危。西求救於黑泰,南請援於蕭氏, 行歌,便已狼顧犬噬,於名無所成,於義無所取,不蹈忠臣之跡,自陷叛人之地。力不 幸以故舊之義,欲持子孫相託,方爲秦晉之匹,共成劉范之親。假使日往月來,時

比來舉止,事已可見,人相疑誤,想自覺知,合門大小,並付司寇。近者,聊命偏

憑 師,前驅致討,南兗、揚州,應時剋復。 國 靈,龔行天罰,器械精新,士馬强盛。 即欲乘機,長驅懸瓠;屬以炎暑,欲爲後圖。 內外感德,上下齊心,三令五 申,可蹈湯火。 方

若使旗鼓相望,埃塵相接,勢如沃雪,事等注螢。

有如咬 功名。 闕者,當授豫州 決改先迷之路。 夫明者去危就安,智者轉禍爲福。 日。 君門眷屬,可以無恙,寵妻愛子,亦送相還。 刺史。 今刷心盪意,除嫌去惡,想猶致疑,未便見信。 即使終君之世,所部文武更不追攝。 寧使我負人,不使人負我。[於] 當開從善之門, 仍爲通家,卒成親好。 進得保其祿位, 若能卷甲來朝,垂櫜還 所不食言, 退則不喪

垂髮戴白,同之塗炭,聞者酸鼻,見者寒心,矧伊骨肉,能無愧也? 君 旣不能東封函谷,南向稱孤,受制於人,威名頓盡。 **空使兄弟子姪,足首異門,**

遵道此言爲虛爲實;但旣有所聞,不容不相盡告。 日,司徒嘗欲遣書啓,將改過自新,已差李龍仁,垂欲發遣,聞房已遠,遂復停發。 兵將至,遣遵道向崤中參其多少,少則與其同力,多則 孤子今日不應方遣此書,但見蔡遵道云:司徒本無歸西之心,深有悔禍 吉凶之理,想自圖之。 更爲其備。 叉云 房長史在 之意,聞 未知 彼 之 四

景報書曰:

列

斯舛,則君子實重其命。昔微子發狂而去殷,陳平懷智而背楚者,良有以也 蓋聞立身揚名者,義也;在躬所寶者,生也。 苟事當其義,則節士不愛其軀;刑罰

身爲 世。 以,盧潛入軍,未審何故。翼翼小心,常懷戰慄,有靦面目,寧不自疑。及廻師長社,希 威權,閣寺肆詭惑,上下相猜,心腹離貳。僕妻子在宅,無事見圍,段康之謀,莫知所 相爲不取。今魏德雖衰,天命未改,祈恩私第,何足關言。 爵,勞而後受,[li]理不相干,欲求吞炭,何其謬也!然竊人之財,猶謂爲盜,祿去公室, 與,比肩共獎帝室,雖形勢參差,寒暑小異,丞相司徒,雁行而已。福祿官榮,自是天 刻,不忍死亡,出戰城下。禽獸惡死,人倫好生,送地拘秦,非樂爲也。但尊王平昔見 率恃雄,[11]眇然不顧,運戟推鋒,專欲屠滅。 築圍堰水,三板僅存,舉目相看,命懸晷 自陳狀,簡書未達,斧鉞已臨。旣旌旗相對,咫尺不遠,[10]飛書每奏,兼申鄙情,而羣 非義,身名兩滅故耳。何者?往年之暮,尊王遘疾,神不祐善,祈禱莫瘳。遂使嬖幸擅 何爲一旦舉旌斾,援桴鼓,而北面相抗者,何哉。實以畏懼危亡,恐招禍害,捐軀 一國、綿歷二紀、犯危履難、豈避風霜。遂得躬被衰衣、口飱玉食、富貴當年、光榮身 僕鄉曲布衣,本乖藝用。初逢天柱,賜忝帷幄之謀,晚遇永熙,委以干戈之任。出

賜示「不能東封函谷,受制於人」。當似教僕賢祭仲而襃季氏。無主之國,在禮未

聞,動而不法,何以取訓。 竊以分財養幼,事歸令終,捨宅存孤,誰云隙末。

十萬。 四海,掃夷穢以拯黎元,東羈甌越,西通汧、隴。吳、楚剽勁,帶甲千羣;吳兵冀馬,控弦 聖,處危何苦。 無後。日司潁川之戰,即是殷監。 自殞,此而爲弱,誰足稱强 復言僕「衆不足以自强,危如累卵」。然||有億兆夷人,卒降十亂,),傑之百剋,終自 兼僕所部義勇如林,奮義取威,不期而發,大風一振,枯幹必摧,凝霜暫落,秋帶 况今梁道邕熙,招攜以禮,被我虎文,[12]縻之好爵。方欲苑五岳 輕重由人,非鼎在德。 苟能忠信, 雖弱必强。 殷憂啓 而 池

虞,入秦斯霸。 又見誣兩端,受疑二國。 蓋昏明由主,用捨在時,奉禮而行,神其庇也。 斟酌物情,一何至此。 昔陳平背楚,歸漢則王;百里出

其側。 朝,幸自取之,何勞恩賜。然權變不一,理有萬途。爲君計者,莫若割地兩和,三分鼎 引二邦,揚旌北討,熊虎齊奮,口思剋復中原,荆、襄、廣、潁已屬關右,項城、懸瓠亦奉南 峙,自己燕、衞、晉、趙足相奉祿,齊、曹、宋、魯悉歸大梁,使僕得輸力南朝,北敦姻好,束 揚塵,馬首何異。徒知北方之力爭,未識西、南之合從,苟欲徇意於前途,不覺坑穽在 書稱士馬精新,剋日齊舉,誇張形勝,指期盪滅。 若云去危令歸正朔,轉禍以脫網羅,彼旣嗤僕之愚迷,此亦笑君之晦昧。今已 爾以寒飂白露,節候乃同,秋 風

列傳

第五

+

侯景

民安堵。 帛交行,戎車不動。僕立當世之功,君卒祖禰之業,各保疆界,躬享歲時,百姓 孰若驅農夫於隴畝,抗勍敵於三方,避干戈於首尾,當鋒鏑於心腹。 乂寧,四 縦太公

爲將,不能獲存,歸之高明,何以剋濟。

有益,欲止不能,殺之無損,徒復坑戮,家累在君,何關僕也。 何者。昔王陵附漢,母在不歸,太上囚楚,乞羹自若,矧伊妻子,而可介意。脫謂誅之 復尋來書云,僕妻子悉拘司寇。以之見要,庶其可反。當是見疑編心,未識大趣。

書,知何 惠報旨。 而 遵道所傳,頗亦非謬;但在縲紲,恐不備盡,故重陳辭,更論款曲。 所望良圖,時 能 然昔與盟主,事等琴瑟,讒人間之,翻爲讎敵。撫弦搦矢,不覺傷懷,裂帛還 述。

闕 卽 「偽位,乘輿副御以資給之。 獻策,求諸元子弟立爲魏主,輔以北伐,許之。詔遣太子舍人元貞爲咸陽王,須渡江,許 十二月,景率軍圍譙城不下,退攻城父,拔之。 又遣其行臺左丞王偉、左民郎中王則詣

於渦 與腹心數騎自峽石濟淮,稍收散卒,得馬步八百人,奔壽春,監州韋黯納之。 北。 齊文襄又遣慕容紹宗追景,景退入渦陽,馬尚有數千匹,甲卒數萬人,車萬餘兩,相持 景軍食盡,士卒並北人,不樂南渡,其將暴顯等各率所部降於紹宗。 景啓求貶削, 景軍潰散,乃

優詔不許,仍以爲豫州牧,本官如故。

東冶 戎 配 服 將 詩 卒。 鍛 景 工,欲 旣 送青布以給之。 叉啓求 據 壽春 更營造,敕 錦萬匹,爲軍 ,遂懷反 並給之。 景得布 叛,屬 人袍,領軍 城居民, 悉 景自 用爲 渦 悉召募為軍士, 輒停責市估及田租 陽敗 袍衫,因 朱异議,以御 後, 多所徵求 尚 青 府錦 色。 署 朝 叉以臺 止充 廷含弘,未嘗 預賞遠近,不容以 所給仗, 万百 多不 拒 絕 姓子 能 精 女悉 供 邊 城 以

要結 禮 詔 遜。 好。 爲 合 何 下, 正 先是, 州 西 鄱 二年二 能 刺 陽 道 德 爲 都 史 王 許 役 豫州 月,高 督, 鄱 範 心並 爲 陽 鎭 通直散 內啓。 刺 合肥, 王 | 抑不 祖 史貞陽侯 範 叉 爲 與魏 騎常侍裴之高 奏聞 八月,景遂 及司 南 道都督 而 連 州 淵 和。 刺 明 逾 督衆 史羊鴉仁俱累 發 加 景聞之懼,馳啓 浜反. 賞 爲 軍 賜 北徐州 東道 重 攻馬頭 所 彭城, 都督 以 刺 姦謀 水路稱景 史封 兵敗沒于魏, 、木棚、執 同計景, 固諫,高 益果。 Щ 有 侯 異志, 正表 太守 叉知 祖 濟自 不 至是, 爲 劉 臨賀 從。 領 1歷陽 北 神 軍 道 朱异 茂、戍主 王 爾 ; 遣使還述魏 都督, 後表 正 又令開府儀 一德怨 日 「美侯景 疏 曹 司 望朝 跋 璆等。 州 扈 人請 刺 同 廷 數 史柳仲 百 密 追 辭 於 司 是 令 前 叛 不

丹陽尹、邵陵王編持節,董督衆軍。

之。 執 十 刺刺 · 月 史豐 景 留 城 其 侯 中軍 泰。 王顯貴 高祖聞之,遣太子家令王質率兵三千巡江遏防。 (守壽 春城 700 出 軍 偽 向 合肥, 逐襲 譙州, 助防董紹 景進攻歷陽,歷陽 先 開 城降

列

傅

第

Ŧi.

+

侯

覘之。 稱載 慈湖。 乃自采石濟,馬數百匹,兵千人,京師不之覺。景卽分襲姑孰 焉;南浦侯推守康府城,西豐公大春守石頭城,輕車長史謝禧守白下。 太守莊鐵遣弟均率 荻,實裝濟景。 謂使者曰:「質若審退,可折江東樹枝爲驗。」覘人如言而返,景大喜曰:「吾事辦矣。」 於是韶以揚州刺史宣城王大器爲都督城內諸軍事,都官尚書羊侃爲軍師將軍以副 數百人夜斫景營,不克,均戰沒,鐵叉降之。 景至京口,將渡,慮王質爲梗,俄而質無故退,景聞之尚未信也,乃密遣 ,執淮南太守文成侯寧,遂至 蕭正 |德先遣大船數十艘,僞

屯航 東掖 朱异、太子右衞率陸驗、兼少府卿徐驎、制局監周石珍等。 炬 公大春棄石頭城走,景遣其儀同于子悅據之。謝禧亦棄白下城走。景於是百道攻城,持火 授王質,配精兵三千,使援庾信。これ。質至領軍府,與賊遇,未陣便奔走,景乘勝至闕下。西豐 燒大司馬、東西華諸門。城中倉卒,未有其備,乃鑿門樓,下水沃火,久之方滅。 賊又斫 石擲之,所值皆碎破。 ,門將開,羊侃鑿門扇,刺殺數人,賊乃退。 又登東宮牆,射城內,至夜,太宗募人出燒東 北,見景至航,命徹航,始除一舶,遂棄軍走南塘,遊軍復閉航渡景。 旣 而景至朱雀航,蕭正德先屯丹陽郡,至是,率所部與景合。 [臺殿 遂盡。 景又燒城西馬厩、士林館、太府寺。明日,景又作木驢數百攻城,城上 景苦攻不剋,傷損甚多,乃止攻,築長圍以絕內外,啓求誅中領軍 城內亦射賞格出外:「有能斬景 建康令庾信率兵千餘人 皇太子以所乘馬

首,授以景位,幷錢一億萬,布絹各萬匹,女樂二部。」

十一月,景立蕭正德爲帝,卽僞位於儀賢堂,改年曰正平。 初,童謠有「正平」之言,故

立號以應之。 景又攻東府城,設百尺樓車,鉤城堞盡落,城遂陷。 景自爲相國、天柱將軍,正德以女妻之。 景使其儀同盧暉略率數千人,持長

刀夾城門,悉驅城內文武躶身而出,賊交兵殺之,死者二千餘人。 南浦侯推是日遇害。 |景

使正德子見理、儀同盧暉略守東府城。

之,旬日之間,衆至數萬。 乃縱兵殺掠,交屍塞路,富室豪家,恣意裒剝,子女妻妾,悉入軍營。 至,便望克定京師,號令甚明,不犯百姓;旣攻城不下,人心離阻,又恐援軍總集,衆 晝夜不 景又於城東西各起一土山以臨城內,城內亦作兩山以應之,王公以下皆負土。 息,亂加毆棰,疲羸者因殺之以塡山,號哭之聲,響動天地。 百姓不敢藏隱,並出從 及築土山,不 限貴賤, 必潰散, 初,景

論擊大破之,斬首千餘級。 尹思合等,馬步三萬,發自京口,直據鍾山。 大成、「一一」永安侯確、超武將軍南安鄉侯駿、前譙州刺史趙伯超、武州刺史蕭弄璋、步 景儀同范桃棒密遣使送款乞降, 旦日、景復陳兵覆舟山北、綸亦列陣以待之。 會事泄見殺。 景黨大駭,具船舟咸欲逃散,分遣萬餘 至是, 邵陵王編率西豐公大春、新淦 景不進,相持。 人距綸, 兵校尉 會

列傳第

五

+

侯景

徇之,逼云「已擒邵陵王」。儁獨云「王小小失利,已全軍還京口,城中但堅守,援軍尋至」。賊 俘千餘人,獲西豐公大春、綸司馬莊丘惠達、「三」直閣將軍胡子約、廣陵令霍儁等,來送城下 駿急,不赴,乃率軍前走,衆軍因亂,遂敗績。 日 ,景引軍還,南安侯駿率數十騎挑之,景迴軍與戰,駿退。 **倫奔京口**。 賊盡獲輜重器甲,斬首數百級,生 時趙伯超陳於玄武湖北,見

以刀毆之,儁言辭顏色如舊,景義而釋之。 景分軍屯南岸。

街並爲洪波矣。又燒南岸民居營寺,莫不咸盡。 具,還入于栅。材官將軍宋嶷降賊,因爲立計,引玄武湖水灌臺城,城外水起數尺, 闕前御 火,悉焚其攻具,贼乃退。又築土山以逼城,城內作地道以引其土山,贼又不能立,焚其攻 至二十輪,陳於闕前,百道攻城並用焉。以火車焚城東南隅大樓,賊因 十二月,景造諸攻具及飛樓、橦車、登城車、鉤堞車、階道車、火車,回三並高數丈,一車 是日,鄱陽世子嗣、裴之高至後渚,結營于蔡洲。 火勢以攻城,城 上縱

粲 營壘未合,先渡兵擊之。 粲 拒戰敗績,景斬燦首徇于城下。 屯丹陽郡,鄱陽世子嗣營小航南,並緣淮造栅。及曉,景方覺,乃登禪靈寺門樓望之,見韋 世子嗣、裴之高又濟江。 仲禮營朱雀航南,裴之高營南苑,草粲營青塘,陳文徹、李孝欽 州 刺史柳仲禮、衡州刺史韋粲、南陵太守陳文徹、宣猛將軍李孝欽等、皆來赴援。 柳仲禮聞粲敗,不遑貫甲,與

數十騎馳赴之, 遇賊交戰,斬首數百,投水死者千餘人。 仲禮深入, 馬陷泥, 亦被重創。 自

是賊不敢濟岸。

栅,破之,遂結營于靑溪水東。 盡,至是米斛數十萬,人相食者十五六。 馬吳曄、天門太守樊文皎下赴京師,營于湘子岸前,高州刺史李遷仕、前司州刺 率兵繼至。 邵 陵王 旣而 綸 與臨城公大連等自東道集于南岸,江三荆州刺史湘東王繹遣世子方等、 鄱陽世子嗣、永安侯確 景遣其儀同宋子仙頓南平王第,緣水西立栅相 、羊鴉仁、李遷仕、樊文皎率衆渡淮,攻賊東府城前 拒。 史羊鴉仁又 景食稍 兼司

咸止。 持,已月餘日,城 初,援兵至北岸,百姓扶老攜幼以候王師,纔得過准,便競剝掠,賊黨有欲自拔者,聞之 賊之始至,城中纔得固守,平蕩之事,期望援軍,旣而四方雲合,衆號百萬,連營相 中疾疫,死者太半。

城王嫡嗣之重,不容許之。乃請石城公大款出送,詔許焉。 出 射王克、兼侍中上甲鄉侯韶、兼散騎常侍蕭瑳與于子悅、王偉等,登壇共盟。 大器出送、然後解圍濟江、仍許遣其儀同于子悅、左丞王偉入城爲質。 西華門下,景出其棚門,與津遙相對,刑牲歃血。 景自歲首以來乞和,朝廷未之許,至是事急乃聽焉。 請割江右四 遂於西華門外設壇, 州之地,并求宣 中領軍傅岐議,以宣 左衛將軍柳津 遣尙 書僕 城

壽春、鍾離,即以奉還朝廷。」 並召之。景又啓云:「西岸信至,高澄已得壽春、鍾離,便無處安足,權借廣陵、譙州,須征得 「永安侯、趙威方頻隔栅見詬臣,云『天子自與汝盟,我終當逐汝。』乞召入城,卽當進發」。敕 南兗州 景慮北軍自白下而上,斷其江路,請悉勒聚南岸,敕乃遣北軍進江潭苑。 刺史南康嗣王會理、前青冀二州刺史湘潭侯退、西昌侯世子彧率衆三萬、至于 景啓稱

者。景謀臣王偉又說曰:「王以人臣舉兵背叛,圍守宮闕,已盈十旬,逼辱妃主,凌穢宗廟, 景然其言,故請和。後知援軍號令不一,終無勤王之効,又聞城中死疾轉多,必當有應之 今日持此,何處容身,願王且觀其變。」景然之,乃抗表曰: 不支一月,運漕路絕,野無所掠,嬰兒掌上,信在於今。未若乞和,全師而返,此計之上者。」 初,彭城劉邈說景曰:「大將軍頓兵已久,攻城不拔,今援衆雲集,未易而破;如聞軍糧

治道。刊正周、孔之遺文,訓釋眞如之祕奧。享年長久,本枝盤石。人君藝業,莫之與 能西取華陵,北封淮、泗,結好高氏,輶軒相屬,疆場無虞,十有餘載。 能默已者也。竊惟陛下睿智在躬,多才多藝。昔因世季,龍翔漢、沔,夷凶剪亂,克雪 家怨,然後踵武前王,光宅江表,憲章文、武,祖述堯、舜。兼屬魏國凌遲,外無勍敵,故 臣聞「書不盡言,言不盡意。」然則意非言不宣,言非筆不盡,臣所以含憤蓄積,不 躬覽萬機,劬勞

京。 臣所以踊躍一隅,望南風而歎息也。 **豈圖名與實爽,聞見不同。** 臣自委質策名,

前後事跡,從來表奏,已具之矣。不勝憤懣,復爲陛下陳之:

義若此者哉。其失一也。 鼓,侵逼彭、宋。夫敵國相伐,聞喪則止,匹夫之交,託孤寄命,豈有萬乘之主,見利忘 納臣一介之服,貪臣汝、潁之地,便絕好河北,檄詈高澄,聘使未歸,陷之虎口,揚兵擊 陛下與高氏通和,歲踰一紀,舟車往復,相望道路,必將分災卹患,同休等戚;寧可

甲。疾雷不及掩耳,散地不可固全,使臣狼狽失據,妻子爲戮,斯實陛下負臣之深。其 帛、此實生平之志也。而陛下欲分其功,不能賜任,使臣擊河北、欲自舉除方、遣庸懦 內,陛下朝服濟江,告成東岳,使大梁與軒黃等盛,臣與伊、呂比功,垂裕後昆,流名竹 車服弓矢。臣受命不辭,實思報效。方欲挂旆嵩、華,懸旌冀、趙,劉夷蕩滌,一匡宇 之貞陽,任驕貪之胡、趙,裁見旗鼓,鳥散魚潰,慕容紹宗乘勝席卷,渦陽諸鎭靡不棄 臣與高澄,旣有仇憾,義不同國,歸身有道。陛下授以上將,任以專征,歌鍾女樂,

旣而逃遁,邊境獲寧,令臣作牧此州,以爲蕃捍。方欲收合餘燼,勞來安集,勵兵秣馬, 韋黯之守壽陽,衆無一旅,慕容凶銳,欲飲馬長江,非臣退保淮南,其勢未之可測;

列

傳

第 五.

通和 剋申後 1戰,封韓山之屍,雪渦陽之恥。 臣 頻陳執,疑閉不聽。 飜覆若此,童子猶且羞之, 況在人君, 二三其德。 陛下喪其精魄,無復守氣,便信貞陽謬啓,復請 其失

法,當如是哉? 實宜絕其屬籍,以釁征鼓。 萬,器械山積,慕容輕兵,衆無百乘,不能拒抗,身受囚執。以帝之猶子,而面縛敵庭, 夫畏懦逗留,軍有常法。 其失四也。 陛下曾無追責,憐其苟存,欲以微臣,規相貿易。 子玉小敗,見誅於楚,王恢失律,受戮于漢。 貞陽精甲數 人君之

曾無嫌責,使還居北司。 懸瓠 大藩,古稱汝、潁。 鴉仁棄之,旣不爲罪,臣得之不以爲功。 臣舉州內附,羊鴉仁固不肯入,旣入之後,無故棄之,陛下 其失五 也。

所徴驗? 廷,掩惡揚善。 臣渦陽退衂,非戰之罪,實由陛下君臣相與見誤。 誣陷頓爾,陛下曾無辯究,默而信納。 鴉仁自知棄州,切齒歎恨,內懷慚懼,遂啓臣欲反。 豈有誣人莫大之罪, 而可並肩事主者 乃還壽春, 曾無悔色, 欲反當有形迹,何 祗奉朝

半?其失六也。

貴。 趙伯 行貨權幸,徼買聲名,朱异之徒,積受金貝,遂使咸稱胡、趙,比昔關、張,誣掩天 超拔 自無能,任居方伯,惟 漁獵百姓,多蓄士馬,非欲爲國立功,直是自

聽 其 此 ,謂爲眞實。 一罪,應誅九族,而納賄中人,還處州任。 韓山之役,女妓自隨,裁聞敵鼓,與妾俱逝,不待貞陽,故隻輪莫返。 伯超無罪,臣功何論。賞罰無章,何以爲 論

國。其失七也。

戍在 處臣 一如此,使何地自安。 一彼,憚臣檢制,遂無故遁歸,又啓臣欲反。 臣御下素嚴,無所侵物,關市征稅,咸悉停原,壽陽之民,頗懷優復。 。其失八也。 陛下不責違命離局,方受其浸潤之譖。 裴之悌等助

穀帛,皆明言求貨,非令不行。日回境外虛實,定計於舍人之省,舉將出師,責奏於主者 道,罄竭忠規,每有陳奏,恒被抑遏。朱异專斷軍旅,周石珍總尸兵仗,陸驗、徐驎 之命。臣無賄於中,故恒被抑折。其失九也。 臣雖才謝古人,實頗更事,撫民率衆,自幼至長,少來運動,多無遺策。 及歸身有 典司

命,必加彈射,或聲言臣反,或啓臣纖介。 鄱陽之鎭合肥,與臣鄰接,臣推以皇枝,每相祗敬,而嗣王庸怯,虛見備御,臣有使 招攜當須以禮,忠烈何以堪於此哉。

其餘條目,不可具陳。 進退惟谷,頻有表疏。 **重華純孝,猶逃凶父之杖,趙盾忠賢,不討殺君之賊。臣何親何罪,而能坐受** 言直辭强,有忤龍鱗,遂發嚴詔,便 十也。

列

傳

第

Ŧi.

殲夷 豈容遵彼覆車,而快陛下佞臣之手。 文石,口陳枉直,指畫臧否,誅君側之惡臣,清國朝之粃政,然後還守藩翰,以保忠節, 韓信 雄桀,亡項霸漢,末爲女子所烹,方悔蒯通之說。 是以興晉陽之甲,亂長江 而 臣每覽書傳,心常笑之。 直濟,願得升赤墀,踐

北 栅壘未立,為景將宋子仙所襲,敗績,赴淮死者數千人。 三月朔旦,城內以景違盟,舉烽鼓譟,於是羊鴉仁、柳敬禮、鄱陽世子嗣進軍於東府城 賊送首級於闕 下。

實臣之至願也。

決石 送永福省, 撤二宮侍衞。 焚之,宛轉火中,久而方絕。 已死而未斂,或將死而未絕,景悉聚而燒之,臭氣聞十餘里。 督、督中外諸軍事、錄尙書,其侍中、使持節、大丞相、王如故。 ·闕前水,百道·攻城,晝夜不息,城遂陷。 景又遣于子悦至,更請和。 。使王偉守武德殿,于子悅屯太極東堂,矯詔大赦天下,自爲大都 於是援兵並散。 遺御史中丞沈浚至景所、景無去意、浚固責之。 於是悉鹵掠乘輿服玩、後宮嬪妾,收王侯朝 尚書外兵郎鮑正疾篤,賊曳出 初,城 中積屍不暇埋瘞,又有 景大怒,即 土

任。」降蕭正德爲侍中、大司馬,百官皆復其職 景矯詔曰:「日者,姦臣擅命,幾危社稷,賴丞相英發, 入輔朕躬, 征鎭牧守可各復本

景遣董紹先率兵襲廣陵, 南兗州刺史南康嗣王會理以城降之。 景以紹先為南兗州

刺史。

以淮陰應景,祗等力不能制,並奔于魏。景以蕭弄璋爲北兗州刺 初, 北兗州 刺史定襄侯祗與湘潭侯退,及前潼州刺史郭鳳同起兵,將赴援, 史,州民發兵拒之,景遣廂 至是,鳳謀

公丘子英、直閤將軍羊海率衆赴援,海斬子英,率其軍降于魏,魏遂據其淮陰。 景又遣儀同于子悅、張大黑率兵入吳,吳郡太守袁君正迎降。 子悅等旣至,破掠吳中,

)自調發,逼掠子女,毒虐百姓,吳人莫不怨憤,於是各立城栅拒守。

是月,景移屯西州,遣儀同任約為南道行臺,鎭姑孰

在? 謂 物 聞,多所譴却。 公, 使人自慴, 豈非天威難犯。吾不可再見之。」高祖雖外跡已屈, 而意猶忿憤, 時有 曰:「卿在戎日久,無乃爲勞。」景默然。又問:「卿何州人,而敢至此乎。」景又不能對,從者代 ·人?」對曰:「丞相。」高祖乃謬曰:「何物丞相?」 對曰:「是侯丞相。」 高祖怒曰:「是名景,何 |丞相!|是後,每所徵求,多不稱旨,至於御膳亦被裁抑,遂憂憤感疾而崩。 卿可召來。」時高祖坐文德殿,景乃入朝,以甲士五百人自衞,帶劍升 及出,謂廂公王僧貴曰:「吾常據鞍對敵,矢刃交下,而意氣安緩,了無怖心。 五月,高祖崩于文德殿。初,臺城旣陷, 景深敬憚,亦不敢逼。景遣軍人直殿省內,高祖 景先遣王偉、陳慶入謁高祖,高祖曰:「 問制局監周石珍曰:「是何 殿。 拜訖,高祖問 今日見蕭 景今安 事奏

列

景乃密不 發喪,權殯于昭陽殿,自外文武咸莫知之。二十餘日,升梓宮於太極前殿,迎

皇太子卽皇帝位。 於是矯詔赦北人爲奴婢者,冀收其力用焉。

叉 遣 展同來亮率兵攻宣城, 宣城內史楊華誘亮斬之, 景復遣其將李賢明討華, | | | | |

郡降。

景遣儀同宋子仙等率衆東次錢塘,新城戍主戴僧易據縣拒之。三三

是月、景遣中軍侯子鑒入吳軍、收于子悅、張大黑還京誅 之。

時東揚州 刺史臨城公大連據州,吳興太守張嵊據郡, 自南陵以上, 皆各據守。 景制命

所行,惟吳郡以西,南陵以北而已。

六月,景以 儀同郭元建爲尚書僕射、北道行臺、總江北諸軍事,鎮新秦。

郡人陸緝、戴文舉等起兵萬餘人,殺景太守蘇單于,推前淮南太守文成侯寧爲主,以拒

景。 宋子仙聞 而擊之,緝等棄城走。 景乃分吳郡海鹽、胥浦二縣爲武原郡。

至是,景殺蕭正德於永 福省。 封元羅爲西秦王,元景龍爲陳留王,行己諸元子弟封王者 事。

十餘人。 以柳 敬禮為 使持節、大都督、隷大丞相、參戎

景遣其中軍侯子鑒監行臺劉神茂等軍東討,破吳興,執太守張嵊父子送京師, 景並

景以宋子仙為司徒,任約為領軍將軍, **尒朱季伯、叱羅子通、彭儁** 、董紹先、張化仁、于

慶、魯伯和、紇奚斤、史安和 、時靈護、劉歸義,並爲開府儀同三司

是月,鄱陽嗣王範率兵次栅口 , 江州刺史尋陽王大心要之西上。 景出頓姑孰, 範將裴

之悌、夏侯威生以衆降景。

十一月,宋子仙攻錢塘,戴僧易降。 景以錢塘爲臨江郡,富陽爲富春郡。 以王偉、元羅

並爲儀同三司。

十二月、宋子仙、趙伯超、劉神茂進攻會稽、東揚州刺史臨城公大連棄城走、遣劉神茂

追擒之。 景以裴之悌爲使持節、平西將軍、合州刺史,以夏侯威生爲使持節、平北將軍、南

豫州刺史。

是月,百濟使至,見城邑丘墟,於端門外號泣,行路見者莫不灑淚。 景聞之大怒,送小

莊嚴寺禁止,不聽出入。

大寶元年正 月,景矯詔自加班劍四十人, 給前後部羽葆鼓吹,置左右長史、從事中郎

四人。

援, 馳檄遠近, 前 江都令祖皓起兵於廣陵,斬景刺史董紹先,推前太子舍人蕭勔 將以 討景。 景聞之大懼,卽日率侯子鑒等出自京口 水陸並集。 爲刺 史,又結魏 皓嬰城拒 人為

守,景攻城,陷之。 景車裂皓以徇,城中無少長皆斬之。 以侯子鑒監南兗州事

是月,景召宋子仙還京口。

四月、景以元思虔為東道行臺、鎭錢塘。 以侯子鑒爲南兗州刺史。

文成侯寧於吳西鄉起兵,旬日之間,衆至一萬,率以西上。 景廂公孟振、侯子榮擊破

之,斬寧,傳首於景。

七月、景以秦郡爲西兗州、陽平郡爲北兗州。

任約、盧暉略攻晉熙郡、殺鄱陽世子嗣。

景以王偉爲中書監。

任約進軍襲江州,江州刺史尋陽王大心降之。 世祖時聞江州失守,遣衛軍將軍徐文盛

率衆軍下武昌, 拒約。

景又矯詔自進位爲相國,封泰山等二十郡爲漢王,入朝不趨,讚拜不名,劍履上殿,如

蕭何故事。

景以 柳敬禮爲護軍將軍,姜詢義爲相國左長史,徐洪爲左司馬,陸約爲右長史,沈衆爲

右司馬。

是月,景率舟師上皖口。

月,盜殺武林侯諮於廣莫門。 | 諮常出入太宗臥內、景黨不能平,故害之。

叶暉 黎,冀康禹 豹 扈, 鑣; 栖咸、洛。 逮幽、厲不競,戎馬生郊、惠、懷失御、胡塵犯蹕。 河、洛,封禪岱宗。 當 奉圖乞援,關 凶 行,奉茲 親,空勞冠 展 殞 應 虔劉 來庭入 期 斃,弟 ,則八紘共輳,負圖正位,則九域同歸。 景 剖 又矯詔曰:「蓋懸象在天, 風 廟 析 魏 蓋。 算,克除 雲 自晉鼎東遷,多歷年代,周原不復,歲實永久。雖宋祖經略,中息遠圖,齊號和 跡。 洋繼逆,續 六韜,錙 邦、扇動華夷、不供王職、遂乃狼顧北侵、馬首南向。 ,觀,等塗山而 一會節。 河 我大梁膺符作帝,出震登皇。 且 百 一夫車服以庸,名因事著。 姓,泣血 獯 蛛四履。 奔走四夷,來朝萬國。逖聽虞、夏,厥道彌新。 相國漢王,上德英姿,蓋惟天授;雄謨勇略,出自懷抱。 長 醜。 比轍。 請 直以鼎湖 騰 師 成人 異彼 文豹變,鳳集虬翔,奮翼來儀,負圖而降。 玄龜出洛, 白雉 四時取則於辰斗,羣生育地,萬物仰照於大明。 願 洋音, 上征,六龍晏駕,干戈暫止,九伐未 承奉 司 國 周師克殿,鷹揚創自尚父, 故乃雲名水號之君,龍官人爵之后,莫不啓符 | 茲荐食、[三]偷! 靈, 浹寓歸仁、綿區飮化。 歸豐。 思観王化。 遂使豺狼肆毒,侵穴伊、廛, 獫狁孔熾, 巢 鳥塞同文, 竊偽號, 朕 以寡昧, 纂戎下 値 !天厭昏偽,醜徒數盡,龍 胡天共軌。 爱及商、周,未之或改。 心 開疆闢土,跨瀚海以揚 漢征戎狄, 申。 希 舉斧。 爱初 珠 而 魚表應, 辰昴 惡 秉律,實先啓 不謂高澄跋 武,庶 稔 豐水君臣, 明友實始 是以 貫盈,元 拯堯 垂拱

列

度遼。

可加字

宙

况乃神規叡算,眇乎難測,大功懋績,事絕言象,安可以習彼常名,保茲守固。 大將軍、都督六合諸軍事,餘悉如故。」以詔文呈太宗,太宗驚曰:「將軍乃有宇宙 相國

之號乎」

齊遣其將辛術圍陽平,景行臺郭元建率兵赴援,術退。

徐文盛 |入貝磯, 「三」任約率水軍逆戰, 文盛大破之, 仍進軍大舉口。

時景屯於皖口 京師虛弱, 南康王會理及北兗州司馬成欽等將襲之。 建安侯費知其

謀,以告景,景遣收會理與其弟祈陽侯通理、柳敬禮、成欽等,並害之。

十二月,景矯詔封賁爲竟陵王,賞發南康之謀也。

是月,張彪起義於會稽,攻破上虞,景太守蔡臺樂討之,不能禁。 至是、彪叉破諸暨、永

興等諸縣,景遣儀同田遷、趙伯超、謝答仁等東伐彪。

二年正月,彪遣別將寇錢塘、富春,田遷進軍與戰,破之。

司空,于慶爲太子太師,時靈護爲太子太保,紇奚斤爲太子太傅,王偉爲尚書左僕射, 景以王克爲太師,宋子仙爲太保,元羅爲太傅,郭元建爲太尉,張化仁爲司 徒, 任約為

世爲尚書右僕射。

北兗州刺史蕭邕謀降魏,事泄,景誅之。

無備,兵少,又遣宋子仙率輕騎三百襲陷之,執刺史方諸、行事鮑泉,盡獲武昌軍人家口 月、景自率衆二萬、西上援約。 是月,世祖遣巴州刺史王珣等率衆下武昌助徐文盛。 。四月,景次西陽,徐文盛率水軍邀戰,大破之。 任約以西臺益兵,告急於景。 景訪知郢州

徐文盛等聞之,大潰,奔歸江陵,景乘勝西上。

戰,大破之,生擒約。景聞之,夜遁。以丁和爲郢州刺史,留宋子仙、時靈護等助和守,以張 化仁、閻洪慶守魯山城、三三景還京師。 救巴陵,景聞,遺任約以精卒數千逆擊僧祐,僧祐與居士陸法和退據赤亭以待之,約至與 長圍,築土山,晝夜攻擊,不克。軍中疾疫,死傷太半。世祖遣平北將軍胡僧祐率兵二千人 初,世祖遣領軍王僧辯率衆東下代徐文盛,軍次巴陵,會景至,僧辯因堅壁拒之。 王僧辯乃率衆東下,次漢口,攻魯山及郢城,皆陷

自是衆軍所至皆捷。

固」,歔欷嗚咽,不能自止。是日,景迎豫章王楝卽皇帝位,升太極前殿,大赦天下,改元爲 天正元年。 景乃廢太宗,幽於永福省。 有回風自永福省,吹其文物皆倒折,見者莫不驚駭。 作詔草成,逼太宗寫之,至「先皇念神器之重,思社稷之

外殲,雄心內沮,便欲爲僭大號,逐其姦心。 初,景既平京邑,便有篡奪之志,以四方須定,且未自立,既巴陵失律,江、郢喪師,猛將 其謀臣王偉云「自古移鼎,必須廢立」,故景從

列

合並爲儀同三司。 后,以劉神茂爲司空,徐洪爲平南將軍,秦晃之、王曄、李賢明、徐永、徐珍國、宋長寶、 明皇帝,豫章安王爲安皇帝,金華敬妃爲敬皇后,豫章國太妃王氏爲皇太后,妃張氏爲皇 行弑逆,結怨海內,事幾一去,雖悔無及。」王偉固執不從。景乃矯棟詔,追尊昭明太子爲昭 其太尉郭元建聞之,自秦郡馳還,諫景曰:「四方之師所以不至者,政爲二宮萬福,若遂 尹思

等奉進一觴。」太宗知其將弑。乃大酣飲酒,旣醉還寢,脩纂以帊盛土加於腹,因崩焉。 十月壬寅夜、景遣其衞尉彭儁、王脩纂奉酒於太宗曰:「丞相以陛下處憂旣久,故令臣 景以哀太子妃賜郭元建,元建曰:「豈有皇太子妃而降爲人妾。」竟不與相見。

斂

用

、法服、以薄棺密瘞於城北酒庫。

指所居殿謂之曰:「龐涓當死此下。」又曰:「吾昨夜夢吞土,卿試爲思之。」 不害曰:「昔重耳 饋塊,卒反晉國,陛下所夢,將符是乎。」太宗曰:「儻幽冥有徵,冀斯言不妄耳。」至是見弑, 初,太宗久見幽縶,朝士莫得接覲,慮禍將及,常不自安,惟舍人殷不害後稍得入,太宗

東陽歸順,仍遣元頵及別將李占、趙惠朗下據建德江口。尹思合收景新安太守元義,奪 是月、景司空東道行臺劉神茂、儀同尹思合、劉歸義、王曄、雲麾將軍桑乾王元頵等據 實以土焉。

其兵。

張彪攻永嘉,永嘉太守秦遠降彪。

十一月、景以趙伯超爲東道行臺、鎭錢塘、遺儀同田遷、謝答仁等將兵東征神茂。

索九昇爲護軍將軍。 赤足丹觜,形似山鵲,賊徒悉駭,競射之不能中。 景矯蕭棟詔,自加九錫之禮,置丞相以下百官。 南兗州刺史侯子鑒獻白獐,建康獲白鼠以獻,蕭棟歸之于景。 景以劉勸、戚霸、朱安王爲開府儀同三司, 陳備物於庭,忽有野鳥翔於景上,「鳥」 景以郭

|元建爲|南兗州刺史,太尉、北行臺如故。

入蹕,乘金根車,駕六馬,備五時副車,置旄頭雲罕,樂儛八佾,鍾虡宮懸之樂,一 景又矯蕭棟詔,追崇其祖爲大將軍,考爲丞相。 自加冕,十有二旒,建天子旌旗,出警 如舊儀。

尤多,或匹馬孤行,自執覊絆。 民尚書爲殿中尚書,五兵尚書爲七兵尚書,直殿主帥爲直寢。景三公之官動置十數,儀同 蕭棟爲淮陰王,幽于監省。僞有司奏改「警蹕」爲「永蹕」,避景名也。 壇,有兎自前而走,俄失所在。 載鼓吹,橐駝負犧牲,輦上置筌蹄、垂脚坐。 景又矯蕭棟韶,禪位於己。於是南郊,柴燎于天,升壇受禪文物,並依舊儀。以轜車牀 叉白虹貫日。 其左僕射王偉請立七廟。 景曰:「何謂爲七廟。」偉曰:「天子 景還升太極前殿,大赦,改元爲太始元年。 景所帶劍水精標無故墮落, 手自拾之。 。改梁律爲漢律,改左 將登 封

列

八六〇

祭七世 爺名標。」衆聞 祖 考, 故置七廟。」幷請七世之諱,敕太常具祭祀之禮。 咸竊笑之。 景黨有知景祖名周者、三三自外悉是王偉制其名位, 景曰:「前世吾不復憶,惟阿 以漢司徒侯

霸爲始祖,

晉徵士侯瑾爲七世祖。 十二月,謝答仁、李慶等至建德,攻元顯、李占棚,大破之,執顧、占送景。 景截其手足

於是追尊其祖周爲大丞相,父標爲元皇帝

徇之,經日乃死

之。 元建率步軍趣小峴,侯子鑒率舟師向濡須,曜兵肥水,以示武威。 郭元建、侯子鑒俄聞王師旣近,燒合肥百姓邑居,引軍退,子鑒保姑孰 景二年正月朔,臨軒朝會。 景自巴丘挫衂,軍兵略盡,恐齊人乘釁與西師掎角,乃遣郭 子鑒至合肥, ,元建還廣 攻羅城,剋 陵

時謝答仁攻劉神茂,神茂別將王曄、麗通並據外營降答仁。「三〕劉歸義、尹思合等懼,各

棄 城 走。 神茂孤危,復降答仁。

以觀 懼吾之强,必欲遁逸,不擊,將失之。」景復命子鑒爲水戰之備。 「西人善水戰,不可與爭鋒,往年任約敗績,良爲此也。 田 遷等還京師。 其變。」子鑒乃捨舟登岸,閉營不出。僧辯等遂停軍十餘日,賊黨大喜,告景曰:「西師 王僧 辯軍至蕪湖,蕪湖城主宵遁。 是月,景黨郭長獻馬駒生角。三月,景往姑孰, 景遣史安和、宋長貴等率兵二千,助子鑒守姑孰。 若得馬步一交,必當可破,汝但堅壁 子鑒乃率步騎萬餘人渡洲, 巡視壘栅,又誠子鑒曰:

幷引 水軍俱進,僧辯逆擊,大破之,子鑒僅以身免。 景聞子鑒敗,大懼涕下,覆面引衾以臥,

良久方起,歎曰「誤殺乃公」」

侯子鑒、史安和、王僧貴各棄栅走。 僧辯父墓,剖棺焚屍。 僧貴等,於石頭東北立栅拒守。使王偉、索超世、呂季略守臺城,宋長貴守延祚寺。 及諸將遂於石頭城西步上連營立栅,至于落星墩。 臺 三城內。 僧辯進軍次張公洲。 僧辯焚景水栅,入淮,至禪靈寺渚,景大驚,乃緣淮立栅,自石頭至朱雀航 王僧辯等進營於石頭城北,景列陣挑戰。 景以盧暉略守石頭,統奚斤守捍國城。 盧暉略、紇奚斤並以城降。 景大恐, 自率侯子鑒、于慶、史安和 僧辯率衆軍奮擊,大破之。 悉逼百姓及軍士家 遣掘王 累入 僧辯 王

息久之。 南岸,皆乃所親見。今日之事,恐是天亡。乃好守城,我當復一決耳。」仰觀石闕,逡巡 揚名河、朔,與高王一種人。。今來南渡大江,取臺城如反掌,打邵陵王於北山,破柳仲禮於 子 · · 今宮中衞士,尚足一戰,寧可便走,棄此欲何所之。」景曰:「我在北打賀拔騰,破葛榮, 侯子鑒等奔廣陵。 景旣退敗,不入宮,斂其散兵,屯于闕下,遂將逃竄。王偉攬轡諫曰:「自古豈有叛天 乃以皮囊盛二子挂馬鞍,與其儀同田遷、范希榮等百餘騎東奔。 王偉委臺城竄 歎

王僧辯遣侯瑱率軍追景。 景至晉陵,劫太守徐永東奔吳郡,進次嘉興,趙伯超據錢塘

列

傳

第五

侯

景

灰 于王僧辯。 拒 千人 之。 和 酒飲之。及景首至江陵,世祖命梟之於市,然後煑而漆之,付武庫。 景退 單 舸 傳首 還吳郡,達松江,而侯瑱軍掩至, 走,推墮二子於水,自滬瀆 远臺。 曝屍於建康市,百姓 入海。 景衆未陣,皆舉幡乞降。 (爭取屠膾噉食,焚骨揚灰。 至壺豆洲,「雪」前太子舍人羊覷殺之,「雪」送屍 景不能制,乃與腹心 會罹其禍者, 乃以

毎使 林 死 披 乘馬,每戰 園 青 彈 袍 人 曾 景 窮 射鳥 ,或以牙梳插髻。 於石頭 長 不滿 Щ 將勝 鳥。 野討捕焉。 立大春碓,有犯法者,皆擣殺之,其慘虐如 七尺,而眉目疏秀。 ,輒躑躅 謀臣王偉不許輕出,於是鬱怏,更成失志。 嘶鳴,意氣駿逸,其奔衂,必低 普通中,童謠 牀上常設胡牀及筌蹄,
(三)著靴 性猜忍,好殺戮。 曰:「青絲白馬壽陽來。」後景果乘白馬,兵皆青衣。 刑 頭 不 垂脚坐。 人或先斬手足, 此。 前 所居殿常有鵂鶹 自篡立後,時著白紗帽,而 或匹馬遊戲於宮內,及華 割舌劓鼻,經日方 鳥鳴,景惡之, 所 尙

可悔 良足 朱异 夜 出 慰懷 分說 也。」朱异接聲而對曰:「聖明御宇,上應蒼玄, 視 初, 事 所 中 了,至武 。」及太淸二年,景果歸附,高祖 夢,异日 大同 德閣 中,高祖嘗 ...「此豈宇內方一,天道前 獨言「我家國 1夜夢 中原牧守皆以 **猶若金甌** 欣然 無 見其徵乎。」高 自悦,謂 地來降, 傷缺, 北土遺黎,誰不慕仰,爲無機會,未達其 舉朝 與 今便受地, 詎 (神通 稱慶,寤甚悅 祖 乃 曰:「吾爲人少 議納之, 是事宜 之。 而 夢, 一; 脫 意 旦見 猶 昨 致 1未決。 中書舍人 紛紜,非 夜 感此, 曾

言,又信前夢,乃定議納景。及貞陽覆敗,邊鎭恇擾,高祖固已憂之,曰:「吾今段如此,勿作 心審事,殊有可嘉。今若拒而不容,恐絕後來之望,此誠易見,願陛下無疑。」高祖深納异 今侯景據河南十餘州,分魏土之半,輸誠送款,遠歸聖朝,豈非天誘其衷,人獎其計,原

晉家事乎?」

昭陽殿,化作單于宮。」大同末,人士競談玄理,不習武事,至是,景果居昭陽殿。 先是,丹陽陶弘景隱於華陽山,博學多識,嘗爲詩曰:「夷甫任散誕,平叔坐談空,不意

死三湘。」又曰:「山家小兒果攘臂,太極殿前作虎視。」掘尾狗子,山家小兒,皆猴狀。 天監中,有釋寶誌曰:「掘尾狗子自發狂,當死未死嚙人傷,須臾之間自滅亡,起自汝陰 景遂

覆陷都邑,毒害皇室。

羊者,非佳物也。今據御坐,將有變乎。」旣而天子蒙塵,景登正殿焉。 |大同中,太醫令||朱||枕||當直禁省,如果以無何,夜夢犬羊各一在御坐,覺而惡之,告人曰:「犬

鹽以進景。問曰:「好不。」景答:「所恨太鹹。」僧通曰:「不鹹則爛臭。」果以鹽封其屍。 時僧通在坐,奪景弓射景陽山,大呼云「得奴已」。景後又宴集其黨,又召僧通,僧通取肉搵 里,人莫能知。初言隱伏,久乃方驗,人並呼爲闍梨,景甚信敬之。景嘗於後堂與其徒共射, 及景將敗,有僧通道人者,意性若狂,飲酒噉肉,不異凡等,世間遊行已數十載,姓名鄉

八六四

及囚 王偉, [送江陵,烹於市。 陳留人,少有才學,景之表、啓、書、檄,皆其所製。 百姓有遭其毒者,並割炙食之。 景旣得志,規摹篡奪,皆偉之

|玄搆禍,方之羯賊,有逾其酷,悲夫! 將亡,必降妖孽。 濟,長戟强弩,淪覆宮闕,禍纏宸極,毒徧黎元,肆其恣睢之心,成其篡盜之禍。 侯景小豎,叛換本國,識不周身,勇非出類,而王偉爲其謀主,成此姦慝。 史臣曰:夫道不恒夷,運無常泰,斯則窮通有數,盛衰相襲,時屯陽九,蓋在茲焉。 雖曰人事,抑乃天時。 昔夷齊亂夏, 犬戎厄周, 漢則莽、卓流災, 晉則敦、 驅 率 醜徒,陵 嗚呼

國之

江

若乃

校勘記

- 魏以 爲司徒南道行臺 南道行臺,南史作河南道大行臺,與北齊書神武紀合。 此句當有脫誤。
- 乃與豫州刺史高 荆州刺史」十四字各本俱脱, 成廣州刺史暴顯潁州刺史司馬世 今據通鑑考異補入。 雲荆州刺 按:豫州刺史高成, 史郎 椿 魏書孝靜紀作「高元成」。 「暴顯潁州刺 史司 馬 世 雲
- = 洛州刺史可朱渾願 「可」字各本皆脫。 可朱渾是姓,願是名。 今補
- 29 高祖乃下詔封景河南王 「王」字各本皆脫了據南史及通鑑太清元年紀補。

- C五〕大行臺 「大」各本譌「入」,據南史改正。
- ハベ 西陽太守羊思建爲殷州刺史 「建」,周書楊忠傳及通鑑梁武帝太淸元年紀作「達」。
- ファン 入秦則秦人不容歸吳則吳人不信 「入秦」之「秦」字,「歸吳」之「吳」字,各本脫,據北齊書文

襄紀及文苑英華六八五補。

曲爲口端之說 「口端」北齊書文襄紀作「無端」,文苑英華六八五作「異端」。 按「口端」疑當作

「兩端」,景報書有「又見誣兩端」語可證。

八 元 U 寧使我負人不使人負我 北齊書文襄紀作「寧人負我, 不我負人」。 文苑英華六八五作「寧使

人負我,不使我負人」。

10〕 咫尺不遠 「遠」各本譌「送」,據北齊書文襄紀改。

而羣率恃雄 「率」各本作「卒」、形近而譌、今改正。 按:率與帥同,北齊書文襄紀作「帥」。

CIII) 勞而後受 「受」,北齊書文襄紀作「授」。

然紂有億兆夷人卒降十亂桀之百剋終自無後 北齊書文襄紀無「紂有」二字、「桀」作「紂」。按:

作「紂」是。「紂之百克而卒無後」,見左傳宣公十二年。

[18] 被我虎文 「虎」各本作「獸」,殿本亦漏未回改。

二吾 熊虎 齊奮 「虎」各本作「豹」,乃姚思廉避唐諱改,今據北齊書文襄紀回改。

八六五

- (1次) 三分鼎峙 「三」各本譌「二」,據北齊書文襄紀改。
- 生 於是詔合州刺史鄱陽王範爲南道都督 「合」各本作「郢」,據南史、通鑑及鄱陽王範傳改
- 景留其中軍王顯貴守壽春城 「中軍」下,南央有「大都督」三字,「王顯貴」作「王貴顯」。

任忠傳亦作「王貴顯」。

- 新淦公大成 使援庾信 「援」各本作「授」,據南史改。 「新淦公」各本作「新塗將軍」,又脫「大成」二字,今據齊史改補。 按:通鑑亦作

「新塗公大成」,胡三省注:「新塗或作新淦。 沈約志:新淦縣,漢屬豫章郡。」作新淦是。

- [11] 綸司馬莊丘惠達 通鑑作「莊丘惠」,無「達」字。
- 景造諸攻具及飛樓橦車登城車鉤堞車階道車火車 「鉤」各本作「登」,據南史改。
- 邵陵王編與臨城公大連等自東道集于南岸 「城」各本作「成」,據南史改。下同。
- [IB] 非令不行 「令」疑當作「金」。
- 至 新城戍主戴僧易據縣拒之 「主」字,各本脫,據通鑑補。「易」通鑑作「遏」。
- (三六) 元景龍爲陳留王 「龍」南史作「襲」。
- 異彼洋音同茲荐食 義,謂高洋不欲與梁修好,而懷有荐食江南之意。 「洋音」不可解。 疑「洋」字是「泮」字之譌。蓋取詩魯頌泮水「懷我好音」

白虎磯北,又東逕貝磯北,又東逕黎磯北。」

二党 以張化仁閻洪慶守魯山城 「閻」,本書簡文帝紀作「門」。

忽有野鳥翔於景上 删府元龜九五一「景」下有「庭」字。 疑本作「翔於庭上」,「庭」譌爲「景」,

而 元龜所引,則又多一「景」字。 南史「景」下又有「册書」二字。

[三]】景黨有知景祖名周者 「周」,南史作「乙羽周」。

神茂別將王曄麗通並據外營降答仁 「曄」各本譌「華」,據通鑑梁元帝承聖元年改。「麗」通鑑

作「酈」、疑作「酈」是。

至虚豆洲 「壺」南史作「湖」,本書羊鵑傳及通鑑作「胡」。

前太子舍人羊鯤殺之 按羊鵾傳,「鯤」字作「鵾」,從鳥不從魚。 然傳稱「字子鵬」,當取莊子鯤

化爲鵬之意,則作「鯤」是。

呈 牀上常設胡牀及筌蹄 「牀上」太平御覽七〇六作「殿上」。

全公 大同中太醫令朱躭嘗直禁省 「中」字各本脫,據南史補。

曾鞏梁書目錄序

者,梁史官察之子。推其父意,又頗采諸儒謝吳等所記,以成此書。 梁書,六本紀,五十列傳,合五十六篇。唐貞觀三年,詔右散騎常侍姚思廉撰。 臣等既校正其文字,又 思廉

集次為目錄一篇而敍之曰:

哉。 有待於我者,莫不由之以至其性,遂其宜,而吾之用與天地參矣。 德如此其至也,而應乎外 也。旣成矣,必充之使可大焉。旣大矣,必推之使可化焉。能化矣,則含智之民,肖翹之物, 能累我哉。萬物之所不能累,故吾之所以盡其性也。 而 玩,未有不能明之者也。 理,小大精粗無不盡也。 蓋佛之徒自以謂吾之所得者內,而世之論佛者皆外也,故不可絀;雖然,彼惡覩聖人之內 不能樂之,未可也,故加之至意以樂之。能樂之則能安之矣。如是,則萬物之自外至者安 書曰:「思曰睿,睿作聖。」蓋思者,所以致其知也。能致其知者,察三才之道,辯萬物之 自先王之道不明,百家並起,佛最晚出,爲中國之患,而在梁爲尤甚,故不得而不論也。 此之謂窮理,知之至也。知至矣,則在我者之足貴,在彼者之不足 有知之之明而不能好之,未可也,故加之誠心以好之,有好之之心 。能盡其性則誠矣。誠者, 成也, 不惑

莫不一 者未嘗一 {易 不以此乎。 以盡萬事之理,道足以爲一方, 者,固其所以爲失也。 妙 應物而 使之化者其 而由 而 曰「智周乎萬物而道濟乎天下,故不過。」此聖人所以兩得之也。 之以 不息者也, 此聖人之內也。 出乎 元與 教 是以覆露乎萬物,鼓舞乎羣衆,而未有能測之者也,可不謂神矣乎。 德如彼,可不謂聖矣乎。 人理。 其爲君臣、父子、兄弟、夫婦者,莫不一出乎人情,與之同 則佛之徒自以謂得諸 人同,此吾之道所以爲天下之達道也。 故與之處而安且治之所集也,危且亂之所去也。 夫得於內者, 未有不可行於外也; 有不可行於外者, 斯不得於內矣。 而不足以適天下之用,此百家之所以兩失之也。 聖人者,道之極也,佛之說其有以易此乎。 內者,亦可謂妄矣。 旣聖矣,則無思也,其至者循理 故與之爲衣冠、飲食、冠昏、喪祭之具, 其吉凶而防 智足以知一 與之所處者其具如此, 而已;無為 求其有以易此 也,其動者 偏,而 神也者,至 其憂患者, 佛之失其 不足

以 傳之者,使知君子之所以距佛者非外,而有志於內者,庶不以此而易彼也。 夫學史者將以明 一代之得失也,臣等故因梁之事,而爲著聖人之所以得及佛之所以失

臣鞏等謹敍目錄,昧死上。

